







5.14.252







CONFESSARIUS MONIALIUM

Cum novissimis Additionibus .



THE HISTORY OF
THE LANCASHIRE
SHIRE

FROM THE
EARLIEST PERIODS TO THE PRESENT

CONFESSARIUS MONIALIUM

Commoda, Brevi, & Practica
Methodo Instructus

*Circa earum Obligationes, Privilegia,
& cætera ferè omnia ad hanc Ma-
teriam spectantia*

A P. D.

CAJETANO DE ALEXANDRIS

Clerico Regulari Sacræ Theologiæ
Professore.

EDITIO QUARTA

Pluribus in locis locupletata.



VENETIIS,

Ex Typographia Balleoniana.

M. DCCXXVIII.

Superiorum Permissu, ac Privilegiis.





LECTORI.

Miraris, quòd argumen-
to à tot eruditissimis
Scriptoribus illustrato
ego quoque ausim te-
nuem calamum admovere? U-
nam excipe audaciæ meæ excu-
sationem. Qui operis novitate
placere non potui, studui bre-
vitate juvare; levabit sanè pro-
lixæ iuquisitionis laborem coacta
in angustum materia. Hùc ego
spectavi. Conatum approba, si
rem non potes. Fruere opere,
si placet, & quæ placere non
possunt, excusa.

I⁶ N D E X

Capitum , & Paragraphorum.

C A P U T I.

De Monialium obligationibus ratione status.

- §. 1. **D**E obligatione monialium tendendi ad perfectionem. pag. 11.
§. 2. De obligatione monialium ratione regulæ. 13.

C A P U T II.

De Puellarum receptione ad habitum.

- §. 1. De conditionibus requisitis in puellis recipiendis. 18
§. 2. De exploratione voluntatis. 26
§. 3. De Anno Probationis. 30
§. 4. De Bonorum renunciatione. 38
§. 5. De Dote ante professionem solvenda. 49
§. 6. De monialium Professione. 61

C A P U T III.

De Monialium Consecratione. 73

C A P U T IV.

De Voti Paupertatis obligatione.

- §. 1. De natura Voti Paupertatis. 79
§. 2. De Peculio , & ejus usu. 89
§. 3.

| | |
|--|---------|
| § 3. De licentia requisita ad licitè distrabendum. | 7 98 |
| §. 4. De largitione munerum. | 104 |

CAPUT V.

| | |
|-------------------------------|-----|
| De Voto Religiosæ Castitatis. | 110 |
|-------------------------------|-----|

CAPUT VI.

De Monialium subjectione erga Superiores ex vi voti Obedientiæ.

| | |
|---|-----|
| §. 1. De natura voti obedientia. | 119 |
| §. 2. De subjectione quoad Ordinarium. | 127 |
| §. 3. De subjectione erga Prælatum regularem. | 140 |
| §. 4. De subjectione quoad canonicam Visitationem. | 143 |
| §. 5. De subjectione quoad penas. | 148 |
| §. 6. De subjectione quoad Confessarium. | 151 |
| §. 7. De Officio Confessariorum. | 157 |
| §. 8. De confessario quoad absolutionem à reservationis. | 168 |
| §. 9. De Confessario Monialium quoad sigillum Confessionis. | 179 |
| §. 10. De Confessario quoad sollicitationem. | 187 |
| §. 11. De Confessario quoad Moniales scrupulosas. | 196 |
| §. 12. De Confessario quoad Moniales habentes visiones, &c. | 205 |
| §. 13. De Confessario Extraordinario. | 212 |

CAPUT VII.

De Monialium obligatione quoad Clausuram.

| | |
|-------------------------------|-------|
| §. P. De Clausura in communi. | 221 |
| A 4 | §. 2. |

- §. 2. De licentia ad ingrediendam Clausuram
requisita. 228
- §. 3. De causa requisita ad concedendam di-
ctam licentiam. 234
- §. 4. De Clausura quoad ingressum Prælatorum
238.
- §. 5. De Clausura quoad ingressum officialium,
&c. 243
- §. 6. De Clausura quoad ingressum Confessarii. 249
- §. 7. De Clausura quoad mulierum ingressum. 257
- §. 8. De Clausura quoad puellas in educationem
recipiendas. 263
- §. 9. De Clausura quoad Monialium egressum. 271
- §. 10. De Clausura quoad accessum extraneorum. 282
- §. 11. De pœnis contra violantes Clausuram. 300

C A P U T VIII.

De præcipuis Monialium obligationibus.

- §. 1. De Horarum Canonicarum obligatione. 310
- §. 2. De obligatione quoad Missam. 321
- §. 3. De obligatione quoad Confessionem, &
Communione. 326
- §. 4. De obligatione quoad jejuniorum, & Festo-
rum observantiam. 331

C A P U T IX.

De obligationibus Monialium quoad ele-
ctionem Abbatisse.

- §. 1. De qualitatibus eligenda in Abbatisa. 342
- §. 2. A quibus, & quomodo eligenda sit Abbatis-
sa. 347
- §. 3. Per quot annos debeat eligi Abbatisa. 352
- §. 4. De confirmatione, & benedictione Abbatis-
sa. 354

CA-

CAPUT X.

De Monialium Privilegiis.

358

CAPUT XI.

*De particularium Monialium obligationibus
& privilegiis.**§. 1. De obligationibus, & privilegiis Abbatisse.*

371.

*§. 2. De Vicaria, & Discretarum, seu Decanarum
obligationibus.*

393

*§. 3. De obligationibus & privilegiis Magistra
Novitiarum.*

397

§. 4. De obligationibus & privilegiis Novitiarum.

404

§. 5. De Sacristana obligationibus & privilegiis.

415.

§. 6. De Infirmarum obligationibus & privilegiis.

425

§. 7. De Infirmaria obligationibus, & privilegiis.

443.

§. 8. De Aromataria obligationibus & privilegiis

448

§. 9. De Celleraria obligationibus, & privilegiis.

455

*§. 10. De Lanitoria Rotaria, & Ascultatricum o-
bligationibus.*

462

*§. 11. De Conversarum obligationibus, & privile-
giis.*

469

*§. 12. De Tertiariarum obligationibus, & privi-
legiis.*

480

D. ANTONIUS MARIA CORREALE
Congregationis Clericorum Regula-
rium Præpositus Generalis.

Hoc Opus inscriptum *Confessarius Monia-
lium* à P.D. Cajetano de Alexandris no-
strę Congregationis Theologo compositū ,
& juxta assertionem Patrum, quibus id cõ-
mi simus, approbatum, ut Typis mandetur,
quoad Nos spectat, facultatem concedimus.
In quorum fidem præsentēs litteras manu
propria subscripsimus, & solito nostro Si-
gillo firmavimus.

Dat. Romę die 24. Septembris 1712.

D. Antonius Maria Correalẽ Præpositus
Generalis Clericorum Regularium.

D. Joseph. Maria Alprandi Secret.

N O I R I F O R M A T O R I .

dello Studio di Padoa.

HAvendo veduto per la Fede di revisione, & ap-
provazione del P.F. Tomaso Maria Gennari In-
quisitore, nel Libro intitolato ; *Confessarius Monia-
lium* &c. Instructus à P. Cajetano de Alexandris
Clerico Regulari, non v'esser cosa alcuna contro la
Santa Fede Cattolica, e parimente per attestato del
Segretario Nostro, niente contro Principi, e buoni
costumi, concedemo Licenza che possi esser stam-
pato, osservando gl'ordini in materia di Stampe, e
presentando le solite copie alle Publiche Librarie
di Venetia, & di Padoa.

Dat. 18. Settembre 1712.

{ Gerolamo Venier Kav. Proc. Rif.

{ Gio: Francesco Morosini Kav. Rif.

Agostino Gadaldini Segr.
CON-



CONFESSARIUS MONIALIUM.

CAPUT PRIMUM.

De Monialium obligationibus.

§. I.

De obligatione Monialium tendendi ad perfectionem ratione status.



Virgines contemplativam, & cenobiticam vitam profitentes, variis in primitiva Ecclesia fuerunt nominibus nuncupate, & quidem omnibus sanctitatem præferentibus. Sacerdotes illas appellavit Basiliius, Deo Sacratas Fulgentius, & velatas Christi Sponsas Optatus. Hoc nostro ævo intitulantur Moniales à Græco nomine *Μονίς*, quod *solitudinem captantes* significat. Hæc tam speciosa, & plena Religionis vocabula enunciant, quales exprimi debeant à Sacris Virginibus mores; unde meritò Tractatum hunc ab obligatione, qua tendere ad perfectionem tenentur, exordimur. Igitur.

Quar. 1. Utrum Moniales teneantur ex vi suæ professionis tendere ad perfectionem.

1. Resp. Affirmativè, quia hæc est obligatio sui status, & in quo differunt à laicis. Nam statui laicorum solum dicitur à Christo Matthæi 19. *Serva mandata.* Statui verò Religiosorum, qui insinuatur illis verbis, *Si vis perfectus esse*, ulterius dicitur, *Vade, & vende quæ habes, & da pauperibus, & veni, & sequere me*; per quod denotantur consilia, & per consequens perfectionis sequela. Non tenentur tamen tendere ad perfectionem, per omnia opera consiliorum, aut supererogationis, sed per illa tantum, quæ sunt secundum Regulam, & observantias sui Ordinis, quia non se obligaverunt nisi ad illam perfectionem, quæ mediis institutis suæ Religionis comparari potest. Neque tenentur esse perfectæ in facto esse; quia status Religionis non est status perfectionis acquisitæ, sed acquirendæ. Unde neque tenentur ex vi hujus obligationis domitas, seu superatas habere omnes suas passiones inordinatas; sed sufficit, ut ad eas vincendas, quantum poterint, conentur.

Quar. 2. An prædicta obligatio tendendi ad perfectionem sit sub mortali.

Resp. Affirmativè, quia est de regravissima, quam noverunt, & in qua consistit substantia status Religiosi. Ita Corduba, & Rodriguez *1. l. 99, Regul. 9. 48. art. 1.* Non esse tamen obligationem distinctā ab obligatione servandi vota, & observantias regulares, probabilius est, ut notat Sanchez *in Decal. lib. 6. c. 5. n. 5.* Quia culpæ, & præcepta nisi ex evidentissimis rationibus sunt multiplicanda; cumque versetur in materia odiosa, quod minimum est, sequendum.

Quar.

Quar. 3. Quando contra hoc præceptum peccent Moniales.

Resp. Peccare contra hoc præceptum, quando transgrediuntur regulam, etiam si ad venialem tantum, vel ad nullam culpam obligaret, eo fine; ut impediunt perfectionem, aut quando firmiter statuunt apud se, nullo modo curare de perfectione sui status, quia hoc est directè contra id, quod promiserunt. Valentia, Vasquez & alii. Item quando intervenit contemptus consiliorum, quibus pervenitur ad perfectionem. Cajetan. 2.2. qm. 86. art. 9. Talis autem contemptus tunc intervenit, quando Monialis refugit subjici consiliis divinis, ut à Deo traditis; vel quando parvi aestimat opera ipsa consiliorum, ita ut illa secundum se vilipendat. Quare si Monialis spiritualem profectum, & divina consilia, ut à Deo tradita, reveretur, & tantum de illis non curat, quia non tenetur ad illa, nec sunt necessaria ad salutem, non peccat mortaliter. Sanchez *loc. cit. num. 9.* ubi subdit, venialiter tamen peccare, quia aliqualis contemptus est omittere intentionem, & executionem mediorum conducentium ad profectum spirituales.

§. II.

*De obligatione Monialium ratione
Regulae.*

Quar. 1. **A**N, & quo genere obligationis teneantur, Moniales servare Regulam, seu Constitutiones, & statuta sui Ordinis.

Resp. Teneri, equidem, quia Regula, & Constitutiones participant rationem legis,
cui

cui se subjecerunt per promissionem factam in professione. Qua autem obligatione teneantur, an scilicet ad culpam, vel ad penam tantum, vel ad utramque, ex ipsis regulis metiendum est. Advertendum tamen, quodd si Regulæ, seu Constitutionum transgressio fiat ex contemptu formali, semper est peccatum mortale, ut diximus suprà de obligatione tendendi ad perfectionem, quia est peccatum inobedientiæ formalis; & hoc verum est, etiam si Regulæ non obligent ad ullum peccatum, vel ad veniale tantum, quia licet materia sit levis, contempus tamen est gravis, & formalis. Ita Navar. Cord. Valent. & Barthol. à S. Fausto in *Thesauro Religios. lib. 6. quest. 157.* Quodd si transgressio Regulæ, ad nullam culpam obligantis, oriatur ex nimia cupiditate erga aliquid, & non ex alio malo fine, est peccatum veniale, quia dato, quodd à Regula non esset prohibita illa actio, esset tamen culpa ex libidine, id est ex nimia cupiditate, ergo à fortiori venialis erit, dum à Regula est prohibita. Ita D. Tho. 2.2. q. 186. art. 6. ad. 1.

Quar. 2. An Monialis, quæ passim ex consuetudine violat Regulam, quæ non obligat ad culpam, peccet mortaliter ex contemptu.

Resp. Negativè, quia contemptus inclusus in illa consuetudine non est formalis, sed interpretativus; nam formalis contemptus in solo actu interiori voluntatis perficitur, ac proindè ob solam externi operis multiplicationem induci nequit. Benè verum est, quodd consuetudo supradicta disponit ad contemptum formalem, sicuti venialia peccata sæpe reiterata disponunt ad mortale. Ita Div. Thom. loc. citat. ad 3. Quare Monialis teneatur sub mortali eam consuetudinem tolle-

re,

re, quotiescumque advertit per illam exponi periculo labendi in contemptum formalem, vel votorum transgressionem, vel etiam præbendi aliis occasionem transgressionis. Sicut, quamvis consuetudo jurandi non possit dici peccatum mortale, at negligentia illam extirpandi, animadverso perjuriorum periculo inde consurgente, est lethalis, Sanch. in Decal. lib. 6. cap. 4. n. 21.

Quar. 3. An quando Regula consuetudine laxata est, teneantur Moniales in suo pristino rigore eam servare.

Resp. Quodd si Regula accipiat prout dicit tria substantialia religionis vota, debet exactè in suo pristino rigore servari, quia tria vota obligant ex jure divino naturali, adversus quod nulla consuetudo prævalere potest. Si verò regula accipiat quatenus præscribit alia tribus votis adjuncta, inter quæ ad numerandum est modus paupertatis, & obedientiæ, potest consuetudine tolli, quia sicuti cum Superior dispensat in aliqua ex illis legibus, excusatur à culpa non observans, excusabuntur similiter Moniales ex consuetudine non servantes aliqua ex præscriptis in regula, cum contra legem eadem sit vis consuetudinis, & dispensationis. S. Thom. 4. dist. 38. qn. 1. art. 3. quæstion. 1. ad 5. & ibi Cajetan. Turrecrem. Palac. alique plurimi relati à Sanchez lib. 6. cap. 2. n. 26.

Quar. 4. An saltem si regula reformetur, & ad pristinum statum restituatur, teneantur illam sic reformatam servare.

Resp. Si Moniales tempore professionis limitatam habuerant intentionem, non se amplius obligandi, quàm ad illam regulam sic relaxatam, tunc non tenentur reformatam servare, quia actus non obligant ultra intentionem.

nem agentium. Ita multi apud Sanchez. *loc. cit. num. 39.* Si verò absque illa expressa limitatione professæ sunt, tenentur regulam sic reformatam amplecti; quia spontè sua in religione profitentes, se ita regulæ, & vitæ religiosæ subijciunt, ut paratæ esse debeant, quantum ex se est, ad conservationem ipsius procurandam: quare si bonus religionis status collapsus sit, tenentur moniales pati, ut instaretur, & per consequens tenentur etiam regulam sic instauratam observare. Sanch. *loc. cit.* alique plurimi ibi relati. Licet tamen regulares regulam, quam professi sunt, teneantur observare, & cogendi sint; nihilominus Moniales, quæ non ita exactè eam observant, veluti in jejuniis, in comedendo carnes, gestando indusium lineum, recitandis horis matutinis certa hora noctis, sunt tolerandæ, ut in monialibus Santi Benedicti; & hoc esse juxta mentem Gregorii XIII. asserit Pignat. *tom. 8. consult. 45. num. 25.*

C A P U T I I.

De Puellarum receptione ad habitum Religionis.

§. I.

De conditionibus requisitis in Puellis recipiendis.

Quæ. 1. **Q**Uæ conditiones attendi debeant in puellis ad habitum recipiendis.

Resp. Varias præscribi conditiones cum jure

re naturali, tum jure Pontificio, tum jure particulari singularum Religionum. Idèd hæc omnia attendere debent moniales Deum solum, & bonum Religionis præ oculis habentes, omni carnis sanguinisque interesse postposito. Solùm igitur idoneas quoad tempus, & vires recipiant, considerata religionis austeritate majori, vel minori, attentisque laboribus, ad quos assumuntur puellæ. Si enim aliqua in cõversam recipiatur viribus destituta, certum est, quòd non erit habilis; & similiter si ad asperrimam Capucinarum religionem assumatur aliqua delicatula, & debilis, non attenditur in hoc bonum religionis.

Quer. 2. An ament in aliquo genere, sed in reliquis ratione utens, possit ad probationem, & professionem admitti.

Resp. Ex Bordon. *variar. res. p. 2. res. 54. n. 25.* affirmativè quia cognoscit quid experietur, & ad quid se obliget, ut suppono. Imò ejusmodi personæ potiùs simplices, & leves, quàm amentes dicendæ sunt. Item si dementia superveniat Novitiæ jam receptæ, non per hoc tenetur vel novitiatum denuò incipere, vel phrænesis tempus supplere, si per octo, vel quindecim tantùm dies duraverit, cùm tam breve tempus pro nihilo reputetur. Secùs verò est, si in dicta alienatione mentis duret per mensem, nam licèt tunc non teneatur novum novitiatum incipere, cùm non censeatur eo tempore novitiatus interruptus, tenetur tamen, tempus illud dementiæ supplere, quia qui rationis compos non est, disciplinam ecclesiasticam experiri non potest. Ita Sanch. & Barbosa. citati à Peyrin. *t. 2. q. 3. §. 2. n. 39.* contra Bord. *loc. cit. n. 21.* qui negat debere suppleri, & contra Suarez, qui sustinet novum novitiatum esse incipiendum.

Q U A T

Quar. 3. Ad quem spectat probare dementiam in ordine ad expellendam puellam Monasterio.

Resp. Ad illum spectare, qui vult illam excludere, *Glos. in cap. Gonsaldus 17. q. 2.* Talis autem dementia probari potest per alias moniales, cum quibus stulta conversata fuit. *Rota vol. 2. decis. 107. n. 8.* quia vicinis, & cum quibus conversamur, præsumuntur nota facta nostra, *ex c. quosdam 7. cap. quanto 8. de præsumpt.* ubi *n. 24.* dicit, dementiam esse probandam adfuisse tempore professionis, & censetur probata, si constet de amentia ante, & post professionem, quia probatis extremis, præsumitur de mediis, ut de furore argumentantur Anchar. Ruin. & Curtius junior relati à Bordon *supra n. 35.*

Quar. 4. An viduæ, & illicitè corruptæ possint ad religionis habitum admitti.

Resp. Quoad viduas affirmativè stando in jure communi, tum ex ipso usu Ecclesiæ, tum ex cap. *Vidua 20. quæst. 1. & cap. Viduas, 1. & 3.* sed viduam non convenire admittere ad habitum monachalem virginum declaravit Sacra Congr. Episcop. apud Gavant. *in Man. Episcop. v. Monialium receptionum. 7.* Quo ad scēminas verò illicitè corruptas, maximè si lapsus carnis est publicus, decens est non admitti propter scandalum cæterarum, nisi in specialibus monasteriis mulierum pœnitentium, & nisi fortè sint aliquæ circumstantiæ, quæ tale scandalum aut minuant, aut tollant. *Suar. t. 4. de relig. tract. 9. l. 1. cap. 11. num. 2. Lezana 99. regular. cap. 25. rum. 9.*

Quar. 5. An Hermaphroditus, si prævalet sexus scēmineus, possit ad religionem admitti.

Resp.

Resp. Cum communi negative, quia id esset in scandalum, & offendiculum multarum quæ ratio desumpta est *c. Definimus 18. q. 2.*

Quar. 6. An debeant attendi aliæ conditiones in puellis recipiendis.

Resp. Affirmativè, scilicèt, illas debere esse irreprehensibiles, morigeratas, ut decet sponfas Christi. Ab ipsis procul debet esse omnis defectus, qui aliis virginibus nocere possit, tum ratione mali exempli, & scandalali, tum ratione periculi inficiendi in reliquis mores, & religiosam observantiam. Unde scandalosæ petulantes excommunicatæ, hæreticæ, vel schismaticæ aut flabitiosæ, à domo Dei excluduntur, ut expresse habetur *in cap. 1. de stat. Relig. 12. in 6.* Neque debet admitti contagiosa, morbosa, aut dæmoniaca, vel furiosa, immò si talis reperiatur ante professionem, est expellenda.

Quar. 7. An puella muta, & surda, vel cæca possit ad Religionem admitti.

Resp. Affirmativè, dummodò probetur pollere intellectu perfecto, & signis posse consensum exprimere; si enim ad matrimonium carnale est apta, ut probat Sanch. *de matrimonio. li. disp. 8. nn. 12.* cur non erit ad spirituale cum nec minor obligationis notitia, nec consensus minor desideretur in matrimonio carnali, quam in spirituali? Ita pluribus adductis Diaua *in opere coord. t. 7. tra. 1. resol. 142.* ubi ex Sanch. *in sum. t. 2. lib. 5. cap. 3. nu. 2.* notat hoc non procedere, si non solum sit muta, & surda, sed etiam cæca, quia muta tantum, & surda, solis signis edoceri potest professionis naturam, quam per nutus percipere non potest si cæca; neque pariter habere locum, si cæca sit simul, & surda, quamvis non muta, licèt hoc non è natura habeat, sed casu, nequit enim

enim verbis edoceri, quia surda; nec nutibus, quia cœca.

Quar. 8. Quid agendum si recipiatur puella quæ postea detegatur gravida, & pariat in Monasterio.

Resp. Admonendum esse Episcopum, qui, si casus sit occultus, solisque Monialibus notus, & timeatur ab expulsionem scandalum, vel immineat puellæ à parentibus vitæ periculū; illam intra Monasterium detrudet in carcerē à quo non debet amoveri, nisi prius Sac. Congregatione consultata. Interim Monialibus prohibendum cum illa colloqui, & novitiatus annum non currere, rescriptis Episcopo Interamnen. Sac. Congregatio 6. Julii 1593. apud Pignat. l. 6. consult. 85. n. 214.

Quar. 9. An conditiones assignatæ à Sixto V. pro receptione, & professione novitiorum extendantur ad Moniales.

Resp. Negativè, ita enim declaravit ipse, met Sixto V. in secunda constitutione *Ad Romanum spectat*. Idem dicendum esse de Decretis Clement. VIII. & Urbani VIII. circa receptionem, & institutionem novitiorum; asserit Lezan. *loc. cit.* v. 52.

Quar. 10. An puellæ recipi possint ad habitum ante annum duodecimum expletum.

Resp. Negant Rodriq. Nald. Tamburin. *de jure Abbatiss. disput. 4. quest. 2. num. 2.* & colligunt ex Trident. *sess. 25. de regular. ca. 16* ubi sic habet: *Sancta Synodus statuit, atque decernit, ut, si puella, qua habitum regularum suscipere voluerit, major duodecim annis sit non ante eum suscipiat, nec postea ipsa, vel alia professionem emitat, quam exploraverit Episcopus &c.* Nihil tamen in hoc decreto Concilium statuere de ætate puellarum recipiendarum ad habitum religionis, docent. Sanch.

in decal. lib. 4. cap. 18. n. 33. Villalob. Miranda, Sanchez, & alii, præcipuè Medina *lib. 4. de continen. controv. 9. cap. 4.* qui interfuit Concil. Trident. quando hoc sancitum fuit. Ratio est, quia Concilium solum decernit de exploratione voluntatis earum, quæ suscipiunt habitum, & profitentur, quodd nimirum sit ab Episcopo, vel ejus Vicario exploranda voluntas, si sint majores duodecim annis. Priorem tamen sententiam amplectendam censeo; attenta declaratione Sacræ Congregationis; quam refert Vecchius *in prax. Novis. disp. 2. dub. 6.* & est tenoris sequentis: *Congregatio rescripsit aliquam puellam non debere admitti ante duodecimum annū ad habitum suscipiendū, cujus causa requiritur voluntatis puella exploratio. Non est autē voluntas Congregationis, neque Concilii, ut ante illam aetatem puella admittatur.* Quare puellæ natu minores nulloatenus admittendæ sunt, nisi impetrata licentia à Sacra Congregatione super Episcop. & Regul. quæ non nisi rarò, ac matura deliberatione illam concedere consuevit, ut advertit Pignatel. *r. 9. consult. 87. num. 35.* ubi notatur de praxi.

Quar. 11. Quid aliud requiratur ad validam puellarum receptionem.

Resp. Requiri Monialium consensum. Quia inter Monasterium recipiens, & monialem receptam fit contractus reciprocus perpetuū valiturus, si puella profiteatur, qui contractus subsistere non potest, nisi accedente reciproco consensu, quapropter monialium consensus requiritur.

Quar. 12. An debeat concurrere etiam Episcopi licentia, & Prælati, sub cujus gubernio existunt.

Resp. Affirmativè. Quia receptio est aliquo

quo modo actus jurisdictionis, quare oportet ; ut Prælati , apud quem est propria jurisdictio , concurrat . Ita Suar. *t. 4. de relig. tract. 9. lib. 10. cap. 11.*

Quar. 13. An Episcopi licentia requiratur etiam pro recipiendis puellis in monasteria Regularibus subiecta .

Resp. Videri quodd non , quia concessio hujusmodi licentiæ est actus jurisdictionis , vel saltem superioritatis , ut diximus ; Episcopus autem nullam habet superioritatem in Monasteria Regularibus subiecta ; exceptis casibus à jure , & Pontificiis Constitutionibus expressis : quodd autem talem licentiam concedere spectet ad Episcopum ; nullibi reperitur expressum . Nihilominus tenendum est , ad Episcopum spectare ; quia id pertinet ad monialium clausuram , cujus conservatio Episcopis demandatur per tridentinum , & ita declaravit Sacra Congregatio super Episcop. quam declarationem refert Pignatelli. *t. 4. consult. 171. n. 2.*

Quar. 14. An renuente Abbatisa possint Moniales recipere ad habitum religionis , ejusque probationem , puellam ingressam religionis petentem .

Resp. Posse , dummodò accedat consensus Prælati ; colligitur ex Suar. *loc. cit.* quia in actis capitularibus Abbatisa nullam exercet jurisdictionem sibi quæ tali propriam , nã jurisdictionis propriè dictæ est incapax ; ergo se habet tantum ut monialis talis monasterii , unde fit , quodd sicut renuente hac , vel illa moniali , nihilominus valida fieri potest receptio , si interveniat debitus numerus suffragiorum , sic valida etiam erit receptio , quamvis dissentiat Abbatisa .

Quar. 15. An Episcopus , vel Prælati
regu-

regularis respectu exemptarum possit in vitis monialibus alicujus monasterii aliquam monialem recipere.

Resp. Universaliter loquendo, quod non, & ita docent Abbas *cap. postularis, num. 14. de concess. praben.* & ibi Anton. *num. 11. Imola nu. 15. & 16.* ubi asserunt, expediendum ab Episcopo cum Capituli consensu indigere consensu Episcopi, & ultra illum, consensu majoris partis Capituli: & idem ait Abbas dicendum de quocumque Collegio. Verumtamen est, quod si Monasterium penuriam monialium haberet, & conventus monitus assignato sibi termino nollet admittere; in tali casu posset Episcopus, vel Prælati supplere conventus consensum; quod probant Dominic. *cap. fin. num. 5.* & ibi Francus in fine *de regul. in 6.* quos refert, & sequitur Sanch. *lib. 5. cap. 4. n. 71.*

Quar. 16. An peccent moniales mortaliter, si absque justa causa denegent votum puellæ alias idoneæ ad ingrediendam religionem.

Resp. Contra Sanchez, & Caramuel affirmativè, quia lædunt charitatem proximi in re gravi, nam unicuique mandavit Deus de proximo suo: & operantur contra bonum religionis, quia expellunt idoneas. Ita Barth. à S. Fausto, & Miranda cum aliis. Quod à fortiori locum habet in admissione ad professionem, cum ad ipsam puella, dummodo sit idonea, habeat jus acquisitum.

Quar. 17. An puella semel, ac iterum capitulariter exclusa ab admissione ad religionem, coacto iterum capitulo admitti possit.

Resp. Affirmativè ex declinatione Sacre Congregationis in *Affisien. 10. Junii . . .*
apu

apud Nicol. v. *Novita*, nu. 23. & hoc maxime locum habet, si occurrant de novo rationes id suadentes. E contra poterit puella capitaliter admissa coactio iterum capitulo novis causis supervenientibus excludi: contrariorum enim eadem est disciplina quantum ad juris dispositionem, *l. diem*, §. *stari*, ff. *de arbitris*, & notat Petegrin. p. 2. *consist.* c. 5. §. 11. & 12.

Quar. 18. An moniales possint recipere in quocumque numero puellas petentes religionis ingressum, si alias dotibus requisitis sint præditæ.

Resp. Non posse si in monasterio extet jam numerus monialium taxatus juxta decretum Concil. Trid. *sess.* 25. *cap.* 3. *de regular.* ac Constitutione S. Pii V. *Circa Pastoralis*, quibus statuitur, ut receptio monialium non fiat nisi intra numerum monialium, quæ ex redditibus, aut consuetis eleemosynis sustentari commodè possint.

Quar. 19. An possit admitti supra numerum puella, quæ secum deferat dotem, ex qua commodè valeat sustentari.

Resp. Affirmant Suar. Navar. Lezan. & alii relati à Novar. *Sum. Bull. comment.* 95. *num.* 7. Nam talis dos computari potest inter eleemosynas, aut redditus monasterii, sicque cessat ratio præsentis prohibitionis. Puto nihilominus non esse recedendum à sententia Portel. qui dicit præfatam puellam non esse recipiendam absque legitima licentia, ob expressam prohibitionem factam.

Quar. 20. An professio puellæ supra numerum admissæ sit irrita.

Resp. Affirmativè juxta dispositionem *cap. unic.* §. *sanè de statu Regular.* in 6. Talem tamen irritationem putat Sanchez consuetu ordine abrogatam, quod non admittit Castro-

Palaut

Palaeus dicens, constare de irritatione, de consuetudine vero abrogante non constare. Notat tamen Lezana *ex declaratione Sac. Congregat. sub die 6. Septembris 1604.* Moniales, quæ supra numerum præfixum in quocunque Monasterio recipiuntur, in locum morientium monialium non subrogari (nisi in licentia, quæ impetrari debet a Sacra Congregatione, teste Gavant. aliter sit dispositum.) Nec ob stare, quin aliæ in locum earundem ex numero constituto demortuarum recipi eodem modo possint, quo in uno quoque Monasterio admitti possunt intra numerum, quinimo præfatas moniales sic supra numerum receptas semper quo ad hoc manere supranumerarias, esto in cæteris nihil differant ab aliis, & iis in omnibus sint pares.

Quar. 21. Utrum Episcopus possit numerum augere, si contingat, redditus annuos ita crescere, ut ex iis possit major numerus sustentari sine dispendio monasterii.

Resp. Neque in hoc casu numerum monialium augeri posse ab Ordinario sine licentia Sacræ Congregationis. Ita pluries declaravit Sac. Congregat. *super Episcop. & Regular. in Brundusina die 12. Martii 1602. in Laurentana 27. Julii 1604. & 23. Julii 1649.* quæ non conceditur, nisi redditus ita sint aucti, ut quotannis ultra triginta aureos annuos sit aliquid reliqui, *ut in Rhegien. 29. Novembris 1600.*

§. II.

*De exploratione Voluntatis puella
recipienda.*

Quar. 1. **A**N, a quo, & quando puellæ
recipiendæ voluntas sit explo-
randa.

Resp. Ex Concil. Trident. *sess. 25. de Regular. cap. 17.* puellæ voluntatem esse explorandam ab Episcopo, vel eo absente, vel impedito, ab ejus Vicario; aut aliquo eorum sumptibus ab eis deputato. Est autem exploratio hæc bis facienda, antequam scilicet puella habitum religionis suscipiat, & professionem emittat. Si tamen alicubi legitime præscriptum, quod semel tantum voluntas exploretur, servandam esse consuetudinem, non obstante Tridentini decreto, docent Miranda, Villalob. Portel. Sanch. & Rodriquez *1. 3. qq. regular. q. 12. art. 3.* ubi in praxi testatur in Hispania servari. Ubi vero utraq; exploratio est in usu, si omittatur prima in ordine ad habitum, sufficit secunda in ordine ad professionem, & ita referunt decisum a Sacra Congregatione Praxis Episcop. *p. 1. v. Moniales.* Barbos. *de potest. Epif. allegat. 300. n. 4.* Quod si contingeret utramque explorationem omitti, peccaretur quidem mortaliter, quia violaretur constitutio Concilii Tridentini in re gravi, non tamen irrita esset professio, cum Concilium non ponat decretum irritans. Rodriquez, Barbos. Tamburin. & Sanch. *lib. 5. sum. cap. 4. nn. 284.* & ita declaravit Sacra Congreg. Concilii apud Fagnanum.

Quar. 2. Ad quid ordinata fuit hæc voluntatis exploratio.

Resp.

Resp. Ex eodem Conci. *loc. cit.* ad consulendum libertati puellarum, ad dignoscendum scilicet, an illarum electio inconsiderata sit, an seducta, an spontanea, an coacta.

Quar. 3. Quid agere debeat Episcopus, si reperiatur puellam non satis in vocatione constantem; vel vi, aut metu in monasterium detrusam.

Resp. Quoad primum, debet præfigere terminum quindecim dierum, in quo deliberet, an velit inducere habitum, aut profiteri, nec ne. Ita decisum referunt Campanil. Barbof. *allegat. cit. n. 2.* Tambur. *de jur. Abbatif. d. 4. §. 2. n. 10.* Quoad secundum, debet illam de monasterio educere, in tuto collocare, ejus libertati consulere, & si quid damni passa fuerit, illi providere expensis illius, qui eam in monasterium inclusit, qui propterea debet severe puniri. Tamb. *cit. d. 3. §. 33. q. 1. n. 9.*

Quar. 4. An dentur aliqui casus, in quibus licitum sit cogere puellas ad religionis ingressum.

Resp. Tres casus enumerat Peyrin. *t. 1. q. 1. cap. 19. concl. 2.* quorum primus est, quando puella sponte religionem vovit. Secundus, quando conjux conscia de dispositione juris consentit virum ingredi religionem, ut in ea profiteatur. Tertius, quando quis delictum commisit, per quod necesse sit in monasterium detrudi. In secundo, & tertio casu non potest cogi ad profitendum, sed ad ingrediendum religionem, vel ad continentiam servandam, vel ad luendam pœnam. Cogi insuper potest, si conjugata post duos menses renuat consummare matrimonium, ad deliberandum de religione. Si post quinqueniū dicat professionem fuisse nullam. Præter hoc casum,

fus, compellere ad religionem expresse prohibetur sub pœna excommunicationis majoris, non tamen reservatę, a Concil. Trid. *sess. 25. cap. 18.*

Quar. 5. An decretum Concilii, in quo agit de coactione, debeat intelligi de coactione proprię dicta.

Resp. Affirmativę. Ita Azor. *p. 1. lib. 13. cap. 9. q. 2.* Barbof. *allegat. 104. num. 3.* & Ileren. Armendar. testantem, ita fuisse decisum; cum enim decretum sit pœnale, debet strictę accipi, atque aded de coactione strictę, & rigorosę sumpta. Hinc neque vehemens persuasio, neque preces, nisi sint personę, a qua proveniat metus reverentialis, subsunt huic pœnę, ut notat Bonacin. *de censur. disp. 2. q. 2. pun. 1. num. 1.*

Quar. 6. An hæc excommunicatio extendatur ad dantes consilium, auxilium, consensum, aut favorem.

Resp. Affirmativę ex Concil. Trid. quia hujusmodi actus, cum sint accessorii, & correlative ad priorem actum, aliquo modo influunt in ipsum, unde meritò comprehenduntur sub prohibitione. Et ob eandem rationē extenditur pœna etiam ad scientes puellam spontē non ingredi, habitum suscipere, aut profiteri, si præsentes fuerint actui, aut consensum, aut auctoritatē interposuerint. Nominē tamen præsentię intelligitur tantum illa præsētia, quę sit ex proposito, & intentione actus prohibiti, ita ut contineat quendam tacitum consensum, ut notat Sanch. *lib. 4. Sum. c. 4. n. 21.* Unde qui præsens esset ex alia causa, non subjiceretur huic pœnę.

Quar. 7. An ad hoc, ut habeat locum hæc excommunicatio, requiratur effectus, scilicet ingressus, aut habitus susceptio, aut professio.

Resp.

Resp. Requiri, quia non imponitur nisi cogentibus ingredi &c. non dicitur autem cogi ingredi, nisi sequatur effectus, scilicet ingrui &c. Neque habet locum, si coactio non sit ad vitam religiosam suscipiendam, ut notant Navar. Rodriguez, Zerol. Sanch. & Bonac. *dis. cit. p. 2. nu. 6.*

Quar. 8. An pro hac coactione inducenda sufficiat metus.

Resp. Non esse dubitandum, si metus sit gravis, quin ad inducendam coactionem sufficit, quod actus non sit voluntarius; actus autem ex metu elicitus voluntarius non est; quia voluntas meticulosa habet in superficie volitionem, & in medulla nolitionem, *l. Ni. hil. ff. de regul. jur. Bald. in cap. quisquis nume 11. de elect.*

Quar. 9. An metus reverentialis sufficiat ad hanc excommunicationem contrahendam.

Resp. Si ex se concipitur a puella ob reverentiam parentum absque illorum cooperatione, non sufficit, quia in tali casu parentes non se habent activè, ita tenent Rodriguez, Ricus, Tamb. & Portel. *in dub. Regular. v. Moniales* 12. Si verò oritur ex declaratione voluntatis parentum, aut consanguineorum, contrahitur præsens excommunicatio, siquidem in iure habetur ratio hujus timoris, unde non contradicens ob reverentiam non censetur consentire, *l. si cum dote, §. eo autem tempore, ff. de solut. matrim.* Rursus reverentia parificatur cum metu, *l. 1. §. quæ oneranda, quar. rer. act. non det.*

Quar. 10. An peccent moniales scienter recipientes puellam coactâ suscipere habitum religionis, vel professionem emittere.

Resp. Quod sic, & quidem mortaliter,

Peyrin. 1. . 9. 3. c. 1. §. 2. Si enim cogentes ad ingressum mortaliter peccant, peccabunt quoque moniales, quia recipientes puellam cooperantur actui injurioso libertati, & consequenter peccaminoso. Imo incidunt etiam in prædictam excommunicationem, quia coactio ad ingressum, & admissio in presenti casu sunt correlativa, quia coactio, ut diximus, debet intelligi cum effectu, de natura autem correlativorum est, quod dictum de uno, de altero quoque dictum esse censeatur, *l. ult. C. de ind. vid. sol. C. de Cupr. lib. 11.* Si ergo subduntur excommunicationi cogentes, subduntur etiã admittentes, quod clare habetur ex Trident. *loc. cit. ibi. Quoquo modo eidem a-*
ctui presentiam, vel consensum interposuerint.
 Ita Majol. & Tamb. quos refert, & sequitur Pasqualig. in *Laur. p. 1. n. 664.*

§. III.

De Anno Probationis.

Quar. 1. **A** Quo tempore incipiat annus probationis.

Resp. Incipere a die susceptionis habitus, sive ab eo die, quo communem sequitur aliarum monialium vitam, & incipit puella experiri religionis asperitates, ac incorporatur aliquo modo religioni, ita ut ponatur in dispositione, quod fiat membrum ipsius. Miranda, Faustus, Pasqualig. & alii.

Quar. 2. In qua ætate possint puellæ admitti ad annum probationis.

Resp. Cum communi non posse admitti ante perfectam pubertatem, quæ in fœminis perficitur anno duodecimo completo. Ratio est, quia tempus probationis datur ad hoc, ut no-

ut novitiæ experiri possint religionis austeritates, inter quas supremum omnium locum tenet observantia castitatis, cujus difficultates impuberes nequeunt experiri.

Quar. 3. An probationis annus debeat esse completus.

Resp. Debere; constat ex Trident. *sess. 25. de Regul. cap. 15.* ibi. *In quacunque religione tam virorum, quam mulierum, nullus ad professionem admittatur, qui minori tempore quàm per annum in probatione steterit; professio autem antea facta, sit nulla: nullosque habeas effectus.* Hoc decreto remanet sublata facultas remittendi annum probationis, qui de partium consensu remitti poterat, *cap. ad Apostolicam de Regular.*

Quar. 4. An iste annus debeat esse completus de momento in momentum.

Resp. Cum communi quod sic, quia Concilium statuit, quod nullus ad professionem admittatur, qui minori tempore, quam per annum, in probatione fuerit; unde qui staret una hora, vel quadrante minus, staret minus anno, juxta *l. 3. §. minorem, ff. de minor.* atque adeo contra statutum Concilii operaretur. Tum quia quando anni assignantur cum præpositione *Per*, debent esse completi, *l. non putabam & l. si annos, ff. de condition. & demonstr.* Dissentiunt Rodriq. Gratian. Dian., & alii, asserentes sufficere diem esse incēptam, quia in favorabilibus dies cēpta habetur pro completa, & in moralibus parum pro nihilo reputatur; sed hæc non subsistunt, quia procedunt, quando lex aliter non disponit, prout in casu. Unde etiam in Anno bissextili duo dies debent computari. pro uno, quia tunc ille annus eo solum modo dicitur completus. Ita Sanch. Lessius, Rodr.

& Lator. qui refert ita decifum fuiffe à S. Congreg. Quare moniales admittentes fcien-
ter puellam ad profeflionem ante dictum an-
num expletum peccant mortaliter, quia in
gravi agunt contra Concilium. Faustus,
Lefl. Silveft. & Peyr.

Quar. 5. An probationis annus debeat
efle continuus.

Refp. Cum communi affirmativè, quia,
quando lex certum tempus requirit intelli-
gendum eft de tempore continuo, ut vo-
lunt Doctores, ita interpretatur confuetu-
do, & declaravit Sac. Congreg. Concilii, te-
fte Suar. 1. 3. *de Relig. lib. 5. c. 15. n. 3.* Sufficit
tamen, quòd hæc continuatio fit per annum
expletum; unde fi completo anno puella
egrederetur a monafterio, & poftea rediret,
profeflionem emittere poffet virtute antea actę
probationis, nec teneretur novum novitiatus
annum incipere, ut contra Suarez, & Vec-
chium docet Sanchez cum Glof. 1. *in cap.*
eum qui de Regular. in 6. quæ dicit, eum, qui
certus eft, certiorari amplius non oportere.
Et hoc ipfum firmat Jo: And. *in addit.*
v. exivit. & fequitur Lapp. *allegat. 47. num.*
2. & 3. S. Antonin. & Silveft. dicens hanc
fententiam efle indubitatam, quam etiam
probavit Sacra Congregat. Concilii in Novi-
tia, quæ exivit fine licentia. Item propofito
dubio, An novitia, quæ finito anno pro-
bationis exivit e monafterio fine licentia
Ordinarii, iterum reverfa, poffit ad pro-
fessionem fine nova probatione emittenda
admitti. *Die 12. Februarii 1598. Sacra Con-*
greg. cenfuit poffe, nifi conditio religionis;
aut persona fit immutata, idque à superio-
ribus Monafterii, diligenter efle defpicien-
dum.

Quar.

Quar. 4. Quomodo probationis annus interruptatur.

Resp. Interrumpi per quamcumque habitus dimissionem factam animo eum amplius non reassumendi, ac religionem deserendi. Ita Suarez, Vecchius, Portel. & Sanchez, qui cum Peyrin. Navar. & aliis censet, etiam per modicam interpolationem unius, vel duorum dierum probationis annum interrumpi. Quia tempus petatum ad aliquem actum, censetur peti tanquam forma, ut probat *text. auth. qua supplicatio, cap. de precib. Imper. offer.* Omissio autem formæ in minimo vitiat actum, ut alios allegans probat Tiraquel. *tract. de iud. in rebus exiguis n. 12.* Cum ergo ad professionis valorem petat Tridentinum annum continuum, illam irritam reddet quantumvis minimus continuationis defectus. Quod maximè verum est, si novitia egrediatur cum animo determinato permanendi in sæculo, quia per egressum, & voluntatem non profitendi novitiatus antecedens dicitur extinctus, ut respondit Rota in *Milevitana nullitatis professionis coram Roya dec. 491. n. 13. & seq.*

Limitat hanc doctrinam Nav. in 1. edit. lib. 2. *consil. de regul. conf. 45. n. 1.* casu quo novitia brevi tempore latitaret in camera monasterii animo fugiendi, quia momentaneum, & non considerabile reputatur, stante permanentia, & continuatione in monasterio.

Quar. 7. An puella interrumpat probationis annum, si fugiat è monasterio habitu retento.

Resp. Interrumpere. Ita sentiunt Rosel. Silvest. Manuel, & Sanch. quia per permanentiam extra religionem jugum obedientie interrumpitur. Et ita videntur sentire, etiam

si animo redeundi fugiat. Hoc tamen non admittit Sanchez, nisi quando esset proprie fuga qua religio deferitur animo etiam redeundi; nam si exiret ad vitandam tantum Abbatissæ, vel Magistræ sævitiam, non teneretur incipere novitiatum, quia in rigore fugitiva non esset.

Quar. 8. An censerī debeat interruptus probationis annus, si puella a Monialium capitulo dimissa, & habitu religionis expoliata, postea mutata sententia ad habitum restituitur, antequam exeat e Monasterio.

Resp. Non censerī interruptum, quia in hoc casu habitus dimissio non est cum effectu egressionis. Suar. Vecc. & Peyrin.

Quar. 9. An probationis annus interrumpatur, si novitia tempore probationis, causa infirmitatis curandæ, in domum parentum habitu religionis induta se transferat.

Resp. Discrepant in hoc Doctores. Non interrupti putant Suar. r. 3. de rel. lib. 5. cap. 14. n. 13. Nav. Sorb. & alii, & ita declaratum fuisse a Sac. Congreg. refert Vecch. disp. 12. dub. 3. n. 13. Censetur enim monachus esse in monasterio, quandiu extra moratur de licentia sui Abbatis, ut dixit Abb. c. cum illorum de sens. exco. Quod procedit, etiam si huiusmodi licentia illicite, & sine causa rationabili concedatur, ut ex Suar. & Diana notat Barbosa. allegat. 101. n. 28. de off. & potest. Episcop. Aliter in hoc puncto iudicavit Rota Romana, apud Farin. p. 1. decis. 171. n. 2. Quapropter priorem opinionem modo in praxi non esse tutam, ait Gratian. discept. for. r. 1. c. 166. n. 16. quia continuitas anni probationis in religione est de forma, & in his, quæ sunt de forma, rigor juris servandus est. Amplectitur hanc secundam sententiam Peyrinus in casu lon-

longæ absentiæ sine causâ procuratæ, ad fugiendas asperitates: si vero absentia sit per breve tempus aliquorum dierum, non mensium, admittit primam.

Quar. 10. An sit de essentia quod novitiatus compleatur a puella habitu religionis induta.

Resp. Esse de essentia; patet ex *Trid. sess. 25. de regul. cap. 15. in illis verbis*: *Minori tempore quam per annum post susceptum habitum in probatione steteris*. Hoc confirmat consuetudo, & suadet ratio; nam non posset novitia probare austeritatem monachalem, quæ magna ex parte in vestibibus consistit. Ita Azor. Rodriquez, Sanch. Mirand. & alii. Et quidem vestis novitiæ debet esse secundum regulæ suæ statuta. Sylvester *v. habitus* n. 1. & 3. & ubi figura; color, & materia vestium determinata sunt, peccaret mortaliter varians, vel mutans, nisi fieret mutatio parva, quæ non sit notabilis, ut in prolixitate, vel brevitate. Ita Tambur. & ante eum Jo: Andr. *de regul. jur. reg. 88. n. 3.*

Quar. 11. An moniali novitiæ justa de causa possit protrahi annus probationis

Resp. Videri quod non, quia Concilium *cir. sess. c. 16.* expresse præcipit, quod finito tempore novitatus, Superiores novitias, quas habiles invenerint, ad professionem admittant, aut eas e monasterio ejiciant, & juxta hoc decretum Sacra Congregatio Concil. teste Mirand. *q. 8. de Monial. art. 3.* declaravit, monialibus, elapso tempore novitiatus, si habiles sint, præfigiendum esse ab Ordinario terminum quindecim, aut viginti dierum, ad deliberandum, num velint profiteri nec ne, & si renuant profiteri, continuo remittendas esse ad parentes, aut sanguineos.

Verum per hoc decretum non tolli, quin ex rationabili causa possit prorogari annus probationis, & proinde verba illa *finis tempore* intelligenda esse civiliter, ac cum moderata latitudine, & quando nulla subest causa prorogandi, tradunt Rodriq. Nava. Sanch. Less. & Faustus, & ita declaravit Sac. Congreg. ut habetur ex *collect.* Card. Beazar. *ad c. 15. de regul. sess. 25.* ita etiam observatur in praxi. Alioquin nimis durum esset, ut novitia revoluti anno probationis, confestim, & nulla interjecta mora, expellenda esset à Monasterio, si protinus ob legitimum aliquod impedimentum profiteri non posset, aut pro qualibet brevi dilatione impetrandi recurrendum esset ad Sedem Apostolicam.

Quar. 12. Quantum possit probationis tempus prorogari.

Resp. Quod si prorogetur, quia novitia de presenti sit inhabilis ad profitendum, & adsit spes superventuræ habilitatis; potest protrahi usque ad sextum mensem, sicut declaravit S. Pius V. pro Patribus Dominicanis in *eorum Constit. ad text. 11. c. 14 de Novit. dist. 1.* referente Donato in *Praxi regul. part. 4. tract. 9. q. 18. n. 9.* & cum hoc sit fundatum in ratione, mihi videtur servandum, quia nisi per sex menses superveniat habilitas, non videtur amplius speranda, præsertim si agatur de moribus.

Si verò protrahatur ratione impedimenti, aut negotii, videndum est, an puella remaneat in novitiatu, ita ut continuari possit experimentum morum ipsius, an verò exeat e monasterio. Si remaneat in Novitiatu, atque adeo in experimento, existimat Pasqual. in *Lauret. p. 1. n. 43*, quod possit prorogari per totum illum tempus, quo durat impedimentum, seu

seu negotium, nam durante causa prorogationis, potest etiam durare prorogatio, cum inde non proveniat aliquod damnum religioni, immò potest diutius novitiæ mores experiri. At si exeat è Monasterio, non poterit prorogari, nisi per breve tempus, in quo non sit moraliter possibile, quòd mutet mores; unde ad summum prorogari poterit per duos menses, nam in minori tempore posset de morum mutatione dubitari.

Quar. 13. An facta una prorogatione, possit fieri & alia.

Resp. Si debet fieri in ordine ad expectandam habilitatem, poterit fieri, si jam incœperit fieri habilis, secus autem si non incœperit, nã tunc prudenter censenda est desperataabilitas. Si verò est faciēda ob negotia, vel impedimenta, poterit fieri, si maneat in novitiatu; at si maneat extra monasterium, nullo modo potest fieri, quia facilè illam disciplinam exueret, qua in novitiatu fuit imbuta.

Quar. 14. An quando prorogatur tempus, debeat compleri de momento in momentum.

Resp. Debere compleri, sicut diximus de anno probationis, nam prorogatio censetur una & eadem cum prima dispositione, ut per Rotam coram Seraph. *dec. 5326. n. 3.* & primum tempus præfixum ita confunditur cum tempore postea addito per prorogationem, ut reputetur unum & idem tempus, non autem diversum à primo. Ita in terminis prorogationis novitiatus Rovit. *decis. 40. num. 11.*

Quar. 15. An puella de licentia Ordinarii possit recipi in habitu sæculari intra monasterium ad effectum quidem abitum religiosum suscipiendi, sed non nisi post plures dies.

Resp. Non posse, quia Ordinarii nullam au-

toriam

Oritatem habent introducendi puellas intra clausuram nisi ad effectum habitus illic suscipiendi in locis numerariis, ac directò ad locum novitiatus eundi. *Salernitana* 10. *Februarii* 1645. & 11. *Junii* 1646, Hęc habitus susceptio debet fieri immediatè, vel ad summum si adsit consuetudo, puellę detineri possunt in habitu sęculari per duos, vel tres dies. In *Brixien.* 13. *Junii* 1594. Alię tam ingredientes, quàm recipientes incurrunt in censuras, & pęnas Bullę Gregorii, 13. in *Auximana* 13 *Novemb.* 1589. in *Astēn.* 18. *Decemb.* ejusd. an.

§. IV.

De bonorum renunciatione ante professionem faciendā.

Amar. 1. **Q**Uę forma in bonorum renunciatione sit servanda :

Res. Forma in bonorum renunciatione servanda traditur à Concilio Trident. *sess.* 25. *de Regul. cap.* 16. ubi dicitur, *Nulla renunciatio, aut obligatio antea facta etiam cum juramento, vel in favorem cuiuscunque causę pia, valeat, nisi cum licentia Episcopi, sive ejus Vicarii fiat intra duos menses proximos ante professionem; ac non aliàs intelligatur effectum suum sortiri, nisi secuta professione; alter verò facta, etiam si cum hujus favoris expressa renunciatione etiam jurata, sit irrita, & nullius effectus.*

Quar. 2. Qui contractus comprehendantur sub nomine renunciationis, & obligationis.

Resp. Quòd, cum mens. Concilii fuerit novitiorum libertati consulere, in hoc decreto comprehenduntur omnes illę renunciationes, & obligationes, quę difficilem è religio-

ligione egressum possunt efficere. Quare sub hac prohibitione veniunt omnes contractus lucrativi, quales sunt donationes, renunciationes, fideiussiones, liberationes à reddendis rationibus &c. & etiam illi contractus onerosi, in quibus non tatumdem recipitur, quantum datur. Non tamen comprehenduntur contractus emptionis, & venditionis, permutationis, locationis &c. nec testamentum, quia in his casibus, cum non minuatur patrimonium, non leditur libertas novitiæ; ita quoddam difficilis reddatur egressus, ad quod respexit Concilium: cessante igitur ratione finali, cessabit quoque prohibitio. Ita Sanchez, in *Decal. l. 2. lib. 7. cap. 5. à num. 31. usque ad 35.* alios referens. Addunt aliqui, posse novitiam de propriis bonis aliquid monasterio mutuare, maximè si intercedat fideiussio, vel pignus, aut saltem scriptura publica, quia ratio Concilii cessat in mutuo, nam si discedit novitia à religione, facile recuperare poterit, quod mutuaverit monasterio. Verùm in praxi sequendum oppositum tanquam conformius menti Concilii.

Quar. 3. An comprehendatur sub decreto renunciatio facta à novitia statim post susceptum habitum sub conditione, ut sit irrita, si non sequatur professio.

Res. Comprehendi. Ita Navar. Rodriquez & Faust. quos refert, & sequitur Sanchez *loc. cit. nu. 17.* & ratio est, quia in renunciatione facta in tempore habili, & cum solemnitate requisita per decretum inest tacita conditio, ut professione nondum secuta sit nullius valoris, & tamen ea solemnitas est necessaria; ergo dicendum idem est, ea conditione expressa, cum taciti & expressi idem sit iudicium, *l. cum quid. ff. si cer. pet. & frustra*
rexpia

exprimitur; quod tacitè subintelligitur; *l. Cornelia, ff. de hered. instit.*

Quar. 4. An renunciatio facta à puella de suis bonis ante ingressum, intuitu tamen ingressus religionis, sit valida.

Resp. Contra Navar. & alios, quos refert, & reprobât Sanchez *ubi supra num. 3.* esse validam. Quia puella renuncians ante habitus susceptionem est persona merè sæcularis, & tractatur de bonorum temporalium renunciacione; ergo non censetur de ea aliquid disponere voluisse Tridentinum, cum *in d. cap.* non loquatur de sæcularibus, sed de Novitiis; unde subintrat regula, quod prohibita certo tempore, censentur in reliquo permissa. Quare cum ista renunciatio sit prohibita tempore novitiatus, in alio tempore, nempe ante novitiatum; censetur permissa. Et ita hanc sententiam tenent Mandos. Passarel. Gratian Vega, & Sanch. *loc. cit. n. 4.* qui refert, Sacram Congreg. censuisse, dispositionem Concilii non habere locum in renunciacione facta antè susceptionem habitus.

Quar. 5. An renunciatio facta à novitia religionem ingressa, non servatis solemnitatibus juris civilis, sit valida.

Resp. Quod sic. Quia attendendus est status, in quo disponens reperitur, ad videndum, quibus legibus teneatur. Novitia autem, quamvis sit tantum in via ad religionem; reputatur tamen pro persona Ecclesiastica, *Cap. Religioso, §. 1. de sent. excom.* ubi cæteri Canonistæ. Si ergo novitia est intra Statum Ecclesiasticum, non tenetur regulare suas dispositiones secundum solemnitates juris civilis, & idè iis deficientibus erit valida renunciatio. De hoc fusè Sperell. *decis. 16. num. 17.*

Quar. 6. An renunciatio facta à Novitia, juxta

juxta formam Tridentini in favorem monasterii, vel alterius, corruat, si novitia ante professionem moriatur.

Resp. Quòd sic, quidquid in contrarium sustineat Fuscus. Ratio est, quia secuta morte non est adimpleta Tridentini conditio quæ est, ut non aliàs intelligatur effectum sortiri, nisi secuta professione. Et hanc opinionem tenent Navar. & Passarel. in privileg. Minor. cap. 37. qui testatur, Sacram Congregationem sic respondisse. Idem quoque dicendum est, si professio sit invalida, quia idem est, actum non fieri, & esse nullum, ut latè probat Sanch. de Matrim. lib. 3. disp. 3. num. 5. Quare si probata nullitate dimittatur ad sæculum per sententiam judicis, evanescit omninò renunciatio, ac si nunquam facta fuisset. Si verò professionem ratificet, renunciatio quoque firmatur absquè aliquo alio actu de novo versante circa ipsam renunciationem.

Quar. 7. Si renunciatio, seu donatio ex defectu formæ sit nulla, subsequuta postea professione vel tacita, vel expressa, quibusnam debeantur bona novitiæ, parentibus ne, si in istorum favorem facta fuit renunciatio; an verò monasterio.

Resp. Videtur, deberi parentibus, quia ex illa renunciatione, vel donatione, quantumvis nulla, colligitur animus profitentis, non transferendi in monasterium, quæ renunciaverat, vel donaverat, juxta l. legatum, §. fin. ff. de adm. leg. Nihilominus non obstante hac intentione tenendum est, deberi monasterio. Nam intentio donantis non potuit sortiri suum effectum ob nullitatem renunciationis, & ideò bona renunciata remanent sub dominio ipsius; unde cum in professione dedit se ipsam, & sua Deo, & religioni? ex

vi hujus efficacis intentionis transferuntur in Monasterium, non secus ac si non præcessisset donatio, vel renunciatio aliqua. Et hoc verum est, etiam si tempore professionis non haberet notitiam nullitatis, quia translatio horum bonorum in monasterium consequitur ad translationem personæ, quæ trahit secum omnia bona, & jura ex natura sua, & ideo non est necessaria in proficiente specialis voluntas transferendi hæc bona, sed sufficit, si intendat tradere propriam personam. Ita Pasqualig. *in quæst. Moral. Jurid. qu. 36.*

Quar. 8. An valeat renunciatio, in qua novitia nihil sibi, nec monasterio reservavit.

Resp. Valere, quia liberam habet potestatem disponendi de omnibus suis bonis volens ingredi religionem, ex *Authent. de Monac. §. Illud.* Ita omnes cum Gratian. *cap. 168. num. 19. & 20.* ubi de testamento novitiæ, quod non rumpatur, facto intuitu ingressus, licet nihil relictum fuerit Monasterio. Sanch. *lib. 7. cap. 3. num. 34.*

Quar. 9. An novitia renuncians bona monasterio possit illud obligare ad sibi solvendam certam pensionem annuam.

Resp. Possit, & quidem ita ut monasterium teneatur ex justitia ei solvere dictam pensionem. Peyrin. *1. 1. cap. 2. §. 1.* ex Ledesma, quibus assentitur Tamburinus; quia novitia in actu renunciandi est domina suorum bonorum, atque adeo potest de iis liberè disponere, cui maluerit, sive absolutè, sive cum onere. Constat autem, quod hæres tenetur ex justitia implere onera sibi injuncta. Verum tamen est, quod post professionem non potest uti dicta pensione sine licentia.

Quar. 10. An possit novitia facere eleemosynam de suis bonis tempore novitiatus absque

que solemnitate requisita à Trident. *diste*
cap. 16.

Resp. Posse non solum pauperi extraneo , sed etiam monasterio , dummodò tamen consideratis facultatibus ipsius novitiæ sit modica; & ratio est , quia ob stare non potest libertati egressus à religione . Ita Sanch. *loc. cit. n. 22.* qui existimat , dictas eleemosynas non teneri monasterium restituere novitiæ, si contingat discedere à religione .

Quar. 11. An parentibus novitiæ interdictum sit de propriis ipsorum bonis facere monasterio eleemosynas illas, & donationes, quas facere possunt cuicumque extraneo .

Resp. Non esse prohibitum, quia Concilium in d. decreto solum prohibet ex bonis novitiæ aliquid tribui monasterio, non autem ex bonis parentum . Sanch. *loc. cit. n. 23.*

Quar. 12. An lata sit aliqua pœna in parentes; procuratores , vel propinquos novitiarum, qui de earum bonis aliquod tribuunt Monasterio .

Resp. Ex Manuel, & Rodriq. quos refert Sanch. *loc. cit. n. 26.* esse latam à Concilio, d. *cap. 16.* excommunicationem ipso facto incurrendam . Alii tamen non latam esse sustinent , sed ferendam; quia Sancta Synodus præcipit sub anathematis pœna dantibus, & recipientibus, ne hoc ullo modo fiat, quæ verba solum excommunicationem ferendam continent , ut tradunt Doctores in *tract. de excommunic.* Sanch. *ubi supra.*

Quar. 13. Quo tempore facienda sit renunciatio .

Resp. Fieri debere intrà bimestre computandum à die professionis futuræ . Patet ex Concilio *loc. cit.* ubi dicit, *intra duos menses proximos ante professionem* . Et hoc bimestre esse

esse mathematicè accipiendum, sustinent Sanch. & Peregrin. *ad Constit. sui Ordin: p. 2. cap. 1. §. 20.* & declaravit Sac Congr. 22. *Januarii 1617.* apud Aldan. Ratio est, quia dum Concilium statuit bimestre, requirit tempus certum, & limitatum, quod constat ex tot diebus tanquam partibus sibi essentialibus, ita quòd si desit unus dies, non dicitur amplius illud tempus, sed aliud diversum. Igitur hoc bimestre numerandum est mathematicè, alioquin si deesset unus dies, non diceretur renunciatio facta intra bimestre, sed extra illud.

Quòd si contingat, professionem ultra novitiatus annum ex causa prorogari, non est opus, renunciationem fieri intra bimestre proximum professioni, sed est in arbitrio novitiè renunciare intra illud bimestre, quod præcedit ultimum terminum anni formalis probationis, quia lex ea, quæ frequenter accidunt, spectat, & professio frequenter finito anno novitiatus fieri solet. Unde cum Concilium petit, fieri renunciationem bimestri ante professionem, intelligendum est bimestri proximo tempori, quo regulariter professio fieri debet. Ita Sanchez *lib. 110. cap. 3. n. 23.*

Quar. 14. Si ex dispensatione pontificia octavo mense novitiæ esset professura, an sufficeret in hoc casu tempus bimestre ante professionem ad renunciationem faciendam.

Resp. Affirmativam sententiam tradi à Castro Palao & Diana, quia Concilium nihil aliud exposulat, nisi quòd renunciatio fiat intra bimestre proximum professioni, sive professio differatur, sive acceleretur. Oppositam tamen ut securiorem in praxi sustinent Sanch. *loc. cit. num. 85.* Cotton. & alii, & sic volunt, renunciationem esse faciendam,
vel

vel die professionis, vel die immediatè antecedenti, quia dispensatio non se extendit ad accessoria separabilia, sed ad necessariò inseparabiliter connexa. Non est autem inseparabiliter connexum, ut renunciatio fiat integro bimestri ante professionem, undè ea dispensatio non extenditur ad totum id tempus; quia tamen renunciatio fieri nequit tempore designato a Concilio, erit servandum in quantum fieri potest, & sic quòd fiat proximè professioni.

Quar. 15. An valeat renunciatio extra bimestre facta à novitia ex indulto S. Pii V. causa periculi mortis infra annum probationis proficiente.

Resp. Valet, si fiat paulò ante professionem, & mortem, juxta dictam responsione antecedenti de proficiente infra annum probationis ex privilegio. Si autem convalescat, quia ea professio pro nulla habetur, cum non decesserit, ut ex relatis a Sperello *decis. 16. nu. 24.* nullius momenti est renunciatio, cum pendeat à professione illa, quæ evanescit; consequenter ea iterùm facienda est ad formam Tridentini intra bimestre proximum professioni, probationis anno finito. Peyrin. Bordon. & alii.

Quar. 16. An puella nondum secuta professione possit renunciationem revocare.

Resp. Pasqual. in *Lauret. p. 1. num. 26.* affirmative; quia Concilium decernit, quòd non intelligatur effectum suum sortiri nisi secuta professione, & proinde induit naturam testamenti quoad hanc partem, quod idè est revocabile, quia non sortitur effectum, nisi secuta morte. Nec obstat, quòd renunciatio statim valida sit, & firma, & solùm suspendatur effectus; nam etiam testamentum

statim

Statim ac conditum est cum debitis solemnitatibus, est validum, & firmum; quia tamen non disponit de præsentī, sed pro tempore mortis, remanet revocabile. Sic etiam; quia renunciatio non disponit pro tempore præsentī, sed pro tempore professionis, nam solum per professionem confirmatur in ordine ad effectum, erit revocabilis. Unde non rectè Sanchez *lib. 7. cap. 5. n. 48.* asserit esse irrevocabilem, & postea *n. 50.* concedit posse revocari per testamentum. Nam si absolute non est revocabilis, nec etiam per testamentum revocari poterit; semper enim expectandus esset eventus conditionis si esset conditionalis. Huc usque Pasqualig. qui pro se citat Menoch. *consult. 388. n. 34.* cui adde Carenam *reso. 166. n. 4.* & Burat *decis. 581.* Verum opposita sententia est communis, quam multis probat Bordon. *resol. 60. qu. 10. num. 15.*

Quar. 17. An sit necessaria Episcopi licentia ad validè renunciandum.

Resp. Esse necessariam ex Trident. *d. cap. 16.* ubi habet, *Nisi cum licentia Episcopi, seu ejus Vicarii, & si Episcopus nolit hanc licentiam concedere, poterit Archiepiscopus supplere, si novitia ad eum recurat, quia est iudex appellationis in causis suffraganeorum, Diana p. 8. tract. 4. res. 53.*

Quar. 18. Quinam veniant nomine Episcopi ad effectum hanc licentiam impertiendi.

Resp. Cum concessio hujusmodi licentiæ sit actus jurisdictionis, venire omnes illos, quibus competit jurisdictio. Cum ergo hæc competat Episcopo etiam non consecrato, Archiepiscopo non palliato, Capitulo, vel ejus Vicario, sede vacante, Abbatibus, & Prælatibus habentibus territorium, & nullo Episcopo subjectis, nec non Vicariis Prælatorum

torum jurisdictione episcopali gaudentium hi omnes poterunt talem licentiam impertiri. Ita Peregrin. p. 2. cap. 1. §. 25. lit. G. Poterunt etiam talem facultatem delegare, quia hæc est potestas ordinaria, cum sit à lege.

Quar. 19. An nomine Episcopi veniat Vicarius Foraneus, & Monialium

Resp. Vicarium Foraneum non venire, atque aded non posse ejusmodi licentiam concedere. Ita declaravit Sac. Congregat. Conc. in una *Sarzanen. die 4. Februarii. 1648.* Neque venire Vicarium per Episcopum ad regimen monialium deputatum, nisi fuerit eidem concessa sufficiens facultas, censuit sæpè Sacra Congreg. Concilii. Secus tamen dicendum est, si in deputatione fuerit concessa omnimoda potestas cognoscendi omnes, & quascumque causas, etiam civiles, cum omnibus annexis, connexis, emergentibus, & dependentibus, nec non faciendi omnia, quæ juxta formam Sacrorum Canonum, & Concilii Tridentini facienda sunt, quia, licet in dictis clausulis nulla fiat expressa mentio de facultate dandi dictam licentiam, censetur concessa per æquipollens. Ita pariter censuit Sac. Congreg. Concilii in una *Neapolitana 23. Aprilis 1641.* Quod etiam iussinet Pasqual. loc. cit. n. 26.

Quar. 20. An licentia Episcopi pro renunciatione requiratur in scriptis.

Resp. Non exigi in scriptis, quia Tridentinum nullam scripturæ mentionem facit, & ubi in scriptis eam obtinendam voluit, id expressit, ut fecit *sess. 25. de Regula. cap. 5.* tractans de licentia ad ingrediendum monialium monasteria. Verum tamen est, quod licet non requiratur in scriptis ad formam actus, requiritur ad probationem actus, preter

fertim quia ex lapsu plurium anno um non præsumitur, ut dixit Rota in *Romani fideicommissi*. 14. Novemb. 1624. coram Rembo do . Ita omnes cum Pasqual. in *Franc. p.* 2. qu. 42. ubi notat, licentiam non solum debere esse petitam, sed etiam obtentam, quia licentia non dicitur adesse, dum tantum est petita. Nec sufficit subsequi, sed debet præcedere renunciationem; cum enim requiratur ad validitatem renunciationis tanquam forma, sed quod Concilium irritat renunciationem factam sine tali licentia, ipsa deficiente actus redditur nullus. Ex quo fit, quod si renunciatio sit conditionalis, si nempe accesserit consensus Episcopi, tunc solum incipit valere, quando talis consensus accedit, quia tunc solum habetur forma validitatis.

Quar. 21. An decretum Concilii requirens in renunciatione prædictas condiciones intelligatur de omnibus novitiis, an de solis minoribus sexdecim annis.

Resp. Existimat Menochius de *arbitr. judic. lib. 2. cent. 5. casu 43. n. 8.* intelligi de solis minoribus sexdecim annis, atque adeo novitias ætatem hanc excedentes posse quandocunque liberè de suis bonis disponere. Sed contrarium est verius, & servatur in praxi. Mens enim Concilii fuit coniungere novitiorum libertati, ne scilicet cogantur in religione permanere, quia egrediendo nequeunt donata recuperare, quæ ratio æquè militat in maioribus sexdecim annis; unde stante paritate rationis, par quoque debet esse dispositio; ita Doctores, quos refert, & sequitur Sanch. in *decal. lib. 7. cap. 5. n. 7.*

§. V.

*De dote ante Monialium Professionem
solvenda.*

Quar. 1. **A**N, & quo titulo recipi possit dos pro admissione monialis ad professionem religiosam absque labe simoniæ.

Resp. Posse. Sicut enim in matrimonio carnali non est simoniaca receptio dotis, quia recipitur, non quatenus matrimonium stat sub qualitate Sacramenti, sed quatenus induit rationem contractus, sub qua ratione, quia habet annexa onera, quæ non possunt sine temporalibus bonis sustentari, licitum est, ut uterque conjux aliquid ad hoc conferat; ita nec erit simoniaca receptio in matrimonio spirituali, si consideretur, non quatenus dicit quoddam genus consecrationis talis personæ ad cultum Dei, sed quatenus importat rationem contractus, ex vi cujus monasterium suscipit in se omnia onera temporalia, quæ ad sustentationem profitentis sunt necessaria. Quare, licet status religiosus, quatenus spiritualis est, vendi non possit, nec aliqua re temporali compensari; tamen quatenus est contractus, onus illud indiget subsidio temporali, ac proinde non est contrarium, neque dissonum rationi naturali, quod puella, quæ religionem ingreditur, temporale aliquod subsidium secum afferat, quo ad eam sustentandam religio juvetur; & proinde Cajetanus *in 2. 2. qu. 100. art. 3.* ait hoc esse jus naturale.

uar. 22. An, si monasterium sit dives, possit sine labe simoniæ dotem recipere.

C

Resp.

Resp. Sacram Congreg. super Episcop. & Regular. Summis Pontificibus approbantibus, statuissē, ut dotales elemosynæ a monialibus numerariis persolverentur, tametsi numerus esset taxatus ad mensuram reddituum monasterii. Animadvertit enim Sanctimonialium monasteria sine dotium subsidio diù sustineri non posse, & propter ingentes necessitates, ac casus inopinatos plerumque ad inopiam redigi: ideò hujusmodi casibus occurrere volens, sancivit, ut etiam opulentiores conventus possent elemosynas dotales recipere, ut sic reddantur de proveniunt securiores.

Quar. 3. Ad quem spectet dotem monialium taxare.

Resp. Quod, sicut spectat ad principes temporales taxare dotem solvendam pro puellis matrimonio carnali copulandis, id exigente bono communi, sic & taxatio dotis solvendæ pro monialibus spirituale matrimonium per professionem religiosam cum Christo contrahentibus, spectare debet ad ipsarum Monialium Superiores, ad Episcopum scilicet respectu subditarum, ad Sacram Congregationem verò respectu exemptarum, ut notat Cespēd. *de dub. regular. cap. 23. dub. 330. num. 5.*

In hac autem dote constituenda servanda est moderata monasterii consuetudo, & in minori quantitate, quàm ubi mulieres nubunt terrestri sponso, ut observant Anna *Sing. 11.* Riminald. Vincentius Franc. & Rota in *Romana dotis 14. Martii 1635. coram Merlino* impressa per Tamburinum, qui tria advertit. Primò, posse Superiores Monialium in aliquibus casibus taxam dotium limitare justis concurrentibus causis, etiam in scis, & contra-

tradicientibus monialibus, dummodo semper sufficiens remaneat quantitas pro sustentanda moniali. Secundò, pro supranumerariis, & pro tertia sorore duplicem eleemosynam, hoc est duplicatam summam ejus, quæ in receptione monialis intra numerum dari consuevit, solvi debere; & pro quarta sorore petente admitti in idem monasterium solvendâ esse triplicatam. Tertiò advertit ex Sacra Congregat. 5. *Septembris* 1604. & 26. *Augusti* 1616. quod tertia, & quarta sorores careant suffragio in capitulo, quosque altera ex duabus primis sororibus moriatur.

Quar. 4. An monasterium possit pacisci de majori dote, quia puella recipienda est vilis conditionis, vel advena.

Resp. Cum Rodríguez, & aliis non posses quia juxta indulta apostolica monialibus, non permittitur quidquam recipere ultra taxam, nisi quod offertur liberaliter absque pacto expresso, aut tacito, seu præsumpto, cujusmodi utique non est id, quod in tali casu solveretur nomine dotis ultra taxam, unde talis excessus reputaretur simoniacus, ut advertit idem Rodríguez, & idem deberet restitui, ut notat Diana in *opere coord. t. 7. tract. 1. resol. 329. §.* Quo ad advenas verò extat decretum Sac. Congregat. 30. *Septembris* 1616. statuens in dotibus recipiendis nullam differentiam admittendam esse inter puellas terrerias, & inter advenas.

Quar. 5. Quid dicendum sit in sequenti casu. Cuidam monasterio impositum fuit opus a fundatore, ut recipiatur una puella sine dote, qua defuncta, sufficiatur in ejus locum & alia, & sic deinceps, cum hac tamen conditione, quod puella eligenda sit civis. Debet

ne intelligi de civibus tantum originariis, an etiam de civibus ex privilegio?

Resp. Dispositionem censeri factam in favorem illarum, quæ sunt originariæ de loco, quia appellatione civium veniunt tantum originarii, ut notant Accurs. Bald. & Bo-
vius, & ita censuit Sac. Congregat. Episcop. & Regular. in *Mantuanæ Civit. die 29. Novembris 1668.*

Quær. 6. An sit simoniaca consuetudo quorundam monasteriorum recipiendi præter dotem quasdam portiones pecuniæ, quas propinas vocant, v. g. singulis monialibus dantur quatuor argentei, unum linteum &c.

Resp. Excusari, ex eo quod dos, quæ exigitur ad sustentationem monialis, non consistit in indivisibili, sed sicut taxari potest sexcentis ducatis, ita etiam taxari potest sexcentis, & quinquaginta distributis hoc modo, ut sexcenta applicentur communitati, & quinquaginta distribuuntur inter moniales singulis dando illos quatuor argenteos, unum linteum &c. ut suis necessitatibus subveniant. Ita Pignatell. l. 7. consuet. 90. n. 13. Advertit tamen Suar. l. 1. de Relig. l. 4. de Simon. c. 17. n. 18. ut in his moderatio adhibeatur, ut saltem si propter consuetudinem recipiuntur, ipsis non solutis, non negentur spiritualia, sed servetur modus petendi illa præscriptus in cap. Ad Apostolicam de Simon.

Quær. 7. An legatum dotis pro maritandis puellis possit dari virginibus ad professionem admittendis.

Resp. Posse, quia quod datur monasterio puella ingrediente censetur datum titulo dotis, ut constat ex communi usu loquendi, qui attendi debet. Cum ergo conditio dotis, &

ver-

verba testatoris verificentur in ingrediente religionem, habebit quoque locum ipsius dispositio, præsertim quia sumus in causa magis pia, & favorabili. Bald. Natta, Boer. alii-que, quos refert, & sequitur Diana in *Coord. t. 6. tract. 8. resol. 43.* qui ex Ocagavia testatur hanc sententiam servari etiam in foris contentiosis; & ita sæpè etiam censuit Sac. Congreg. præcipuè in *Pisaurien. 26. Augusti 1616.* & *Maceraten. 29. Junii 1649.* Est contra Sanch. de *matrimon. lib. 1. disp. 33. n. 32.* Prædictam sententiam limitat Pignateli. *t. 5. consultat. 82. n. 3.* si in legato pro maritandis puellis adsit conditio restituendi dotem, casu quo proles non existat, quia illa conditio utpote mentionem faciens de prole restringit dispositionem testatoris ad matrimonium carnale; & ita refert fuisse declaratum a S. Congr. in *Barenfi subsidit dotalis 15. Septemb. 1664.*

Quar. 8. An puella, cui Pater reliquit centum, si fiat monialis mille verò si nubat, possit adhuc consequi mille, si monasterium ingrediatur.

Resp. Affirmativè contra Covar. *lib. 1. v. 2. resol. cap. 19. n. 9.* quia conditio illa *si nubat*, censetur non scripta, & rejicitur favore religionis, prout expressè habetur, §. *sed & hoc præsentì Autent. de sanctis. Episc.* Limitant Medina, Lopez, & alii, quando talis conditio non nubendi, apposita fuisset a testatore causa conservandæ familiæ, quia clara, & expressa voluntas testatoris juris dispositioni resistit; quod tamen, aliis adductis, negat Sanch. de *matrim. lib. 1. disp. 33. n. 2.* qui pariter sustinet *lib. 7. disp. 91. num. 46.* viduæ ingrediendi religionem deberi legatum, & alimenta relicta a marito sub conditione si vitam vidualem servaverit; quia per spirituale cum Christo

matrimonium non cessat vita vidualis, imo plenius satisfat voluntati testatoris cupientis in uxore superstite specialem quamdam pudicitiam, & honestatem.

Quar. 9. Cuinam competat dare dotem puellæ religionem ingredienti.

Resp. Patrem teneri, etiam si ipso invito velit ingredi religionem, quia sicuti obligatur ad dotandam filiam carnaliter ipso invito nubente, multò magis obligabitur in matrimonio spirituali, cum hoc sit favorabilius temporali. Et hac ratione possunt bona fidei commissio subiecta distrahi pro dote descendens à testatore volentis ingredi religionem. Sanch. de Matrim. lib. 4. disp. 26. num. 7. Quod verum est, etiam si fidei commissum institutum fuisset cum expressa alienationis prohibitione, dummodo tamen non reperiuntur bona libera, pro constituenda dote sufficienti, *Molin. tract. 2. disp. 648. n. 1.*

Quar. 10. Quinam teneantur constituere dotem moniali in defectum Patris.

Resp. Teneri illum, qui de jure tenetur constituere illi dotem ad matrimonium carnale contrahendum. Quare tenentur Mater, Patruus sive paternus, sive maternus, & Frater in defectum ascendentium. Sicut enim hi omnes tenentur alere, ita etiam in subsidium dotare, cum dos succedat loco alimentorum; ita Rota in cit. dec. Romana dotis 14. Martii 1635. coram Merlino.

Quar. 11. An liberum sit monialibus admittere puellam ad professionem absque solutione dotis debitæ, vel saltem cum solutione minori taxata.

Resp. Ex Tambur. q. 7. nu. 1. Moniales velatas tam intra, quam supra numerum non debere admitti absque dotali eleemosyna, neque

que minori taxata . Pro monialibus verò
conversis recipiendis non semper spectari do-
tem, sed aliquando monasterii necessitatem
ex declaratione Sacr. Congregat. die 26.
Martii 1596.

Quæ. 12. Quo tempore solvi debeat dos
pro moniali ingrediente religionem .

Resp. Debere solvi in ipsa professione, non
autem ante, cum id non solum prohibeatur
in Concilio Trident. *sess. 25. de Regular. c. 16.*
sed etiam multò expressiùs à Sacra Congrega-
tione, quæ declaravit, dotem monialium pe-
nes consanguineos, vel affines relinqui non
debere, sed priusquam puella induatur habitu
actualiter deponendam esse apud mercato-
rem, vel penes aliam personam fide; & facul-
tatibus idoneam .

Quæ. 13. Cuinam competat solvere do-
tem, si probationis novitiæ anno durante
moriatur depositarius constitutus ab Episco-
po, & hereditas ejus reperiatur non solvendo.

Resp. Nullo modo spectare ad deponen-
tem, quia cum tale depositum habeat vim
solutionis, *l. obligatione, Cod. de solut. & l.*
acceptum, C. de usur. sic deponendo consecu-
tus est plenam liberationem, & ideò non te-
netur de casu superveniente, alioquin actio
semel extincta revivisceret, contra textum
in *l. qui res, §. Arcam ff. de solut. Pignatel. 1.9.*
consult. 164. Periculum ergo vel cedit in
damnum monasterii; cum verissima sit juris
conclusio, quod quando debitor ritè, & re-
ctè deposuit, tunc periculum spectat ad cre-
ditorem, ut post alios firmanr Arifmin. Te-
pat. Medic. & Rota in *Romana census vitali-*
tii 29. Januarii 1627. coram Merlino. Vel sal-
tem cedere debet in damnum Episcopi,
quia debet Episcopus eligere depositarium

idoneum etiam cum fidejussoribus; officiales enim publici non solent, neque debent sine fidejussoribus admitti, à *Ponte de Potest. Pro-reg. tit. 3. §. 6. num. 17.* & *Parif. de Puteo.*

Quar. 14. An ratione damni emergentis, vel lucri cessantis ex dilatione dotis provenientis possit monasterium aliquid recipere ultra dotem sibi debitam.

Resp. Posse quoad damnum emergens, si verè ex dilatione dotis ipsi proveniat: ita *Miranda, & Rodriquez*, qui advertit, esse in hoc cautè procedendum, ad tollendam avaritiæ suspicionem. Non item potest recipi lucrum cessans; cum enim religiosis prohibitum sit jure ecclesiastico negotiari, ipsis verè nullum lucrum licitum cessare potest.

Quar. 15. An possit alienari dos tradi solita monasterio.

Resp. Dotes monialium supra numerum profitentium non posse alienari, præcipit enim *S. Congregatio*, ut professione secuta in emptionem bonorum stabilium fructiferorum dotes illicò implicentur, ut ex *Barbosa* refert *Lezan. r. 3. nu. dos.* Dotes vero monialium intra numerum receptarum posse in usus communes, & necessarios monasterii expendi, notat *Sperel. descif. 84. num. 62.* ubi affert per extensum decretum *Sacræ Congregationis.*

Quar. 16. An pecunia, quæ, ut supra, deberet investiri, implicari possit sine debita solemnitate in ædificando monasterio, aut ad emendam domum contiguam ipsi monasterio, ad eam inhabitandam.

Resp. Non posse, quia juxta decretum supra relatum pecunia debet investiri in bonis stabilibus fructiferis, in ordine ad sustentationem monialium supra numerum receptarum.

Ad

Ad hoc autem requiritur, quod fructus successivè correspondeant oneri, ut possit commodè sustineri, & idè debent accrescere novi fructus, ut sicut onus est annuum, ita quoque sit annuum subsidium. Pasqual. *de sacrisf. nov. leg.* q. 1073. n. 2.

Quar. 17. An si monasterium sit gravatum aliquo annuo censu super propriis bonis immobilibus, & aliunde non adsit, unde extinguatur, possit redimi cum dicta pecunia investienda, Sacra Congregatione inconsulta.

Resp. Posse. Nam dum extinguitur census, accrescunt monasterio fructus illi, quos absorbebat census. Requiritur autem, quod non adsit, unde aliunde extinguatur, quia si adesset, non fieret augmentum fructuum, nec obtineretur finis, quia etiam absque pecunia destinata pro dote adhuc extingueretur. Pasqual. *loc. cit. qu.* 1069. n. 4. qui subdit, quod talis pecunia adhiberi etiam potest pro solvendo residuo prætii alicujus prædii empti à monasterio; nam salvatur, quod pecunia investitur in re immobili fructifera, quia pars prædii, quæ correspondet residuo pretii, verè est emptæ pecunia in dotem erogata.

Quar. 18. In quibus bonis debeat solvi dos pro moniali professura.

Resp. Debet solvi in ære, non in bonis stabilibus, cum pecunia præsens possit commodius occurrentibus monasterii necessitatibus deservire. Ita ex declaratione S. Congr. Lezane t. 1. *Sum. c.* 25. n. 39.

Quar. 19. Utrùm loco dotis in pecunia effectiva, possit fieri remissio cujusdam debiti pecuniarii correspondentis quantitati dotis taxatæ, & solvendi à Monasterio parentibus novitiæ admittendæ.

Resp. Non posse, si novitia professa sit supra numerum; quia ex mente Sacræ Congregationis dos debet tali pacto investiri, ut sicut accrescit monasterio novum onus, sic accrescant pariter novi fructus. In dicto autem casu nihil acquirit de novo Monasterium, unde tantum aggravatur novo onere, nec sublevatur novo emolumento.

Quar. 20. An monialis transiens ad aliud monasterium deferat secum dotem.

Resp. Affirmant Socinus, Baldus, & alii, quia dos recipitur a monasterio pro alimentis tantum, & suffragio vitæ, & proinde debet sequi monialem, sicut eam sequitur exigentia alimentorum. Verum tenendum est non deferre secum dotem traditam primo monasterio, si voluntariè transeat ad aliud, sive ejusdem, sive diversi Ordinis. Ita Pasqual. in 99. moral. juridic. qu. 32. cum aliis ab ipso relatis, & ita sensit Sacra Congreg. in una Neapolitana sub die 20. Julii 1583. Ratio est, quia monialis profitendo transfert omnia sua jura in Monasterium, ut tradunt communiter Doctores; unde etiam transfert in monasterium jus proprium, quod habet ad dotem; hæc autem juris translatio operatur, quod dos incorporetur bonis monasterii, & sit inalienabilis, sicut cætera bona ipsius. Ergo quando monialis transit ad aliud monasterium, non est ipsi dos restituenda, non secus ac non sunt ei danda cætera bona monasterii.

Neque dici potest, monasterium acquirere dotem sub onere alendi monialem, atque adeo, hoc onere resoluto, resolvi etiam dotis acquisitionem. Hoc, inquam, dici non potest, quia tunc solum, non impleto onere, resolvitur acquisitio, quando per acqui-

ren-

rentem stat, quod non impleatur, *l. qua sub conditione. §. Quoties, ver idem est, ff. de condit. instit.* Quando autem monialis voluntarie transit ad aliud monasterium, non stat per primum Monasterium, quod non impleatur onus alendi.

Quar. 21. An Moniali, ut supra, cum ad aliud monasterium transeat, debeantur saltem usus fructus.

Resp. Non deberi Pasqual. *loc. cit. num. 8.* Cum enim dos, ut diximus, transeat in proprietatem monasterii, & monialis abdicet a se omne jus ad illam per professionem, & transferat in monasterium, usus fructus quoque incorporantur bonis monasterii, nec pertinent aliquo modo ad monialem.

Quar. 22. An si secundum monasterium cogatur recipere monialem, sit ei restituenda dos a primo.

Resp. Cum distinctione. Si prius Monasterium instet pro translatione Monialis, teneatur pro videndo de dote; si posterius Monasterium nolit recipere absque dote. Quia dum primum monasterium instat pro translatione, praesumitur, quod respiciat proprium commodum, quod percipit ex hujusmodi translatione. Cum ergo posterius monasterium non debeat pro commodo primi monasterii jacturam subire, neque debet subire jacturam alendi monialem. Si vero primum monasterium non instet, sed ipsa monialis, vel superiores judicent expedire, quod transferatur, quamvis posterius monasterium coacte recipiat, existimo, quod prius monasterium non teneatur restituere dotem. Quia Monasterium habet tantum obligationem alendi monialem, quandiu manet sub ipsius potestate; resolvitur autem haec obli-

gatio, si destinat esse sub ipsius potestate, & fiat sub potestate alterius monasterii. Neque ex eo, quod moniales coacte recipiunt, valet arguere, quodd monasterium coacte recipiat, quia monasterium non repræsentatur in monialibus tantum; sed etiam in Prælati: immò in illis tantum æconomicè, in his verò jurisdictionaliter; & ideò horum consensus sufficit, ut voluntariè dicatur accipi Monialis.

Quer. 23. An quando monialis transfertur ad aliud monasterium ad agendam pœnitentiam, siue secundum monasterium coacte recipiat, siue libenter, teneatur illi primum Monasterium subministrare alimenta.

Resp. Teneri, & desumitur ex *cap. de lapsis* 16. *quæst.* 6. & *cap. 11. quis acquirit.* 27. *quæst.* 3. Nam per hanc translationem non fit membrum posterioris monasterii, neque solvitur viculum respectu prioris, quare neque solvetur obligatio ipsam alendi.

Quer. 24. An monasterium acquirat dotem novitiæ morientis infra annum probationis, emissa tamen professione ex indulto S. Pii V.

Resp. Non acquirere, quia illa professio valet tantum ad finem consequendi indulgentias, non ad finem succedendi in dote, & in bonis per monasterium, ut patet ex declaratione Congregat. Concil. sub die 13. Novembris 1627. in una montis regalis. Quare Summus Pontifex illo privilegio intendit quidem bono spirituali novitiæ consulere, nunquam tamen quæsito alterius juri derogare, neque præjudicium succedentibus ab intestato inferre. Ita Tambur. *cir. disput.* 4. *quæst.* 6. ubi alios refert, quibus adde

No-

Novarium *sum. Bullar. comment. 119. num. 5.* qui limitat hanc doctrinam, quando professio facta esset in articulo mortis anno probationis completo, in tali enim casu deberetur dos monasterio, & excluderentur venientes ab intestato, juxta *dec. Rovit. 4.*

§. VI.

De Monialium Professione.

Quar. 1. **Q**uænam requirantur, ut professio in religione sit valida.

Resp. Præter liberum cujusque consensum requiri ex Tridentino *sess. 25. de regul. cap. 15.* ut fiat post quintumdecimum, & unum probationis annum integrum, & continuum; adeo ut professio aliter facta nulla sit, nullamque pariat obligationem, aut alios quoscunque effectus tam in foro externo, quam interno, ita ut non obliget ad religionem aliquam in genere, nec in specie, & in hoc correctæ sunt jura antiqua *Cap. Non solum de Regular. in 6.* Neque censetur valida professio facta ante tempus præfinitum à Concilio, etiam si monialis voluisset religionem ingredi, & in ea permanere, & ita declaravit Sac. Congregatio, ut refert *Pignat. l. 8. consul. 55. num. 16.* An autem si revertatur ad sæculum, ex mente hujus decreti à voto libera dicenda sit, *Pignat. ibi. n. 16.* dicit, fuisse responsum, hoc decretum nihil de voto disposuisse.

Quar. 2. An aliquando valida sit professio intra probationis annum emissæ.

Resp. Quod sic, scilicet quotiescunque accedit indultum Summi Pontificis; unde ex speciali privilegio à S. Pio V. monialibus S. Domini concessio, de quo participant omnes cum eodem

eodem Ordine communicationem privilegiorum habentes, possunt novitiæ in mortis periculo constitutæ intra probationis annum profiteri, ad lucrandas indulgentias, & alias gratias professarum, non tamen in præjudiciū venientiū ab intestato, ut diximus *paragrapho antecedenti, quæsto 23.* Neque in tali casu requiritur consensus Monasterii. Tum quia is non exprimitur in bulla cum aliis requisitis, tum quia illa non est simpliciter professio, quæ habeat incorporare religioni, sed ad effectum tantum, ut diximus, indulgentias consequendi, unde si novitia postea convalescit debet denuò profiteri, Bordon. *in Miscell. decif. 130.*

Quar. 30. Quibus ex causis resultet nullitas professionis.

Resp. Induci professionis nullitatem non solum ob defectum qualitatum in primo quæsito recensitarum, sed etiam ex metu cadente in constantem virum, qui respectu scæminæ sit rationalis, ac fundatus in vero, & probabili periculo, colligitur ex Triden. *sess. 25. cap. 19.* Et in judicando metu considerata est qualitas personæ patientis metum, animi nempe vel imbecillitas, vel fortitudo, ut per Fagnan *in cap. consultationi num. 14. de sponsal.* Quod verum est, etiam si metus sit reverentialis, saltem concurrentibus adminiculis; crebris persuasionibus, minis odio, & imperii scæpiùs repetiti importunitate, ob quæ puella non audet patri, vel consanguineis contradicere. Layman. *in Theol. mor. lib. 4. tract. 5. cap. 5. num. 6.* An autem sit nulla professio, si per metum cadentem in constantem virum moniales aliquam recipiant, negant Suarez, & Vecchius relati à Peyrino *to. 2. de Pral. q. 3. §. 2. num. 81.* ubi oppositum sustinet, quia

quia de ratione contractus ultro, citroque obligatorii, cuiusmodi est professio, est; ut par omnimoda sit utrinque libertas; unde eo ipso quod Canones irritant professionem factam metu profitentis, irritant etiam professionem factam metu recipientis.

Nulla quoque est professio, si interveniat error, dolus, & ignorantia circa substantialia religionis, ut si novitia profiteatur, putans se non obligari in perpetuum, vel regulam sui Ordinis non esse adeo asperam, & quidem asperitate vires ejus notabiliter excedente. Quia ignorantia excludi voluntatem profitendi, nihil enim volitum, quin præcognitum. Suar. *de Relig. t. 3. lib. 6. c. 5. n. 4. 5. & 6.*

Vitiatur pariter valor professionis per iram, aut aliam animi perturbationem, si tales sint, ut rationis iudicium obtenebrent ac impediant deliberationem requisitam ad peccandum, quia deficit libertas, quæ est forma contractus. Sanch. *lib. 4. cap. 1. nu. 2.* Multòque magis est invalida, si monialis nullam habeat intentionem se obligandi, quia actus non obligant ultra intentionem agentis. In foro tamen externo poterit cogi ad secundam professionem, ut rectè advertit Castropal. *tract. 16. disp. 2. p. 4. n. 3.*

Nulla item redditur professio, si non serventur ea, quæ in particularibus Constitutionibus religionum cum clausula irritante præscribuntur, maxime si constitutiones à Papa sint confirmatæ, ut notant Sanchez, Tambur. Rodriq. & Bordon. *de profes. cap. 3. q. 16.* Cum enim per illas tollatur potestas aliter recipiendi ad professionem, inducitur nullitas professionis aliter factæ. Rota in terminis statuti prohibentis per verba *Nullus recipiatur, dec. 167. n. 5. p. 2. recent.* Bordon. Castropal. & alii.

Quar.

Quar. 4. An professio simoniaca; vel ob malum finem emissâ, sit valida.

Resp. Ad utrumque affirmativè, primum desumitur *ex cap. de Regular. & c. quoniam de Simon.* ubi dicitur, simoniacè professum debere detrudi in aliud Monasterium ad agendam pœnitentiam, & si aliud non reperiatur, debere manere, ubi emisit professionem; supponitur ergo professio valida, dum decernitur permanentia in Monasterio; & ita sentiunt Navar. & Rodriquez, quos refert, & sequitur Barthol. à S. Fausto, qui cum Azorio, & Silvestro idem asserit de professione ob malum finem emissâ.

Quar. 5. An professio viri in Monialium Monasterio sit valida.

Resp. Cùm communi Doctorum negativè, quia ad validitatem professionis requiritur consensus profitentis, & admittentis, sed in hoc calu saltem deficit admittentis. Quare invalida quoque erit professio, si mulier erumpat in masculum, quod utique posse contingere, docent magni nominis Auctores, præcipuè August. *lib. 3. de Civit. Dei cap. 31.* Sicut enim Matrimonium carnale, etiam consummatum dirimitur, si mulier fiat vir, ita etiam dirimetur Matrimonium spirituale; ut docent Navar. Sâ, Enriq. quos adducit, & sequitur Sanc.

Quar. 6. An in dubio de valore professionis si valida censenda.

Resp. Quòd sic, quia possessio stat pro Religione, & pro certitudine professionis; in dubio autem favendum est Religioni, & possessori. Quare ex Suarez, & Peyrino Monialis dubia de suæ professionis valore teneantur eam ratificare.

Quar. 7. An monialis certa de nullitate pro-

professionis, & omni probatione destituta teneatur illam ratificare.

Resp. Cùm Sanchez lib. 7. de Matr. disp. 37. n. 3. non teneri, maximè si ex culpa sua non dedit causam nullitati. Poterit ergo manere in religione expectando commodam fugiendi occasionem, si hoc sine scandalo potest contingere. Ratio hujus conclusionis est, quia, cùm in culpa non fuerit, ut professio sit nulla, & re vera libera sit, non est compellenda ad coactè tantum onus subeundum, quod spontaneum consensum propter magnam perfectionem maximè desiderat. Neque ad id debet cogi, quia sine titulo suffragia præstaret; & à Monasterio alimenta reciperet; nam hoc facile evitari potest. A suffragiis enim ferendis absteineat, in quantum sine scandalo & sua gravi nota potuerit; & quando commodè abstinere non possit, ne notetur, aut scandalo sit, ferat suffragia, & etiam prælaturas admittat, quia omnia hæc ratione publicæ professionis, aut publici officii valida erunt; ad est enim titulus præsumptus, error communis, & vitium est occultum. Quoad alimenta verò; quæ recipit, parvum damni infert monasterio, si computetur servitia, quæ præstat, & fructus ex fundo dotali percepti, qui fructus debent computari ad rationem census vitalitii, cùm capitale post mortem remaneat Monasterio. At dato etiam quoddam aliquod damnum Monasterio resultaret, non est tanti faciendū, ut debeat compensari cum assumptione oneris tam ardui, qualis est obligatio professionis; & ad summum sufficiet, si habeat animum refarciendi, cùm fuerit solvendo.

Quar. 8. An idem dicendum sit, etiam quando monialis dedit causam nullitati.

Resp. Affirmativam sententiam Sanchez. loc. cit.

an. existimat probabiliorem. Quia licet peccaverit, cum tamen religiosus status sit tanti momenti, & tam arduus, nulla ratione, & ob nullam culpam quis ad illum est compellendus invitus. Sicut enim debito ex delicto non tenetur in conscientia ob debiti compensationem perpetuum subire carcerem, sic neque monialis ex sua culpa nulliter professsa tenebitur ob damnum quod resultat monasterio, perpetuo religioni se mancipare; libertas enim est superioris ordinis, & pretiosior quocunque emolumento temporali.

Neque tenetur ratificare professionem, quamvis non possit propter scandalum fugere, aut alio modo à religionis iugo se subtrahere, ut asserunt Castropal. & Moronus cum aliis ab ipso relatis *resp.* 82. *num.* 130. contra Lezanam, qui licet concedat non teneri ratificare professionem, quoad usque remanet spes fugiendi, vel aliud remedium, vult tamen teneri cessante tali spe, & sublato quocunque remedio, *r.* 3. *v. Professio num.* 24.

Quar. 9. An monialis sic nulliter professsa teneatur servare regulam, si permaneat in monasterio.

Resp. Ex vi professionis non teneri, quia nullo vinculo adstringitur religioni. Solum tenebitur ratione scandali vitandi. Quia cum reputetur vera religiosa, & pro hac parte sit legitima præsumptio, scandali ansam meritò præberet regulares observantias transgrediendo. Ex quo fit, quòd in rebus occultis, in quibus scandalum omnino cessat, nec ad regulam, nec ad votorum observantiam adstringatur. *Cajet.* 2.2 q. 88. *art.* 1.

Quar. 10. An percutiens monialem nulliter professsam, sed ut professsam reputatam,

tam, incidat in excommunicationem.

Resp. Quòd non: quia verè non percuteret monialem, sed laicam; unde sicut non incidit in excommunicationem quis occidens Cajum, putans esse Titium clericum, quia non punitur affectus, sed opus externum, ita in casu nostro philosophandum. Moronus *resp.* 80.

Quar. 11. Quid requiratur ad ratificandam professionem.

Resp. Requiri, quod accedat liber consensus monialis, quæ sciens professionem suam fuisse, & esse irritam, velit eam ratam habere. Neque indiget alio consensu Monasterii, etià si acceptatio illius fuisset irrita; tum quia prior consensus præsumitur permanere; tum quia Pontifex in hoc casu pro bonopacis, & religiosarum consolatione dictam professionem tanquam caput nomine religionis acceptat. Neque insuper opusest novitiatum iterare, cum post susceptum habitum plenè monialis experta sit religionem, & religio ejus mores, qui est novitiatus finis *Peyrin. l. 2. de Prel. q. 3. cap. 1. §. 5. n. 145. & 146. & alii.*

Quar. 12. An monialis sic professã possit tuta conscientia retinere locum, & cætera privilegia sibi debita ex priori professione irrita.

Resp. Sive prior professio fuerit irrita bona fide, sive mala, si casus est occultus, non tenetur locum sibi debitum ex priore professione dimittere. Si verò ratione antiquitatis professionis existimatæ aliquod privilegiũ sibi competat, quod in grave præjudicium religionis, aut aliarum monialium cedat, tunc debet secretò pro foro conscientie impetrare dispensationem; interim verò dum procurat, vel si commodè procurare nequeat, non tenetur cū

nota

nota relaxare , nec ab actibus convenientibus se abstinere . Quòd si ea , quæ competunt ratione antianitatis , sint modici momenti , ut priùs ferre suffragium , & alia hujusmodi , non est ad petendam dispensationem obliganda . *Peregrin. ad Constit. sui ord. p. 2. cap. 1. §. 5. & Sanch. de Matrim. lib. 7. disp. 37. n. 68.*

Quar. 13. Ad quem spectet admittere novitiam ad professionem .

Resp. Ad monasterium spectare , quod in monialibus repræsentatur , ut diximus de puellarum receptione . Est enim professio contractus ultro citròque obligatorius , atque adedò requiritur non tantum consensus novitiæ , sed etiam monialium , cùm de jure communi ad illas pertineat , ne dum quando recipitur ad habitum , sed etiam quando admittitur ad professionem . *Abb. in c. Ad Apostolicam , ibique Glos. fin. de Regular. & in specie probat Sanch. in decal. lib. 5. cap. 4. num. 65. cum ibi relatis .* Quod adedò verum est , ut si Episcopus , vel alius Prælati compelleret moniales ad recipiendam novitiam ut professam , poterunt ad superiores appellare , sicuti declaravit Sacr. Congr. super Episcop. & Regular. in Colonien. 13. Maji 1652.

Quar. 14. An novitiæ absque causa capitulariter exclusæ licita sit reclamatio ad superiorem , quòd moniales illam non admiserint ad professionem .

Resp. Licere . Ita Doctores , quos refert , & sequitur Pasqual. in *Lauret. p. 2. q. 49. n. 2.* Evidens enim est , quòd novitia habet notabile interesse in causa , & ejus non admissio sine causa affert ipsi notabile gravamen , atque injuriam ; unde non potest rejici ejus reclamatio in causa præsertim canonica , in qua secundùm jus canonicum licet à quocunque gravamine

mine appellare. Ideòque Sac. Congr. Episc. & Regular. *sub die 2. Octobris 1648.* ac alibi sæpiùs declaravit, moniales non posse rejicere à professione novitiam sine causa.

Quar. 15. An constituto de gravamine, possit Episcopus admittere ad professionem novitiam indebitè exclusam.

Resp. Affirmat Bordon. *in Consil. Regul. resol. 57. un. 107.* Quia ad Prælatos majores spectat corrigere ea, in quibus subditi peccant, *Cap. ut famę de sen. excom.* & notat Gloss. *in Cap. ea qua v. reatu de off. Archid.* & ideò corrigere debent determinationes capitulares injustas. Consultius tamen existimo, præcipere Capitulo monialium, quòd indebitè gravatam recipiat. Quòd si pertinaciter recusaverint Moniales, de earum contumacia Sacram Congregationem faciat certiozem, ut de opportuno remedio confestim provideri possit: ut *resoluit sub die 5. Novembris 1605.*

Quar. 16. An novitia, quæ toto novitiatu anno fuit infirma, possit admitti ad professionem.

Resp. Ex Peyrino, & aliis affirmativè. Quia non tenetur novitia omnes austeritates religionis experiri in specie, sed satis est, quòd probet in genere, perseverando per annum sub obedientia magistræ, & Abbatissæ. Quòd si novitia detegatur infirma morbo contumaci, remittenda est ad curandum in domum suam, Sac. Congr. 10. *Febr. 1649. in Salernitana*; ex quacunque tamen causa exivit, non potest postea recipi sine licentia Sacræ Congregationis, 29. *Januarii 1601. & 15. Aprilis 1607.* Possit item validè, & licitè admitti ad professionem novitiam, quæ morbo, vel senectute est impotens ad regulæ statuta servanda, sistent Sanchez, Faustus, Navar, & Pe-

& Peregrin. in *comment. ad constit. sui ordin. p. 2. c. 1. §. 18.* Quia obligatio ad religionis essentialia, nimirum castitatem, paupertatem, & obedientiam, nullas corporales vires exposcit, sed solum voluntatis affectum. Cetera vero religionis statuta non sunt religiosi status essentialia, sed obligant; dum iusta causa non excusat.

Quar. 17. Qualis litteratura requiratur in novitia admittenda ad professionem tamquam chorista.

Resp. Requiri, ut saltem sciat legere; cum enim contrahat obligationem persolvendi horas canonicas, non debet esse impotens ad satisfaciendum suę obligationi. Ita fuisse decisum à Sac. Congr. in *una Cirgen. 12. Januarii 1604.* refert ex Barbof. Tamburin. *disp. 6. q. 6. num. 3.*

Quar. 18. An, & ubi fieri debeat exploratio voluntatis novitię, antequam profiteatur.

Resp. Ante professionem quoque ut supra diximus de puellarum receptione, voluntatem novitię esse explorandam ab Episc. vel ejus Vicario etiam in monasteriis exemptis, ut ex declaratione Sac. Congreg. testatur Pasqualig. *loc. cit. n. 44.* Pro exploranda tamen voluntate non licet ingredi claustra monasterii, & proinde ingrediens in excommunicationem incurreret, cum id expressè prohibeatur in *Const. S. Pii V. 1. in Bullar.* Ex iusta nihilominus causa, ut si esset suspicio subornationis, potest professura educi è claustris monasterii ad Ecclesiam exteriorē; ut notat Tamburinus, quem refert Pasqual. *loc. cit.*

Quar. 19. An, & quo tempore debeat Præfecta monialium notificare Episcopo tempus professionis emittendę.

Resp.

Resp. Ex Concil. Trident. *sess. 25. de Regular. cap. 17.* quòd, ne professionis tempus Episcopus ignoret, tenetur Præfecta monasterii eum ante mensem certiorum facere; aliàs, quandiu Episcopo videtur, ea ab officio suspensa sit. Quoad monasteria verò exempta præfigitur spatium quindecim dierum à S. Pio V. in *cit. Constit.* quibus elapsis in hoc se intromittere, Episcopo non liceat.

Quar. 20. An si Episcopus negligeret explorare voluntatem, postquam certior factus est à Præfecta, possit punire Abbatissam, quæ elapso termino admitteret novitiam ad habitum, vel professionem.

Resp. Si monasterium sit exemptum, nequaquam punire potest, quia juxta *Constit. cit. S. Pii V.* si per quindecim dies negligat explorare, non potest amplius se ingerere. At si Monasterium non sit exemptum, neque videtur, posse punire, quia ex decreto Concilii non tenetur Præfecta nisi ante mensem certiorum facere Episcopum, non autem tenetur ultra debitum tempus expectare. Delinquit ergo Episcopus, si intra tempus assignatum non exploret; quare si Præfectam puniret, negligentiam suam in alio puniret. Pasqual. in *Laurent. n. 46.*

Quar. 21. Ad quem spectet acceptare professionem novitiæ proficentis.

Resp. Spectare ad Episcopum, vel ejus deputatum privativè quoad Abbatissam, tenet Suarez 1. 4. de *Relig. tract. 9. lib. 10. cap. 11. n. 1.* & colligit. ex *cap. statuimus 20. q. 2.* Quia apud Episcopum tantum est propriè jurisdiclio. Oppositum sustinet Sanchez, & colligitur ex declaratione Sac. Congr. 22. Februarii 1625. quæ sic habet: *Professio monialium fieri debet in manibus Ordinarii principaliter, non Abbatissæ, ex quo*

quo deducitur, quòd in manibus Abbatisſæ poſſit fieri de ſecundario. Quare ſervandam eſſe conſuetudinem cuiuſcumque Ordinis, & provinciæ, aut loci, exiſtimant alii.

Quar. 22. An Abbatiſſa cum conſenſu Monialium validè admittat ad profeſſionem, contra prohibitionem Prælati.

Reſp. Si Prælatuſ ſimpliciter prohibeat, profeſſio per hoc præciſè non eſt nulla, quia multa facta tenent, quæ fieri prohibentur; ſiverò prohibeat ſuſpendendo Abbatiſſæ facultatem, & proteſtando ſe in talem admiſſionem non conſentire, ex rationabili cauſa, tunc profeſſio eſt nulla ex defectu poteſtatis in admittente.

Ita quòd neque per Vicarium poteſt admit-
ti; quia, quod una via eſt prohibitum: non cenſetur alia permiſſum, *cap. quod una de regul. jur. in 6.* unde cùm ſit prohibita admiſſio dictæ puellæ per Abbatiſſam, non eſt cenſenda permiſſa per Vicarium, aliàs fruſtatoria eſſet prohibitio. Paſqualig. *in 99. moral. canonic. cent. 4. qua. 307.*

Quar. 23. Quænam privilegia conſequatur Monialis ex emiſſione profeſſionis.

Reſp. In primis conſequi plenariam omnium ſuorum peccatorum remiſſionem quo ad pœ-
nam, ita quòd, ſi emiſſa profeſſione ſtatim de-
cederet, directæ in cœlum conſcenderet. Ita
D. Thom. 2. 2. q. ult. art. 3. ad 3. & communi-
ter Doctores, quorum aliqui etiam addunt,
conſequi huiuſmodi remiſſionem etiam quan-
do jam profeſſa de profeſſione gaudet, eam-
que innovat, parata facere, ſi non feciſſet.
Dionyſius Carth. & Vecchius *de Novit. diſp.*
1. dub. 5. n. 7. alios citans.

Relaxantur inſuper omnia vota ſimplicia
realia, & perſonalia, atque mixta, & in ſo-
lemne

lemne religionis votum commutantur. Ita D. Thom. *loc. cit.* & ibi Cajetanus, qui *qñ. ult. ar. 3. ad 3.* ait, ad hanc commutationem nullam voventis intentionem exigi. Hoc tamen locum non habet in votis realibus de re, quæ cadit in utilitatem tertii, & ab alio tertio sit acceptata, quia per acceptationem acquisitum est jus illi tertiæ personæ, atque adeò in damnum tertii commutari non potest; secus verò quando non esset acceptata promissio, quia tunc jus non est illi quæsitum. Ita Doctores relati à Peregrino *loc. cit.* Sunt & alia privilegia, quæ videri possunt, Sanch. *10. 2. lib. 5. cap. 5.*

Quar. 24. Quale peccatum sit, de emissâ professione pœnitere.

Resp. Per se mortale non est, dummodò Monialis retineat animum adimplendi promissa. A veniali tamen non excuto, quia illa pœnitentia actus boni, licet voluntarii, adversatur directioni rationis, & summa ingratitude est, nolle recipisse à Deo tale, ac tantum beneficium, qualis est religiosa professio. Ita Azor. Cajet. Vasquez, & alii relati, & approbati à Peyrin. *t. 2. de Pralat. q. 3. cap. 1. §. 5. n. 155.*

C A P U T III.

De Monialium Consecratione.

Quar. 1. **Q**uandonam voto virginitatis, aut cœlibatus publico, & solemnini cum Episcopi consecratione Moniales cœperint obligari.

Resp. Sunt, qui Divum Basilium Magnum hujus instituti, sive consuetudinis auctorem faciant. Alii id sub Constantino Magno, & alii Ambrosii, Sed Ambrosius ætate factum arbitran.

D tran.

trantur. Sed Ambrosius *l. 1. de Virgin.* conatur ex Thecla tanquam traditionem Apostolicā probare, ac tueri. Polidorus Virgilius verò consecrationes Virginum Sacrarum Pii Primi Pontificis institutum esse antumat. Habetur Pii decretum *in can. Virgines 20. q. 1.*

Quar. 2. Ad quem spectet sollemnis Monialium consecratio.

Resp. Ab initio hujus ritus tam a Sacerdotibus, quam ab Episcopis consecrabantur, ut colligitur ex Ambrosio *l. 3. de Virgin. ad Marcellinam.* In Concilio autem Carthaginensi secundo *can. 3.* prohibitum fuit, ne consecratio puellarum à presbyteris fieret, *can. si jubet sanctitas 26. q. 6.* Spectat igitur ad Episcopum, eumque consecratum, quia sollemnis consecratio non tam est potestas jurisdictionis, quā ordinis. Ex speciali tamen privilegio Pontificis posse Prælati inferioribus, & Superioribus Regularium committi, asserit Tamburin. *disp. 27. q. 5. n. 7. & 8.* ubi refert, Generalem sui Ordinis, & Camaldulensis consecrare ab immemorabili moniales sibi subditas, id ipsum approbantibus Sede Apostolica, & Sac. Rit. Congreg. *sub die 1. Julii 1601.*

Quar. 3. Quo tempore fieri debeat consecratio.

Resp. Servandum esse tempus à jure præscriptum, nisi aliud suadeat necessitas, nam in tali casu quolibet die fieri potest. Tambur. *disp. cit. q. 4. n. 3.* Quæ autem sint tempora statuta, habetur *in d. can. Virgines, q. 1.* in quo hæc leguntur: *Non consecrandas esse Virgines, nec velamen eis imponendum, nisi in Epiphania, in Sabbato Pasche* (alia littera habet *in Albis Paschalibus*, id est intra hebdomadam Paschæ, ut Glossa exponit) *& in Apostolorum natalitiis, nisi mortis causa urgente.* In Concilio vero

Late-

Lateranensi sub Alexandro Tertio, prout habetur *in cap. 1. de tempor. ordin.* concessum est, ut omnibus diebus Dominicis liceat Virgines consecrare; & consuetudo hoc extendit ad alias solemnes festivitates, ut advertit Turrecremat. *cap. devotif. q. 4.* & ita in hoc consulenda est, & servanda consuetudo. Quam vis Piscara *in praxi Carem. lib. 2. cap. 7. n. 1.* non nisi in die Dominico, & intra missarum solennia fieri debere ex Pontificali Romano, contendat.

Quar. 4. Quo loco fieri debeat.

Resp. In Ecclesia exteriori fieri posse ex Sac. Congr. Rit. 27. Julii 1627. referente Tamb. *q. 6.* ubi advertit, ex iusta causa, & ejusdem Sacræ Congreg. rescripto inductum fuisse, quod monialis consecranda nequaquam egrediatur è clausura, sed consecretur in Ecclesia interiori a Prelato existente ad fenestellam.

Quar. 5. Quid requiratur in Moniali, ut licite consecrari possit.

Resp. Requiritur ætas annorum viginti-quinque expletorum. Ita *ex c. Placuit. 20. q. 1.* & ita etiam sancivit Synodus Arelatensis *c. 27.* Nec audiendi sunt, qui putant etiam ante dictam ætatem posse consecrari. Requiritur item, quod sit professa in Ordine approbato, non quocunque, sed monastico. Ita ex Sac. Congreg. 30. Septembris 1616. Insuper quod si virgo, ut habetur *in cap. devotis. 20. q. 1.* ubi Gelasius Papa ait, *Viduas velare Pontificum nullus attentet.* Quod intelligendum est de velo consecrationis, non de velo professionis, & continentiae, quod etiam ipsis competit, *ex c. Vidua, 20. q. 1.*

Quar. 6. An scemina corrupta, sed communiter reputata ut virgo, possit consecrari.

D 2

Resp.

Resp. Negant aliqui cum D. Thom. in 4. dist. 28. qu. 1. art. 5. ad 5. Quia ex una parte verba consecrationis virginum accomodari non possunt corruptæ sine mendacio, & ex alia neque debent mutari, quia ad vitandum scandalum, non sunt varianda Ecclesiæ Sacramenta, vel Sacramentalia. Placet tamen affirmativa sententia, cui adheret Tamburin. disp. 27. q. 4. ad 8. Quia quamdiu res est occulta, potest fœmina ad vitandum infamiam in exteriori foro se gerere, sicut communiter reputatur, & potest sine mendacio virgo appellari, quia verbum illud verificatur in communi omnium existimatione & de virginitate putativa, quod sufficit ad tollendum mendacium. Suar. r. 4. de Relig. tract. 9. lib. 1. c. 11. n. 9. Et hoc etiam si Prælati certò sciret esse corruptam, quia, non obstante scientia illa privata, non desinit reputari ut virgo, unde Prælati formam consecrationis virginum accomodat illi secundum communem existimationem, atque adeò sine mendacio. Sicuti mentita non fuit B. Virgo, quæ licet sciret sponsum suum non esse Christi Domini Patrem, attamen; quia talis reputabatur, illum Patris nomine nuncupavit. Luca. 2. Ego, & Pater tuus dolentes quarebamus te.

Quar. 7. An monialis per vim, & sine culpa sua corrupta possit consecrari.

Resp. Quòd non, ex cap. Acutius 26. dist. & ex S. Leone Papa in capit. illa autem famula 32. q. 5. Quod exponens D. Tho. dicit, quamvis virgines, quæ per violentiam corrumpuntur si nullo modo consentiant, virginitatis gloriam non perdant, quia tamen valde difficile est, quòd in tali delectatione aliquis complacentiæ motus non insurgat, ideò Ecclesia, quæ de interioribus nō judicat, hujusmodi sic cor-

ru-

ruptas inter virgines non velat. Secus tamen dicendum est, si certa sit se nullo modo delectationi consensisse. Colligitur ex D. August. *de Civit. Dei* c. 18. ubi dicit tali Virgini *nihil de corporis sanctitate periisse*, eamque parem facit illi, *cujus integritatem obstetric ex justa causa manu velut explorans, casu, dum inspicit, perdidit*. Sed hæc potest velari, ergo & illa, Lessius *de Just. & jur. l. 4. c. 4. dub. 16*. Idem quoque dicendum videtur de puella, quæ in somno, amentia, & ebrietate fuit carnaliter cognita, si nullo modo consensit.

Quer. 8. An possit consecrari monialis, cui juxta medicinæ artem ad sanitatem tuendam fuit fractum claustrum virginalis.

Resp. Ex Tamburin. *loc. cit.* posse. Quia ad tollendam corporis integritatem, quæ ad consecrationem est necessaria, duo requiruntur, scilicet fractio claustrum virginalis, & actus libidinosus, qui certè non intervenit in hoc casu. Unde ob hanc rationem potest admitti ad consecrationem monialis, quæ per voluntariam seminis effusionem est polluta, integro remanente claustrum, quia, licet interveniat actus libidinosus, deficit tamen alia qualitas, quæ opponitur virginitati requisitæ, scilicet fractio claustrum virginalis. Similiter consecrari poterit monialis, quæ ante annos discretionis turpem aliquem actum contra castitatem commisit, quia cum præ defectu ætatis non insit potestas seminandæ, ea per nullum actum turpem amittere potest corporis integritatem, sicque adhuc remanet virgo. Ita Rosella, Tamburinus & Lessius *loc. cit. n. 121*. ubi addit, contrarium fortasse verius esse, si in puella adsit perfectus usus rationis.

Quer. 9. An monialis possit admitti ad

consecrationem, nondum Sacramento Confirmationis suscepto.

Resp. Posse. cum nullum jus prohibens extet; regulariter tamen Episcopus non debet admittere virgines ad consecrationem, antequam confirmentur. Si enim omnis fidelis confirmari debet, ut plenè Christianus inveniat, a fortiori debent id facere virgines, quæ Sponso Christo desponsari debent, & consecrari.

Quar. 10. An solemnis consecratio monialium possit iterari.

Resp. Non posse, ita Miranda *q. 7. de Monialib. a. 7.* Quia licet sit simplex benedictio per quam nulla tribuitur potestas, adhuc tamen est quædam sanctificatio, qua monialis suo modo consecratur; quod autem semel consecratum est, remanet semper tale, unde nec benedictio nuptiarum iteratur, nec similiter benedictio sacrarum vestium.

Quar. 11. An saltè sit reiteranda consecratio monialium nulliter professarum, revalidata professione.

Resp. Videri quodd sic, quia professio est qualitas fundamentalis præsupposita ad consecrationem. Nulla igitur existente professione, nulla quoque erit consecratio: dum deficit fundamentum, non potest locum habere, quod in ipso fundatur, *l. nã orig. ff. quod vi, aut clam.* atque adeo erit reiteranda. At negativè resolvendū, sicut de benedictionibus nuptiarū, quando matrimonium fuit nullum, ob occultum aliquod impedimentum, testatur Sanchez *de matr. l. 2. disp. 37. n. 13.* Ita Sacra Congregatio, quæ rescripsit Episcopo *Parment. 17. Apr. 1577* moniales nulliter professas non esse reconsecrandas, sed posse tolerari, solūmque earū professionem esse supplendam, & cautè ratificandā.

Quæ.

Quar. 12. An consecratio monialium conferat gratiam, remittatque peccata venialia.

Resp. Conferre gratiam, & remittere peccata venialia, non quidem ex opere operato, aliàs esset Sacramentum, est falsum, sed solùm remotè & per modum impetrationis, quatenus aliqua ratione ex meritis, & intercessione Ecclesiæ talis consecratio excitat in consecrata attritionem, & displicentiam peccatorum, atque aded remissio obtinetur ex opere operantis. Ita ex D. Thom. 3. part. quæst. 87. art. 3. & Suarez, loc. citat. num. 14.

C A P U T IV.

De Voti Paupertatis obligatione.

§. I.

De natura Voti Paupertatis.

Quar. 1. Quid sit Paupertas religiosa.

Resp. Esse voluntariam abdicationem proprietatis factam a Religioso, dum emittit professionem in Religione approbatam. Per hoc votum prohibetur non solùm actus externus habendi, & contrectandi proprium, sed etiam internus, nempe voluntas habendi proprium. Quia, quando prohibetur aliquid, interdicitur etiam omne id, quo pervenitur ad prohibitum, unde quia per voluntatem pervenitur ad actum externum, actus quoque internus censetur interdictus. Non peccaret tamen Monialis, si haberet desiderium habendi divitias sub conditione, si non esset voto paupertatis adstricta, quia illa con-

ditio excludit propositum agendi contra votum; & solum illud desiderium posset esse peccaminosum, si exponeret monialem periculo delinquendi contra votum.

Quar. 2. An monialis ex vi voti paupertatis reddatur incapax testandi in morte de propriis bonis.

Resp. Cum communi affirmativè, quia ex vi voti redditur incapax habendi proprium; & hoc verum est, etiam si ad pias causas testari vellet. Hinc est, quod neque de propria Cella potest disponere, quia jus nullum habet, sed tantum usum sua morte finiendum; unde adveniente morte, aut quocunque alio casu. fieri debet illius distributio monialibus anterioribus professione. Sac. Congreg. in *Mutinesi* 10. Aprilis 1615. Vacantes cellæ debent assignari secundum antianitatem, nec Superior regularis potest aliter ordinare, in *Ferrariensi*. 2. Junii 1597. & antianitas incipit à die professionis emissæ, non a die habitus suscenti, 5. Julii 1645. Idque non obstat i-
bus Superiorum mandatis, in *Mediolanensi*. 5. Febr. 1601. Nisi tamen in aliquo monasterio adesset consuetudo immemorabilis, quod cellæ vacantes distribuantur, & assignentur ad arbitrium Abbatissæ, & Discretarum, in *Mutinesi*. 24. Januarii. 1613. Concedi potest moniali cellam ædificare, eaque uti sua vita durante, vel alia a suis consanguineis ædificata, in *Cesinatiensi*. 2. Januarii. 1601. Non tamen potest illam vendere, in *Mediolanensi*. 8. Novembr. 1625. licet vellet erogare pretium in utilitatem monasterii, nisi de licentia Sac. Congr. & consensu monialium, in *Veneta* 3. Maii 1647. neque decernere, quod monialis antiana, quæ cellam optare vult, teneatur aliqui
sol.

solvere, *in Januen. 22. Decemb. 1620.* quod servari debet etiam in casu permutationis, ne via fraudibus aperiatur, *in Neapolitana 17. Novemb. 1628.* Datur tamen aliquando facultas Abbatissæ, & monialibus, ut ob aliquam legitimam causam capitualiter, & per vota secreta possint cellas vacantes professione posterioribus concedere, ne moniales contra votum paupertatis abrogent sibi cellas tanquam proprias, 19. *Majis 1619.* Nulla verò monialis cogi potest ad optandas cellas, *in Nolana 10. Junii 1616.* Fusè de hac re Pignat. 10. 10. *consult. 34.* Existimat nihilominus Rosignol. *de Restit. 1. prator. 10. num. 12.* quòd existente consuetudine, ut Moniales transmittant sua cubicula cum suppellectili ad suas alumnas, non peccant sic transferendo. Quia ista ordinata successio semper est cum voluntate implicita Superioris dictæ consuetudini se conformantis; taliter tamen, ut si velit, possit illam possessionem remove, & successionem interrompere; atque aded in hoc nihil reperitur, quod adversetur naturæ voti paupertatis, quæ proprietatem tantùm respuit, non usum ad nutum Superioris revocabilem.

Quar. 3. An monialis professa possit testamentum ante professionem à se factum declarare.

Resp. Posse, sistendo in vera, & propria declaratione voluntatis incertæ; secus verò si declaratio recipiat dispositionem, quæ de jure est certa, & monialis velit illam declarare, quia ista non tam est declaratio, quam nova dispositio, quæ voto paupertatis repugnat. Mantica, Rodriq. Sanch. & Peregrin. *ad Const. sui ord. p. 2. cap. 1. §. 36.*

Quar. 4. An monialis peccet contra votum paupertatis, si recipiat pecunias sæcularium in depositum absque licentia Abbatisse.

Resp. Non peccare, quia in tali casu nec dominium, nec usum, neque administrationem illius pecuniæ acceptat, sed hæc omnia remanent apud deponentem, solo officio custodis admissio, quod voto paupertatis non videtur prohibitum. Ita cum aliis *Diana loc. cit. res. 66.*

Quar. 5. An monialis sumens aliqua bona monasterii pertinentia ad cibum, & potum, frangat votum paupertatis.

Resp. Cum Suarez, *l. 3. de Relig. lib. 3. c. 11. n. 41.* non frangere, nisi damnificatio religionis esset nimia, & in re extraordinaria, & pretiosiore. Extra hujusmodi casum res pertinentes ad cibum, & potum reputantur levioris momenti, etiam si tractu temporis perveniant ad quantitatem notabilem, quia ista minima furtiva in tali materia non continuantur, neque multum damnificant. *Diana loc. cit. res. 45.* Et quamvis Abbatisse hoc displiceat, non tamen ita censeri debet involuntaria, ut illam reputet materiam gravem in ordine ad paupertatem; monialis enim quoad usum hujusmodi rerum tractatur ut filia, inter parentem autem, & filiam non censetur hujusmodi actio gravis.

Quar. 6. An monialis, quæ invita Abbatisse repetitis viribus surripit modicum panis, vini &c. & dat extraneis, peccet mortaliter, & ad restitutionem teneatur.

Resp. Duæ extant Doctorum sententiæ. Prima ait, quod peccet tantum venialiter; cum tamen valor rei surreptæ pervenit ad notabilem quantitatem, tunc ultimum furtum precedentibus accedens efficitur mortale; nisi monia-

monialis in commissione ultimi furti habeat animum, saltem virtualiter, restituendi minuta furta priora; quia tunc nullum fit damnum notabile. Vel nisi magnis interpositis intervallis, ejusmodi furta committat; quia superiores minùs ægrè ferunt, quædam sibi auferri longo intervallo, quam eandem quantitatem simul vel brevi tempore; Ita, aliis relatis, Bartol. à S. Faus. l. 8. g. 189. in suo *Thesau.* Secunda opinio concordat cum prima quo ad restitutionem faciendam, negat tamen, quòd illud ultimum furtum complens notabilem quantitatem fiat mortiferum virtute priorum. Quia sicuti ex peccatis venialibus quantumcunque multiplicatis non confurgit mortale; ita neque ex illis furtis, quæ levia sunt, & venialia, consurget culpa lethalis. Navar. cap. 17. n. 185. & Viga lib. 14. in *Conc. Trid.* cap. 11. in fin.

Quar. 7. An moniales dantes extraneis, ut supra, modicum panis, & vini incidant in excommunicationem latam ab Episcopo contra hujusmodi furripientes.

Resp. Affirmativè, quia, licet admissa supradicta opinione, mortaliter non peccent, atque adèd ex hoc capite non incidant in excommunicationem, quæ ferri non potest nisi in mortaliter peccantes; potest tamen ex justa causa imponi præceptum sub excommunicatione de re, quæ aliàs non erat gravis, & tunc moniales non obtemperantes peccant mortaliter, non quia surripiant, sed quia ex suppositione præcepti sub excommunicatione nolunt obtemperare, & à furtiolis illis abstinere, & sic excommunicationem incurrunt, quia, cum monasterium per furtiola à pluribus facta patiatur grave detrimentum, adest justa, & gravis causa ferendi talem excom-

municationem. Salmantic. in Theol. mor. t. 3. tr.
13. cap. 5. pun. 3. §. 3. n. 29.

Quar. 8. Quænam bonorum monasterii quantitas requiratur, ut, ea sine licentia Abbatissæ usurpata à moniali, ad peccatum mortale pertingat.

Resp. Quot capita, tot sententiæ. Rebellius, Grassius, Bonacina, & alii asserunt, eam quantitatem sufficere, quæ sufficit in sæcularibus ad constituendam materiam peccati mortalis furti. Rodriquez, & Aragonius putant monialem tunc committere furtum, quando ascendit ad summam duorum aureorum. Alii volunt, quantitatem notabilem in religiosorum furtis pensandam esse in particulari pro temporum, locorum, personarum, & aliarum circumstantiarum differētia, iudicio & arbitrio boni viri. Ita Miranda. Alii determinant pro materia sufficienti ad peccatum mortale quantitatem duorum argenteorum, ut Mendoza: trium, Bartholomæus à S. Fausto: quatuor, Jo: de la Cruz, & Sanchez, octo verò, aut novem in rebus, quæ actu non consumuntur. Ledesma. Alii tandem furtum religiosi comparāt cum furto filii familias in ordine ad res monasterii, ita quòd ea quantitas, quæ ablata a filio ex bonis paternis inducit peccatum mortale, sufficiat etiam ad arguendū religiosum de peccato mortali, est enim in utroque par ratio, quia sicut bona paterna res, servantur filiis, ita bona monasterii reservantur religiosis ad eorum sustentationem. Ex his placitistam variis, quæ certe innituntur variis rerū circumstantiis, videat Confessarius, quid in unoquoque casu sit determinandum.

Quar. 11. An monialis delinquat contra votum paupertatis, si mutuēt, aut commodet ex rebus ad ipsum usum concessis.

Resp.

Resp. Peccare, si id faciat absque Abbatisſæ licentia ſaltem tacita, quia monialis eſt merè uſuaria, & uſuarius non poteſt concedere alteri uſum rei permiſſæ, ut habetur *inſtit. de uſu, & habit. §. 1. & 2.* Non peccat tamen mortaliter ſi ſit ſecura de reſtitutione rei commodatæ, aut mutuatæ, idque ſive commodatum, aut mutuum ſit intrà idem monaſterium (quo caſu faciliùs præſumi poteſt licentiã tacita) ſive extra; quia mutuum, & commodatum non æſtimantur gravis materia. Ita Layman, Sanchez, & peyrinus, quos refert, & ſequitur Diana *loc. cit. ref. 34.*

Quar. 10. An peccet monialis contra votum paupertatis, ſi ſine licentia Abbatisſæ rem monaſterii ad communem uſum deputatam immutet in aliam proprio uſui applicandam, v. gr. ex ſindone formando linteola.

Resp. Peccare, & quidem mortaliter, ſi adſit gravitas materiæ, quia talis immutatio, & applicatio ad proprium uſum important auctum, qui non poteſt exerceri niſi à domino; hæc autem adverſantur voto paupertatis. Alphons. de Leone *de off. Confes. recoll. 11. num. 211.*

Quar. 11. An peccet monialis, quæ habens ex peculio ſibi conſeſſio neceſſaria ad veltitum, recipit ab Abbatiſſa veſtem ſingulis annis dari ſolitam.

Resp. Non peccare, quia recipiendo illam veſtem utitur jure ſuo, quare nemini facit injuriam, præſertim, cùm illam veſtem recipiat ab Abbatiſſa, quæ præſumitur conſcia peculii conſeſſi, undè non poteſt dici involuntaria.

Quar. 12. An monialis eo ipſo, quòd deputatur ad officium aliquod monaſterii exigens multas, & graves expenſas ab ipſa faciendas,

86 *De natura Voti Paupertatis.*
das, possit sine licentia recipere ab amicis, & consanguineis pecunias, ad talem effectum necessarias.

Resp. Quod sic, concurrente tacita, & interpretativa voluntate Abbatisse illam ad tale officium deputantis. Si enim officium exigit expensas, nec pecunia subministratur ab Abbatisse, eo ipso quod monialis tali officio est deputata, censetur tacite concessa licentia recipiendi ea omnia, quæ pro tali munere obeundo sunt necessaria, quia concessio uno conceduntur etiam omnia, sine quibus non pervenitur ad ipsum, *l. 2. ff. de jurisd. omni.*

Quar. 13. An monialis, quæ indigens aliqua summa pecuniæ, quam unus superior non concederet, medietatem illius pecuniæ recipit de licentia Abbatisse, & aliam medietatem de licentia Prælati, peccet contra votum paupertatis.

Resp. Non peccare, verum enim semper est, quod recipit cum legitimi superioris licentia. Neque modo supradicto utitur in fraudem, sed utitur jure suo, quia si potest uterque superior cumulative concedere, poterit & monialis ab utroque postulare. Difficilius forsan Prælati secundam licentiam concederet, si esset conscius de impertita ab Abbatisse; sed quia major difficultas confessionis, non inducit defectum voluntatis in concedente, ut per Sanchez, *de matr. lib. 8. disp. 21. num. 11.* hinc est, quod per hoc non vitiat licentia superioris.

Quar. 14. An, & quomodo moniales dilapidantes bona sive sibi concessa ad usum, sive communia conventus, teneantur restituere.

Resp. Tradunt Armilla, Rosella, Taberna, & Silvester, non teneri, quia restitutio debet fieri ex proprio, quo caret monialis ratione

tionem voti paupertatis. Alphonsus de Leone ait, monialem, si non habeat redditus, non teneri, nisi ad inducendum eum, cui dedit, ut restituat. Placet opinio Navari, & Fagundez, qui obligant monialem in tali casu ad restituendum, non quidem restitutione propriè dicta, quæ non fit, nisi ex propriis bonis, sed restitutione impropriè dicta, nempe abdicando à se usum proprii peculii, si quod habet, ea tantummodò parte retenta, quæ ad proprias indigentias absolutè est necessaria. Non tamen tenetur magis laborare, vel sibi necessaria subtrahere, vel aliundè ab extraneis bona procurare, ex quibus debitam faciat restitutionem. Hæc duriora sunt, ideòque potius consulenda, quàm præcipienda.

Quer. 15. Utrùm monialis satisfaciat propriæ obligationi restituendi monasterio, si ex proprio peculio emat, v. g. lampadem argentæ ad usum Ecclesiæ, eique applicet, simulando donare, sed re verà intendendo suo debito satisfacere, & hoc ad consulendū suę famę.

Resp. Videri quod sic; quia in contractibus vera, non simulata intentio inspicitur; unde si vera intentio monialis tendit ad satisfactionem, secundùm hanc est iudicanda satisfecisse. Patet a pari, nam si debitor in suo ultimo testamento leget alicui centum, cui item centum debet, suæ satisfacit obligationi, *l. si cum dotem, §. si patre, ff. soluto matr.* Legatum autè est species donationis, Gomez, Bortol. & communiter Doctores. Quare sicut satisfit per legatum, debet etiam posse satisfieri per donationem. Ita in terminis Bordonus in *decis. Miscel. decis. 271.* Verum tamen est, quòd si monasterium indigeret necessariis ac monialiũ sustentationem, tunc puto, monialem non satisfacere; quia cum restitutio, ista fiat

de bonis monasterii, & ad reintegrandum jus illius læsum, ea debet fieri juxta mentem probabiliter præsumptam Abbatissæ, quæ administrat monasterii bona, & non aliter; posito autem, quod monasterium indigeat necessariis ad sustentationem, non potest præsumi, quod Abbatissa sit contenta, quod summa illa ad pompam expendatur.

Quær. 16. An votum paupertatis possit per consuetudinem abrogari.

Resp. Quoad substantialia non posse, quia quoad hæc votum est juris divini naturalis, contra quod non potest prævalere consuetudo; Quoad circumstantias verò, quibus votum observatur, posse abrogari non dubito, quia hujusmodi observantiæ, utpote inductæ jure humano, hoc est vel ab Institutibus regularium, vel à summis Pontificibus, poterunt ad instar aliarum legum per consuetudinem tolli. Ita Doctores communiter. Ad inducendam consuetudinem voti paupertatis abrogativam satis probabile est, quod sufficiat, si perseveret per decennium. Ita Suar. Mascard. Bonacina, & alii. Quamquam non improbabile sit, quod tradunt Menoch. Medina, Sotus, & alii, scilicet nullum tempus esse determinatum ad inducendam consuetudinem, sed arbitrio prudentis id esse pensandum, qui pro negotii qualitate, & pluralitate actionum poterit tempus aut limitare, aut extendere. Presumitur autem talis consuetudo, quando constat eam passim practicari à monialibus etiam timoratis, & aliàs bene observantibus, idque scientibus, & non contradicentibus Prælatis, cum facile possent contradicere.

Quær. 17. An Epicheja possit habere locum quo ad dandum, & recipiendum sine expressa licentia Abbatissæ.

Resp.

Resp. Si in aliis obligationibus admittitur, cur in obligatione voti paupertatis, cum sit par ratio, debet excludi? Facilius tamen admittitur quoad recipiendum, quia melioratur monasterium, quàm quo ad dandum, quia distractio bonorum monasterii est nociva, ideoque regulariter præsumitur superioribus involuntaria, non solum ratione modi, sed etiam ratione substantiæ talis actus; tantòque erit difficilior ista præsumptio, quantò major fuerit quantitas materiæ; sicut augebitur difficultas, si ea distractio fiat extra monasterium, si quidem ea inter moniales ejusdem monasterii facilius permittitur. Suarez 1. 3. *de Relig. lib. 8. c. 15. n. 2.* In rebus verò levioris momenti facilius potest admitti, scilicet in esculentis, poculentis, & in rebus devotionis, quia quo ad hæc facilius superioris consensus potest præsumi. An autem Monialis, quæ per Epychejam dedit, aut recepit rem notabilem, teneatur postea id aperire Abbatissæ, negant aliqui, quia ratio, quæ dedit titulum acceptioni, dat etiam titulum detentioni; quod intellige durante eadem ratione, alioquin detineret sine licentia Abbatissæ, quod est prohibitum religiosis.

§. II.

De Peculio, & ejus usu.

Quar. 1. **A**N moniales possint habere peculium.

Resp. Posse, præsertim in iis monasteriis, in quibus sive ob nimiam paupertatem, sive ob incuriam, & negligentiam superiorum non potest observari vita communis,

nis, subministrando omnibus, & singulis monialibus ea, quæ ipsis sunt necessaria juxta decenciam status. Ratio est, quia usus talis peculii non repugnat voto paupertatis, aut juri communi, ut benè ostendit Sanch. *lib. 7. cap. 22. n. 5.* neque Concilio Tridentino, quia *sess. 22. c. 2.* solum prohibet posse concedi peculium cum jure dominii utilis, quia hoc modo monialis possideret more sæcularium, quod facere non potest, id interdicente voto paupertatis. Quare moniales non debent uti peculio nisi de licentia Abbatissæ.

Quar. 2. An moniales ex vi voti paupertatis teneantur esse animo paratæ ad abdicandum à se usum talis peculii ad nutum Abbatissæ.

Resp. Teneri, aliàs usus ille esset proprietarius, si non dependeret à superiore, & talis independentia importaret usurpationem dominii contrariam voto paupertatis. Ita Less. Navar. Peyrin. & alii cum Suarez dicente, quod licet moniales percipientes annuos redditus de superiorum licentia debeant esse in hac præparatione, ipsi tamen superiores non debent usum peculii auferre, nisi alio modo provideant necessitatibus monialium.

Quar. 3. An moniales teneantur abdicare à se peculium, si dubitent, Abbatissam non esse illarum necessitatibus provisuram.

Resp. Non teneri, nisi constet alia ratione earum necessitatibus consultum iri. Ita Lessius, & Peyrinus, qui addit, neque teneri monialem obedire Abbatissæ volenti peculium ei permissum auferre, ut sibi retineat, vel auferat illi soli, non aliis monialibus monasterii: quod tamen cum grano salis est intelligendum, potest enim adesse, immò in dubio debet præsumi justa causa, auferendi illi

illi potiùs, quàm alteri; qua existente, non potest monialis resistere Abbatissæ, & si resistat sive vi, sive murmure, & querimoniis, peccabit contra votum paupertatis, utpote exercens actum dominii independentis, & consequenter voto paupertatis religiosæ repugnantis, sicut ex Lessio docet Layman; quamquam, quod spectat ad resistantem murmure, & querimoniis, non ita facile talis resistentia reputari debeat mortalis, nisi sit immoderata, & notabiliter excedens iudicio prudentis.

Quar. 4. An moniales possint habere annuos census, & proventus, & expendere in licitos usus acquisita ex industria de suorum superiorum licentia.

Resp. Possè & moniales habere, & superiores concedere, ad nutum tamen revocabilia, suadetur ex iure communi *cap. fin. qui Cler.* ubi indulgetur, ut quædam mulier post professionem religionis maneat in domo sua cum omni substantia quoad usum; unde Gloss. *incap. cum inter 1. de elect.* dicit, quod non est contra substantiam monachatus, idest, contra votum paupertatis, ut religiosus de certis redditibus vivat, cum hoc possit superior concedere. Neque quo ad hoc aliquod innovavit Concilium Tridentinum, sed tantum prohibuit, ne concedantur annui redditus tanquam proprii, & irrevocabiliter, ut cum aliis citatis docet Bordon. *Consil. Regul. resol. 43. num. 51.* vel prohibuit posita reformatione, quia verba generalia intelligenda sunt, non secundum quod sonant, sed secundum subjectam materiam. Unde hanc distinctionem admittunt in præsentī casu Negal. 2. 2. *lib. 2. cap. 3. num. 7.* Sanchez, & alii.

Quar.

Quar. 5. An monialis, quæ dumerat novitia, sibi fecit livellum, vel eidem jam professæ relictum fuit legatum sub ea conditione, ne Abbatisa, vel alius superior se ingerat, fiat proprietaria, si illud accipiat independententer a superioris licentia.

Resp. Fieri proprietariam, & peccare mortaliter, quia intendit retinere independententer a voluntate superiorum; *Grassius par. 1. lib. 3. cap. 5. num. 42.* & alii communiter. Teneat tamen illud legatum, quia conditio illa, ne superior se intromittat, est turpis, cum repugnet voto paupertatis, ac proinde non vitiat legatum, sed vitatur, & habetur pro non adjecta.

Quar. 6. An Monialis possit non exigere livellum sibi ante professionem reservatum hoc modo, quoddam consanguinei teneantur singulis annis solvere, vita durante, viginti scutos, si videbitur petere, & exigere; aliter, si non exigat, remaneant in bonis consanguineorum.

Resp. Contra Vericellum *tract. 3. quest. 36.* non posse non exigere, quia illa conditio arguit remissionem legati, quod est lare, secundum Bartol. in *l. peculium*, 4. de *peculio*; remittere autem, & dare sunt actus proprietatis, maximè in nostro casu, in quo forma reservationis livelli excludit voluntatem superioris, unde violatur votum paupertatis non exigendo.

Quar. 7. An Monialis bona sibi relicta ex testamento, & donatione, vel suis laboribus debita possit repudiare, rogando offerentes, ut hujusmodi tradant suis consanguineis, aut alteri extraneo.

Resp. Nullo modo posse, quia in illis immediate succedit monasterium, quod potest adi-

relegatum, hæreditatem &c. sine aliquo facto monialis, immò ipsa contradicente, ut pluribus citatis notat Sanch. *lib. 7. cap. 12. à num. 35. ad 41.* Potest bene recusare eleemosynas, aliasque similes donationes, quia per solam oblationem talium eleemosynarum nullum jus acquiritur Monasterio; peccare tamen contra charitatem ex communi Doctorum sentit Diana.

Quar. 8. An Monialis peccet retinendo penes se peculium proprio usui concessum.

Resp. Non peccare sustineret aliqui, & colligunt ex Suar. *t. 3. de Relig. lib. 8. cap. 12. num. 9.* dummodò absit scandalum, & aliàs monialis sit parata dictum peculium relinquere ad nutum Abbatis, vel alterius Superioris. Tunc enim animus re vera non esset proprietarius; esto excedat in affectu, & modo custodiæ contra regulam, quia illa detentio de se, præscindendo ab usu, dominio, & proprietate, non est contra votum paupertatis; quia est tantum actus quidam materialis, non habens formam contrariam voto. Ita Herrera, & Enriq. *in Compend. Casus. Moral. cap. 38. nu. 42.* Oppositum tamen omninò sustinendum, maximo in monasteriis, ubi deputatur capsula communis depositorum, quia talis deputatio innuit, non esse mentem Superiorum alio modo permittere peculium, quàm ipsum deponendo sub custodia monialis ad hoc officium deputatæ, quare illa retentio penes se est actus proprietatis, cum sit actus omninò independens à voluntate Abbatis; & quòd detentio apud se sit actus proprietatis, patet ex *cap. Monachi 2.* in quo statuitur pœna contra sic detinentem tanquam proprietarium.

Quar. 9.

Quar. 9. An Moniales de peculio earum usui concessio possint aliquid ludo exponere.

Resp. Possse ex causa recreationis, & otii fugiendi, est enim quid bonum animum relaxare, & fugere otium, quod à religiosis potissimum est abhorrendum. Est autem necessaria ad minus præsumpta licentia, dum exponitur ludo pecunia. Ita omnes cum Major. *in 4. dist. 28. q. 13.* Quantitas verò debet esse moderata, scilicet, quòd non excedat summam quinque aureorum in toto anno, ut volunt Sanch. Navar. Lugo, & Peyrin. *de subd. q. 2. cap. 2.* ubi addit, id relinquendum esse arbitrio prudentis considerantis statum religionis, quantitatem peculii, & conditionem Monialis.

Quar. 10. An moniales possint aliquid de peculio exponere negotiationi.

Resp. Neque de Superioris licentia hoc posse, cum negotiatio prohibeatur expressè omnibus Ecclesiasticis, ut videre est in omnibus cap. *dist. 88.* Hæc autem prohibitio temperari potest, ut non habeat locum, primò quando Monialis intendit sublevare proprias indigentias, dum à monasterio non adjuvatur, quia non dicitur negotiari, qui non lucri gratia, sed eo fine negotiatur, ut se alat, cum aliunde non habet, unde vivat, Farinac. *v. Clericus n. 169.* Negotiatio ergo non est, sed industria, quando ordinatur ad propriam sustentationem; Molina, Bonacina, Barbosa, & alii. Intellige, dummodò non arceatur à divinis ministeriis. Secundò excusatur, si unum; vel alterum negotium incidenter faciat; Diana aliis relatis *res. 72. de Contract.* Tertiò, si negotium gerat per alium, quia per hoc non avertitur à divino servitio. Ita ferè omnes cum Lessio *lib. 2. cap. 2. num. 6.*

Quar.

Quar. 11. An liceat monialibus emere boves, eosque colonis locare, vulgo *dare à gio- vatico*.

Resp. Negat Molina *de just. t. 2. tract. 3. disp. 347. n. 24.* quia genus negotiationis est, atque adeò ipsi illicitum. Affirmat Lugo *de just. t. 3. disp. 26. sect. 3. n. 34.* emptio enim boni animo lucrandi nihil differt ab emptione domorum, prædiorum, & aliarum rerum animo pariter lucrandi; hæc non dicitur negotiatio, ergo neque illa. Fatetur tamen, si frequenter emerentur talia animalia ad eum usum, speciem aliquam negotiationis habere. Si verò semel emptæ diutius in eo exercitio detineantur, non agnoscit maiorem indecentiam, quàm si semel domus fuisset emptæ ad lucrandum, vel grex ad vendendum ejus fructus.

Quar. 12. An monialis possit ex peculio liberè à Superiore concessio fundare censum, ut ex ejus fructibus post ejus mortem celebrentur Missæ pro anima ipsius.

Resp. Non posse, quia, cum quidquid acquirit monachus, monasterio acquirat, statim ac census fundaretur, acquireretur monasterio, & non esset amplius sub dispositione monialis fundatio, & proinde non posset supponere oneri Missarum. Pasqual. *in 99. moral. jurid. q. 159. n. 1.*

Quar. 13. An saltem possit tradere amico certam summam pecuniæ, ad effectum, ut post ejus mortem curet pro ejus anima Missas celebrari.

Resp. Pariter non posse. Quia monialis disponderet quidem vivens de tali pecunia, sed tamen causa mortis, ita ut dispositio non sortiretur effectum nisi post mortem. Hoc autem esset disponere per modum ultimæ voluntatis, quod est prohibitum religio-

ligiosis. *Authent. Ingressi, Cod. de Sacrosanct. Eccles.*

Quar. 14. An possit dictam pecuniam proprio usui concessam donare alteri cum onere, ut statim celebrentur singulis annis aliquæ Missæ in perpetuum.

Resp. Affirmant Ludovicus Lopez *lib. 2. de contract. cap. 40.* & Navar. *com. 2. nu. 41. de regul.* qui volunt, posse religiosos convertere in usus pios, & capellanas instituendas bona, quæ cum licentia expendere possunt in usus proprios. Ratio est, quia hoc non videtur repugnare neque ex parte donationis, quæ absolutè moniali non est prohibita, si fiat cum debita licentia, quæ certè in hoc casu est præsumenda; si enim adest licentia convertendi dictam pecuniam in usus temporales, a fortiori præsumi debet, adesse convertendi illam in usum pium, quia agitur de favore animæ. Neque repugnat ex parte rei donatæ, quia eo ipso, quòd pecunia est distrahibilis, parum refert, quòd in hoc, vel aliud opus distrahatur, sive per donationem, sive per alium contractum. Neque hoc est disponere per modum ultimæ voluntatis, quia eo ipso, quòd disponit per donationem, disponit irrevocabiliter; de ratione autem dispositionis per modum ultimæ voluntatis est revocabiliter disponere. Et licèt dispositio oneris injuncti continetur etiam post mortem, non per hoc dici potest dispositio per modum ultimæ voluntatis. Cùm enim onus Missarum sit accessorium donationi, & accessorium sequatur naturam principalis, hinc est, quod sicut non est dispositio per modum ultimæ voluntatis donatio, neque talis erit oneris dispositio.

Nimis laxa est hæc sententia, ideò eam non
au-

audet admittere Molina *l. 1. de just. disp. 140. col. 12.* & absolutè eam reprobatur Pasqu. *loc. cit.* Quia non intervenit vera donatio, sed deputatio dictæ pecuniæ pro celebratione Missarum quare cum non transferatur dominium, sed remaneat semper penes religionem, non potest subiicere Missarum oneri.

Quer. 15. An monialis possit ex peculio, ut supra, concessio aliquid pauperibus largiri.

Resp. Possit de licentia suæ Abbatisæ ad minus tacita; ea enim præsumitur respectu bonorum suo usui destinatorum, cum sit opus pium. Ita omnes cum Bordon. *de Pauper. Relig. cap. 20. nu. 32.* ubi extendit hanc facultatem ad erogandum etiam aliquid de communitate, scilicet panem, oblationum, vas vini, & hujus generis, maximè si necessitas sit magna: Quia in his parvi momenti Abbatisa non censetur invita, cum præsumatur charitatem habere erga pauperes. Quod si necessitas esset extrema, posset monialis pauperi taliter laboranti succurrere, etiam si Abbatisa licentiam denegaret, quia in necessitate omnia sunt communia. Ita D. Tho. 2. 2. q. 32. art. 8. ad 1.

Quer. 16. Utrum possit dare aliquid suis consanguineis pauperibus.

Resp. Posse. Quia monialis habens peculium potest illud expendere in omnes eos usus, qui non adversantur rectæ rationi; suvenire autem consanguineis pauperibus, non solum non adversatur rectæ rationi, sed est opus maximæ charitatis, ut pluribus probatur Rejas, Vega, Rodriq. Sanch. & Peyrin. *de subd. q. 2. c. 2. §. 6.* ubi dicit, quod potest dare usque ad summam decem ducatorum, vel etiam plurium juxta eorum indigentiam arbitrio prudentis pensandam, una, & pluribus vicibus in anno.

§. III.

*De licentia requisita ad licitè distra-
hendum.*

Quar. 1. **Q**uid, & quotuplex sit licentia necessaria moniali ad effugien-
dam violationem voti paupertatis.

Resp. Licentia est facultas faciendi aliquid licitè, & validè dependenter à voluntate superioris concedentis. Dividitur in expressam, quæ verbis datur, aut scripto; & tacitam, virtualem, permissivam, aut interpretativam, quæ fundatur in praxi, vel consuetudine, quatenus Superiores sciunt, subditas aliquid accipere, retinere, dare, vel consumere, & non contradicunt, cum possint, & proinde dicuntur consentire in actionem sui subditi.

Quar. 2. Ex quibus possit monialis benè interpretari voluntatem Abbatisſæ, & rationabiliter credere, se habere ipsius tacitam, aut interpretativam facultatem.

Resp. Ex multis signis hoc potest colligere. Primò, si Abbatisſa est affabilis, & benigna cum subditis, non rigida, non scrupulosa. 2. Quando monialis est alicujus auctoritatis, & benemerita de religione, 3. Si agatur de rebus levioribus, & non magni momenti. 4. Juvabit cognoscere analogiam inter Abbatisſam, & subditam; nam si profiteantur particularem affectum, habebit interpretativam licentiam plurium rerum. 5. Tacita licentia faciliùs præsumitur in monasteriis non reformatis, quàm reformatis, dum in illis peculii usus est ex inveterata consuetudine inductus 6. erit utile examinare naturam etiam ipsius
li-

licentiæ; si enim fit in utilitatem monasterii seu etiam ipsius monialis; cur veniret dene- ganda? Non est necesse, quod hujusmodi li- centiæ interpretatiue habeatur evidentia mo- ralis, sed sufficit opinio probabilis cum formi- dine contrariæ partis, cum ad bonitatem actuum moralium sufficiat probabilitas, eti- am moralis. Sanchez *in sum. t. 2. lib. 7. cap. 19. n. 13.* & ex eo Diana.

Quar. 3. An licentia tacita, seu præsumpta sufficiat ad evitandum vitium proprietatis.

Resp. Sufficere, quia eadem est virtus taci- ti, & expressi, *l. Labeo, ff. de pactis*. Et docet D. Bonavent. cum pluribus aliis relatis à Bor- don. *Cons. Regul. res. 43. num. 27.* ubi limitat res- ponsionem, quando in monasterio adesset con- stitutio, vel præceptum, ut licentia expresse peteretur; & hoc procedit in monasteriis mul- tum reformatis circa paupertatem, quæ per licentiam præsumptam maximè relaxatur; ut docent Lopez, Rodriq. & ex illis Sanchez *loc. cit. num. 4.* ad finem.

Quar. 4. Quas condiciones habere debeat li- centia, ne monialis dicatur proprietaria.

Resp. Tres condiciones. Prima, quod sit voluntaria quia procedit a potestate, quæ non nisi liberè operatur in homine; unde ex- torto dolo, metu, aut fraude, nullius est mo- menti, dum superior contra suam voluntatē facit, quod facere nollet. Ita Navar. Sanch. Castropal. & alii. Secunda, quod sit iusta, ne- mini enim debet esse præjudicialis. Tertia, ut detur revocabiliter, aliter esset facere monia- lem proprietariam, ad quem effectum non po- test licentia se extendere.

Quar. 5. An licentia concessa à superiore ad evitandas querelas a vitio proprietatis excuset.

100 *De licent. requisit. ad distrahend.*

Resp. Excusare; quia talis licentia licet secundum quid involuntaria, absolutè tamen non definit esse voluntaria; si enim esset de re peccaminosa, superior verè peccaret. Eo ipso autem quòd est voluntaria, operatur, quòd monialis excusetur à vitio proprietatis. Pasqual. *qq. moral. jurid. qu. 200.* Idem ob eandem rationem dicendum est de licentia precibus importunis impetrata.

Quer. 6. An licentià debitè petita, sed indebitè negata à superiore, excuset monialem à transgressione voti paupertatis.

Resp. Non excusare, quia votum paupertatis adhuc obligat, cum nondum materia illa ex defectu licentiæ, licet indebitè negatæ, constituta sit extra latitudinem illius. Si tamen periculum sit in mora, aut immineat gravè damnum, potest esse locus Epichejæ, per rationabilem voluntatem superioris majoris; & si contingat, quòd etiam Prælati supremi licentiam neget, poterit esse locus interpretationi, & prudenter judicari, quòd in tanto discrimine, & cum tanto incommodo lex, & potestatem non obliget. Advertit tamen Castropal. *tract. 16. disput. 13. quest. 23. num. 9.* licentiam debitam, & negatam excusare à vitio proprietatis, si sit debita ex parte tam religiosi, quàm Prælati, non item solum ex parte Prælati.

Quer. 7. An sit tuta in conscientia monialis, quæ ex licentia Abbatissæ recipit, aut dat, non exprimendo in petitione licentiæ à quibus recipiat, vel quibus det, quos si sciret Abbatissa, talem licentiam non concederet.

Resp. Ex doctrina Molin. *disput. 209.* esse tutam; quia aliud est, Abbatissam esse in ea dispositione, quòd si sciret causam, propter quam concedit licentiam, non concederet, aliud

aliud verò est esse in ea dispositione, quòd si sciret causam, vellet concessionem nullam esse; hoc secundum, non primum facit invalidam concessionem. Quare cùm licentiæ, ordinariè loquendo, absolutè concedantur; dicendum est, quòd Abbatisa concesserit primo, non autem secundo modo, quia in dubio præsumendum est pro validitate actus; consequenter concessionem esse validam, & monialem tutam.

Quar. 8. An monialis excusetur à vitio proprietatis, si de licentia Abbatisæ retineat superflua pretiosa, qualia sunt vasa aurea, cochlearia argentea, horologia, gemmæ, &c.

Resp. Excusari à Silvestro, Grassio, & Bordon. quia retinet dependenter à voluntate Abbatisæ, ad cuius nutum est parata resignare. Alii damnant tanquam proprietariam, ita Navar. Major. & Sanch. quia Abbatisa est tantum bonorum monasterii administratrix, non domina, unde concedere non potest superflua, cùm jus non tribuat facultatem ad illicita. Alii volunt peccare mortaliter ex avaritia, non tamen esse proprietariam. In hoc censeo, monasteriorum qualitatem esse attendendam, & secundum rigorem paupertatis in illis vigentem judicandum.

Si autem loquamur de superfluis ordinariis, & ad usum frequenter concessis; ut si moniali sufficeret unus habitus, & haberet quatuor, si duplex tunica, & sex haberet; puto, quòd nisi res superfluæ sint in notabili excessu, monialis non peccat mortaliter, quia jam habet illas, ut suppono, dependenter à licentia vel expressa, vel tacita Abbatisæ; & aliàs esset valdè difficile, & pluribus scrupulis expositum judicare, quando esset superfluum; pluries namque res, licèt simpliciter

non videantur necessarie, sunt ad melius, & commodius officium exercendum convenientes, & si pro hoc tempore non sint, pro alio erunt necessaria; amplius permittitur in monasterio, ubi non servatur vita communis, & ubi moniales sibi consulunt ex sua industria, & peculio ad proprium usum concessio, quam in monasteriis, ubi servatur vita communis. Hec ferè omnia docent Villalob. Silvest. Garzia, Suar. & alii.

Quar. 9. An monialis, quæ Abbatissæ, vel Prælato canonicè visitanti occultat aliquid de superfluis, ne sibi auferatur, sit proprietaria.

Resp. Negat D. Bonaventura in opusc. de anima cap. 2. colum. 2. ad medium versic. 4. ubi ait, tunc tantum celare aliquid superiori habere proprii rationem, quando religiosus iussus virtute obedientiæ manifestare recusat. Oppositum sustinendum censeo, etiam si rem illam antea de Superioris voluntate obtinuerit, quia eo ipso, quod abscondit, ne sibi auferatur, non est animo preparata ad reddendum; qua animi præparatione deficiente incurrit vitium proprietatis, dum vult independentem, & ad suum libitum possidere. Ita Doctores relati à Bartol. à S. Faus. in Thes. Relig. lib. 8. quæst. 126. qui tamen excusant Monialem sic occultantem, quando credit vel res illas non fore auferendas, vel Superiorem esse quoad modum tantum, non quoad rem acceptam invitum; vel si celet ad effugiendam confusionem, aut etiam reprehensionem, quam timet, si deprehendatur cum sola licentia tacita possidere; vel ad tegendam culpam commissam accipiendo, & retinendo sine licentia, quam tamen intendit postea statim petere, aut saltem,

tem, ea non impetrata, res occultatas dimittere.

Item excusatur, si res, quas occultat Abbatiſſæ, de proprii Prælati licentia detinet, quia Prælati consensu interveniente, verè possidet cum licentia, in cujus usu non dependet ab Abbatiſſa. Ita Jo: de Lugo D. 3. de just. & jur. n. 156. ubi subdit, non excusari monialem celantem aliquid Prælato inferiori, aut officiali subordinato, quando jussu superioris Prælati visitaret cubiculum. Nam eo ipso, quòd inferior utitur facultate delegata, repræsentat personam Superioris delegantis, & nomine ejusdem procedit, l. 1. §. qui mandatum, ff. de officio ejus cui man. est jurisd. unde si monialis aliquid illi occultet, perinde est, ac si occultet eidemmet Superiori. Sicuti neque excusatur, si Prælato successori celet res illas, quas antea cum prædecessoris facultate possidebat. Barthol. a S. Fauf. loc. cit. n. 16

Quar. 10. Ad quem superiorem spectet licentiam concedere moniali.

Resp. Spectare ad Episcopum, si monasterium sit illi subditum, vel ad Prælatum Regularem, si sit exemptum, vel ad Abbatiſſam, nisi ex constitutionibus illius religionis, aut ex consuetudine, aut præcepto superioris Prælati arctata sit ejus facultas. Sanchez lib. 7. cap. 19. num. 44. Ratio conclusionis est, quia concessio licentię pertinet ad jurisdictionem administrationis; unde cum jurisdictionis administrationis penes prædictos superiores resideat, poterunt utique licentiam concedere. Licentia negata ab Abbatiſſa poterit concedi à Prælato, non è contra, quia major potestas minori prævalet. Licentia durat usque ad mortem impetrantis nisi revocetur, unde à successore non est

denuò impetranda, quia dicitur gratia facta, quæ durat mortuo concedente, vel amoto ab officio, *Cap. relatum* 19. *Cap. Gratum* 20. *de off. deleg.* quæ intellige, nisi in contrarium extet statutum aliquod Religionis.

Quar. 11. Ad quam quantitatem possit se extendere superioris licentia.

Resp. Varios in hac re esse de more Doctores. Putant aliqui, posse superiorem licentiam concedere expendendi decem, aut quindecim aureos singulis annis; alii duos, vel tres aureos singulis mensibus; alii totam, illam summam, quam ipsemet Prælati potest expendere; alii tandem rem hanc arbitrio prudentis remittunt pro magnitudine reddituum, monasterii consuetudine, personarum, & causarum qualitate &c. Ita Sanchez *lib. 7. cap. 19. n. 42.* ubi refert aliquos sentientes, Episcopum, vel Generalem, aut Provincialem respectu monialium exemptarum posse ratione majoris dignitatis licentiam concedere amplio-rem. Hoc certè attendendum puto ex eodem Sanch. *d. lib. cap. 22. n. 20.* scilicet, an licentia sit ad expendendum de rebus monasterii, an de rebus traditis à consanguineis; nam in primis, quia plus læditur monasterium, quàm in secundis, minor potest concedi summa, & major exigitur causa.

§ IV.

De Munerum largitione.

Quar. 1 **A**N Bulla Clementis VIII. de largitione munerum sit usu recepta & obliget in conscientia.

Resp. Dubitat valdè Filliuc. *t. 2. tract. 34. cap. 3. qu. 12, num. 81.* Non fuisse à superioribus Re-

Regularibus usu receptam, absolute sustinet Gratian. t. 2. *discept. forens. c. 202. n. 17.* cui adhe-
rent Megal. Valer. Homob. & alii apud Dian.
s. 7. in opere *Coord. tr. 3. res. 5.* ubi dicit, se non
audere condemnare religiosum, qui seque-
tur usum suæ Provinciæ, vel religionis legi-
timè præscriptum, salvo semper &c.

Quar. 2. An monialis, quæ non acceptat ali-
quod donum, sed rogat, ut alteri detur, pec-
cet contra paupertatem.

Resp. Cum probabiliori sententia non pec-
care. Non enim peccat non acceptando, quia
ex vi voti non jubetur acceptare, sed prohi-
betur acceptare sine licentia; neque peccat
rogando, ut det alteri, quia ex vi ejusdem voti
obligatur nihil dare, non verò obligatur non
petere ab aliquo, ut ipse alteri donet. Neque
valet, quòd in hoc casu Monialis donet indi-
rectè, qui enim per alium facit, per se ipsum
facere videtur. Nam ut benè notant Sanchez,
& Cenedo, tunc dicitur donatio indirecta,
quando adest tacita acceptatio, donatio enim
importat abdicationem alicujus juris sibi
competentis; unde cum in hoc casu nullum
fuerit acquisitum dominium, quia nulla inter-
venit acceptatio, nulla dicitur intervenire
donatio, neque indirecta.

Quar. 3. An monialis possit cum licentia
Abbatissæ facere amico, vel consanguineo
Corporalia magni valoris, & recamaturas.

Resp. Cum Bonac. Scortia, Valer. & Dia-
na posse, dummodò amicus, seu consan-
guineus subministret omnia necessaria; quia
tunc non agitur de alienanda, seu donanda
re, quæ sit monasterii, sed tantum agitur
de non acquirendo, quo in casu Abbatissa
potest præjudicare Monasterio, ut commu-
niter Doctores.

Quar. 4. An monialis possit etiam donare supradicta sine licentia Abbatissæ .

Resp. Videri posse , dummodò , ut supra , subministrentur omnia necessaria. Ratio est , quia illæ recamaturæ non pertinent ad bona corporis , sed ad bona animi , sunt enim partus ingenii , & idè non comprehenduntur sub voto paupertatis , quod de sui natura abdicat solum dominium illarum rerum , quibus quis efficitur dives , quæ sunt tantùm bona corporis , & quæ ordinantur ad sustentandam vitam , & splendorem ipsius , *l. jus alimentorum* , §. 1. *ff. ubi pupil. educ. deb.* & juxta ea , quæ tradunt Abbas, Salicet. Alexand. & Socin. Neque valet , quod affert Bordonus , scilicet quòd labor , qui in hujusmodi artefactis impenditur , est pretio estimabilis , unde monialis dando suum laborem disponderet de re pretio estimabili , quod est contra votum paupertatis . Nam responderi potest , quòd si recamaturæ , utpote bona animi , non cadunt sub jure religionis , nec etiam cadet labor in illis efformandis , quia tanquam accessorius sequitur naturam sui principalis . Tum quia ille labor non extrahit illas recamaturas à suo ordine , sed relinquit inter bona animi , atque adèd sub dominio monialis .

Quar. 5. An monialis possit sine licentia Abatissæ , & sine voti paupertatis violatione suam pitantiam elargiri .

Resp. Posse . Quia in illis rebus , quæ unico actu consumuntur , non potest secerni usus à dominio . Ita Joannes 22. *in extra , ad conditorem* 9. Sed cui confertur unum , conceditur utrumque . Hanc sententiam tenent Silvester , Aragon. D. Antonin. & alii penes Dianam , qui vult intelligendum esse in ordine ad pitantiam , quæ limitatè præbetur ,

tur, ut sunt ova, caro &c. non verò in ordine ad ea, quæ conceduntur moniali sine taxa, & limite, ut est panis, vinum &c. Quòd si superior ex rationabili causa, ad vitandum excessum, & abusum monialium, contrarium disposuisset etiam de pitantia limitatè concessa, non debet, immò nec potest monialis de illa disponere, & hoc ratione præcepti, & boni publici.

Quar. 6. An monialis de annuis redditibus ex superioris licentia ad suum usum sine restrictione concessis, possit liberè parcè vivendo aliis donare.

Resp. Posse cum licentia saltem tacita Abbatissæ, quia Clemens VIII. in sua Bulla prohibet tantùm largitiones munerum, ex quibus gravia incommoda, & mala monasteriis inferuntur; donatio autem eorum, quæ monialis parcè vivendo reservat, non affert multum damnum monasterio, ut patet. Immo ex hac opinione datur occasio monialibus, ut liberius frugalitati, & moderato sumptui assuescant, dum sciunt, ea, quæ sibi de necessariis detrahunt, posse aliis de se benemeritis donare, & in aliis licitis operibus expendere. Ita docent Beja, Cenedo, Valer. & Peyrin, *t. 1. de subd. q. 2. cap. 2. §. 6.*

Quar. 7. An monialis donans Breviarium magni valoris, vel quid simile alteri moniali ejusdem conventus, peccet contra votum paupertatis.

Resp. Negantem sententiam docere Rodriguez, quem affert, & sequitur Sanchez, qui putat non esse mortale, quia, cum Breviarium illud manere debeat in eodem conventu, non videtur esse graviter invitus Superior, parum enim extrahitur ab usu communi per illam donationem. Unde observat

Suarez 1.3. *de Relig. lib.8. cap. 15. n. 6.* majorem quantitatem requiri ad culpam gravem, quando aliquis dat aliis religiosis ejusdē conventus, cū res illæ maneant adhuc intra eandem communitatem.

Quar. 8. An monialis possit aliquid in remunerationem elargiri.

Resp. Posse, quia quando prohibetur donatio simpliciter, vel sub conditione, & sub modo, eo ipso non prohibetur donatio obmerita, quæ præcesserunt; nam donatio antidotalis, non est propriè, & strictè donatio, sed est quædam debiti compensatio, unde hac de causa non debet inter simplices donationes computari. Homobon. Valer. aliique permulti penes Dian. 1.7. *in opere Coord. tract. 3. resol. 47. §.2.* Immò non solum potest largiri quantum satis est satisfaciendum obsequiis, vel muneribus acceptis, sed etiam aliquid ultra, dummodò tamen non excedat valorem meritum, & beneficiorum in quarta parte, ut tenent Barbosa ex Navarro; & probabilem hanc sententiam vocat Sanchez apud Dianam, *loc. cit.* quia, ut ait D. Thom. 2.2. *qu. 106.* gratitudinis lex postulat, semper plus reddi, quam sit acceptum.

Quar. 9. An monialis habens ab Abbbatissa licentiam generalem donandi aliquid, si illud donet ob turpem causam, peccet contra votum paupertatis, & recipiens teneatur restituere.

Resp. Negativè. Quia licentia generaliter concessa in aliis materiis non censetur limitari ad solos usus, vel casus aliundè non turpes, nec illicitos; sed in iis etiam aufert malitiam, quam posset habere ex defectu talis licentiæ. Si licentia comedendi carnes in Quadragesima est indifferens ad carnes pro-

proficuas, & nocivas, quia mens concedentis est, ut tollat omne id, quo posset violari quadragesimale jejunium. Cum ergo Abbatisa concesserit moniali licentiam generalem donandi pro libito, non est, cur præsumatur limitasse ad causam solùm aliundè non turpem, sed potius voluisse auferre illud impedimentum ex parte sua, quo stante peccavisset peccato proprietatis. Ita Lugo, Diana, & plures alii, quos citat, & sequitur Bordon. *de Pauper. relig. cap. 17. n. 20.*

Quar. 10. An monialis causa mortis possit aliquid donare cum licentia Abbatisæ.

Resp. Posse Sanch. Layman. Tapia, & Diana *loc. cit. res. 65.* quia potestas testandi, & potestas donandi causa mortis non sunt connexæ, nisi in eo, qui ex defectu naturali non valet testari. Unde filiusfamilias, qui ne patre quidem consentiente potest condere testamentum, tamen mortis causa cum patris consensu donare potest. Ergo ex eo quòd moniali interdictum sit testari, non per hoc interdicitur mortis causa donare. Adde, quòd in hoc casu Abbatisa dans licentiam donat, & Monialis eligit personas, unde non disponit propriè per donationem, sed per electionem personarum.

Quar. 11. An in casu, quo Abbatisa promittat moniali subditæ, se ejus bona distributuram post illius mortem juxta illius donationem manifestatam, teneatur stare promissis saltem in foro conscientiæ.

Resp. Si promissio sit distribuendi alteri moniali subditæ, non teneri; sicut enim rem ei datam potest auferre, sic & potest non dare. Si verò promisit distribuere extraneis, tunc censeo teneri; quia sicuti potest oriri obligatio ex justitia inter dominum, & servum, eo quòd

quod dominus paciscens cum servo censetur cedere juri suo , ut ex Molina , & Lessio notat Sanchez *lib. 7. cap. 9. num. 13.* sic , ait ipse , eadem obligatio oriri poterit inter Abbatissam , & Monialem subditam , cum sit par ratio .

C A P U T V.

De Voto Religiosa Castitatis .

Quar. 1. **A**D quid teneantur moniales ex vi voti Castitatis .

Resp. Teneri abstinere à conjugio , & ab omni actu externo , & interno, qui sit contra castitatem, ut à turpibus cogitationibus , à delectatione morosa , à pollutione , ab omni actu venereo , à turpi contactu , & ab impudico aspectu , nec non ab aliis omnibus , quæ aliquomodo sunt contra virtutem castitatis . Hinc est , quòd monialis violat votum , si se exponat periculo violandi castitatem , quia periculum illud est actus in specie luxuriæ , virtuti enim castitatis opponitur ; undè monialis se exponens tali periculo ; non est formaliter casta omnimoda castitate , atque adeò violat votum , quod importat omnimodam castitatem .

Quar. 2. Quænam sit regula dignoscendi , quando nam monialis graviter , vel leviter peccet contra castitatis votum .

Resp. Transgressionem voti esse mortalem in illis actibus , in quibus malitia libidinis est in sæcularibus mortalis ; venialis verò , in quibus illa est venialis . Ratio est , quia circumstantia voti castitatis non immutat obligationem juris naturalis , sed solum addit circumstantiã sacrilegii , quæ circumstantia sequitur natu-

naturam actus, cui adjungitur Lessius *de just. & jur. lib. 4. c. 41. n. 68.* Verum aliquando verba, gestus, & tactus, quæ sunt in sæcularibus solum venialia, possunt esse mortalia in moniali; quia sæculares talia observantes in religiosa grave scandalum possunt concipere, maxime, quia virgo Deo dicata debet esse, & apparere ab hujusmodi actibus aliena. Ad majorem tamen claritatem pro praxi sequentia quæ sita subjungimus.

Quar. 3. An peccet mortaliter contra votum monialis tangens manum, faciem, brachia, & pedes alicujus viri.

Resp. Ex tamburino *lib. 7. in decal. cap. 8. §. 2.* si illi tactus fiant ex joco, levitate, & curiositate, nihil habent mali præter ipsum jocum, quia ut sic non aliam nisi naturalem pariunt delectationem. Si fiant ob solam delectationem non libidinofam, & ea delectatio assumatur quidem, sed non ad ullam libidinem veream, peccat venialiter, quia ex una parte non habemus, unde ut sic sub mortali prohibita sit; si enim esset prohibita, inde esset, quia ad generationem, quæ sit illicita, refertur. Cum ergo illi actus, neque delectatio non referantur non erunt mortaliter peccaminosi; & ex alia parte deordinatio nonnulla est, atque adeo venialis, iis uti actibus ob meram delectationem licet levem. Si verò fiant animo libidinoso, clarum est peccare mortaliter.

Quar. 4. Quid dicendum sit de aspectibus.

Resp. Monialem aspicientem partes viri honestas ex curiositare, levitate, aut vanitate, non ulterius progredientem, peccare tantum venialiter, quia in hoc non intervenit tanta inhonestas, nec provocatio tanta ad malum, sicut in tactu. Trullenc. *in decal. lib. 6. cap. 1. dub. 12. n. 14.* Si verò aspiciat vel hominem nudum, vel

vel partes ejus inhonestas tantum, non est dubium peccare mortaliter, quia tales aspectus multum incitant ad libidinem, & quia id valde repugnat cum honestate naturali, & multo magis cum honestate Virginis Deo dicatae, & Sponsae Christi. Diana p. 3. tract. 5. ref. 89. Unde ob hanc rationem non liberare à peccato mortali moniale aspicientem brutorum concubitus, vel eorum partes inhonestas turpiter commotas, non enim levis Christi injuria est, suam Sponsam, quam decet sanctitudo, in talibus occupari. Oppositum sentit Granado apud Dianam t. 8. in opere Coord. tract. 6. ref. 19. si fiat ex levitate, aut curiositate; sed in his cautè procedendum.

Quar. 5. An monialis turpia loquens, legens, audiens, vel canens, non gratia veneræ delectationis captandæ, sed cujusdam varii solatii, vel ob aliam vanam causam, peccet graviter contra votum.

Resp. Cum D. Antonin. Navar. Graff. & aliis peccare tantum venialiter, dummodo absit scandalum, quia illa delectatio remote disponit ad venerem, nec vehementer naturam commovet. Quia tamen natura est valde corrupta sensusque nostri sunt valde ad malum proni, caveant proinde, & diligenter caveant moniales. Quia, ut ait Augustinus l. 1. Confess. c. 16. per hæc turpitudine confidentius perpetratur. De audiente turpia idem dicendum, etiam si rideat, & simulatè gaudium præferat, caren tamen delectatione venerea, ne inurbana habeatur, ac de hypocrisis vitio notetur. Quoniam risus ille, & gaudium, potest esse de artificio, & lepido dicendi modo, ex quo cessat ratio scandali activi; & alia parte absunt delectatio, & finis
fo-

solùmque intenditur liberari à molestia, & hypocrisis censura.

Quar. 6. An monialis scribens literas amatorias ad vanum conciliandum amorem ob solam vanitatem, levemque delectationem, peccet mortaliter.

Resp. Sanch. *de matrim.* l. 9. disp. 46. n. 37. non agnoscit nisi culpam venialem, quia nec delectatio, nec amor intenta eam excedunt. Acriter tamen increpent Confessarii, quia Sponsa Christi nullum, præter eum, debet admittere amatorem.

Quar. 7. An peccet monialis recipiendo munera ab eo, à quo dubitat turpiter amari.

Resp. Si certò sciret, mortaliter certè peccaret, etiam si reciperet absque ulla prorsus intentione, immò cum proposito firmo non consentiendi, quia illa receptio foveret pravam voluntatem mittentis munera; si verò tantùm dubitet, peccati non damnat Tamburinus, quia cùm talia munera possint mitti etiam ex titulo honestæ amicitiae, ex hoc potius, quàm ex alio, judicare debemus fuisse missa; nemo enim præsumendus est, nisi constet, delictum velle committere. Periculosa tamen sunt hæc, unde consulo, omnimodè abstinendum.

Qua. 8. An monialis, quæ persuasione, vel cooperatione concurrit, ut alius adeat cuncubinam, peccet contra suum votum castitatis

Resp. Negant Sanch. Castro Pal. Arriaga, & Caramuel *in Theol. regul.* n. 986. Quia monialis non facit contra castitatem suam, sed contra castitatem tertii. Tenetur tamen explicare statum peccantis, cui fuit occasio peccandi contra sexum. At probabilius censeo contra suum castitatis votum peccare;

nam

nam votum castitatis religiosæ, quia est absolutum, continet omnimodam castitatem, ut communiter tradunt Theologi. In omnimoda autem castitate continetur castitas, quæ avertit actus versantes in luxuria aliena, atque adeò votum monialis, quod est de omnimoda castitate, includit actus versantes in luxuria aliena, unde suasio illa, vel cooperatio ad fornicationem erit contra votum castitatis.

Quar. 9. An monialis, quæ sine delectatione propria sensuali, & sine periculo assensus in propriam delectationem (si hoc est possibile) tactibus alium polluit, peccet contra votum castitatis.

Resp. Negant Caramuel, & Lamas, quia, sicuti potest monialis cooperari, ut Joannes, v. g. reddat debitum uxori quin contra castitatis votum procedat, quia ipsa non vovit castitatem alterius, sed propriam; ita eadem de causa poterit cooperari, ut Joannes incidat in pollutionem, quin frangat votum castitatis, cum ipsa non voverit vitare pollutionem alterius, sed propriam. Hæc opinio prorsus rejicienda, sicut eam rejecit, & expunxit Tribunal SS. Inquisitionis Hispaniæ. Ratio est, quia si daretur casus, quod monialis sine propria delectatione succubaret Mæco, adhuc tamen peccaret contra propriam castitatem, quia abuteretur membro suo ad impudicitiam mortalem: cum ergo etiam in tactibus procurantibus alienam pollutionem aliqua sua parte abutatur, etiam si hoc sit sine propria delectatione, peccabit mortaliter contra castitatem.

Quar. 10. An monialis, quæ antequàm emitteret votum solemne castitatis erat adstricta etiam simplici, teneatur, si fornicetur, utramque circumstantiam fateri.

Resp.

Resp. Non teneri, quia solæmne votum à simplici non differt specie, sed solum extrinseca, & accidentali differentia, extrinseca enim tantum Ecclesiæ constitutione secernuntur, quatenus decernit per votum solemne, non sic per votum simplex castitatis dirimi matrimonium Ecclesia autem rei naturam non immutat, sed robur adjungit. Sanch. *de Matr. l. 7. disp. 25. n. 6. & disp. 27. n. 27.* Erit tamen diversa malitia necessariò in confessione fatenda, si voto additum sit juramentum, quia diversa ratione pertinent ad eandem virtutem. Nam votum pertinet ad virtutem religionis ob fidem Deo servandam, juramentum verò, ne Deus falsò adducatur in testem. Sanchez, *ubi supra num. 16.*

Quar. 11. An tactus, cogitationes, desideria, confabulationes, nutus, & aspectus inhonesti in Ecclesia habeant diversam specie malitiam, quam debeat monialis in confessione aperire.

Resp. Negativè, quia tota sacrilegii mortalis deformitas ex loci sacri pollutione pendenda est; per tactus autem, & reliqua non polluitur Ecclesia, sed tantum per injuriosam seminis effusionem, aut sanguinis, *cap. unic. de consecrat. Eccles. in 6.*

Quar. 12. An seminis occulta effusio in Ecclesia sortiatur diversam specie malitiam, necessariò in confessione aperiendam.

Resp. Sortiri malitiam sacrilegii in confessione aperiendam. Ita communiter Doctores, teste Tamburino *l. 7. c. 3. §. 1. n. 8.* quia talis effusio ex eo, quòd sit occulta, non definit esse injuriosa Ecclesiæ, per consequens non definit esse pollutiva; nam pollutio est inducta in detestationem talis injuriæ, unde neque definit esse sacrilega. Sicuti furtum non
sacri

facri de sacro non desinit esse injuriosum Ecclesie , quia occultum , & sic non desinit esse sacrilegium . Oppositum docet Vasquez , & Pontius *lib. 10. cap. 10. n. 25.* citans alios , & dicens esse communem sententiam , quia per occultam seminis effusionem Ecclesia non polluitur , sed publica requiritur , nam pollutio non afficit re vera Ecclesiam secundum se , quasi in se ipsa polluat , sed tantum afficit in opinione hominum , qui apprehendunt ejus sanctitatem quasi maculatam , juxta *Cap. Quidam 1. quast. 1.* & notant communiter cum *Glos. in Cap. unic. de consecrat. Eccles. vel. altar. in 6.* Ergo causa pollutiva non potest inducere pollutionem nisi sub conditione publicitatis .

Quar. 13. Quot peccata committat Monialis violans votum castitatis .

Resp. Præcisus circumstantiis personarum cum quibus violat votum , duo peccata committere , scilicet fornicationis , quia violat castitatem , & sacrilegii , quia ratione voti emissi talis actus opponitur virtuti religionis . Alii alias agnoscunt malitias , & volunt , peccare monialem peccato furti , quia contrectat rem alienam , scilicet seipsam invito Domino , cui se totaliter obtulit ; insuper peccato adulterii , & incestus , quia monialis est sponsa Dei , qui est Pater noster , & consequenter est consanguinea nostra , cum omnes simus filii Dei ; item peccato contra naturam , quia est peccatum cum religiosa , quæ est mundo mortua . Hæc tamen omnia metaphoricè potius , quàm realiter malitias diversas specie important , unde aggravare concedo , mutare speciem non admitto .

Quar. 14. An superfluous ornatus in moniali sit damnandus sub gravi .

Resp.

Resp. Si se ornet ad hoc præcisè, ut censeatur inter pulchras, & laudetur ut pulchra, mortaliter non peccare, quia id non continet gravem deordinationem, sed ad summum vanam quamdam gloriam coram hominibus. Suppono, quòd ornatus à finibus religiosi status non exeat, & quòd cesset omnis ratio scandalì non solum penes sæculares, sed etiam penes alias sorores. Ceterum comam nutrire, prohibitum esse monialibus, quidam volunt. Consuetudini tamen standum est. Nullatenus verò permittendum uti tortis, seu comatis capillis, aut non coopertis comis. Suarez *r. de Relig. tract. 9. lib. 1. cap. 12. n. 4. & 5.*

Quar. 15. An liceat monialibus choreas inter se agere.

Resp. Non licere, quia in Clementina *de statu Monachor. cap. 2.* expressè ipsis prohibetur, ibi, *Non choreas, non festa sæcularium prosequantur.* De peccato tamen mortali non audet eas damnare Tamburinus in *decal. l. 9. c. 8 §. n. 6.* si fortè ex aliqua occasione puras choreas agant ob recreationis gratiam, non tamen publicè, & in præsentia sæcularium, ut indicat Baldel. *l. 3. D. 32. n. 16.* Ob hanc quoque rationem possunt deferre larvas, dummodò cesset periculum scandalì, juxta citatos Doctores.

Quar. 16. An moniales peccent dimittendo habitum ad aliquam honestam representationem faciendam inter ipsas in monasterio.

Resp. Mortaliter peccare docent aliqui, quos suppressio nomine refert Lezana in *Sum. r. 1. c. 13. n. 5.* Venialiter tantum, videntur sentire Baldel. & Pellizar. Nullo modo peccare sustinet ex Sylvestro, & Passarello Peyrin. in *Comment. ad Reg. Minim. cap. 3. §. 5. qu. 2. n. 3.* quia non videtur neque levis dimissio, quæ

fit honestę recreationis causa, cū dictę recreationes sint actus virtutis Eutrapelię. Hinc notat Texeda *Theol moral. t. 1. lib. 2. tract. 1. con* 6. D. 1. neque in excommunicationem incidere, etiam si coram sæcularibus repræsentent; quia illa habitus dimissio nec est temeraria, nec ad vagandum, nec ex contemptu legis ordinata. Sentio nihilominus cum Lezana, id propter naturę imbecillitatem, & corruptionem, semper esse periculosum.

Quar. 17. An liceat monialibus aliquas repræsentationes facere in Ecclesiis.

Resp. Inhonestæ repræsentare in Ecclesia peccatum mortale est; vana, & sæcularia, non tamen multum turpia, veniale; devota, & sacra, caret culpa. Ratio horum omnium est, quia in primo casu irrogatur Deo, & Ecclesię magna irreverentia, in secundo modica, in tertio nulla. Sanchez *opuscul. lib. 1. cap. 8. dub. 24. n. 18.* Verum Gavant. in *Enchir. Episc. versu repræsentationes sacram. 1.* oppositum sustinet cum Barbosa etiam quo ad spiritualia, & observat, quodd S. Carolus in *Conc. 1. Provinc. prohibuit*, ut Passio Salvatoris nullibi agatur: Unde Zerola in *Praxi Episc. par. 1. verb. repræsentationes*, laudat aliquorum Episcoporum Zelum, dictas repræsentationes sine expressa eorum licentia posse fieri prohibentium.

Quar. 18. Quænam sint media apta ad tuendam castitatem.

Resp. Studeat monialis peccatorum occasiones fugere, otium omnium malorum parentem, certissimumque animarum exitium perhorrescere; virorum aspectus, & multo magis familiaritatem declinare; sensus accurate custodire, præcipuè visum, auditum, & tactum; nam de visu asserit Isidorus, *Oculus est*.

est principium fornicationis; de auditu subdit Tertullianus, Bonos corrumpunt mores confabulationes pessima; & de tactu scribit Angelicus, Tactus est actui venereo cognatus, & finitimus, & modico intervallo separantur ad invicem. Prodest insuper quàm plurimùm ad tuendam castitatẽ, mortis, & inferni jugis recordatio, carnis maceratio per ciborum abstinentiam, & cilicii gestationem, librorum spiritualium lectio, assidua vulnerum Domini Jesu Christi recordatio; unde dicebat D. Augustinus, Cùm me pulsas aliqua turpis cogitatio, recurro ad vulnera Christi: cùm me premittit caro mea, recordatione vulnerum Domini mei resurgo.

CAPUT VI.

De Monialium subjectione erga suos Superiores ex vi Voti Obedientiæ.

§. I.

De natura Voti Obedientiæ, & obligatione ab ipso proveniente.

Quar. 1. **Q**uid sit votum religiosæ obedientiæ.

Resp. Esse promissionem, qua monialis propriam subjiciens voluntatẽ Superiori se obligat ad parendum in omnibus, quæ possunt cadere sub objecto virtutis obedientiæ. Hinc est quodd obligatio hujus voti se extendit tantùm ad res licitas, & honestas, ita ut cùm certò constat, rem præceptam esse illicitam, & malam, aut contra regulam, vel præceptum superioris.

perioris altioris, nullo pacto tenetur monialis obedire, etiam si ad hoc pœnis, vel censuris compellatur; quia monialis se obligat ad id tantum, quod est materia voti, cuiusmodi non est, nec esse potest res illicita. D. Tho. *quodlib.* 10. art. 11. Item si superior præciperet res tantum utilitati temporali sui, aut suorum, ut si præciperet moniali, quod faceret recamaturas &c. alicui consanguineo, aut amico, non teneretur obedire, cum hæc non sint secundum regulam; sicut neque tenetur obedire, si præcipiat vana, vel ad regulam sive explicitè, sive implicitè non pertinentia.

Quar. 2. An in dubio quod res præcepta sit licita, parendum sit Superiori.

Resp. Quod sic cum communi Doctorum, quos refert Peyrin. 10. 1. q. 1. c. 7. desumitur ex c. quid ergo, 11. q. 3. & cap. quid culpatur 23. q. 1. quibus determinatur, quod in dubiis superiori parendum. Limita, nisi urgeat in præiudicium tertii, aut honoris, vel propriæ famæ, ita Rodr. in Miranda, & Peyrin. *loc. cit.* quia nemo tenetur parere cum gravi suo, vel alterius incommodo, nisi constet, superiorem legitime præcipere, & habere auctoritatem tunc præcipiendi. Et ob hanc causam monialis dubia de honestate præcepti non tenetur statim obedire, si illi præcipiatur res valde difficilis, & nimis molesta; sed potest rem maturius discutere, & quousque sibi non constet de honestate rei præceptæ, executionem differre, ita ex Rodriq. Peyrin. *loc. cit.*

Quar. 3. An Moniales ex vi voti obedientiæ teneantur exequi id, quod sciunt, velle superiorem, voluntas tamen illius nullo præcepto est manifestata.

Resp. Non teneri; quia voluntas mente re-tenta nihil operatur. Obligantur igitur solum
quan-

quando præceptum est intimatum, siue ore-
tenus, siue scripto, siue alio modo.

Quar. 4. An moniales sine Superioris li-
centia possint validè aliquid vovere.

Resp. Negant Paludan. Angel. Rosel. &
Valent. quia votum non fit sine voluntate, qua
carent moniales, cum earum velle, & nolle,
stante voto obedientiæ, à Superioris depen-
deat voluntate. Censeo nihilominus cum
Cajet. Sot. Navar. & aliis posse validè, & me-
ritoriè vovere ea omnia, quæ nec regulæ,
nec Superioris præcepto repugnant, nec eas à
debito illius obsequio avertunt. Quia vo-
vere per se est opus consilii, & aliàs non est re-
ligiosis prohibitum. Quare possunt vota perso-
nalia emittere de actibus positis sub præcepto
sivè divino, sivè Regulæ, ad magis obfir-
mandam voluntatem in eorum observantia;
nec non de operibus supererogationis, quæ nec
à regula prohibentur, nec præcipiuntur; imò
etiam si excedant obligationem regulæ, ut est
transitus ad strictiorem. Nam materia hujus-
modi votorum est per se honesta, & medium
assequendi perfectionem. Potest tamen Supe-
rior prohibere monialibus, ne ipso inconsulto
voveant, quia hoc non est opus perfectionis im-
pedire, sed modum, quo melius fiat, pro videre,
Suar. t. 2. de relig. l. 3. c. 6. nu. 25. & Bart. à S. Fa-
ul. *Thesaur. rel.* l. 2. q. 23. qui sustinet, vota con-
tra hujusmodi prohibitionem facta valere,
quia ad validitatē voti sufficit, quòd materia
sit Deo grata, licèt vovēdimodus illi displiceat.

Quar. 5. Quibus Superioribus teneantur
moniales parere ex vi voti obedientiæ.

Resp. Iis omnibus, quibus per tale votum se
subjiciūt, siue immediatis, siue mediatis, siue
regularibus, siue non. Tenētur igitur parere
Abbatissæ in his, quæ spectant ad regulā, in qui-

bus etiam ex vi voti tenentur parere Summo Pontifici, tanquam supremo omnium Religio-
num Capiti, & cui per religionis votum om-
nes subduntur religiosi. Episcopo quoque te-
nentur parere, si sint illi subiectæ, quia obliga-
tio parendi oritur à jure subjectionis. Si verò
sint exemptæ, tenentur parere Episcopo, in
his, quibus se habet tanquam Sedis Apost. dele-
gatus, ut in observantia clausuræ; in reliquis
verò parere debent Prælati sui Ordinis, &
quidem eo pacto, quo tenentur ejusdem Or-
dinis religiosi, cum in utriusque votum obedi-
entia sit idem.

Quar. 6. An monialis in spectantibus ad
regimen monasterii maximis scrupulis agita-
ta, à quibus non potest se liberare, teneatur,
Superiore præcipiente, munus subire Abba-
tissæ.

Resp. Non teneri. Ita colligitur ex Graf.
Peyrin. Rodriq. Sot. & Sanch. in *decal. lib. 6. c.*
2. n. 52. Quia munus Abbatissæ cum tam ve-
hementi scrupulorum anxietate esset illi ni-
mis onerosum, & difficillimum, in moralibus
autem, quod est valde difficile, æquiparatur
impossibili, ad quod nemo tenetur. Tum quia
sicuti vehemens scrupulorum agitatio in per-
solvendo officio divino eximit à præcepto re-
citandi horas canonicas, Gobat. *10. 2. tract. 5.*
cas. 23. sect. 2. nu. 714. ita vehemens scrupulo-
rum agitatio in regimine monasterii eximet
à præcepto subeundi munus Abbatissæ.

Insuper, nemo tenetur obedire cum suæ
animæ periculo, & aliorum detrimento,
ut communiter cum D. Thoma. Utrunque
sequeretur, si monialis obediret Superiori
præcipienti. Primum quidem, quia stante
illa scrupulorum anxietate exponeretur con-
tinuis animi agitationibus, & perplexitati-
bus,

bus, consequenter probabili periculo labendi ex conscientia erronea in aliquam culpam. Secundum verò, quia, utpotè scrupulosa, esset in custodia regulæ nimis rigida, ac in delictis, & transgressionibus monialium perquirendis nimis anxia; atque adeò, ut advertit Peyrin. *de Pralat. q. 2. cap. 3. §. 15. num. 145.* parum prudens, & minùs misericors, undè turbaretur religiosa societas, & toties monasterii concordia.

Ex quo pariter confurgit validum aliud motivum eximens in hoc casu dictam monialem ab obedientia. Si enim suo scrupuloso regimine præberet causam turbandæ pacis, & concordiæ, jam est regiminis indigna, adeòque non tenetur, imo neque potest absque mortali peccato acceptare munus Abbatissæ; quia dignitas ita est de intrinseca natura Prælaturæ, ut neque summus Pontifex possit dispensare, ut eligatur indigna, cū sit de jure divino naturali. Peyrin. *de subdin. q. 1. c. 10.*

Quer. 9. An Abbatisa possit præcipere monialibus in virtute obedientiæ, obligando in conscientia.

Resp. Negativa sententia traditur à Soto, & Caramuele in *Theol. regul. disp. 38. res. 5.* ubi alios citat. Quia enim potestas Abbatissæ spiritalis non est, sed economica, domestica, & civilis, nihil imperare potest, quod monialium conscientiam valeat onerare, Nihilominus posse Abbatissam præcipere in virtute obedientiæ, & in conscientia obligare, docet Pasqual. in *Lauret. p. 1. n. 765.* cum undecim aliis ibi relatis. Ratio est, quia inter Abbatissam, & moniales adest ordo superioritatis, & subjectionis, auctorizatus à Summo Pontifice; unde votum obedientiæ obligat moniales tanquam subditas ad obediendum Abbatissæ, quia

ex vi talis ordinis est collata Abbatisſæ poteſtas exigendi obedientiam, quæ poteſtas fundatur in jure ſuperioritatis.

Neque per hoc exercet juridiſtionem ſpiritualem, quia quod præcipitur, ſupponitur jam impoſitum monialibus exequendum ex vi regulæ, in qua aut expreſſè, aut tacitè continetur, & proinde præceptum eſt regulæ, & Abbatiſſa ſolùm utitur jure acquiſito ad exigendum ex vi voti obedientiæ, quod eſt in regula. Quare Abbatiſſa miniſterialiter tantùm ſe habet, quia tanquam miniſtra conjungit in tali, & tali moniali quo ad particularia regulam cum obligatione voti obedientiæ, coarctando monialem ad exercendum votum obedientiæ circa talem rem à regula præſcriptā. Unde poteſt Abbatiſſa præcipere non ſolùm iſteſtantia ad œconômiam monaſterii gubernationem, ſed etiam concernentia ſpiritualem monialium profeſſum, quia hæc quoque ſub obligatione regulæ continentur.

Quar. 8. An Abbatiſſa ex voto obedientiæ ei emiſſo poſſit præcipere monialibus ea omnia, quæ poteſt Prælatuſ Regularis præcipere ſuis religioſis.

Reſp. Non poſſe: quia Prælatuſ regulariſ, utpotè pollens poteſtate ſpirituali, poteſt imponere nova præcepta ſpiritalia de iis, quæ non ſunt in regula, concernunt tamen ad conſervationem regulæ; Abbatiſſa verò non poteſt præcipere in virtute obedientiæ niſi ea, quæ ſunt in regula, ut pro adimpletione uti poſſit obligatione voti obedientiæ. Paſqual. *loc. cit. num. 766.*

Quar. 9. An monialiſ teneatur obedire Abbatiſſæ præcipienti revelare ſecretum fidei ſuæ commiſſum.

Reſp. Si ſecretum vergit in damnum mona-

na-

nafterii, aut alicujus personæ, vel Abbatis-
fæ, aut alterius superioris, etiam præciso
præcepto, tenetur, dictante lege naturali,
quod bonum commune particulari bono est
præferendum. Ita D. Thom. 2. 2. q. 70. art. 1.
ad 2. S. Antonin. Reginal. Navar. & alii. Si
verò secretum non vergit in damnum tertii,
sed solum in damnum manifestantis, non te-
necur obedire, quia jure naturæ debemus
proximo fidem servare, maximè ubi adest
propriæ personæ damnum, D. Thom. quod-
lib. 1. art. 15. Silvest. Reginal. Scot. & alii.

Quar. 10. An Abbatisa possit cogere mo-
nialem ad acceptandum, & exercendum ali-
quod munus, non obstante pacto in contra-
rium, & soluta monasterio dote majore soli-
to ad hunc effectum.

Resp. Posse cogere, quia ea conditio est tur-
pis, cum sit contra votum obedientiæ, quod
debet promitti simpliciter in ordine ad omnia
quæ sunt expressa in regula, ut docent omnes
cū D. Tho. quatenus igitur turpis, est reiicien-
da; unde prædicta monialis debet obedire si-
cuti aliæ ejusdem professionis, & muneris.
Nec obstat majoris dotis solutio sub ea con-
ditione, cum enim ea sit turpis, sibi imputet
monialis; qui enim facit, quod nō debet, reci-
pit, quod nō oportet, *l. Julianus, §. offerri, ff. de
act. empt.* Ita Bordon. in *miscel. Decis.* 436.

Quar. 11. An Superior possit imponere mo-
nialibus præceptum obedientiæ obligans sub
mortali in materia levi.

Resp. Ex communi Doctorum sententia
non posse; quia potestas Superioris non se
extendit ultra terminos rectæ rationis, alio-
quin gravaret subditos injustè, quia gravaret
absque necessitate. Recta autem ratio di-
stat, quod præceptum accomodetur exigen-

tia³ materiae, quare si materia est levis, non potest præcipi sub mortali. Verum tamen est, quod materia ex se levis potest esse gravis respectu communitatis, & ratione finis, & in tali casu potest præcipi sub gravi, undè confurget obligatio gravis, quia est obligatio ad mensuram exigentia³ finis.

Quar. 12. An si Episcopus in virtute obedientia³ præcipiat monialibus, ne accedant ad januam, ad evitandum aliquod incommodum, peccet monialis accedendo, quando certò scit in tali casu non adesse periculum, ratione cuius præceptum est impositum.

Resp. Peccare; quia esto non ad sit periculum in illo casu, ad est tamen generaliter, & ut plurimum; & hoc sufficit, quia hæc fuit causa imponendi præceptum. Et ita docet Diana cum aliis in opere Coord. l. 7. tract. 1. res. 132. n. 2.

Quar. 13. Quænam sit forma faciendi præcepta obligantia sub mortali.

Resp. Variam esse formam, prout varii sunt ordines religionum, undè in unoquoque ordine inspiciendum est, quid quoad hoc statutum sit, aut usu inductum, illudque omninò servandum. Communiores tamen, & frequentiores formæ sunt, *In Nomine D. N. Jesu Christi, vel in virtute Spiritus Sancti, vel in virtute obedientia³.*

Quar. 14. An ex verbis *præcipio, jubeo, strictè præcipio, sub præcepto injungo, absolute prohibeo*, colligatur obligatio parendi sub mortali.

Resp. Negativè cum Medina, Lorca, Vasq. Suar. & Sâch. in decal. lib. 6. c. 4. n. 26. quia verba illa sunt indifferentia ad obligandum sub mortali, vel sub veniali, ut præceptum non furandi, non mentiendi in materia levi. Cum igitur talia verba ex genere suo non obligent sub

sub mortali, debent determinari vel à gravitate materiæ præceptæ, vel etiam à pene impositione, ita quòd si aliquid præcipiatur sub pænæ excommunicationis majoris ipso facto incurrendæ, violatio talis præcepti erit censenda gravis, quia additio talis pænæ satis ostendit, mentem Superioris esse obligare sub gravi, ut in simili advertit Sanchez *ubi supra* nu. 44. Non tamen colligitur obligatio gravis, si excommunicatio sit sententiæ ferendæ. Ita Vasq. Navar. & alii, qui addunt, observandam etiam esse consuetudinem regionis, & religionis in modo loquendi, qui ex illa satis deducitur præcipientis intentio.

§. II.

De subiectione quoad Ordinarium.

Quar. 1. **A**N, & quomodò moniales subijciantur potestati Ordinariorum.

Resp. De jure communi, præcisus particularibus exemptionibus, & privilegiis Apostolicis, Regulares subijci originaliter Episcopo. rum. jurisdictioni, *can. qui verè in fin. 16. q. 1. & can. pervenit 16. q. 1.* De quibus per Oldr. *conf. 274.* Intelligitur autem hæc subiectio quoad jura Episcopalia, iuxta *Cap. constit. de relig. domib. & quoad obedientiam cap. cum licent de præscript.* Undè etiam moniales de jure communi subsunt Ordinariorum potestati. Modò autem ferè omnes Religiosorù Ordines obtinent de jure speciali plenariam exemptionem. Monialium verò Monasteria plurima etiam nunc plenè subsunt Ordinariorum jurisdictioni, & quoad personas, & quoad bona temporalia, alia subsunt gubernationi

Prælatorum sui Ordinis, & alia sunt immediate Apostolicæ sedi subje^{ct}a, ita tamen ut Episcopus tanquam Sedis Apostolicæ delegatus in utrisque exercent jurisdictionem in his, quæ spectant ad custodiam clausuræ, & in his ultimis exercet jurisdictionem etiam quoad gubernium spirituale, ut per Tridentinum *sess. 25. de Regular. cap. 9.* non verò temporale, ut *ex declarat. Sac. Congr.* quam refert Pasqual. in *Laur. p. 1. num. 37.* Barbof. & Tamburin.

Quar. 2. An moniales in iis, in quibus subji^{ci}untur Ordinario loci, subji^{ci}antur etiam ejus Vicario Generali, & Capitulo, sede vacante.

Resp. Subji^{ci} etiam Vicario Generali, utpotè constituti unum, & idem tribunal cum suo Episcopo. Immo Vicarius generalis potest exercere in moniales jurisdictionem competentem Ordinario tanquam Sedis Apostolicæ delegato, quia delegatus Principis potest subdelegare, *cap. Pastoralis, & cap. fin. de offic. deleg.* Hæc pariter facultas transit in Capitulum Sede vacante, etiam quoad ea, quæ competunt Episcopo jure delegationis; licet enim, universaliter loquendo, Capitulum Sede vacante succedat solum in his, quæ competunt Episcopo ex jurisdictione ordinaria, non verò delegata, juxta ea, quæ *per text. in cap. Pastoralis de offic. ord.* resolvunt Abbas, Pavin. & Tusch. fallit tamen, quando jurisdictio ex delegatione Sedis Apostolicæ in perpetuum committitur muneri Episcopali, quia supposita perpetuitate hujus delegationis, talis jurisdictio competit Episcopis ex officio, & est accessoria, immò pars jurisdictionis episcopalis, & per consequens ut talis transit in Capitulum, in quod, Sede vacante, transit per viam regulæ tota episcopalis juris-

jurisdictio; ut advertit Molin. *de just. r. 6. tract. 5. disp. 11. sub n. 8. & 9.* & ex eo Barbosa *de off. & Porest. Episc. alleg. 133. nu. 21.* ex quo Tamburin. & Castro Pal. contra Garziam, Azor. Breun. Dian. & alios relatos à Pasqual. ubi supra.

Quar. 3. An moniales exemptæ ab Ordinarii jurisdictione possint ei se subicere,

Resp. Non posse; quia privilegium exemptionis habet implicatum jus tertii, scilicet Religionis, cui subduntur, & Summi Pontificis, qui eo ipso, quòd illas eximit ab Ordinariorum jurisdictione, eas sibi subjicit, & constituit se immediatum earum Superiorem. Non possunt igitur tali privilegio renunciare, quia per hujusmodi actum jus Religionis, & Summi Pontificis læderetur. Et hoc adeò verum est, ut neque consensu totius Religionis possint inconsulto Summo Pontifice se subicere, tum quia privilegium exemptionis est connexum cum jure Pontificis, tum quia, cum sit papale, ipsi sine Papæ consensu renunciari non potest, *cap. cum tempore, de arbitr.* Neque de consensu, & potestate Nuntii Apostolici, aut Legati à latere, quia exemptio est de reservatis Papæ, ac propriè Apostolicæ Sedi competit, *Gloss. c. 1. v. exempti de privi. in 6. & latè Abbas in c. ult. n. 5. cum Apost. de confir. util. vel inutil.*

Quar. 4. Quibus de causis moniales exemptæ debeant à Sede Apostolica subjici jurisdictioni Ordinarii.

Resp. Ex quacunque rationabili causa, Faber. *instir. de his. qui sunt sui, vel alt. jur.* Et maxime hoc faciendum videtur, quoties apparet, Superiores adeò malè tractare illas, ut reputari possit abusus jurisdictionis. Hostien. communiter approbatus *in cap. licet enim nu. 9. de*

Simon. Insuper quando constat, Prælatos Regulares causam præbuisse dissensionibus inter moniales, & in eas se vire, *Roman. cons. 37. n. 1.* Velsi moniales expensis graventur, Guido Papa *dec. 62.* & Prælatorum administratio tendat in destructionem monasterii, *cap. Venerabilis,* ubi *Glos. v. suspecti de off. deleg. c. 2.* Item si interveniat scandalum exortum ex frequenti colloctione regularium cum monialibus, quæ res sicuti scandalosa est, ita opportuno eget remedio, atque aded moniales sub horum regularium cura non sunt amplius relinquendæ.

Quer. 5. An moniales pro constructione novi Monasterii indigent licentia Episcopi.

Resp. Indigere, & decernitur à Concilio Trident. *sess. 25. cap. 3. de regular. in fin.* & notant Navar. Bard. Tambur. & Cesp. Ita quod neque Vicarius generalis potest sine speciali mandato licentiam hujusmodi impertire, quia est de Majoribus. Sellelius *in select. canon. c. 9. n. 4.* ubi refert decisum à Sac. Congreg. 11. Julii 1620. Vicarium verò Capitularem posse prædictam licentiam concedere, affirmat Cesp. *de exempt. regul. c. 1. dub. 21. n. 5.* negat Pasqu. *in Lauret. n. 506.*

Quer. 4. An in concedenda dicta licentia debeat servari forma præscripta à Clemente VIII & Gregorio XIII. scilicet, quod prius vocentur, & audiantur Prælati conventuales locorum, ubi ædificandum est monasterium, & alii interesse habentes.

Resp. Affirmant Donatus & Tamburin. *de jure Abbat. disp. 33. q. 1. n. 4.* quia in dictis decretis præscribitur forma ad dandum consensum pro novo monasterio, sive sit virorum, sive mulierum. Negant Cesp. & Lezana, quia verba decreti loquuntur de religiosis monachis &c. non de mulieribus. Distinguit Pasqual.

qual. ubi supra *num.* 479. Si moniales non mendicent, non videntur comprehendi earum monasteria sub forma dictorum decretorum, quia non possunt religiosis præexistentibus afferre præjudicium, neque quæritando, neque divertendo concursus ab eorum Ecclesiis. Si verò quærunt eleemosynas, quia possunt præjudicium afferre per eleemosynarum diminutionem, ideò sunt cæteri religiosi audiendi.

Quar. 7. An Episcopus, antequàm erigantur nova monasteria, debeat vocare, & audire etiam Prælatos Monialium exemptarum.

Resp. Affirmat Cesp. *c.* 23. *dub.* 353. Movetur ex verbis Constitutionis, in qua, postquam Summus Pontifex præcepit non esse erigendos conventus nisi vocatis, & auditis aliorum in eisdem civitatibus, & locis existentium conventuum Prioribus seu Procuratoribus, subdit: Et aliis interesse habentibus. Sed alii interesse habentes sunt etiam moniales exemptæ, præcipuè quæ ex eleemosynis vivunt; ergo ex vi Constitutionis etiam Superiores illarum sunt vocandi, & audiendi ab Episcopo, & hoc etiam in constructione monasterii virorum. Videtur tamen ob stare praxis, quæ omninò servanda.

Quar. 7. An Episcopus possit indulgere monialibus, ut intra septa monasterii servent Eucharistiam.

Resp. Non posse, stante decreto Tridentini *sess.* 15. *de regul.* *c.* 10. Putat nihilominus Rodriguez, quòd Concilium solùm prohibeat, quòd Eucharistia servetur intra claustra, & proinde possit conservari tam in Ecclesia exteriori, quàm interiori ex privilegio Clemen. VII. per quod conceditur monialibus Fratrum Minorum, quòd possint in Ecclesia interiori

in loco decenti habere Eucharistiam, sicut habent in exteriori. Verum hoc esse contra mentem Concilii, declaravit Sac. Congreg. in *Toletana* apud Pignatel. t. 8. consuls. 53. n. 6. quæ sic habet; *Sanctissimum Eucharistia Sacramentum, non in Choro monialium, sed in Ecclesia exteriori conservetur, non obstante quacumque consuetudine contraria, nec potest in fenestella illius parietis, qua disjungit Chorum Monasterii ab Ecclesia, retineri, & ubi consuetudo inolevit, omnino tollenda.*

Quar. 9. An moniales Ordinario subjectæ subjaceant casibus, & censuris, quæ ipse Ordinarius generaliter reservat pro tota diœcesi, etiam si de ipsis Monialibus non fiat expressa mentio in Edicto reservationis.

Resp. Visum est aliquibus, quod non, præcipue Cespedes cap. 23. dub. 357. num. 3. Quia edictum reservationis in universali nihil operatur pro monialibus, cum enim ipsæ sint communitas distincta à cæteris; & vivant secundum speciales leges, & regulas, debet Episcopus ipsis assistere in ordine ad speciale regimen juxta exigentiâ regulæ ipsarum; & ided, quæ facit in ordine ad diœcesim secundum universalem directionem, non se extendunt ad moniales, quæ non subduntur ipsi, in ordine ad talem directionem, sed in ordine ad specialem. Unde ex eo quod ferat edictum reservationis universale, quia procedit ex generali directione, non autem ex speciali, secundum quam præest monialibus, non dat vim tali edicto in ordine ad ipsas. Adde, quod in materia stricta, & odiosa, qualis est casuum reservatio, verba, quæ possunt accipi in genere, & in specie, debent in specie accipi, ut per Seraphin dec. 853. nu. 7. Unde, licet edictum reservationis possit accipi in genere, scilicet tam
pro

pro sæcularibus, quam pro monialibus subiectis, nihilominus utpotè odiosum debet pro sæcularibus tantum accipi.

His tamen non obstantibus non est à comuni sententia recedendum, quam tuentur Diana, & Bordon. in *Miscell. decis.* 419. Quia edictum, reservationis est generale. & aptum comprehendere etiam Moniales; unde succedit regula, quòd, quando mens verisimilis disponentis, & subiecta materia concurrunt cum verborum indefinita generalitate, tunc veniunt omnes illi, ad quos se potest extendere dispositio, *Ruin. cons.* 127. *num.* 4. Quòd autem edictum reservationis sit aptum comprehendere moniales, patet, quia reservatio pertinet ad disciplinam christianam, ut fideles retrahantur à peccatis, qua disciplina indigent etiam moniales, quare edictum debet illas quoque comprehendere, maxime quia si etiam ipse communicant cum ceteris sub eodè Pastore, & capite, debent etiam in obligatione generalis edicti communicare.

Quar. 10. An etiam moniales exemptę subdantur casibus Episcopo reservatis.

Resp. Affirmat Tamburin. in *expedit. moral. explicat. lib.* 5. de pœnit. *tract. de casib. reserv. cap.* 3. *num.* 4. innixus Constitutioni *Inscrutabili* Gregorii XV. in qua statuitur, etiam Moniales exemptas non alios quam ab Episcopo approbatos habere posse in Confessarios; unde infert, posse Episcopum restringere dictam approbationem: & Confessarium, quem dictis monialibus concedit, limitare, ne valeat absolvere ab hoc, vel illò peccato, qua ratione jam hæ moniales subiacent reservationi Episcopi. Cum ergo hodie Episcopi semper approbent Confessarios sub restrictione, ne absolvant à reservatis,

quando contrarium non exprimunt, eodem modo præsumuntur approbare hos Confessarios monialium, quàm in vis exemptarum.

In contrarium est communis sententia, quam amplector. Quia dispositio casuum reservatorum non extenditur ultra territorium, juxta communem doctrinam *in cap. ut animarum de constit. in. 6.* Cùm ergo monasteria monialium exemptarum tam ratione sui, quàm ratione personarum sint plenè exempta, non secùs ac si essent extra territorium, ut per Bonacin Bordon. & alios; constatque ex diversis privilegiis Summorum Pontificum, præcipuè Sixti IV. Bul. 1. apud Confess. ad ipsa non potest se extendere episcopalium casuum reservatio.

Neque valet, quòd possit Episcopus non approbare quoad reservata confessarios monialium exemptarum, quia potest ferre judicium quòd non sint idonei quoad illa, qua ratione prædictæ moniales subjacebunt reservationi Episcopi. Non valet, inquam, nam delegationem Episcopi non se extendere ad limitatè approbandum Confessarios quoad reservata suadetur. Primò, quia per Constitutionem Clementis X. *Superna*, & Sacræ Congregationis declarationes, facultas approbandi Confessarios regulares se extendit tantùm ad tempus, locum, & personas, de criminibus verò nihil disponitur; & meritò, cùm quo adhæc sit sufficienter provisum per reservationem, quoad sæculares quidem per reservationem Episcopi, quoad exemptos verò per reservationem sui Prælati.

Secundò quia facultas delegata Episcopis ad cognoscendum de idoneitate Confessorum regularium non est trahenda ad subiciendas moniales quoad reservata, concessa enim
juris.

jurisdictione in certo casu, censetur in ceteris prohibita, *l. cum Prator. ff. de judic. Riminald. jun. conf. 516. num. 20.* Et delegatio est stricti juris, Rota *decis. 18. n. 1. de dol. & contum. in nov.* adeoque restringenda ita ut minus, quam fieri potest, lædat exemptionem, per regulam *ea qua de regul. jur. in 6.* maximè quando potest in uno casu sortiri suum effectum, Cephal. *conf. 104. num. 11. l. 1.* cum adductis à Rota *decis. 563. num. 1. p. 1.* prout in presenti: potest enim Episcopus cognoscere de idoneitate Confessarii, & illum approbare, si idoneum, reprobare verò, si minus idoneum repererit, absque eo quòd procedat cum limitatione offensiva exemptionis monialium.

At dato etiam citra veritatis præiudicium, quòd possit prædictos Confessarios limitatè approbare quoad reservata, in tali casu debet hanc limitationem exprimere, sicuti exprimere debet limitationem quoad tempus, locum, & personas, quando intendit limitare quoad illa. Et ratio est, quia limitata utpote derogativa exemptionis, atque adeò stricti juris, non præsumitur, Rota *decis. 23. num. 19. part. 1 recent.* Cùm nimis odiosum sit auferre exemptiones, & privilegia, quæ post concessionem non dicuntur contra jus, sed de jure, *l. 1. ff. de constit. Princip. Cæsar. de Grassi. decis. 1. num. 6.* Gonzal. ad regul. 8. glos. 36.

Nec sufficienter deducitur limitatio quoad reservata per hoc, quòd Confessarii exemptarum approbentur sicut cæteri; atque adeò cùm cæteri Confessarii approbentur semper cum restrictione; ne absolvant à reservatis; nisi aliud exprimatur, illi quoque sub eadem restrictione censentur approbati. Nam licet verum sit, quòd cæteri Confessarii non possint absolvere à reservatis, nisi aliud exprimatur,

hæc

hæc tamen reſtriſtio non provenit a limitata approbatione, ſed à lege reſervationis, quæ valdè differunt inter ſe; prima enim reſpicit idoneitatem, ſecunda vero cadit ſupra juriſdictionem; unde ſtare poteſt abſoluta approbatio cum reſtriſtione facultatis in ordine ad reſervata, ut patet in Parochis, quia jure ſunt abſolutè approbati, & tamen abſolvere à reſervatis non poſſunt.

Et, quòd cæteri diœceſis Confeſſarii non approbentur cum reſtriſtione approbationis, convincitur etiam ex praxi; nam quilibet illorum virtute jubilæi abſolvit à reſervatis Epiſcopo abſque nova approbatione, qua neceſſariò indigeret, ſi antecederet ad jubileum non fuiſſet etiam quòd ad reſervata approbatus idoneus; nam privilegium jubilæi requirit tanquam de forma approbationem ordinarii, atque adeò approbationem ad reſervata; non enim ſufficit qualiſcunque approbatio, ſed debet eſſe approbatio in ordine ad illum eſſe. Quam, ad quem eligitur Confeſſarius: quod non verificaretur, ſi in antecedenti approbatione fuiſſet excluſus à reſervatis, ut fatetur idem Tamburinus *lib. cit. cap. 5. §. 4. n. 30.*

Quær. 11. An moniales non exemptæ incidunt in caſum reſervatum Epiſcopo non comedendi carnes diebus prohibitis ab Eccleſia ſi in aliis diebus, in quibus ex voto, vel obſervantia prohibentur, carnem comedant.

Reſp. Non incidere, ita Sanch. & Mazuchel. quos refert, & ſequitur Ceſped. *dub. 355.* quia tunc peccant quidem contra regulam, vel contra votum; non autem contra Eccleſiæ præceptum: unde non habet locum reſervatio, quia afficit comeſtionem carnum præcepti eccleſiaſtici violativam. Si verò moniales teneantur ex vi voti, & regulæ abſine.

stinere à carnibus die veneris, & Festum Natalis Domini incidat tali die, tunc comedendo carnes incidunt in casum reservatum, quia adhuc viget præceptum respectu eorum, qui in tali die tenentur ex vi voti, vel regulæ à carnibus abstinere, ut habetur *ex cap. final. de observ. jejun.*

Quar. 12. An Episcopus ut Sedis Apostolicæ delegatus possit reservare casus circa clausuram in ordine ad moniales exemptas, v. g. ne cum sæcularibus loquantur in ostio aperto &c.

Resp. Posse. Ita Baucius; quia ex vi delegationis factæ Episcopo circa clausuram tam materiale, quàm formale; ut videbimus suo loco, cessat in illis quoad clausuram privilegium exemptionis, atque adeò quoad hoc etiam illæ subduntur Episcopo sicut ceteræ Moniales; ratione igitur istius subjectionis poterit Episcopus reservare casum ad materiam clausuræ spectantem, quia suæ jurisdictionis limites non excedit. Ex quo sequitur, quòd in casu contraventionis, Moniales sunt absolvendæ ab Episcopo, non autem à proprio Prælato, idque ex decreto Clementis VIII. expressè prohibente omnibus Regularibus, ne absolvant vi cujuscunque privilegii ipsis concessi à casibus ordinario specialiter reservatis: quod decretum, cum loquatur indefinite, utique comprehendit etiã reservata Monialibus, juxta regulam generalem, Lex generaliter loquens generaliter debet intelligi Scio, Pasqualigum, quem sequitur Diana *t. 7. in opere coord. tract. 1. res. 317. num. 2.* negativæ sententiæ adhærere, quia putant dicti Doctores, quòd delegatio concessa Episcopis à Tridentino in ordine ad clausuram monialium exemptarum sit solum in foro

exter-

138 *De Subject. quoad Ordinarium*
externo, quod probare prætendunt ex verbis
ipsius Concilii. *sess. 25. de Regular.* Ego tamen à
priori sententia non recedo.

Quar. 13. An moniales subdantur Episcopo
quoad officialium Monasterii electionem.

Resp. Negativè, sed electionem spectare
uel ad Abbatissam, uel ad Conuentum, juxta
ipsarum constitutiones. Constat ex Sacræ
Congregationis decreto relato a Pasqual. *in*
Lauret. n. 770. Officiales hujusmodi ad nutum
Abbatissæ uel Conuentus possunt amoveri, ut
ex Concilio Trident. *sess. 25. cap. 2.* notant Bor-
don. Sigismond. & Donat. qui addunt posse
etiam sine causa amoveri, hoc enim est esse
ad nutum amovibiles, nam si requireretur cau-
sa, essent solùm amovibiles ex causa, non ad
nutum. Immo quòd monialium procurator
de triennio in triennium mutari debeat, extat
speciale decretum Sac. Congreg. *sub die 31. Ju-*
nii 1615. ut refert Aldan *in comp. canonic. resol.*
lib. 4. tit. 2. n. 10. Procedit autem non de procu-
ratore ad lites, sed de procuratore admini-
strante bona monialium, nam inhæret decreto
Concilii *id. sess. 25.* quòd procedit tantùm de
administrante bona temporalia. Pasqual. *ubi*
supra. Advertendum ex declaratione Sac.
Congr. Episc. *sub die 22. Augusti 1605.* non pos-
se religiosos cujuscumque gradus eligi in ad-
ministratores bonorum monialium.

Quar. 14. An moniales, etiam exemptæ, sub-
dantur Ordinario loci quoad bonorum suo-
rum administrationem.

Resp. Subjacere in eo, quòd potest Ordina-
rius ex causa rationabili monere Prælatos re-
gulares, ut amoveant ab administrandis bo-
nis monialium eos, qui ad tale munus deputa-
ti sunt, ipsisque Prælatis id facere detrectan-
tibus, aut negligentibus, ipsemet Ordinarius

amo.

amovere potest quoties, & quando opus esse judicaverit. Subduntur etiam in eo, quòd singulis annis, adhibitis etiam Prælatiſ regulariſ, potest à præfatis administratoribus exigere rationem administrationis, & ad id eos compellere juris remediis, ac, si fortè delinquentes circa administrationem reperti fuerint, tanquam Sedis Apostolicæ delegatus punire. Patet expreſſè ex Bulla Gregorii XV. *Inſcriptabili*.

Quar. 15. An regulares concionaturi monialibus exemptis ad crates teneantur benedictionem petere ab Ordinario.

Reſp. In rigore loquendo videri, quòd non. Quia Concilium Trident. *ſeſſ. 5. c. 2. de reform.* & *ſeſſ. 24. c. 4.* & Bulla Gregorii XV. *de privilegi. exempt.* loquuntur de concionatoribus, & de prædicatione in Eccleſiis, atque adeò de publicis concionibus, ſeu ſermonibus, quales non ſunt ſermones, qui ſiunt apud moniales januis clauſis; nam ſunt potiùs private adhortationes, & idè non videntur ſub hiſ diſpoſitionibus includi. Paſqual. *ubi ſupr. n. 625.* qui citat Ceſped. & Lezan. Quod etiam videtur ſentire Bordonus *in conſ. regul. reſ. 7. n. 33.* etià ſi moniales, apud quas habentur prædicti ſermones, non ſint exemptæ. Nihilominus petendam eſſe benedictionem ab Ordinario, ſive concio habenda ſit ad crates monialium exemptarum, ſive non exemptarum, etiam januis clauſis, & nullo ſæcularium audiente; expreſſè decernitur in Conſtit. Clementis X. quæ incipit *Superna*.

Qualiter autem moniales, etiam exemptæ, ſubjiciantur ordinariis quoad puellarum educandarum, & Novitiarum receptionem, profeſſionis emissionem, Confeſſariorum approbationem, feſtorum, jejuniorum, cenſura.

140 *De subjeet. erga Prælatum Reg.*
furarum, interdicti, & clausuræ observan-
tiam, suis in locis refertur,

§. III.

De Monialium subjectione erga Prælatum Regularem.

Quar. 1. **A**N potestas Prælati Regularis in moniales sibi subditas sit ordinaria, vel delegata.

Resp. Esse ordinariam, quia illi competit ex officio, & est perpetua, quæ duo constituit potestatem in esse potestatis ordinariæ, ut notant communiter Doctores. Ex quo fit, quod sit etiam delegabilis, ut firmat in terminis Rodriq. *t. 1. q. 17. art. 10.* Illa verò, quæ competit Prælato locali, reputatur communiter delegata; nam ex officio competit Generali; aut Provincialibus Ordinis. Superioribus verò localibus committitur per delegationem; ut in casibus frequentius occurrentibus possint opportunè providere. Undè juxta hanc sententiam non possunt locales Prælati regularem facultatem alteri committere, quia delegatus non potest subdelegare.

Quar. 2. In quibus moniales exemptæ subduntur suo Prælato Regulari.

Resp. Subdi ferè in omnibus, in quibus subduntur Ordinario moniales ipsi subiectæ, unde de utrisque proportionaliter discurrendum. Et insuper subduntur in omnibus, in quibus subduntur viri religiosi, quantum tamen patitur conditio sexus feminei, & quantum ad ea, quæ statui monialium esse possunt proportionata.

Quar. 3. An Prælatus regularis habeat in
mo-

moniales subditas potestatem non solum directivam, sed etiam coercitivam, & judiciale.

Resp. Affirmativè; patet ex usu, & suadetur ratione; nam omnis communitas, ut sit ordinata, debet posse dirigi in suum finem per congrua media, ut Theologi communiter cum D. Thom. 1.2.9. 92. a. 2. Ergo debet in Prælato regulari residere potestas coactiva, & judicialis, tanquam medium congruum, & principale dirigendi monialium communitatem in regularem observantiam; attenta enim humanæ conditionis imbecillitate, parum esset hortari moniales verbo, nisi cogerentur imperio. Ita Suar. 1.4. de relig. tr. 8. l. 2. c.9. n.1. docens postea, quòd, quamvis Prælatus religionis ex vi talis status habeat solum potestatem coercendi modo paterno, & juxta limites regulæ; ratione tamen jurisdictionis ecclesiasticæ habet potestatem coercitivam episcopalem, idque ex usu, & privilegiis omnium religionum exemptarum. In usu tamen hujus jurisdictionis habenda est ratio consuetudinis, cum vi illius possit contingere, quòd tota jurisdictio sit in Prælato religioso quoad omnia delicta, vel quòd aliqua sint Episcopo reservata, vel quòd in utrisque sit cumulativè.

Quer. 4. An moniales regularibus subiectæ subdantur casibus in religione reservatis.

Resp. Quòd sic; tum quia sunt pars ejusdem Ordinis, & subduntur Prælato regulari tanquam capiti, sicuti subduntur cæteri religiosi; tum quia moniales subjiciuntur omnibus constitutionibus, & ordinationibus factis à Prælatis regularibus, quando monialibus earum materia potest accomodari. Mirand.

rand. q. 5. n. 3. *de Monial.* Ergo etiam ſubjiciuntur caſuum reſervationi. Ceſped. & Bordon. *conſ. regul. reſ.* 37. n. 43. & 44. ubi etiam advertit, & probat ex decreto Clementis VIII. & declaratione Sac. Congreg. 7. Julii 1617. quòd, ſicuti Prælati regulares quoad religioſos non poſſunt ſibi reſervare caſus, neque cenſuras niſi de conſenſu capituli, ita neque poterunt ſine prædicto capituli conſenſu caſum aliquem, aut cenſuram reſervare quoad moniales ſubditas, quia ſicuti iſtæ eodem modo iſſis ſubjiciuntur ac viri, ita eodem modo debent ligari.

Quar. 5. An Prælatuſ regulariſ de boniſ monialium ſibi ſubditarum poſſit diſponere in caſibus aliâſ permiſſiſ, etiam contradicentibuſ monialibuſ.

Reſp. In contraſtibuſ gravioriſ momenti non poſſe; ſi enim Abbatiffa, cui immediatè bonorum monaſterii cura incumbit, indiget in hiſ caſibuſ proprii capituli conſenſu, a fortiori indigebit Prælatu� regulariſ, cui minùſ proximè præfatorum bonorum incumbit adminiſtratio. Maximè quia huiuſmodi conſenſuſ inductuſ eſt favore monaſterii, atque adedò favore publico; quando autem conſenſuſ reſpicit favorem publicum, requiritur pro forma actùſ, ut tradunt communiter ſcribentèſ in *l. ſi quiſ mibi §. juſſum de acquir. hered.*

Quar. 6. An Abbateſ habentè� uſum baldachini poſſint illud erigere in Eccleſiſ monialium ſibi ſubjectarum iſſ vicibuſ, quibuſ conceditur.

Reſp. Quòd ſic; nec poſſunt ab Epiſcopiſ impediri; ita Ceſped. & Squillan. quòſ reſert, & ſequitur Paſqualig. *ubi ſupra* nu. 396. Quia declaratio Sacrę Congregationiſ habet, quòd

quòd possint ut in suis Ecclesiis propriis? Ecclesiæ autem monialium subiectarum sunt propriæ ipsorum; cum ibi habeant jurisdictionem; unde non extenditur jus baldachini extra locum jurisdictionis.

§. IV. !

De subjectione quoad canonicam Visitationem.

Quar. 1. **A**N Prælati monialium teneantur eas visitare, & quando.

Resp. Teneri, & quidem singulis annis; patet ex *Clement. 2. Attendentes de stat. monac.* ubi statuitur, quòd monasteria monialium Papæ immediate subiectarum visitari debeant ab Ordinario loci Apostolica auctoritate; non exempta à proprio Ordinario, sed propria potestate, exempta verò à propriis Prælati regularibus. Hęc facultas competit per speciale mandatum etiam Vicario generali, nec non capitulo, Sede vacante, quia, ut superius diximus, in his, in quibus moniales subijci possunt, pariter visitari.

Quar. 2. Quid observare, quid cavere debeant Prælati in monialium visitatione.

Resp. Quàm maximè attendere debent, ut omnia paterna charitate fiant, suaviter curando ipsarum vulneribus mederi, & vitia omnia ab illis dulciter evelli, quod habetur in *cap. licet plerumque dist. 5.* Item debent de tempore visitationis præmonere moniales, ne eas imparatas invadant, nisi aliud suadeat necessitas, vel rationabilis causa. Jo: Andre. & Fusch. *de visit. lib. 1. cap. 4. n. 4.* Abstineant à juramento exigendo (nisi ex particularibus religionum statutis aliud servetur)

144 *De subjectione quoad canon. &c.*
 verum) *cap. Romana Ecclesia* ; §. *sanè de cens.*
 Advertunt tamen Spatharius, & Resta in *direct. Visitat.* quodd , ubi opus fuerit , poterunt
 moniales præcepto , & excommunicationis
 pœna ad aperiendam veritatem compelli .
 Crimina occulta nullatenus interroganda ,
 nisi de illis infamia aliqua , vel probabilis
 suspicio præcedat . Non prohibetur tamen
 de meritis , seu demeritis monialium , quæ
 eligi possunt in Abbatissas , perquirere , etiam
 nulla præcedente infamia . Caveant insuper ,
 ne ex his , quæ in hac generali inquisitione de-
 feruntur , procedant ad pœnam ; sed tantum
 delinquentes moneant , ut corrigantur ; ter-
 reant minis , ut cautius agant ; quia in hoc
 casu Prælati non se habent tanquam iudices
 ut puniant , sed tanquam Patres ut corri-
 gant ; & fructus visitationis est potius emen-
 datio , quam punitio , ut notatur in *cap. in-*
quisitoribus de accus. & ex Angelo notat Leza-
 na 99. *regular. t. 1. cap. 27. n. 3.* Ingredien-
 tes ad visitandam clausuram non introducant
 sæculares extra necessitatem in monasteria ,
cap. ut juxta de offic. ordin. munera quantum-
 vis minima nec ipsi , nec suorum quisquam
 recipiant , Trident. *sess. 24. de reform. cap. 3.*
 à quibus abstinere etiam debent finita visita-
 tione , dum monasteriis visitatis discedunt ,
Genuens. cap. 35. num. 5.

Quar. 3. An moniales exemptæ possint
 resistere ordinario loci volenti eas quoad
 clausuram visitare .

Resp. Non posse , ita ex communi praxi
 colligitur , & habetur ex decisione , quam ex
 Galletto adducit Barbosa *de offic. Episc. alleg.*
172. nu. 7. Immo potest ordinarius non tan-
 tùm visitare moniales exemptas quoad clausu-
 ram , quoties expedire judicaverit , sed etiam
 illas

illas de spectantibus ad clausuram interrogare, Sac. Congreg. 25. *Februarii* 1583. Nec possunt ipsi regulares, quibus subsunt moniales, impedire, etiam si aliàs monasterium illud nunquam fuerit visitatum; eadem, Sac. Congr. 24. *Novembris* 1617. Ita quòd monialibus, aut regularibus visitationi obstantibus potest Episcopus resistere frangendo fores monasterii, & vim vi repellendo, Fuscus *lib. 2. de visitat. cap. 19.* Inimò tam moniales, quam alii impediētes incidunt in excommunicationem latam in d. *Clement. Attendentes.* Ad eam tamen incurrendam requiritur præsumptio, cùm in textu adhibeatur verbum *presumpserint*, & præcedere debet monitio ex vi dicti textus, ibi, *Nisi moniti resipiscant.* Nec sufficit, quòd dicta monitio fiat antequàm apponatur impedimentum, sed debet ipsum subsequi, Bonac. *disp. 2. de cens. particular. quest. 2. par. 4. num. 4.* monens nu. 2. requiri triplicem monitionem, vel unam pro triplici, quia hoc est de stylo iuris canonici, nisi aliud necessitas suadeat. Et talis monitio fieri debet ab ipso monialium visitatore, qui impeditur, aut ab eius superiore, quia debet esse iuridica, Supradicta excommunicatio afficit etiam impediētes visitationem à Prælati regularibus intentatam.

Quar. 4. An Episcopus possit visitare seculares, seu regulares exercentes curam animarum personarum sæcularium in Ecclesiis monialium exemptarum.

Resp. Posse juxta decretum Concilii Trident. *sess. 24. de regular. cap. 11.* & Gregorii XV. *constitut. de exemp. privil.* in iis enim, quæ ad curam spectant animarum, vel in dependentibus ab illa, subsunt Episcopo, ut docent Campanil. & Barbosa; unde si, dum Episcopus

pus ingredi voluerit ob causam prædictæ visitationis, renuant exempti, vel exemptæ moniales ostium claudendo, licebit illi ostium infringere, Innocēt. Abbas, Campanil. & Fuscus; & contra huiusmodi impediētes in actu illatę violentię, nulla præmissa monitione, excommunicationem ferre, Genuen. Campanil.

Quer. 5. An moniales in actu visitationis de regulari observantia à Prælato interrogatę teneantur sub mortali respondere.

Resp. Teneri ex Texeda relato à Diana in opere coord. t. 7. tract. 1. res. 302. Quia Prælatus in visitatione tenetur sub mortali culpa interrogare de constitutionum observantia, quia tenetur sub mortali promovere bonum commune, ad quod promovendum prædicta observantia est maximè necessaria. Tenebuntur igitur eodem modo etiam moniales veritatem Prælato interroganti aperire, quia ad ipsas quoque spectat bonum commune promovere, cum tamquam partes teneantur bono totius cooperari.

Neque valet, quòd regulę, & constitutionum transgressio est quid leve, quia ut plurimum regula, & constitutiones vel ad nihil obligant, vel tantum obligant ad veniale; quare moniales celando huiusmodi transgressiones Prælato, quamvis iuridicè interroganti, non peccabunt mortaliter: mentiuntur enim in re levi: Respondeo; quòd licet regulę, & constitutionum transgressiones in se sumptę leves sint, attamen si spectentur in ordine ad bonum commune, dicendę sunt graves, quia gravitas culpę non semper, & absolutè à gravitate, & nobilitate materię metienda est, sed etiam à gravi, & necessaria exigentia finis pensanda.

Quer. 6. In quibus casibus excusentur monia.

niales à criminibus in visitatione generali denunciandis.

Resp. Excusari, quando peccatum est emendatum, quia delictum non quæritur, nisi ad delinquentis emendam, qua interveniente cessat finis denunciationis. Ex quo sequitur non esse denuncianda delicta à multis annis commissa, quia ex lapsu multi temporis, quale est spatium trium annorum ex Mascardo, præsumitur emendatio, nisi aliunde constet de reincidentia. Item excusantur, si criminum notitia sit ex auditu à levibus personis, quia talis notitia nullam generat fidem. Neque tenentur cum proprio, vel personæ denunciandæ detrimento in casibus, in quibus lex naturalis excusat ab obedientia; neque si sciant sub secreto naturali, nisi delictum in publicam monasterii perniciem vergeret; neque si ipsis constet, vel quòd Prælati nullum apponet remedium, quia nemo tenetur ad opus inutile, vel quòd alii, à quibus audierunt delictum, denunciaverint; quia cessat finis denunciationis. Neque si delictum sit occultum, & nulla præcedat vel suspicio probabilis, vel infamia, quia sicut Prælati non potest interrogare, neque moniales tenentur denunciare, nisi velint manifestare peccatum Prælati ut Patri secretè, ad emendationem; semper tamen præmittenda est correctio fraterna, si sit opportunitas, & spes emendæ, quia illa est de jure divino, *Lezana qu. regular. t. 1. cap. 27. num. 2.*

lia, aut alia, etiam ad usum pium deputata, vel deputanda, *ex extravag. sanè de Simon. se invicem percutientes, ex cap. si quis suadente diabolo 17. q. 4.* idque sive sint professæ, sive novitiæ, sive conversæ, & etiam si se ipsas injuriosè, & ex ira percutiant, secundùm aliquas, quod negant alii cum Navar. *cap. 27. num. 78.*

Item subduntur excommunicationi majori, non tamen reservatæ, cogentes fœminam ad ingressum religionis, aut ab ipso retrahentes, *ex Concil. Trident. sess. 29. de regular. cap. 18.* Temerè habitum deponentes, *ex cap. ut periculosa ne cler. vel monach. in 6.* Violantes interdictum, aut cessionem à divinis, *ex Clement. 1. de sent. excom. in 6.* Indebitè sibi usurpantes decimas earumve solutionem impediētes, *ex Clement. 1. de decimis, oppositum sentit Bonacina de censur. in part. disp. 2. q. 8. p. 12. n. 8.* Post professionem matrimonium contrahentes, *ex Clement. 1. de consang. & affinit.* Recipientes novos conventus sine licentia Papæ, aut receptos alienantes, *ex cap. unic. de exces. pralat. in 6.* Indebitè alienantes bona monasterii prohibita alienari, *ex Bulla Pauli II. Ambitiosa.* In electionibus non abstinētes ab iis, quæ gignere possunt discordias, *ex cap. indemnitatibus de elect. in 6.*

Item subduntur excommunicationi ferendæ vacantes negotiationi jure communi Ecclesiasticis prohibitæ, *ex cap. secundum nō cler. vel monac. & insuper amittunt privilegium immunitatis ab oneribus in se, & bonis propriis, exemptionem scilicet à tributis, & gabellis, ex cap. fin. de vit. & hon. cler.* Quodd tamen non habet locum, nisi post trinam monitionem ex Silvestro, & solum

quandiu non desistitur à negotiatione. Neque supradictis pœnis subjacent exercentes semel, aut iterum negotiationem, parvitate materiæ excusante; neque exercentes per alios, quia cessat periculum peccandi, quod est ratio prohibitionis, ex Tabiena, Armilla & aliis penes Filliucium, qui sentit oppositum, nisi paupertatis, aut necessitatis ratio excuset.

Quar. 3. An moniales subiaceant suspensionibus, & quando.

Resp. Subjacere, non quidem quibuscumque, sed illis tantum, quæ juxta conditionem status, & sexus possunt ipsis adaptari. Quare suspenduntur ab officio ad arbitrium Ordinarii Abbatis, ipsum de professione faciendâ à coevitia non præmonentes, ex *Concil. Trid. d. sess. 25. cap. 17.* Suspenduntur pariter ab officio Præsidentes monasterio concedentes bonâ conventus ad vitam dantis, aut recipientis, vel ad certum tempus, ex *Clemen. 1. de reb. eccl. 2. a alien.* Suspenduntur ab omni actu capitulari recipientes aliquid ex pacto, & capitulari iter pro professione, ex *extrav. sanè de Simon.* Iterum suspenduntur à receptione religiosarum in eodem Ordine admittentes ad professionem anno probationis nondum expleto, ex *cap. non solum de regul. in 6.*

Quar. 4. Quibus aliis pœnis subiaceant.

Resp. Subjici privationi vocis ad biennium, si contra Concilium Tridentinum delinquant circa paupertatem, ex *eod. Conc. d. sess. 25. cap. 2.* & si sint proprietariæ, privantur ecclesiastica sepultura, ex *cap. ad monasterium de statu monachi* & communione altaribus, ex *cap. monachi eodem titul.* Subjacent privationi vocis & aliis pœnis, si dent expectativam loci primò vacaturi puellæ ad religionem

reci-

recipiendæ, *Sac. Congregat. decreto relato à Quaranta in Bullar. part. 462.* Privantur officiis, & dignitatibus, si indebitè alienent *ex extravag. Ambitiosa*. Puniuntur item pœna perpetui carceris, si post religiosam professionem permittant se violari, *ex cap. impudicas 27. quest. 1.*

§. VI.

De subjectione quoad Confessarium.

Quer. 1. **A** Quo monialium Confessarii eligi debeant, & approbari.

Resp. Nequaquam posse eligi ab Universitate, neque ab ipsis monialibus, sed electionem, & approbationem ad Episcopum spectare; *Sacra Congreg. in Lauretana 20. Septemb. 1602. in Tusculana 25. Octobr. 1601.* Approbatio debet esse specialis pro monialibus, ita quòd generaliter approbari non possint vigore illius approbationis confessiones monialium audire, sed egent speciali approbatione; & approbatus ad audiendas confessiones monialium unius monasterii non potest audire confessiones monialium alterius monasterii, *Sac. Congreg. apud Pignatell. r. 6. conf. 85. n. 238.*

Quer. 2. A quo debeant eligi, & approbari Monialium exemptarum Confessarii.

Resp. Confessarios monialium exemptarum proponendos, & præsentandos esse à propriis Prælatiis Episcopo, vel Ordinario, *Tamburin. de jur. Abbatif. disp. 16. quest. 3. n. 3.* approbandos verò esse ab eodem Episcopo, vel Ordinario, aliàs confessio est nulla *ex constitut. Gregorii XV. Inscrutabili, cum declarat. Sacre Congregat. Concil.* Imò quod

neque Generalis possit confessiones monialium sui ordinis audire absque Episcopi speciali deputatione, censuit eadem Sac. Congreg. 13. *Novemb.* 1627. quæ pariter interrogata à nonnullis regularium superioribus, an stante dicta constitutione Gregorii XV. Prælati regularis, cui monialium cura commissa est, possit aliquibus ex ipsis monialibus facultatem concedere ad plures annos, seu indeterminatè duraturam, confitendi Sacramentaliter peccata sua Sacerdoti, qui ordinarius, seu extraordinarius non sit totius monasterii? Item an stante d. constitutione quælibet monialium regularibus subiecta, sentiens se non gravatam mortali culpa, possit de venialibus validè confiteri cuicumque Sacerdoti, etiam non approbato ab Ordinario, & hoc absque licentia, immò & renuente superiore ejusdem monialis? respondit *Non posse in utroque casu. die 9. Junii* 1657.

Quær. 3. Ad quot annos eligi debeant monialium Confessarii.

Resp. Ad triennium, quo elapso non possunt ampliùs audire confessiones in eodem monasterio per aliud triennium absque licentia Sacræ Congregationis, aliàs declarantur suspensi ab audiendis confessionibus, eadem Sac. Congr. *in Comensi* 4. *Martii* 1591. *in Ragusina* 2. *Octob.* 1626. & *die 27. Martii* 1647. Quod habet locum etiam in confessario conservatori puellarum, vel aliarum quarumcunque mulierum, eadem Sac. Congreg. 18. *Martii* 1649. Confessarii verò Dominicani, vel Casinenses non possunt idurare in hujusmodi officio audiendi Confessiones monialium nisi per biennium ex eorum Constitutionibus, eadem Sac. Congreg. 17. *Novemb.* 1645. Si con-
tin-

tingat, quòd quis deputetur in confessarium Ordinarium monialium ad aliquot menses per modum supplemendi, is poterit in generali deputatione confessoriorum, quæ postea fiet, ab Ordinario eligi in confessarium eiusdem monasterii ad integrum triennium, quia prohibitio Sacræ Congregationis de non eligendo monialium confessarium ultra triennium, cum sit odiosa, benignè, & in mitiorem partem est interpretanda, ita ut intelligatur de electione confessorii ordinaria, non autem de ea, quæ fit per modum supplemendi.

• *Quar. 4.* An, si expleto triennio confessorius ex dispensatione eligatur ad aliud triennium, possit rursus expleto secundo triennio absque alia dispensatione eligi ad tertium triennium.

Resp. Videri posse ex Diana, Naldo, Bordonio, & aliis, quia interstitium vacationis intelligendum est via ordinaria, sicut jure ordinario præscriptum est; nam statuta, & leges non comprehendunt ea, quæ raro contingunt, & per accidens, *l. nam ad ea, ff. de legib.* Sicque privilegium in præsentì casu intercipiens vacationem non est spectandû, sed vacatio fingitur habere suum effectum. Oppositum nihilominus sustinendum puto. Quia gratia, & privilegium concedit quidem id, quod alias confessorius non posset habere, nã ex prohibitione Sacræ Congregationis expleto triennio non potest amplius eligi in confessarium: at non alterat naturam rei concessæ; & idèd cum munus confessorii, quando est expletum, requirat vacationem ab officio, dum conceditur pro tempore, in quo non posset conferri, censetur concessum absque alteratione suæ naturæ, & idèd cû fuerit exple-

tum, requirit; quòd ſubſequatur vacatio. Advertendum tamen, ordinarios in aliquibus locis ſinere confeſſarios aliquorum monaſteriorum durare ultra triennium, & quidem ad plures annos, neceſſitate id ſuadente, quia valde difficile eſt, confeſſarios idoneos pro talibus monaſteriis reperire.

Quar. 5. An moniales poſſint recuſare confeſſarium ſibi ab Epifcopo, vel Præſato regulari deputatum.

Reſp. Poſſe, juſta cauſa interveniente, Bordon. *in miſcell. deciſ.* 166. Quia is comparatur Parocho, quem ex juſta cauſa populus recuſare poteſt, *arg. eorum, quæ dicuntur, cap. ut circa electiones 4. de elect. in 6.* Cauſæ legitimæ repellendi eſſe poſſunt, ſi ſint expertæ, confeſſarium eſſe nimis rigidum, pervertiſſe moniales, quibus ingerit diverſos ſcrupulos, ſi non ſinat eas conſiteri ſuo modo, ſed præcipiat, ut paucis, & præcipitanter ſe expediant, ſi ſit inimicus conſanguineorum aliquarum monialium &c.

Quar. 6. Quinam prohibeantur eligi in confeſſarios monialium ordinarios.

Reſp. Prohiberi Vicarium generalem, quia moniales de ipſo non confiderent, Sac. Congreg. *in Sorana* 23. *Julii* 1587. Neque Curatum, ſi exinde cura notabiliter pateretur, eadem Sac. Congreg. *in Venetiæ* 26. *Julii* 1594. & *in Parmenſi* 7. *Maji* 1652. Neque Minores Conventuales, quia id prohibitum fuit à S. Pio V. eadem San. Congreg. *in Ortonenſi* 30. *Junii* 1599. Neque Obſervantes Provinciæ reformatæ S. Antonii Luſitanæ, quibus prohibitum fuit à Sacr. Congreg. *die 7. Novemb.* 1653. & generaliter Regulares non ſolùm non poſſunt eſſe confeſſarii ordinarii, ſed neque capellani monialium Ordina-

dinario subjectarum. Sac. Congreg. in *Pistoriensis* 16. *Maji* 1653.

Quar. 7. An Canonicus Pœnitentiarius possit eligi in ordinarium confessorum.

Resp. Regulariter loquendo non posse. Quia, licet remittatur arbitrio Episcopi, quo tempore interesse debeat fidelium confessionibus excipiendis, ut tradit Ugolin. *de off. Episc.* c. 33. n. 6. cum aliis; attamen controverti non potest, quod audiendo monialium confessiones diebus festis solemnioribus, admodum difficile, & forsan impossibile est, posse eodem tempore confessiones audire in Ecclesia Cathedali, dum illa multitudo confluit hora missarum, & divini officii, sicut ex suo munere tenetur, ut per Garz. *de benef.* p. 5. c. 4. n. 122. ubi refert declarationem Sac. Congreg. Concil. Dixi regulariter loquendo non posse eligi, secus autem si Episcopus aliter judicaverit. Nam re vera Canonicus Pœnitentiarius nullam habet prohibitionem à jure subeundi munus confessorii monialium; & propterea id solum considerandum est, an valeat utrique muneri satisfacere.

Quar. 8. Ex quo loco debeant confessorii monialium audire confessiones.

Resp. Ex sede confessionalis collocata non quidem in Sacristia, aut alio simili loco, sed in ipsa Ecclesia exteriori; habetur ex declaratione Sac. Congr. 7. *Martii* 1617. his verbis; Confessionalia monialium è Sacristiis, & locis occultis amoveantur, ac in exterioribus Ecclesiis collocentur. Ex necessitate tamen licitum erit audire confessiones etiam ex alio loco, ita tamen disposito, ut mutuus confessorii, & Monialis vitetur aspectus.

Quar. 9. Quale stipendium tradi debeat confessoriiis monialium.

Resp. Confessario ordinatio non esse subministrandum victum dietim, nec utensilia, vel lineam supellectilem, sed tantummodò annuam provisionem, Sac. Congreg. in *Bononiens.* 19. Junii 1601. in *Ravenat.* 19. Apr. 1624. Quæ non excedat duos julios pro quolibet die, eadem Sac. Congregat. in *Neapolitana* 27. Septemb. 1652. Quæ merces non solvitur ex capitalibus, sed ex fructibus, in *Narnien.* 27. Septembr. 1652. Nec pro ea sequestrandi fructus omnes, sed accipienda paulatim, in *Assisien.* 6. Septemb. 1652. Ultra prædictū stipendium nihil aliud subministretur, eadem Sac. Congreg. 29. Novemb. 1615. Hoc tamen decretum non videtur esse in usu, quia praxis est in contrarium. Unde Scottia, & Diana in opere coord. t. 7. tract. 3. ref. 50. asserunt, quòd si confessarius serviat cum magna charitate, patientia, & assiduitate, potest illi Abbatissa aliquid ultra taxatum stipendium subministrare, quia hoc non est propriè donum, sed beneficii remuneratio, & laboris compensatio.

§. VII.

De Officio Confessarii Monialium.

Quar. 1. **Q**uomodò se gerere debeat monialium Confessarius in confessionibus excipiendis.

Resp. Omisiss, quæ de hac materia tradunt Polaccus, & Tamburinus de jur. Abbat. disp. 16. quest. 9. quia apud ipsos videri possunt; curabit confessorius, ut in suo munere patientiæ, charitatis, mansuetudinis, & humilitatis exempla adhibeat. Nugas, inepta, & importuna vitabit, Omnibus idem erit, nullo

nullo habito discrimine, nisi aliqua majori indigeat auxilio. Dum monialis narrat superflua, aut suas querelas, aut negotia domestica, confessorius peritè sermonem divertat. Quando aliquid grave, & reprehensione dignum occurrit, monialem non statim arguat, nec signum præbeat admirationis, antequàm confessio compleatur, ne monialis turbata, aut territa, reliqua peccata vel præ rubore, vel præ confessione sileat. Si monialis abique necessitate attingat aliarum graviora crimina, discretè illam moneat, ut sileat, & sua tantùm peccata exponat. Si interroganda sit in materia luxuriæ, utendum verbis honestis, ac pudicis, paulatim a cogitationibus ad verba, à verbis ad actus progrediendo; ne monialis ex confessorio ea peccata discat, quæ ante ignorabat.

Quar. 2. Quomodò se gerere debeat confessorius cum moniali, quæ pridie alicujus magni diei festi, in quo omnes aliæ solent communicare, accedit ad confessorium onusta maximis delictis, quæ ad eundem ferè diem se perpetrasse confitetur; & nisi communicet, nullam justì impedimenti excusationem prætereundè valens, manifestam honoris jacturam incurret. Et e contra confessorius valdè ambigit, an illam tunc absolvere possit, cum probabiliter existimet, illam facillè, ac illico perpetrata communione, in eadem delicta esse relapsuram, etiam si firmiter proponat, ac spondeat se non ampliùs peccare, de quo tamen etiam ipsa dubitat, attentata consuetudine, & occasione proxima.

Resp. Si concurrant aliqua requisita; scilicet vera penitudo præteritorum, verum propositum non peccandi, cum se invenerit in occasione, & aliqua rationabilis causa non
se se.

se separandi ab ea, potest illam absolvere, etiam tertia, & quarta vice, juxta illud *Non septies tantum, sed & septuagies septies*. Navr. in *Manu. cap. 3. n. 15*. Sed si vicibus prædictis nulla emendatio, neque inchoatio ejus existat; & ex concurrentibus circumstantiis nulla speretur correctio, non est absolvenda. Ita Navar. *ubi supra*, Naldus *Annot. prætic. Jur. Pontif. pag. 82*. Extra occasionem proximam, loquendo de sola consuetudine peccandi inveterata, neque est absolvenda, non præcedentibus signis veræ pænitentiae, & emendationis vitæ, quia Sacramentum Pænitentiae esset ejusmodi Moniali non remedium, & salus, sed mors, & perditio.

Quar. 3. An Confessarius possit absolvere monialem pertinaciter existentem in occasione proxima peccandi, si ex concurrentibus circumstantiis coniiciat, illam quoad hoc esse in bona fide, quia invincibiliter credit, permanentiam in dicta occasione non esse peccaminosam, & alias idem confessarius moraliter certus sit, præfatam monialem ex propria fragilitate non recessuram a dicta occasione, si id ei præcipiat, sicque se nullum emendationis fructum consecuturam ex tali admonitione, immò potius ei iniecturum laqueum novi peccati.

¶ Resp. Dubium hoc movet Pellizar. *de Monial. cap. 10. sect. 3. num. 191*. ubi affirmativè concludit, motus doctrina Theologorum sustinentium, quòd si confessarius inveniat suū pœnitentem laborare ignorantia invincibili si-
ve facti, si-ve juris tam humani, quàm divini, aut naturalis, & alioquin prævideat, ignorantiam ablatam redundare debere in novum peccatum ipsius pœnitentis, qui prosequetur facere cum peccato, id quod antea licitè fa-
cie-

ciebat, debet dissimulare, dummodò non interrogetur, non autem auferre ei præfatam ignorantiam. Ego verò absolutè cenſeo, dictam monialem non eſſe abſolvendam, quia non poteſt prudenter præſumi propositum efficax non peccandi cum volitione libera, & pertinaci manēdi in occasione proxima peccandi; quia eo ipſo quòd aliquis vult eſſe, vult etiam id, quod conſequitur ad eſſe; atque adeò monialis, quæ liberè vult occasionem proximam peccandi, vult etiam peccatum, quod conſequitur ad occasionem. Licet enim permanentia in occasione, utpotè conjuncta cum bona fide, & invincibili ignorātia obligationis deferendi occasionem, deſinat eſſe in ſe formaliter culpabilis, non tamen deſinit eſſe liberè volita, & per conſequens non poteſt coniungi cum proposito non peccandi. Undè optimè ait Dicaſtil. *de Panit. diſp. 6. dub. 16. n. 336.* quòd vix crederet alicui quantumvis affirmanti propositū, & magnum dolorem, ſi ſimul eum poſſit, nolit à tanto periculo ſe liberare, nec dignus eſt cui credatur. Et ita cenſent plerique docentes, eum, qui vult manere in periculo morali labendi, non cenſeri habere verum propositum.

Quar. 4. Quomodò ſe gerere debeat confeſſarius, qui reperit monialem in præteritis confeſſionibus coram ipſo factis invalidè fuiſſe confeſſam.

Reſp. Sive confeſſiones fuerint invalidæ ex defectu doloris, ſive quia examinis, ſive quia aliquod peccatū ſacrilegè tacitum eſt, ſemper debet confeſſarius admonere monialem, ut eas confeſſiones repetat ſaltem in genere, ita quòd aliquam peccatorum cognitionem habere poſſit; cū enim confeſſarius ſit iudex, qui pœnam injungere debet pro peccatis invalida-

rum confessionum & iudicium ferre de illis in hac posteriori confessione, quia illæ priores fuerunt nullæ, debet habere illarum notitiam saltem confusam, ut rectum iudicium formare possit. Ita Paludan. Divus Antonin. & alii, quos citat Faustus *de Sac. Pœnit. r. 1. l. 4. q. 22.* Quod si confessarius notitiam aliquā habeat in confuso, sufficit, quod monialis dicat, accuso me de peccatis in illis prioribus confessionibus recensitis; supplendo defectum contritionis, v. g. vel accusando se de peccato voluntariè omisso. Ratio est, quia jam confessor hoc modo resumere potest distinctam cognitionem status pœnitentis, & ex vi hujus distinctæ cognitionis jam factæ sacramentalis absolvere.

Non desinam adnotare, quod Diana *par. 4. tract. 14. res. 51.* probabilem putat sententiam Granadi asserentis, satis esse, monialem in tali casu se accusare generatim de peccatis eidem confessario aliàs confessis, & de sacrilegiis commissis in confessionibus invalidis, & tunc confessarium validè, & licitè illam absolvere posse, quamvis nec confusam notitiam habeat, nec pœnitentiæ recordetur: Ratio est, quia nulla ratio nos cogit ad imponendum tam grave onus moniali in materia adedè difficili, qualis est ad confessionem accessus, qui, quantum fieri potest, facilis reddi debet. Patet assumptum, quia illa repetitio in specie non requiritur ad hoc, ut verum sit, monialem omnia peccata confessam esse; nam supponitur jam confessa in præteritis confessionibus, ex quibus, quamvis invalidis, confessarius habuit illorum notitiā. Neque requiritur, ut confessarius pœnitentiam proportionatā injungat, quia pœnitentia non est cum tanto rigore proportionanda

pec-

peccatis, ut non possit rationabiliter minui, ut certè suadet ratio in hoc casu, ne confessio reddatur tam onerosa; maximè quia poenitentiae improprio per consecutionem alicujus Indulgentiae plenariae suppleri potest. An hæc sententia sit tuta, videant alii.

Quær. 5. Quomodo se gerere debeat Confessarius cum moniali, quæ aliam contumeliis affecit.

Resp. Examine dignitatem personæ conviciantis, & conviciatæ, imò & qualitatem contumeliæ. Quia licet contumelia ex suo genere peccatum mortale sit, eò quod honorem intendit deprimere, nihilominus ex circumstantiis potest esse tantum veniale, & sic tale erit quandoque ex levitate materiæ se tenentis ex parte honoris, si non intendat nisi parum inhonorare, & modicum credit, aliam contristandam; aliquando ex parte intentionis, ut si ex nimia loquacitate, aut ira prorumpit in verbum contumeliosum, non ex intentione, & consensu dehonoriandi; aliquando ex dignitate personæ conviciantis; si enim Abbatissa appellet monialem obstinatam, duram, torvam &c. non multum illam lædit; non enim intendit illam dehonoriare, sed capere.

E contra levis contumelia potest fieri gravis ratione personæ offensæ, ut si tendat ad inhonorandam Abbatissam, vel alium Superiorem; & in tali casu induit etiam novam malitiæ speciem contra virtutem observantiæ Superioribus debitæ. Ad inducendam tamen novam speciem requiritur non quæcunque gravis culpa, sed illa quæ fit contra Superiorem, ut Superior est Tamburin. *Method. Confes. lib. 2. c. 6. §. 2. n. 11.*

His prudenter examinatis, Confessarius obligabit monialem ad reparandum honorem per

per contumelias ablatum, quòd ex Doctoribus potest pluribus modis præstari; nempè per reverentiæ exhibitionem, extraordinariæ benevolentię ostensionem, honorabilem salutationem, vel per veniæ petitionem; hic tamen modus necessarius non est, nisi quando aliter non potest fieri compensatio; ita Ledesma, Cajet. Les. Bonac. & alii; qui omnes asserunt non esse obligandam Abbatissam, quæ contumeliis subditas affecit, ad veniam illis petendam; idem dicendum de magistra respectu disciplinarum, & de monialibus velatis respectu conversarum; quia alio modo ex supra enumeratis arbitrio prudentis Confessarii possunt suæ satisfacere obligationi.

Potest tamen contingere, quòd moniales excusentur ab honoris læsi, veletiam famæ reparatione; ut, si duæ se invicem conviciis affecerunt, vel infamarunt; quia quando iura sunt æqualia, censetur utraque pars satisfacta, & tacitè se invicem compensasse. Les. Silvest. & Malder. apud Dian. *par. 3. tr. 5. resol. 30.* Altera tamen restituente, tenetur altera restituere, &, si infamię fuerunt inæquales notabiliter, excessus debet ab altera eo meliori modo, quo potest, compensari.

Quer. 4. An Confessarius possit absolvere monialem, quæ injuriam passā ab alia conforore illam recusat salutare, dum omnes sibi occurrentes salutat.

Resp. Negant ferè omnes Doctores, quia talis omissio est lethaliter peccaminosa, cum salutatio sit signum aliquod commune charitatis, quòd tuta conscientia negari non potest. Ita Silvest. *in sum. v. Charitas q. 6.* Filliuc. Azor. & alii, qui à fortiori tradunt, teneri in conscientia ad versariam resultare, si ab hac in salutatione præveniatur. Nam non resultaudo
ad-

adversariam, præbet occasionem existimandi, velle illam contemnere, ac gravi injuria afficere, præcipuè spectata circumstantia temporis, loci, ac personarum; adeoque mortaliter peccat, cum ex hoc regulariter sequi soleat grave scandalum.

Oppositum sustinet Lorca, Valer. & alii relati à Diana in oper. coord. 1. 7. tract. 5. res. 31. Quia omissis salutationibus, aut resalutationibus, etià debitis titulo honoris per se, secluso odio, & contemptu formali, non est regulariter peccatum mortale, cum opponatur affabilitati, quæ non est tantæ obligationis, nisi fortè ex circumstantia personæ, & aliis cederet in magnam injuriam, vel propter scandalum; quod tamen rarò fit, quia non tam de facili suspicandum est inter personas religiosas odia foveri. Tum quia talis omissio fieri potest non in odium, sed in significationem proprii gravaminis, & injuriæ, quod nõ est lethale.

Poterit igitur Confessarius impendere absolutionem moniali salutationem, aut resalutationem exhibere recusanti, dummodò agnoscat, nullam ex tali omissione foveri causam odii ex parte offensæ, nullamque præberi occasionem inflammationis odii ex parte adversariæ, & cessare præterea in consorioribus rationem scandali; Reginal. in praxi. 17. n. 125. Ubi etiam notat, posse Abbatissam in pœnam monialis delinquentis, & in exemplum aliarum, illam non alloqui quantum temporis juxta concurrentes circumstantias videtur expedire. Non tamen per hoc potest hujusmodi pœnam quantum voluerit extendere; & si ex nimia austeritate nimio temporis spatio alloqui nollet, non esset absolvenda, quia cum aliarum scandalo præberet motivum suspicandi, odium, rancoresque fovere.

Quar.

Quer. 7. Quomodo se gerere debeat Confessarius cum moniali, quam deprehendit scripsisse superioribus contra aliquem literas cæcas.

Resp. Interroget monialem contra quem literas scripserit, quia si fuerint scriptæ contra Abbatissam, nova inducitur species inliatæ contra virtutem observantiæ, ut diximus supra. Item an illas malo animo scripserit; & dicitur malus animus, quando directè animo infamandi fecit, vel quando advertit id, quod scribit, tendere in alterius infamiâ, & nihilominus non desistit. *Sot. l. 3. de just. & jur. q. 10. ar. 2.* Rursum an vera scripserit, an falsa; & hoc ratione reservationi, quæ huiusmodi literarum scriptiõni in aliquibus diecesibus solet esse annexa, quando continent falsa crimina.

Licet monialis prædicta graviter peccaverit, non videtur tamen ad restitutionem famæ obliganda. Quia tam ex Doctorum sententia, quam ex iure civili, & canonico *in c. Inquisit. §. Ad hæc accus.* nec non ex stylo Romanæ Curia, de quo testatur Peyrin. *Formul. Pra! lit. P. cap. 16. n. 19.* nulla fides talibus literis est adhibenda. Cum igitur literæ huiusmodi tales sint, ut nullo modo reputentur idoneæ fidem facere, nullus omninò confurgit ex his effectus infamiæ, ut habetur expressè *in l. unica in fin. C. de lib. fam. c. fin. in fin. §. 1.* ubi Geminianus asserit tales literas nullam lædere opinionem eorum, contra quos fiunt. Si ergo nulla oritur infamia, nulla quoque oritur restituendæ famæ obligatio, ut de infamatore nullius fidei communiter fatentur Doctores.

Et hoc verum est, etiam si monialis malo animo eas scripserit, quia restitutionis obligatio oritur ex facto, non ex nocendi intentione; sicut fur non tenetur ad restitutionem, quan-

tum-

tumcumque conetur ad furtum, nisi de facto sequatur. Quòd si fortasse superior fidem aliquam adhibuerit, adhuc monialis à restitutione videtur libera, quia causa infamiæ non fuit litera cæca, sed imprudens Superioris credulitas, & injusta. Les. & Tambur. in decl. l. 9. c. 2. §. 2. n. 5. & quidem quænam major imprudentia, & injustitia, quàm fidem utcumque minimam præstare talium litterarum scriptoribus, qui infames reputantur, & intestabiles? per *tex.* & *glos. in cap. 1. 5. 9. 1.*

At non possum dictam monialem à famæ restitutione excusare, si Superior fidem adhibuit litteræ cæcæ. Licet enim læsio ortum habuerit à superioris credulitate, non per hoc tollitur, quòd littera cæca non dederit causam hujusmodi imprudentiæ, atque adeò læsionis famæ ex ipsa secutæ; quidquid enim est causa causæ, est causa causati, *l. manumissiones ff. de just. & jur.* Maxime quia talis læsio fuit directè, & ex proposito intenta, cum ad hunc finem ordinata fuerit littera cæca. Tenetur ergo restituere, quod præstare debet, scribendo aliam litteram prioris retractivam, Ita ex Silvest. Grassius de casib. refer. lib. 1. c. 19. n. 30. & quidem eodem characterè conscriptam, ut Superior ex characteris identitate possit se certificare, quòd idem fuerit detractor, & retractor detractionis.

Quar. 8. Quomodò se gerere debeat confessarius, qui ex aliarum monialium confessionibus novit, aliquam monialem tale crimen perpetrasse, ipsa autem interrogata negat; habenda ne erit fides aliis, vel moniali penitenti.

Resp. Habendam esse fidem moniali, quia in hoc judicio creditur penitenti pro se, & contra se. Quòd si aliunde constaret eviden-

tem confessario, talem monialem delictum commisisse, neque alieno confessam esse, tunc non debet absolvere; quia clarè ipsi constat, non esse ritè dispositam. Sed quia rarissimè contingere potest, quòd adsit huiusmodi indispositionis evidentia, nam contingere potest, quòd monialis habeat tacendi causam rationabilem, ad evitandum; v. g. suum, vel alterius damnum, vel habeat opinionem aliquam probabilem pro se, suaeque actione, idèd regulariter absolvenda. *Megala 1. p. lib. 1. cap. 2. num. 12.*

Quar. 9. An monialis, quæ proprio confessario confiteri non potest, sine salutis, vel famæ periculo, si petat licentiam confitendi cù alio Sacerdote, & injustè denegetur, possit hoc non obstante validè, & licitè confiteri.

Resp. Affirmativam sententiam tradunt Paludan. & lex alii, quos refert Diana in opere còord. t. 1. tract. 3. res. 39. n. 3. Quia licentia jurè petita, & injustè denegata videtur jure cõcessa, & defectum Episcopi negantis suppleri ipso jure, aut ex præsumpta Summi Pontificis voluntate. Sed hæc sententia omninò est repellenda, quia remanet damnata in propositione tertiadecima in ordine inter proscriptas ab Alexandro VII. & clarè desumitur ex cap. omnis utriusque sexus ubi habetur, quòd, si quis alieno Sacerdoti voluerit iusta de causa confiteri peccata, licentiam priùs postulet, & obtineat, cùm aliter illum non possit absolvere. Et ita tenet Layman. in Theol. moral. lib. 5. tract. 6. cap. 13. n. 3. ubi citat Alensem, Sotum, & alios. Ut autem licentia injustè negata habeatur pro concessa, necessarium est, quòd supponat facultatem, seu potentiam ad actum faciendum, & quòd pro executione tantùm requiratur licentia, at quando licentia non

non supponit facultatem, sed tribuit, si negetur, non habetur pro concessa. Pignatel. 10.6. *consult. 98. nu. 41.* In præsentī autem casu non supponitur facultas absolvendi, cū hæc dependeat à conditione approbationis Episcopi. Monialis igitur in hac circumstantia potest se gerere, ac si non haberet copiam confessarii, quare velle conterat, & communicet, ut notat Villalob. relatus à Diana ubi *supra*, vel confiteatur aliqua leviora peccata, ita ut directè absolvatur ab illis, indirectè verò à cæteris, semper tamen cū onere subdendi clavibus nondum directè absoluta, data opportunitate, ut volunt alii apud Tamburinum.

Quar. 10. An monialiam confessarius possit illis injungere sub pœnitentia opera alias debita ex regula,

Resp. Posse, ita Turrian. Suar. Vasq. & alii relati à Diana, quia illud opus ut impossibile à confessario elevatur, ut sit satisfactio. Immo expedit aliquando opus aliquod debitum ex regula monialibus injungere, ut majorem diligentiam in tali opere exequendo te- neantur adhibere.

Quar. 11. An abstinentiam à communione possit confessarius sub pœnitentia monialibus injungere.

Resp. Cum Serio, Leandro, Lugo, & Diana contra Baucium, & Sancium, posse injungere, quia Eucharistiæ privatio est delicti punitiva, unde à jure canonico quibusdam in casibus in pœnar. prohibetur communio, ut videre est in *cap. Latorem, cap. admonere 33. q. 2. & aliis.*

Quar. 12. Quam communionis frequentiam possint, & debeant confessarii suis monialibus indulgere.

Resp.

Resp. Bis, vel ter in hebdomada, & etiam frequentius juxta devotionis mensuram. Favet Concilium Trid. *sect. 22. de sacrif. Missæ cap. 6.* Consonat textus in *cap. quotidie de consecrat. dist. 1. & cap. non iste, de consecrat. dist. 2.* Hortatur Sancti Patres videndi apud Nogueiram *disp. 1. de Sacram. q. 4.* Et suadet ratio. Nam laici curis sæcularibus implicati possunt octavo quoque die ad communionem admitti ex communi Theologorum apud Dianam *t. 2. in opere coord. tract. 2. res. 37.* Ergo monialibus à mundo sejunctis, & Deo sacris poterit frequentius, & sic bis, vel ter in hebdomada Eucharistia indulgeri. Si enim Sacræ Virgines ratione sui status tenentur tendere in ultimum finem specialiori modo, indigent pariter frequentius quam laici hujus cibi spiritualis auxilio, quia per ipsum nutrita anima augmento gratiæ magis in suum finem elevatur, sicut enim gratia est promotio, & elevatio in finem supernaturalem, ita gratiæ augmentum est major promotio, & elevatio.

§. VIII.

De Confessario quoad absolutionem à reservatis.

Quar. 1. **A**N Monialium confessarius possit eas, utpotè perpetuò impeditas, à casibus Papæ reservatis absolvere.

Resp. Affirmativam sententiam tradi ab Henriquez, Soto, & aliis relatis, & approbatis à Pasqualig. in *Lauret. nu. 1468.* & in terminis de monialibus Layman *lib. 5. tract. 6. cap. 12. n. 15.* Quia in jure impedimentum perpetuum & articulus mortis æquiparantur, textus est in *c. ca nos de sent. excom. in 6.* & tradunt Dicastil.

ſcil Bertrand Loth. & alii, Negativæ tamen ſententiæ adhæreo cum Ugolino, Vaſq. Bonacina, & Duardo. Quia in decreto Clementis VIII. *de caſib. reſerv.* expreſſè ſtatuitur, quòd Sacerdotes inferiores non poſſint abſolvere *Nullo caſu etiam neceſſitatis, vel impedi- menti, niſi in articulo mortis*. Et Doctores pro affirmativa adducti contendunt, Decretum Clementis procedere de abſolutione abſoluta, qua tollitur omnis obligatio, quæ conſurgit ex reſervatione; non autem de ſola abſolutione à peccato, relicta obligatione comparendi: nihilominus quia verba Decreti ſunt clara, & abſoluta, non eſt recedendum à ſententia negativa.

Quar. 2. A quo in prædictis caſibus debeat confeſſarius impetrare facultatem abſolvendi Moniales.

Reſp. Communiter Doctores, quorum triginta enumerat Verricel. *de Miſſion. tract. 9. qu. 146.* affirmant, abſolutè poſſe impeditos, atque adeò moniales, à caſibus Pontifici reſervatis abſolvi per Episcopum; etiam ſi Episcopuſ ſit tantum electuſ, & confirmatuſ, quamvis non conſecratuſ, neque Sacerdoſ, Diana *par. 7. tract. 2. reſ. 1.* Raſleruſ *de pœnit. cap. 7. num. 22.* quia Episcopuſ non conſecratuſ, neque Sacerdoſ dicitur veruſ Episcopuſ, quoad omnia, quæ pertinent ad poteſtatem iuriſdictionis. Et hoc poteſt præſtare, licèt adſit Nuntiuſ, vel aliàſ polleñſ facultate abſolvendi, quia exiſtente impedimento recurrenti ad Pontif. reſtituitur Episcopuſ ordinaria poteſtaſ, quæ ex Sanch. *in decal. lib. 2. cap. 11. num. 4.* tranſit etiam in Capitulum Sede vacante, quia hæc competit Episcopis ex generali facultate à iure ipſiſ conceſſa, ut colligitur *ex cap. ea noſ, cap.*

H. quod

170 *De Confess. quoad absolut. à re/erv.*
quod de his de sent. excom. in 6. & tradunt com-
muniter Doctores.

Quar. 3. An moniales ratione perpetui im-
pedimenti possint etiam à casibus Bullę cœnę
per Episcopum absolvi.

Resp. Posse. Non quidem ex vi Tridentini
sess. 24. de reformat. cap. 6. cùm tali privi-
legio per dictam Bullam ut derogatum, sed
ex facultate Episcopis competente ex vi ju-
ris communis per textus supra citatos, qui
à pluribus Doctores, teste Gobat. *t. 1.*
tract. 7. num. 385. extenduntur etiam ad ca-
sus contentos in Bulla cœnæ, quia jura ob
identitatem rationis, præsertim quando con-
tinent favorem, trahuntur ad casus similes,
in quibus militat eadem ratio, *cap. cum dile-*
ctia, ubi Abbas, & Decius, *de confirmat.*
utili. vel inutil. Neque repugnat, quòd facul-
tas una via negata, altera concedatur, quan-
do oritur à diversa causa, ut in casu nostro;
nam facultas concessa per jus commune ra-
tione perpetui impedimenti oritur à necessi-
tate, ne quis perpetuò in excommunicatione
permaneant, & contingat in absolutum de-
dere. Facultas verò concessa per Tridenti-
num non datur ex necessitate, sed ex privi-
legio dignitatis Episcopalis; vel quia delictum
mitiori pœna censetur dignum.

Quar. 4. An Episcopus in vim supradictæ
facultatis possit absolvere moniales etiam ab
hæresi occulta.

Resp. Absolutè non posse, contra Mallett.
Pellicion & Verricel. & hoc propter hære-
sis gravitatem, & rigorosam ipsius reserva-
tionem. Unde non venit in generali conces-
sione absolvendi omnes casus contentos in
Bulla cœnæ, quia est speciali nota digna
ut docent viginti Doctores relati à Diana

r. 9. in opere coord. tract. 7. res. 158. & tollitur omnis dubitatio per declarationes Gregorii XVIII. Clementis VIII. & Urbani VIII. ac Innocentii X. qui omnes declaraverunt, in Jubilæis, concessa facultate in omnes casus Bullæ cœnæ, non censerî comprehensam facultatem absolvendi à crimine hæresis, nisi expressè, & specificè declaretur.

Quær. 5. An moniales regularibus subjectæ possint per suos Prælatos absolvi à casibus occultis, contentis in Bulla cœnæ.

Resp. Negativè cum Sigismundo à Bonna, Tamburino, Naldo, & aliis relatis à Diana *r. 7. tract. 1. res. 299.* contra Suarez, Rodriq. Peyrin. Pontel. Vega. & alios. Ratio est, quia fundamentum sententiæ affirmativæ innicitur privilegio S. Pii V. tribuenti Prioribus Dominicanis, ac proinde omnium religiosorum Prælati erga suos subditos in foro conscientiae tantum, & per se ipsos omnem facultatem absolvendi, & dispensandi, quam habent Episcopi vigore Tridentini; Cum ergo Episcopi, ut vidimus supra, nullam habeant facultatem in casibus Bullæ cœnæ erga suos subditos, nullam pariter habebunt Prælati regulares in prædictis casibus erga suos. Quod modò tanquam indubitatum tenet Diana *par 8. tract. 7. res. 50.* stante Decreto Sac. Congreg. sub die 17. Novembris 1628. Urbano VIII. approbante, in quo revocantur in ampla forma omnium regularium privilegia absolvendi à casibus Bullæ cœnæ. Et licet contendat Bordonus ex Peyrino decretum loqui tantum de regularibus in ordine ad poenitentes sæculares, hoc tamen est falsum, attenta generalitate verborum ipsius decreti, quod ita habet: *Nec intra, nec extra Italiam &c.*

posse quemquam absolvere ab iisdem casibus Bullæ cæna. Virtus enim dictionis *quemquam* est universalis omnia comprehendens, etiam quæ aliàs non venirent, Aymo in *conf.* 294. num. 1. & ideò in præsentì casu facit, ut comprehendantur sub prohibitione etiam subditi religiosi. Quare facultas absolvendi moniales ab aliquo ex dictis criminibus, erit impetranda vel à Sacra Pénitentiaria, ut vult Thesaurus de *pœnis* p. 1. cap. 24. *ampliat.* 3. vel à Legato, aut ab Episcopo, ut tradunt Sanchez & alii apud Dianam.

Quar. 6. An Moniales fruantur aliquo privilegio quoad absolutionem à reservatis Papæ.

Resp. Si moniales subsint immediatè jurisdictioni Prælatorum regularium Ordinis, tunc possunt absolvi ab omnibus iis reservatis à quibus possunt viri religiosi ejusdem Ordinis vigore suorum privilegiorum. Quare poterunt præcipuè absolvi à quinque casibus specialiter reservatis à Clemente VIII. in decreto edito 9. *Januarii* 1601. si vera est declaratio illa Sac. Congr. quam admittunt Bordon. Vecchius & Naldus in *Sum. v. reservatio*, scilicet, quòd per supradictum decretum adimatur facultas regularibus respectu sæcularium pœnitentium tantum, non regularium in quinque casibus supradictis. Si verò subsint immediatè Ordinario, & immediatè confiteantur apud Sacerd. nō regulares, inspiciendū est an concessio privilegiativa sit facta regularibus tanquā pœnitentibus vel tanquā confessariis: si primo modo, possūt absolvi à quocūque ad earum confessiones deputato, secus autem si secundo modo. Nullatenus tamen moniales sive exemptę sint, sive non, uti possunt quoad absolutionem à reservatis privilegio Bullæ Cru-

Cruciatæ, ut constat ex variis summorum Pontificum declarationibus adductis à Pasqualig. in *Lauret. num.* 1456. & præcipue ex motu proprio Urbani VIII. die 19. *Julii* 1630.

Quer. 7. An moniales, utpotè impeditæ adire Episcopum, possint per proprios confessarios absolvi à casibus Episcopo reservatis, non impetrata ad id peculiari facultate.

Resp. Affirmant plures, & quidem graves Doctores, quos refert, & sequitur Pasqual. *ubi supra n.* 1466. & tanquam probabile admittit Dicastil, & Diana. Quia si ratione impedimenti adeundi Pontificem pro absolutione, descendit facultas absolvendi in inferiores, scilicet in Episcopos; ratione pariter impedimenti adeundi Episcopum pro absolutione descendet facultas absolvendi à reservatis Episcopo in inferiores, scilicet in monialium confessarios. Nō enim debet strictius obligare Episcopus in suis reservationibus, cū debeat conformari intentioni Ecclesiæ, quæ non intendit obligare ad moraliter impossibile, ut constat ex rationibus, ob quas conceditur, impeditas absolvi posse ab Episcopo. Neque tenentur mittere confessarium pro impetranda facultate, quia, ut notant Sanchez, Castro Palao & Tamburinus in *Meth. expedit. confes. lib.* 3. *cap.* 9. §. 4. *num.* 17. reservatio est *opus penitentis*, non confessarii. Unde Tridentinum *sess.* 14. *c.* 17, admonet Sacerdotes, ut *id unum persuadere nitantur, ut ad Superiorem, & legitimos judices pro beneficio absolutionis accedant.* Non dicit, quod confessarii accedant Superiorem pro facultate, sed quod suadeant penitentibus accessum pro absolutione. Tum quia irretritus aliquo crimine Pontifici reser-

174. *De Confess. quoad absol. à reserv.*
vato non tenetur mittere nuncium, vel Epistolam pro impetranda facultate, ut observant Navar. Enriquez, Ugolin. & alii, quia impedimentum restituit Episcopo jurisdictionem, quæ fuerat per reservationem ablata; ergo neque moniales tenebuntur mittere confessarium, sed impedimentum etiam ipsi confessario restituet facultatem, quæ fuerat per reservationem adempta.

Ceterum opposita sententia tanquã tutior, & probabilior in praxi est sequenda cum Alterio, Filliucio, & Valquez, quos adducit, sed non sequitur Pasqual. *loc. cit.* Etenim Concilium Tridentinum *sess. 14. cap. 7.* statuit, Sacerdotes inferiores extra mortis articulum nihil posse in reservata, exceptio autem firmat regulam in alijs casibus. Neque est eadem ratio de reservatis Papæ, quia de his sunt jura concedentia hanc facultatẽ Episcopis, cum non potest Pontifex adiri; quod in casibus Episcopo reservatis nõ invenitur, cum recursus ad Episcopum sit facilior, quàm ad Pontificem. Erit igitur onus confessarii obtinere à Superiore facultatem, cum enim sit monialium Parochus, tenetur ex officio earum spiritualibus indigentis providere, atque aded pro facultate ad rectè suum munus exequendum necessaria Superiorem adire, Sicuti, casu denunciationis occurrente, tenetur ipse hujusmodi oneri se subicere.

Quar. 8. An Confessarius possit à reservatis absolvere monialem ignaram reservationis.

Resp. Affirmant plures Doctores, relati, & approbati à Philippino *de Privil. ignor. num. 158.* quia omnis reservatio est pœna, ut asserit alijs relatis Diana *par. 6. res. 52.* & odiosam illam vocat Sanch. *in Sum. l. 1. c. 10. n. 74.* Nulla autem

autem pœna incurritur ab ignorante. Navar. Silvest. & alii apud Sanch. *de matrim. lib. 9. diff. 32. nu. 20.* Quare excusari etiam à reservatione invincibiliter inadvertentem ad reservationem tradit Quarti *de cas. reserv. sect. 2. cap. 3. q. 6. vers. Colligitur* 1. cum ignorantia, & inadvertentia æquiparentur in jure. At resolvendum cenſeo, nullatenus ignorantiam, aut inadvertentiã à reservatione excusare. Nam reservatio non est pœna pœnitentis, sed limitatio jurisdictionis; quod patet, quia reservatio est talis naturæ, ut resistat absolutioni non solum subditi illius Superioris per quem est inducta, sed etiam advenę, sic expressè habetur ex Constitutione Clementis X. *Superna*. Non potest autem resistere absolutioni quatenus pœna pœnitentis, quia sub hac ratione non potest afficere advenam, lex enim non afficit nisi subditos, *cap. à nobis de sent. excommunic.* Resistit ergo absolutioni quatenus limitatio jurisdictionis, cum sub hac tantum ratione afficiat subditum, ipsum scilicet Confessarium.

Imò dato etiam, quòd reservatio esset pœna, vel medicina pœnitentis, adhuc afficeret ignorantem. Quia ex allegata Constitutione reservatio diœcesis, in qua Confessarius debet impendere absolutionẽ, ligat etiam confluentes ex alia diœcesi, & tamen ipsis non innotescit, cum ipsis non fuerit promulgata. Ergo ex mente Pontificis reservatio quocunque modo sumpta semper afficit ignorantem. Et idè hanc sententiam tenent communiter Doctores quos refert Gobat. *10. 1. de Sacram. 11. 7. n. 360.* ubi admittit ignorantiam solos illos casus à reservatione excusare, qui annexam habent reservatam excommunicationem; quia, dicit ipse, tunc intelligi-

176 *De Confess. quoad absoluo. à reserv.*
tur, reservationem in penam delicti esse impositam.

Quar. 9. An Confessarius dubius de reservatione peccati, vel censuræ possit monialem absolvere.

Resp. Possè; quia reservatio est odiosa, atque aded ad casus, & censuras certas tantum restringenda. Ita Sanch. Trullenc., & alii, quibus subscribit Anton. à Spiritu Sancto direct. Conf. tom. 1. tract. 5. disp. 15. sect. 7. n. 943. qui pariter sect. 8. n. 46. cum Leandro, Lugo, & Dicastil. docet, monialem cum dubio supradicto à Confessario absolutam, si postea deprehendat, peccatum illud certò fuisse reservatum, non teneri iterum subdere Sacerdoti habenti facultatem circa reservata. Quia stante tunc tali debito fuit directè per Confessarium absoluta; nam dubium reservationis non adimit jurisdictionem absolventi, cum reservatio, ut diximus, solum ad casus, censuras certas extendatur.

Quar. 10. An in aliquo casu possit validè, & licitè confessarius Monialem absolvere à reservatis.

Resp. Quando concurrat necessitas communicandi, ita ut absque nota infamiae, & gravi periculo scandali communio non possit omitti, tunc confessarius non solum potest, sed etiam debet absolvere, directè quidem à non reservatis, indirectè verò à reservatis; Quia positiva lex de confessionis integritate cedit juri naturali tuendi famam propriam, & præcepto charitatis vitandi scandalum. Ita Doctores adducti à Layman. li. 5. tract. 6. c. 12. num. 10. ubi addit, idem esse dicendum, etiam si excommunicatio sit annexa reservationi. Et num. 12. ampliat conclusionem, asserens, quòd confessarius ingressus ad audiendam
con.

confessionem monialis infirmæ, si inveniatur illam reservato crimine irretitam, poterit supradicto modo absolvere, quamvis in probabili mortis periculo non existat; partim quia aliqualis urget necessitas, si quidem monialis egro animo ferret privationem absolutionis, cum ex sua parte benè sit disposita; partim quia graves Doctores absolutè docent, quòd Sacerdos penitentem, qui peccata reservata habet, absolvere possit cū onere, ut ea sola Superiori postea confiteatur; & ab aliis directè absolvatur. Interim tamen debet confessarius in supradictis casibus procurare facultatem reservatorum à legitimo Superiore, ut vigore illius monialem modo dicto absolutam, directè à reservatis absolvat.

Quar. II. An confessarius obtinens licentiam absolvendi certam monialem à reservato, possit uti pro alia.

Resp. Negativè cum Bordon *in Miscell. decis.* 146. & Beja *par. 3. casu 10.* contra Moronum. Quia Superior licentiam concedens intendit gratiam facere juxta petitionem, nam Princeps, aut Superior solet se accommodare precibus porrectis, *can. inter dilectas §. ceterum de fid. instrument.* ubi *Glos. v. petitio* ait, responsum conformari petitioni. Cum ergo petitio fuerit pro una moniali præcisè determinata, pro illa tantum censetur concessa. Sed quid dicendum, si monialis pro qua obtenta fuit facultas absolvendi illam à reservato, & fuit ab alio absoluta, si, inquam, iterum incidat in illum casum, absolvi ne poterit virtute illius prioris facultatis, qua pro illa usus non fuit confessarius in prima vice? Non potest; quia facultas illa ex mente concedentis, & intentione petentis emanavit limitatè pro casu incurso, non incurrando.

H & *Quar.*

178. *De Confess. quoad absol. à reserv.*

Quar. 12. An, quo jure, & quando moniales possint absolvi a reservatis etiam non obtenta, immò negata facultate à proprio earum Præla to.

Resp. Si moniales sunt exemptæ, & subduntur Prælato regulari, possunt absolvi licentia non obtenta, dummodò tamen fuerit petita, idque ex indulto Clementis VIII. Regularibus factò, & per Urbanum VIII. postea innovato, quod sic habet: *Quòd si regularium confessariis casus alicujus facultatem petentibus Superior dare noluerit, possint nihilominus confessarii illa vice penitentes regulares absolvere, etià non obtenta à Superiore facultate.* Ubi duo notanda: primũ, quod possunt absolvi, etiam si licentia fuerit justè negata, quia Pontifex loquitur universaliter, nec distinguit de negatione licentię justa, vel injusta. Juniper. à Drepano p. 1. disp. 7. q. 8. c. 2. n. 10. Secundum, quod ly *illa vice* non facit sensum, quòd semel tantũ possint absolvere, nam non esset sufficienter religiosorum conscientiiis provisum, cùm sæpius in eadem peccata probabi possint, sed facit sensum, quod facultas absolvendi transeat in confessarios limitatè, & pro illa tantũ vice, ita ut, concurrente iterũ casu, non possit in vim primæ petitionis negatò absolvere, sed debeat iterũ petere; quòd si fuerit quoque negata facultas, poterit etiam pro illa secunda tantũ vice absolvere, & sic deinceps. Colligitur hæc doctrina ex iis, quæ tradunt Alphonsus de Leone, Diana, & Naldus, v. *indulgentia* n. 4.

Si verò moniales subdantur immediatè Episcopo, non possunt absolvi, licentia non obtenta; quia prædictum decretum, utpotè emanatum occasione casuum à Superioribus regularibus reservatorum, declarat, de quibus,

bus Superioribus Pontifex loquatur, & proinde coarctat usum talis privilegii ad casum, in quo licentia fuerit negata à Superiore regulari, juxta doctrinam Surdi *dec.* 124. n. 8. Unde non est extendenda concessio ad casum facultatis negatæ ab Episcopo, quia juri Episcopali præjudicaret, & gratia Papæ semper ita est intelligenda, ut alteri præjudicium non inferat; ut communiter Doctores.

§. IX.

*De Confessario Monialium quoad Sigillum
Confessionis.*

Quar. 1. **Q**ua diligentia debeat confessio-
nis. sigillum à monialium
Confessario custodiri.

Resp. In sigilli custodia major à monialium Confessario diligentia, quàm in secularium confessionibus excipiendis, est adhibenda; cum enim moniales sint ex sexus fragilitate suspicacissimæ, & ob familiarem, ac diuturnam inter seipsas consuetudinem, cujusque genium, mores, & defectus agnoscant, facillimè ex minimò etiam nutu, gestu, aut verbo, quæ inter sæculares essent indifferencia, possunt peccata ab aliis confessa deprehendere. Confessarius igitur sedulo, ac diligenter advertat, ne suo dicto, aut facto ostendat aliquid, ex quo sive directè, sive indirectè possit contingere fractio sigilli.

Quar. 2. Quænam cadant sub sigillo.

Resp. Cadere ea omnia, ex quorum revelatione potest reddi onerosum, & odiosum Sacramentum. Quare celari debent hoc sigillo non tantùm mortalia, sed etiam venialia; cum hac tamen differentia, quòd mor-

talia nec in genere, nec in particulari sunt manifestanda; venialia verò, licet in particulari manifestari non possint, ne unum quidem quantumvis minimum, quia ex communi Doctorum sententia materia hujus sigilli parvitatem non admittit; possunt tamen in genere; & sic non frangit sigillum Confessarius, si dicat talem monialem confessam esse venialia, nam sine his non potest impertiri absolutio. Secus si dicat, monialem plura, vel gravia peccata venialia fuisse confessam. quia occultum est, illam plura, vel gravia venialia perpetrasse. Hurtad. *de pœnit. disput. 12. diff. 4.* Malder. *de sigil. cap. 12.*

Cadunt pariter sub sigillo non solum peccatorum circumstantiæ, & quæ utilia sunt, & conducunt ad explicanda peccata, verum etiam ea, quæ nec utilia sunt, nec necessaria, ut sunt defectus, qui ad famam pœnitentis pertinent, ut se esse illegitimam, rudem, habetis ingenii &c. dummodo à pœnitente ad peccata explicanda ordinentur. Diana *part. 5. tract. 11. res. 5.* Imò etiam si non ordinentur, sed referantur incidenter. Granad. & Malder. Quod non admittit Hurt. *loc. cit.* quamvis consulat ab illarum manifestatione abstinere: nisi sint hujusmodi defectus passim noti.

Item cadit sub sigillo pœnitentia imposita, si illa sit signum culpæ mortalis certæ, aut dubiæ, aut peccatorum venialium specialium quoad numerum, vel quoad speciem. Secus si pœnitentia sit ita levis, ut ex illa colligi nequeat, nisi pœnitens confessa sit venialia. Granad. 2. 2. *contr. 7. tract. 11. disp. 6. num. 5.*

Dona verò, & virtutes alicujus monialis, sicuti etiam propositum alicujus puellæ educandæ de religione capeffenda, vel matrimonio ineundo, non spectare ad religionem sigilli docet.

docet Malderus; quia quasi numquam manifestantur ad explicationem peccati; potest tamen pœnitens ad hæc celanda sub naturali sigillo Confessarium obligare.

Quar. 3. Quibus locutionibus possit frangi sigillum.

Resp. Frangi si Confessarius dicat, se audivisse in monasterio peccatum grave, etiam si non nominet monialem; vel sæpè recurrere ad Superiorem pro reservatorum facultate. Diana *loc. cit. ref. 35.* Item si dicat non absolvisse monialem aliquam, nihil addendo. Imò etiam si addat non absolvisse ob confessionem nondum perfectam propter superveniens impedimentum, Granad. Fagund. & alii relati à Diana *loc. cit.* Nam tales locutiones statim offendunt audientium aures, & malam opinionem de statu monialis ingerunt, nisi alioqui probatæ ac perfectæ virtutis esset, & conscientiæ.

Item frangit sigillum si dicat non absolvisse monialem de peccato certè cognito ab illis cum quibus loquitur, quia obligatio sigilli est per se, scientia verò aliarum est per accidens; quod à fortiori dicendū est, si addat, non absolvisse de peccato publico, & notorio, quia scandalo publico non satisfecit. Quia peccatū quidem publicum est, sed quod accesserit ad confessionem sine vera pœnitētia, quod certè indicat factum negatæ absolutionis, aliis non innotescit. Dian. *ubi sup. ref. 42.* Hinc fit, quòd Confessarius, dum audivit confessionem alicujus monialis, cui non debuit absolutionem imperiri, si interrogetur à Sacristana, utrū præparare debeat fenestellam pro illius communione, debet respondere, quòd interroget pœnitētem, an debeat communicare. Henricus, & Trullenc. *in praxi Sacram. lib. 4. c. 8. dub. 4. n. 9.*

Frangit insuper sigillum dicendo talē mo-

dialem sibi occultè, & extemporaneè fuisse confessam, quia clandestina, & extemporanea confessio ingerit gravioris criminis suspicionem Reginal. Navar. & Mercer. apud Diam loc. cit. qui pariter asserit cum Lugo, Grano, & aliis, frangi sigillum si dicat, monialem suis impertinentiis, & naniis sibi caput obtundere, vel esse scrupulosam, simplicem, irresolutam, obstinatam &c. si huiusmodi defectus solum cognovit ex confessione. Potest enim hæc manifestatio Confessarii moniali displicere, & aliquando obesse, ne eligatur in Prælatam, vel ad alia officia, ut optimè advertit Tamburinus.

Quar. 4. An per omissionem possit frangi sigillum confessionis.

Resp. Affirmativè ex Sancio, Bassæo, & Antonio à Spiritu Sancto de *Sacram. Pœnit. tract. 5. disp. 19. sect. 6. n. 1646.* Nam in aliquibus circumstantiis ex omissione dicti alicujus, vel facti potest oriri vel suspicio de mala conscientia penitentis, vel ipsius confusio, aut ver ecundia. Unde frangit sigillum Confessarius si interrogatus, an absolverit monialem criminofam, non respondeat: an monialis aliqua sit honestè vitæ & digna. quæ eligatur in Abbatissâ, & taceat. Quia ex taciturnitate Confessarii arguitur in primo casu eam non absolvisse, adeoque modo quodam confuso datur intelligi status dictæ monialis; in secundo vero ingeritur gravis suspicio de illius honestate, ac probitate. Ita Doctor. citati. Item frangit, si ex pluribus monialibus sibi confessis alias laudet de bona conscientia, alias verò non. Præbet enim occasionem suspicandi, istas tam bonam conscientiam non habuisse, Perez. *disp. 4. sect. 4. num. 3.* Tamburin. *Method. expedit. confes. lib. 5. cap. 3. §. 1. num. 2.* Secus dicendum.

dum si de aliquibus seorsim loquatur, quia tunc nulla videtur fieri comparatio, aut exclusio aliarum, de quibus non occurrit tunc occasio loquendi. Tancredi *tract. 1. disp. 4. q. 11.* Antonius à Spir. Sancto *loc. cit. n. 1522.* qui pariter sustinet *n. 1574.* frangi sigillum, si Confessarius, qui semel, aut iterum monialem in absolutam dimisit, vocatus tertio ire nolit, ne ultra tempus cum illa insumat, dummodò tamen pœnitens ad priores confessiones accesserit animo confitendi peccata, licet indisposita, quia v. gr. ab occasione proxima, quam tenetur, & potest dimittere, non vult abstinere. Si verò priores confessiones instituit animo tantum simulandi, ut satisfaceret præcepto Prælati, vel ad removendum scandalum, non frangitur sigillum, quia ex illis confessionibus non fuit orta obligatio sigilli, cum neutra illarum confessio fuerit, sed confessionis simulatio, cui Confessarius cooperari non debet. Hinc neque fractor sigilli dicendus est si vocatus, non pergat ad audiendam monialem, quæ in priori confessione eum sollicitavit ad turpia, quia provocatio illa ad malum non est sub sigillo, cum non sit peccatum, quod pœnitens confiteatur, sed quod committit in illa confessione. Lugo *disp. 23. n. 116.* Perez *disp. 54. sect. 13. n. 11.* Dicastill. *disp. 12. n. 171.* docens, Confessarium delinquere contra sigillum, si omittat consueta humanitatis, & charitatis officia erga monialem, quæ illi confessa est murmurationem aliquam contra ipsum; multò magis si se duriores, & asperiores exhibeat, quia in utroque casu sequeretur confusio, & displicentia pœnitenti, Graf. Reginald. Trullenc. & alii relatis à Christophoro à S. Joseph. *v. Confessio in append. ad 3. part. de sigil. dub. 5. n. 14.*

Quar. 5. An sine fractione sigilli possit Confessarius extra confessionem cum moniali loqui de errore in confessione commissio.

Resp. De pœnitentis licentia posse, sine licentia non posse. Ita communiter Doctores, quorum aliqui limitando sustinent, licentiam non requiri, quando Confessarius advertit errorem statim post impertitam absolutionem, antequam monialis surgat; censetur enim moraliter perseverare eadem confessio, dum adhuc monialis est genuflexa. *Dicastil. cit. disp. n. 95.* qui addit, in sequenti etiam confessione de errore in præcedenti commissio posse loqui sine licentia; necessarium enim est ad meliorem instructionem, nec pœnitens conqueri potest, cum locutio sit intra idem Sacramentum, & sub eodem sigillo.

In cæteris casibus ad loquendum sive cum pœnitente, sive cum alio semper requiritur licentia, quæ debet esse formalis, & expressa; nam præsumpta, tacita, interpretativa, aut virtualis, etiam in bonum ipsius pœnitentis, non sufficit *Fagund. par. 2. lib. 6.* Sicuti neque sufficit, quod sit quocunque modo obtentum, sed requiritur libera, ac spontanea, non vi, dolo, injuria, vel per preces importunas, aut metum reverentialem ipsius Confessarii extorta, *Henriq. & Fagund. loc. cit.* Non est opus quod semper ea licentia detur verbo, sed sufficit, quod detur facto, v.g. quod pœnitens extra confessionem incipiat loqui cum Confessario de dictis in confessione, tunc enim Confessarius potest proseguere, quia factum æquivalet expresse concessionem. Aversa, Trullene, & Tamburinus admonens cum Vasquez contra Suarez, licentiam pœnitentis ad loquendum cum alio extra confessionem non se extendere ad corripiendum complicem, quamvis

ad

ad hunc effectum fuisset expresse concessa; quia sigillum non tam est in favorem penitentis, quam complicitis, & sic universa causa, quæ examinatur in confessionis tribunali, est strictissimo sigillo absolvenda. Neque confessio est instituta ad redargutionem complicitis, sed ad correctionem penitentis.

Quar. 6. Utrum Confessarius uti possit scientia habita in confessione ad bonum finem.

Resp. Negative, quoties periculum est revelationis directæ, vel indirectæ, tam alicujus peccati in confessione auditi, quam eorum, ex quibus pudor, aut damnum poenitenti resultet. Ita Doctores, quos plena manu congerit Anton. à Spir. Sancto, *loc. cit. num. 1548.* Si enim hoc intelligeretur esse possibile, redderetur poenitentiae Sacramentum omnibus formidabile, & daretur animabus occasio amittendi spirituale solatium, minus fidenter, ac frequenter ad confessionem accedendo. Hinc sequitur, non posse monialium Confessarium ex scientia confessionis dicere, monialem aliquam pro tali officio non esse aptam, nec puellam pro admissione ad habitum, nec Novitiam pro professione. Neque monere Prælatum, aut Abbatissam, ut mutet claves, attollat muros, fenestras claudat, ad crates invigilet &c. etiam si hoc esset in bonum poenitentis, quatenus scilicet ex clavium mutatione, & parietis elevatione tolleretur ipsi occasio ruine spiritualis. Fagund. *p. 3. l. 6. c. 3. n. 9.* Neque suggerere Concionatori, ut vitium aliquod in particulari reprehendat, multò minus imple in exercitiis spiritualibus reprehendere. Malder. *de sigil. cap. 24.* Neque colloqui cum confessario extraordinario de peccatis alicujus monialis, quæ utcumque ex confessione cognovit, etiam si hoc ordinaretur ad bonum regimen

gimen animæ monialis prædictæ. Bassæus v. *concessio*, 7. n. 20. Ratio horum omnium est, quia hujusmodi locutionibus coniceretur, eum loqui ex notitia confessionis; quod est contra sigillum.

Hoc tamen non violaretur, si Confessarius speciali humanitate, & solertiori cura adjuvaret monialem, quam ex scientia in confessione habita deprehendit, tacuisse peccatum aliquod in præteritis confessionibus propter ruborem, & pusillanimitatem. Quia præcipua ratio sigilli est, ne confessio difficilior, & gravior reddatur penitenti, quod non accidit in hoc casu; nam monialis ægrè ferre non potest, quod humaniter excipiat. Perez *supra* n. 7. Trullenc, Lugo, Bassæus, & alii.

Quær. 7. An penitens teneatur ad sigillum.

Resp. Negativè, sed tantum teneri sub secreto naturali non revelare aliquid de confessione, quo se sine justa causa infamet, vel Confessarii bonæ estimationi detrahat, vel aliud damnum accidat. Anton. à Spirit. Sanct. *loc. cit.* n. 1517. Unde non licet moniali dicere suo amasso, sibi à Confessario interdictam fuisse cum eo amicitiam, & familiaritatem, quando Sacerdoti indè crearetur periculum. Hinc quando est periculum alicujus talis incommodi ex parte monialis, potest ab illa Confessarius exigere secretum, ut cum ipsa in negotiis suæ conscientiæ liberius valeat tractare. Ita cum Maldero, Fagundez, Silvest. & aliis Bassæus *sup.* n. 11. ubi cum Suario, Soto, & Henriquez contra Palud. & Navar. docet teneri tantum sub secreto naturali observare ea, quæ Confessarius sub tali secreto ei aperuit.

§. X.

De Confessario quoad sollicitationem.

Quer. 1. **A**N monialis teneatur, confessarium sollicitantem Episcopo, vel Inquisitori denunciare.

Resp. Teneri ex Constit. Gregorii XV. quę incipit *Universi*, etiam si sollicitationi consenserit; ita tamen, ut sollicitationem, ac verba, & actus turpes confessarii denunciaret, taceat verò suum consensum, quem non tenetur propalare, neque respondere, licet super hoc esset ab Episcopo, vel Inquisitore interrogata. Quod si dubitet, consensum posse propalari, monenda est, confessorem de hoc interrogari non posse; sicque id ex se fateatur, nullatenus esse scribendum.

Quer. 2. An monialis sollicitata satisfaciatur denunciando per epistolam ad Episcopum, vel Inquisitorem missam.

Resp. Videri quod sic; quia cum sit impedita personaliter adire, denunciando per epistolam, facit quantum in se est. Nihilominus cum communi Doctorum oppositum tenendum est, ex declaratione Urbani VIII. in litteris ad Cardinalem Borromæum datis 27. Septemb. 1624. in quibus traditur forma servanda, scilicet quod denunciaret per confessarium, qui de licentia, & juridica commissione Ordinarii, vel Inquisitoris extra confessionem medio juramento juridicè recipiet in scriptis talem denunciationem, expresso nomine, & cognomine tam personę sollicitatę, quàm confessarii sollicitantis, & eam mittet ad judicem, à quo prius licentiam recipiendi talem denunciationem obtinuerat. Hodie tamen

138 *De Confessario quoad sollicitat.*
men in similibus casibus consulitur Sac. Congr. Generalis Inquisitionis, quæ licentiam concedit recipiendi prædictam denunciationem sine Notario: ita vidi observatum in praxi. Instructio confessarii pro recipiendis huiusmodi denunciationibus exhibetur à Pignatelli. l. 1. *consultas.* 104.

Quar. 3. Quomodo se gerere debeat confessarius cum moniali recusante denunciare.

Resp. Admoneat de obligatione, quæ illi incumbit, denunciandi, & quidem sub mortali, nec non de majori excommunicatione, in quam incidit omittendo denunciationem, immò quòd toties in idem peccatum mortale, eandemque incidit excommunicationē, quoties moraliter potens, negligit denunciare. Lupus ex Bonacina. Ante oculos exhibeat grave animæ periculum, in quo versatur, & explicet, quibus, & quot bonis privetur innotata excommunicatione. Ostendat Inquisitorum prudentiam, & dexteritatē in excipiendo denunciationem, sigillum secreti in retinendo denunciantem, & benignitatem in puniendo denunciatum. Suadeat, quòd denunciationis finis nihil aliud est, quàm salus ipsius delinquentis, & zelus catholicæ Religionis, pro qua tuenda non tam ruborem, humanosque respectus tenemur vincere, quàm sanguinem ipsum, si opus sit, effundere. Hæc, & his similia suggerat confessarius, prout muneris sui partes, monialis imbecillitas, & charitatis ratio videbuntur postulare.

Quar. 4. An supradictæ moniali denunciare recusanti possit confessarius protrahere terminum ultra tempus vi edicti præfixum ad denunciandum.

Resp. Non posse quia nullam habet jurisdictionem super legem Superiorum, ad quorum

rum prudentiam spectat examinare protractionis necessitatem. Putant tamen Sayrus, Freitas, Achuna, & alii apud Dianam *p. 1. tract. 4. ref. 27.* solummodò posse concedi tempus consulendi peritiores, quod tamen præstetur absque longa temporis dilatione, & interim, data fide denunciandi, absolvi posse, sicuti enim qui ob legitimam causam differt restituere, aut se judici præsentare, potest pro illa saltem vice absolvi, supposito firmo proposito restituendi, vel se præsentandi, ut primùm poterit: ita à pari discurrunt citati Doctores.

Quar. 5. An confessarius sollicitatus à moniali sit denunciandus, si in sollicitationem consensiat.

Resp. Negant Peyrin. Bonac. Portel. Castropal. Hurtad. & alii apud Leandr. *tract. 5. de pœnit. disp. 13. q. 20.* quibus assentitur Bord. Boss. Delben. & probabile putat Diana *part. 1. tract. 4. ref. 10.* Primò, quia Constitutiones Pontificum loquuntur de Confessariis sollicitantibus, unde tanquam odiosæ non sunt extendendæ ad casum Confessarii sollicitati. Secùdò, quia in præsentì hypothesis cessat præsumptio, in qua fundantur dictæ Constitutiones, scilicet quòd Confessarius malè sentiat de fide, cùm enim mulieris activa sollicitatio efficacissima sit ad inducendum in lapsum, ex facto ipso consurgit evidens argumentum, quòd ex fragilitate potius, quàm ex mala credentia consenserit. Tertiò, quia cum rarò contingat casus mulieris sollicitantis, de hoc non censetur à Pontificibus dispositum, quia leges humanæ de his, quæ frequenter accidunt, tantùm disponunt.

Neque dici potest de hoc esse apertè dispositum in Constitutione Gregorii XV. per illà
clau-

clausulam, *aut cum eis illicitos, & inhonestos sermones, sive tractatus habuerint.* Confessarius enim consentiens sollicitationi, propriè dicitur habere inhonestos sermones, seu tractatus prætextu confessionis. Nam responderi potest, quodd, cum verba illa, *aut cum eis illicitos sermones seu tractatus habuerint*, subsequantur immediatè ad verba *sollicitare vel provocare tentaverint*, ab his debent recipere interpretationem, l. *Heres palam*, §. *sed si notam*. ff. *de testam.* & notant Glos. Bortol. Surd. & Mantic. quos refert, & sequitur Pasqual. in *q. moral. jurid. q. 217. n. 8.* Cum igitur verba illa *sollicitare & provocare* importent inductionem, & provocationem activam, verba quoque subsequencia, scilicet sermones, & tractatus inhonesti debent intelligi cum inductione, & provocatione activa, unde non possunt adaptari ad casum Confessarii sollicitati, & potius fuerunt addita ad majorem explicationem, quàm ad diversificandam dispositionem, quia dictio alternativa aut posita post genus, non inducit dispositionem diversam à priori, sed resolvitur in expositivam, seu declarativam. *Rota part. 1. decis. 300. num. 26. recent.*

Hic tamen non obstantibus sentio cum Leandro *loc. cit.* Fagundez, & aliis dictum Confessarium esse denunciandum tanquam expressè comprehensum sub clausula illa, *aut cum eis illicitos, & inhonestos sermones, sive tractatus habuerint*. Ita interpretante consuetudine, & praxi Tribunalis S. Inquisitionis punientis huiusmodi Confessarios, cui interpretationi standum est, quia interpretatio ex subsequuta observantia magis attenditur quàm quælibet alia, sicuti pluries firmavit Rota apud Pignatell *tom. 1. consult. 82. num. 18.* Ita pari-

pariter suadente ratione, nam confessus ille expressus illicitus est, & inhonesti tractatus complementum.

Quar. 6. An in prædicto casu sit denunciandus Confessarius, si ad Monialis sollicitationem nihil respondeat.

Resp. Si nullum signum approbationis exhibeat non esse denunciandum, quia tacens neque assentiri, neque dissentiri videtur *ex regul. jur. 44. in 6.* Imò in odiosis, & præjudicialibus taciturnitas habetur pro dissensu. *Flor. l. inuitum de ser. urb. præd. Sicut. in c. cura de jur. pat.* Neque potest inferri consensus per hoc, quòd ex officio, & ex circumstantiis loci, & actus Sacramentalis, quem exercet, teneatur monialem reprehendere, non verò tacere. Nā illa taciturnitas potest oriri vel à timore, vel à pusillanimitate, vel ab horrore, vel à confusione, quod sufficit ad excludendam præsumptionem consensus in sollicitatione, quia in conflictu boni & mali lex favet exclusioni delicti, & in dubio possibilis honesti, & possibilis inhonesti, semper capienda est interpretatio possibilis honesti, per tradita à Sperel. *decis. 175. n. 1. decis. 174. n. 46.*

Eoque magis cessat in moniali obligatio denunciandi, quia per necesse cogeretur suam turpitudinem detegere. Cum enim, ad hoc ut iudex possit iudicium suum efformare, debeat monialis allegare in denunciatione dictum aliquod, vel factum, aut signum inductivum sollicitationis, in presenti nihil aliud esset allegabile nisi sola taciturnitas Confessarii. Hæc autem non potest inducere sollicitationem, aut aliquod inhonestum præcisè, & de per se considerata, cum sit indifferens, sed tantum ut conjuncta cum prævia monialis sollicitatione, unde ad effectum procedendi contra

Con-

Confessarium deponi deberet cum hac qualitate, quia sub hac tantum ratione esset criminosa. Ad hoc autem non tenetur monialis, quia non tenetur se ipsam prodere, *cap. cum debeat, de elect. in 6.* & Doctores communiter.

Quar. 7. An monialis monasterii regularibus subiecti teneatur denunciare suum Generalem, si ab ipso fuerit sollicitata.

Resp. Videri, quod non, quia in delictis inferentibus suspicionem hæresis non tenetur filius patrem denunciare. Bordon. *in manual. Consultor. sect. 18. n. 40.* alios referens. Ergo neque monialis suum Generalem, qui patri equiparatur in jure; & ideò pari punitur pœna subditus delinquens in proprium Superiorem, ac filius delinquens in patrem naturalem; *authent. ut cum de appellat. cognosc. §. causas autem vers. vita parentum.* Quare optimè procedit argumentum à patre ad Superiorem, per ea quæ tradit Gratian. *discept. 436. n. 2.* Imò fortius urget, quia parentes spirituales magis venerandi sunt quam carnales, *cap. ita diligere, & c. Pitacium 30. q. 3. ubi Glos. versu multò magis.* Rursus cessat in conjuncto obligatio denunciandi conjunctum suspectum de hæresi, si exinde notabile familiæ damnum vel in bonis, vel in honore timeretur. Ità citati à Carena *p. 2. tit. 9. n. 12.* Cessabit igitur etiam in moniali, quia denunciatio cederet in gravissimum dedecus non unius tantum familiæ, sed universi Ordinis, cujus monialis est membrum, si caput ejusdem detegeretur tale crimen perpetrasse.

Hæ tamen futes, & inanes rationes facile corruunt, si attendatur Cōstitutiones Gregorii XV. & Alexandri VII. in quarum prima expresse disponitur esse denunciandos *Regulares cujuscunque dignitatis, & præminencia,*

an quovis privilegio munitos. In secunda verò statuit, religiosos teneri, & obligatos esse accedere ad denunciandum Ordinariis, vel inquisitoribus locorum quoscumque, etiam Confratres, ac Superiores, etiam primarios suos ejusdem ordinis, & religionis, quos noverint esse de fide quomodolibet etiam leviter suspectos. Unde monialis prædicta ad suum Generalem denunciandum absolutè est obliganda.

Solum à Doctoribus controvertitur à quo iudice sit procedendum in causa. Bordonus in *Sac. Tribun. c. 27. n. 27.* innixus dispositioni *Cap. Inquisitores 16. in 6.* sustinet, accepta denunciatione non posse Inquisitores ad ulteriora procedere, sed admonita Apostolica Sede expectandum esse quid decernat. Possè verò absolutè procedere docent alii cum Freita, & colligunt ex *Constit. Gregorii XV.* Media via incedit Diana, concedit posse, sed non debere nisi Supremo Tribunali priùs consulto.

Quar. 8. An sit denunciandus Confessarius, qui confessionis prætextu intra clausuram vocatus à moniali se infirmam simulante, & provocatus ad turpia sollicitationi restitit, & sollicitantem objurgavit; sed quia monialis minata fuit se exclamaturam vim sibi inferri, nisi consentiret, infamiae metu consensit.

Resp. Affirmat Carena *part. 2. tit. 7. §. 19. n. 24.* Quia verè habuit tractatus inhonestos occasione confessionis; neque considerandus est timor; quia levis est, utpotè illatus a fœmina. Negant absolutè Sancius, Acugna, Peyrin. Trullenc. Freit. quos refert, & sequitur Leander. *loc. cit. quæst. 23.* quibus subscribit Janu. *de cas. reserv. res. 38.* Ratio est, quia consensus ad inhonesta non fuit voluntarius, sed infamiae metu extortus; hic autem

metus gravis est, nam viroprobo gravior est ipsa morte honoris jactura, ex allegatis à Sanchez *lib. 4. de matrim. disp. 15. n. 11.* & cadit in constantem virum, licet sit illatus à fœmina, quia quando agitur de minis exequendis per verba, mulier promptior, & efficacior est ipso viro, Bordon. *loc. cit. nu. 245.* Neque obstat, quod sicut metus non excusat à peccato, ita nec à pœna; ut habetur *in cap. sacris de iis, qua vi metusvè causa.* Nam hoc procedit in foro poli, in quò quis necem potius tenetur subire, quàm peccatum admittere, ut per Glos. & Doctores *in cit. cap. Sacris.* Scùs autem est in foro fori, & respectu pœnæ temporalis, ut distinguendo advertit Menoch. *de arbitr. jud. causa 354. n. 18. § 21.*

Censeonihilominus cum Diana *par. 10. tract. 14. res. 40.* denunciandum esse, sed absque abjuratione dimittendum, extraordinaria pœna imposita, quia metus attenuat quidem culpam, sed non prorsus excludit, ut *in d. cap. Sacris*, adeoque licet excuset à quota pœna, non excusat tamen à Tota, Thesaur. *qq. forens. lib. 3. q. 46. n. 4.*

Quar. 9. An confessarius sollicitans monialem in confessionario, sed extra confessionem, neque occasione confessionis, & sine prætextu, aut simulatione confessionis, sit denunciandus.

Resp. Divisos esse de more in hac difficultate Doctores. Negant Lupus, Bonacina, Lenzana, & Bordon. *in Miscel. decis. 422.* quia extra occasionem confessionis in quovis loco, ut confessarius sit denunciandus, necessaria est simulatio confessionis, ut colligitur ex verbis Bullæ Gregorianæ, ibi. *Sive extra occasionem confessionis in confessionario, aut in loco quocunque, ubi sacramentales confessiones audiuntur,*

untur, seu ad confessionem audiendam electo, simulantes ibidem confessiones audire. Nam hæc ultima clausula *simulantes ibidem confessiones audire* refertur ad quemcumque locum, sive sit confessionale ordinarium, sive deputatū, aut electū pro confessione, ut probatur ex generali regula, quod clausula ultimo loco posita refertur ad omnia præcedentia, *cap. ix. inquisitioni 7. de appellat.* Maximè quia si clausulæ præcedentes regulantur ab eodem verbo *audire*, debent quoque cadere sub eadem dispositione simulationis. Affirmant alii, præcipuè del Bene *de off. Inquisit. dub. 137. sect. 11. in Petit. num. 5.* Bordonus *in Manual. Consult. sect. 25. nu. 49.* ubi priorem sententiam retractavit, & Naldus *in Summa v. sollicitatio in fin.* ubi testatur sic servari in sanctissima Generali Urbis Inquisitione. Alii verò media via procedentes distinguunt. Si confessionale indifferens sit tam ad urbanè loquendū, & de aliis tractandū, quàm ad excipiendas confessiones, ut moris est in pluribus monasteriis, tunc confessorius sollicitans in tali loco indifferenti non est denunciandus ob rationes priori sententiæ, dummodò tamen absit confessionis simulatio. Si verò confessionale nullatenus, nisi ad confessionis finē aperiatur, vel si etiam ob alium finem solet aperiri, sollicitatio tamen fiat in diebus pro confessione designatis, tunc est denunciandus, quia semper ex circumstantiis intervenit confessionis simulatio, licet in confessorio desit animus simulandi. Ita Sancius *in select. disp. 11. n. 68. in fine.*

Nihilominus à secunda sententia non est recedendum, stante Sacræ Congregationis decreto de mandato Pauli V. emanato 10. Julii 1614. quod ita habet: *Facta relatione, quod multi confessori tractant cum mulieribus*

196 *De Confessario quoad sollicitas.*
*in confessionali extra occasionem confessionis de re-
 bus inhonestis, decrevit, ut contra hujusmodi con-
 fessarios procedatur in sancto officio. Neque va-
 let, quod ait Bonacina de matrim. q. 4. p. 16.
 prop. 5. scilicet, decretum intelligendum esse
 ex presumptione fori externi presumptis ex
 loci circumstantia sollicitatione factam esse
 confessionario confessionum audiendarum oc-
 casione; neque quod prædictum decretum
 utpote ante constitutionem Gregorii eman-
 tum explicari debeat juxta terminos ejusdem
 constitutionis requirentis simulationem con-
 fessionis; decretum absolute loquitur, & ideo
 absolute intelligendum, & quatenus etiam
 versarémur in dubio, possessio stat pro decre-
 to. Præter quam quod etiam Constitutio
 Gregorii comprehendit hujusmodi casum, ut
 advertit Bordon. in Manual. loc. cit. Advertit
 tamen ex Eminentissimo Albitio Dandinus
 de suspect. de her. c. 3. sect. 3. subject. 5. n. 5. quod
 ex sollicitatione in confessionario, vel alio loco
 ad confessiones audiendas deputato, extra oc-
 casionem, & simulationem confessionis, non
 oritur, nisi suspicio de levi, etiam attempta
 praxi Sanctæ Romanæ inquisitionis, quia in
 tali casu non intervenit veri Sacramenti abu-
 sus, ut notat Hurtad. resol. moral. tract. 4.
 cap. 8. res. 34.*

§. XI.

De Confessario quoad Moniales scrupulosas.

Quar. 1. **Q**uid generaliter observare de-
 beat confessarius cum monia-
 libus scrupulosis.

Resp. Assuefaciat illas, ut sibi tanquam di-
 rectori pareant obedientia cæca, & firmiter
 cre-

credant, etiam contra gravissima, quæ habere possunt, argumenta peccandi. Sit unica earum ratio auctoritas confessarii docentis. Nec est necesse conscientiam scrupulosam deponere, cum conscientia propriè non sit, sed vana quædam apprehensio; sed satis est quod putent, se, etiam stante suo iudicio, non peccare; & certè de facto coram Deo non peccant, quia sequentes sui confessarii dictamen, quod probabile est, sequuntur, atque adeò prudenter operantur. Vasquez, Less. Coninc. & alii.

Dubitationes illarum in mitiorem partem semper interpretentur. Interrogationes minutiores, & fortasse necessarias pro aliis ad cognoscendas species peccatorum, non inculcet. Unde expedit aliquando, cum illis confessarium pactum inire, ut nihil ex se confiteantur; sed tantùm respondeant interrogationibus faciendis ab ipso confessario, qui eas interrogare poterit de his, in quibus secundum earum statum potuerunt peccare, & ipsæ moniales *per est vel non est* respondere.

Non permittat suos scrupulos tanquam peccata confiteri, neque confessiones generales instituere, nisi certissimè constet de necessitate, quia experientia compertum est hoc esse mentem potius turbare, quàm conscientia fluctus componere. Quare suadeat, ut à peccatorum præteritorum memoria perinde ac à demonum suggestionibus abhorreant. Si aliquando quosdam scrupulos audire velit confessarius, iudicans id ad curationem, & illarum consolationem conferre, id faciat. protestando tamen se non ad confessionem, sed ad consilium adire.

Consulat, ut nihil iudicet esse mortale, nisi manifestè, & absque formidine cognoscat, &

aliquando etiam nisi jurare possit esse mortale. Vasq. *p. 2. disp. 67. c. 72. n. 8.* & alii; Immo hæc regula fallit in aliquibus ita scrupulosis, ut quidquid eis in mentem venit, etiam medio juramento judicent admisisse. Unde efficacior medicina erit, secundum aliquos Neotericos apud Balsæum *v. conscientia n. 32.* nulla peccata interiora habenda esse à scrupulosis ut talia, nisi quando prodeunt in actum externum, cum pro illis favorabilis est præsumptio, ipsas cogitare in crimen consensisse, cum longè à committendo distabant.

Quar. 2. Quas Doctorum opiniones ad sedandam conscientiam scrupulosam possit eligere.

Resp. Ex Navar. *Man. cap. 27. nu. 287.* Meroll. *t. 1. disp. 3. cap. 3. n. 385.* posse eligere quamcunque opinionem probabilem benigniorem, & favorabiliorem; Exempli gratia, Vota dubia an sint emissa, & præcepta an sint imposita non obligare, quamvis major sit in obligationis partem propensio. Sanch. Rebel. Castro Pal. Confessiones absque dolore sufficienti non ex industria factas, vel dimidiatas, non esse repetendas, Merol. *loc. cit.* Non peccare eum, qui legem observat juxta communem sensum bonorum, licet is sensus laxior videatur. Leges civiles de facto, vel raro, vel certè non frequenter obligare sub mortali; ecclesiasticas item nec multò frequenter. Non enim debet existimari legislator tam rigidus, ut hominibus bonæ voluntatis peccata adscribat penamve decernat; neque Deum, aut Ecclesiam suis præceptis efficere velle, ut homo in stultitiam cadat; quod scrupulosis facile contingere potest. Ita ex S. Antonin. Layman. *lib. 1. tract. 1. c. 6. §. 4.* Peccata dubia pro scrupulosis censenda non esse peccata.

Lu.

Lugo *de Pœnit.* atque adeò non esse sub obligatione confessario aperienda, multò minùs numerum dubium, vel dubias circumstantias, Suar. & Granada.

Quar. 3. Quomodò se gerere debeat confessarius cum moniali scrupulosa dubitante præteritas confessiones integras non fecisse.

Resp. Prohibeat omninò ne confiteatur peccata ante ultimam confessionem commissa, quia scrupulus hoc illi ingerit, & præsumendum est, omnia peccata fuisse confessam; tum quia, ne ipsius scrupuli foveantur, à tali confessione est excusanda, ut post Gerson. Tamburin. & Reginald. *lib. 2. n. 128.* de qua re iterum *n. 131.* ubi advertit, debere confessarium in hoc insistere, ut dictam scrupulosam capacem reddat, quòd sufficit mediocris diligentia in conscientia examinanda, qua adhibita, non debet aliud metuere, cum in diligentiori examine ad sit periculum faciendi odiosam confessionem, tum periculum damni ipsius penitentis, tum summa difficultas, quæ est moralis impossibilitas; unde præstat, aliqua potius omitti, quàm intolerabilia hæc damna subire, Tamburin. *in Method. exped. confess. lib. 2. cap. 10. §. 1. num. 22.* Immodò, si sæpè solet confiteri, debet inungere, ut nullum conscientia examen præmittat, tum quia, si peccasset realiter, ob oculos certè peccatum semper haberet, tum quia tota scrupulosorum vita conscientia examen est. Molina *tract. 4. disp. in fin.*

Quar. 4. Quomodò se gerere debeat confessarius cum moniali scrupulosa, quæ semper hæsitat, an in præcedentibus confessionibus, vel in præsentī habuerit verum dolorem, firmiterque propositum non peccandi.

Resp. Suadeat, dolorem sufficientem in

instanti haberi posse. Lyman. *lib. 5. tr. 4. cap. 4.* & satis esse in quolibet gradu, etiam remisso. Suar. & Layman. *ibidem*, nec requiri cordis quamdam teneritudinem, aut lacrymarum compunctionem, vel dolorem alium sensibilem. Gerson, quem sequitur Reginaldus *loc. cit. n. 127.* Item sufficere in scrupulosis desiderium doloris, vel dolorem de non habendo dolorem; quia in illis desiderium intensioris doloris est indicium veri doloris. Layman, *loc. cit.* Quod ad propositum vero ad moneat, non necessario requiri explicitum, sed implicitum satis esse, hoc est illud, quod involvitur in ipso actu detestationis, & displicentiae; non enim quis vult committere, quod ipsi displicet. At quia etiam scrupulis angipote, an hoc propositum habeat, quia praevidet, immo certo sibi persuadet, se propter fragilitatem suam relapsuram, munus confessarii erit animum illius erigere, ostendendo, quod potest consistere dubium, ac praevidentia relapsus in peccatum cum firmo proposito non peccandi; quia illud est actus intellectus, hoc autem posterius est voluntatis. Silvest. *v. confess. 1. q. 21.* Insuper, ut quantum fieri potest omnis scrupuli occasio tollatur, quando praedicta monialis non habet mortalia, eam in absolutam dimittat, & communionis summptionem praecipiat.

Quar. 5. Quomodo se gerere debeat confessarius cum monialis infidelitati, & blasphemiae scrupulis vexata.

Resp. Scrupulos huiusmodi minus esse metuendos, magnisque contemnendos, Grana. *1. 2. tract. 12. disp. 5. n. 8.* quia malum illud, in quod prolabi distamus, minus timoris incutere consuevit. Unde infidelitas, & blasphemiae, sicuti utpote spiritum respecientes

cientes non tantum delectant, ita minus periculi ingerunt. Monialem igitur scrupulis hujusmodi vexatam exprobrare expediet, quod parum fidat, divinam potentiam præesse omnibus nolentibus fidem deferere. Moneat, quod tantum abest, ut ex rebus divinis dubitationem nec minimam concipiat, quin potius ex angoribus animi, & voluntatis reluctantis afflictione desumatur violenta præsumptio firmitatis fidei in ipsa.

Quar. 6. Quomodo se gerere debeat confessarius cum moniali scrupulosa, quæ dubitat, consensum cogitationibus inhonestis præstitisse.

Resp. Suadeat, ut cum talibus cogitationibus non disputet, nihil illis respondeat illasque despiciat, horror enim erga illas, & displicentia sunt sufficientes argumentum, consensum non præstitisse. Quare non sinat monialem nimis descendere ad particularia, neque permittat de istis cogitationibus confiteri, nisi ut supra diximus, adeò certa sit de consensu, ut etiam jurare possit. Caveat confessarius moniali hujusmodi imponere, ut, quando à dictis cogitationibus agitatur, signo crucis in corde, capitis agitatione, tunctione pectoris, vel alio corporis gestu illas conetur depellere, quia experientia docuit, talium actuum frequentiam plurimas ad insaniam, nullas verò ad conscientiae tranquillitatem adduxisse. Unde consultius erit, ut diximus, quod parvipendat. Ad quod obtinendum juvabit, modò asperis, modò blandis verbis suadere monialem, ut firmiter credat, quòd confessarius, qui rationem de ea reddere debet, non parvipenderet, si illas gravia esse peccata cognosceret.

Quar. 7. Quomodo se gerere debeat confessarius cum moniali scrupulosa in horarum canonicarum recitatione.

Resp. Jubeat absolute, ut abstineat à reiteratione officii, vel aliquam ejus partem, quàm reliquisse putat, etiam si hic scrupulus obreptat, dum recitat officium, sed audacter ad sequentia pergat, Navar. & Reginal. quia semper minor illi tranquillitas ex secunda, & tertia recitatione, quàm ex prima. Suggerat, ne sit nimis circa attentionem sollicita quia ipsa attentio ad distractionem vitandam, distractionem parit. Nam ut optime advertit Cajet. 2. 2. q. 83. art. 17. dum scrupulosi volunt esse attentii, habent potius attentionem ad intentionem habendam, taliter quòd intentio sit objectum tantum suę attentionis, quàm ad verba distinctè, & reverenter dicenda. Doceat itaque attentionem externam satis esse, unde & posse voluntariè distrahi. Coninch. Layman. Hurtad. & alii. Quòd si ista non juvant, sed adhuc scrupulis, & anxietatibus premitur, potest confessarius præcipere, ut ab officii recitatione tantisper supersedeat, donec à suis anxietatibus sit libera; Gobat. 11. 1. tract. 5. cas. 23. sect. 2. num. 714. Quia graves scrupuli juncti magnis anxietatibus sunt revera magnum malum, tam animi, quàm corporis, & verè majus quàm nonnullæ ex iis infirmitatibus, quas magni nominis Doctores admittunt pro excusantibus.

Quar. 8. Quomodo se gerere debeat confessarius cum moniali scrupulosa reconfitente peccata venialia.

Resp. Ex Gerson. & Rodriq. optimum remedium esse, quòd non curet, peccata hæc saltem particulariter confiteri, nisi aliqua, quæ

quæ videntur graviora, reliqua omniter, & succinctè in confessione aperiat.
 mia enim talium peccatorum sollicitudo animam turbat, non sedat, ideò melius est dimittere conscientiam suam in pace super his, recogitando, quod in præsentī statu naturæ lapsæ, secundum communem Theologorum sententiam, moraliter impossibile est, sine speciali gratiæ privilegio omnia peccata venialia vitare. Prædicta igitur monialis bono animo sit; attendat suam vilitatem, & miseriam, attendat simul & pietatem Dei, atque immensam misericordiam, quæ animæ verè pœnitenti, & ab omni peccato plenè avertæ non potest non succurrere, atque ignoscere.

Quar. 9. Quomodo se gerere debeat Confessarius cum moniali scrupulosa pluries ad ipsum revertente priusquàm ad communionem accedat.

Resp. Moneat quod tam anxīa sollicitudo versutia diaboli est, qui, dum suggerit sæpius reverti, distrahit animam à devotione, & sub majoris munditiæ prætextu surripit tempus illud, quod ad tanti Sacramenti præparationem deberet impendi. Quare talis anxietas, & inquietudo, ne dum nō juvat, sed impedit Dei in nobis operationem per suam gratiam; nam ut rectè notat Gerson in *tr. de divers; diab. tentat. lit. B.* immoderata illa puritatis cura, ac peccati nimius timor ei non placet, quia quādiu Deum ita timemus, non videmus eum satis diligere, habentes illum de nimia severitate suspectum. Unde fit, ut inani metu concepto minuatur fiducia accedendi ad communionem nobis tantopere necessariam.

Ostendat igitur moniali, majorem pro Eucharistia suscipienda dispositionem oriri mādatis confessarii obediendo, quam in scrupu-

1æ conscientię repurgatione immorandō . Nemo enim per suam diligentiam quantumvis summam absque speciali Dei revelatione potest eò pertingere, ut certò sciat quòd sit ingratia. Unde ad Sacramentū illud omni veneratione dignissimum fructuosè sumendum sufficit certitudo moralis, seu quòd tantam diligentiam impēderit in repurgāda conscientia, quantam adhibuisset in opere faciēdo, ex quo maximū lucrū speraret . Item exponat, quòd ex repetitōe ad Confessarium accessus nō solūm nō fit animus quietior, sed ut ipsa experitur, magis, ac magis perturbatur.

Quare Confessarius monialem hanc graviter arguat, & reverentem expellet; & si fortè asserat peccata venialia habere, quæ clavibus subdat, salutare erit proponere, quòd ex Cōc. Trid. *sess. 14. cap. 5.* venialia taceri possunt in confessione sine culpa, neque impediunt effectum gratię Sacramentalis, ut testantur plurimi cum D. Tho. 3. *p. quæst. 79. art. 8.* Præterquam quòd possunt multis aliis modis extra confessionem deleri, nempe digna Eucharistię sumpione, aquæ benedictæ aspersione, orationis Dominicę recitatione, & devota pectoris tunsione . Hostien. *in sum. tit. de Pœnit. & remis. 6. de quibus peccatis.*

Quar. 10. Quomodo se gerere debeat confessarius cum moniali dubitante de sua salute quia se carere dulcedine spirituali in omnibus actibus experitur.

Resp. Ostendat confessarius, quod dulcedo spiritualis, & sensibilis cordis mollieties non sunt efficacia, & infallibilia signa charitatis, utque reddunt hominem perfectiorem . Multoties motus naturæ sunt, & proinde etiam in peccatoribus reperiuntur. Neque è contra ariditas signum peccati

cati est, aut reprobationis argumentum. Item, quamvis dulcedo illa, sensibilisque devotio juvent ad bonum, & perfectionem; tamen propter nostram fragilitatem sæpè sunt occasiones periculi, & præsumptionis; ariditas verò animam collocando in spiritu humilitatis, Deo, qui humilia respicit, magis appropinquat. Immò gratior est illi anima in tali desolatione, quam si magna devotione afflueret; quia in pressura non ita facile quis se ipsum, vel sua quærere potest, sicut in sensibili devotione. In hac namque sæpè se natura immiscet, & dum immodicè anima delectatur, maculam contrahit.

§. XII

De Confessario quoad moniales habentes Visiones, revelationes, & apprehensiones supernaturales.

Quar. 1. **Q**uomodò se gerere debeat Confessarius cum moniali dictos favores experiente.

Resp. Benignè illam excipiat, ne austeritate occasionem tacendi præbeat, patienter audiat, & solerter interroget, ut benè, & exactè spiritum illius, omnesque cordis affectus valeat penetrare. Non per hoc quod videt in illa aliquam imperfectionem, statim eam de malo spiritu condemnet, ut advertunt S. Theresia *manf. 6. c. 1.* & Planes *in exâ, revelat. lib. 3. c. 23. §. 1.* Neque tamen revelationes, aut visiones statim approbet. Jubeat potius, quòd de talibus favoribus non curet; ostendendo illi, quòd virtus in his non consistit, sed in operibus bonis, & in augmento gratiæ, & charitatis. Quia

reve-

revelatio aliquando facta est malis hominibus, ut Balaam, Caiphæ, & aliis; augmentum verò gratiæ solis justis conceditur.

Quare ostendere debet se propter tales favores illam non æstimare, nec reputare ut Sanctam; imò potius ex quacunque levi occasione eam reprehendat, & humiliet, aded ut concipiat directorem illam parvi pendere, & de suo spiritu dubitare. *Planes loc. cit. §. 5.* Prudenter tamen in hoc se gerat Confessarius, ne nimiam afflictionem moniali ingeneret, & ne ad desperationem adducat, juxta monitum Pauli *ad Thessalonic. 5. Spiritum nolite extinguere, prophetias nolite spernere, quod bonum est tenete.*

Quar. 2. Quomodo possit distinguere revelationes, & visiones veras à falsis.

Resp. Ad orationem recurat, & fidenter gratiam discretionis spirituum à Deo petat, qui maximè solet illam concedere his, quibus ex officii, & dignitatis ratione animarum incumbit cura, *Delrius disq. magic. lib. 4. qu. 3. sect. 1. litt. E.* Assiduis precibus piam diligentemque Sacræ Scripturæ considerationem adjungat, ex illa enim affulget cognitio discernendi à falsis veras visiones, & prophetias. Sanctorum Patrum quoque, & historiæ ecclesiasticæ lectio plurimum conferet. Humilitas præ omnibus directori est necessaria, quia Deus abscondit hæc à sapientibus, & prudentibus, & revelat ea parvulis. Denique prudenti, & multiplici mentis scrutinio res tota examinanda. Ad quod juvabit sequentia perpendere, scilicet, personam revelantem; qualitates monialis, cui sunt revelationes, & visiones; res revelatas; & effectus ex revelationibus, & visionibus resultantes.

Quar. 3. Quid examinare debeat ex parte personæ revelantis.

Resp.

Resp. Examine quos motus causet in anima, quia bonus Angelus in principio hortatur ab bona, & perseverat in eis; sed malus in principio tendit in bonum, sed postea instigat ad malum; ita D. Thom. *ad 2. Epist. D. Pauli ad Corinth. cap. 11.* Item bonus Angelus quamvis in principio terreat, statim consolatur, & confortat; malus autem stupefacit, & desolatum relinquit. Perpendat insuper, in qua figura appareat; quia si se exhibet in forma bestiarum, & monstruosa, vel si apparet in forma humana aliqua tamen præsefert vel curiosa vel deformia, ut si corpus sit atrum, setens, gibbosum, nares simiæ, aut nimium aquilinæ, oculi inflammantes, & similia, tunc Angelus malus est judicandus.

Quar. 4. Quid examinare debeat ex parte monialis, cui fiunt revelationes, vel visiones.

Resp. Examinandam esse corporis constitutionem, an redundet atrabili, vel melancholia, quia talibus humoribus laborantes solent vehementis esse imaginativæ, atque adeo eorum mentes multis, & fixis phantasmatibus sigillantur. Considerandum, quam valetudine gaudeat, an corporis habitus sit plus equo inedia difformatus, an cerebro læsa, an imaginationis turbidæ, quia similes ex nativæ læsione, vel ab extrinseco accidenti, hujusmodi visa experiri possunt, quod solet phreneticis, & epilepticis accidere; ætatis quoque consideratio habenda, nam si senex, suspicari possumus à capitis debilitate delirium, si juvenis, à cordis levitate periculum.

Juvabit etiam inclinationem bene scrutari quia, ut ait S. Leo, *diabolus causas querit nocendi, ubi quemque viderit occupari.* Unde si monialis, cui accidunt hujusmodi visiones, affe-

affecta sit ad has apprehensiones, regulariter procedunt vel à se ipsa, vel à dæmone; quod ut dignoscatur, debet Confessarius ei præcipere, ut de talibus non curet; nam si hoc mandato tristatur, & in Confessarium invehitur, signum est vel a se ipsa, vel à dæmone visiones hujusmodi esse confictas, qui enim Spiritu Dei aguntur, non tristantur ex Directoris mandato, sed conformantur.

Refert insuper considerare qualis sit, ac fuerit dicta monialis, qualiter erudita, quibus assueta, cum quibus conversata, quibus delectata; an singularia quædam affectet pœnitentiæ, ac devotionis signa, per Superiores ecclesiasticos non approbata; utrum sit in spiritali exercitatione veterana, an verò novitia tantum, quia, ut ait Gerson, novitius fervor citò fallitur, si caruerit regente, præsertim in adolescentibus, & fœminis, quarum est ardor nimis avidus, varius, effrænus, ideòque suspectus. Unde attendendum est, an si adhuc imperfecta & adhuc in via purgativa, præcipitet se per unitivam, aut statim ac orare incipit, sine præparatione idonea præsumat se habere tantum passivè, nihilque ex sua parte operans influxum divinum expectet.

Observandum præcipuè an obediens sit suo Superiori, Confessario, ac Directori; si enim in hoc deficit, exponit se manifesto periculo errandi, quia separat se à gubernio capitis sui, & impedit medium, per quod Deus vult suam lucē communicare. Item an suas revelationes aliaque dona revelet pluribus, an suo Confessario tantum intra Sacramentū confessionis; nam si eas divulgat, signum est non dari ibi Spiritum Dei, sed spiritum vanitatis, & superbię. *Planes lib. 3. c. 16. §. 2.* Item si cum Confessario, vel Directore continuis colloquutionibus

nibus intēdat sub prętextu nunc crebrę confessionis, nunc longę narrationis visionum, & apprehensionum suarum, nunc alterius cujuslibet confabulationis. Expertis credite, nominatim Augustino, & Bonaventurę, inquit Gerson, vix est altera pestis vel efficacior ad nocendum, vel insanabilior.

Quar. 5. Quid examinare debeat ex parte ipsius revelationis.

Resp. Examinare debet primò an aliquid contineat falsitatis; si enim aliquid habuerit quantumvis minimum, non est Dei revelatio, sed demonis, vel à propria imaginatione conficta. Quia in Spiritu veritatis non datur locus alicui, etiam minimę falsitati. Ad cognoscendum autem, an veritas integra in revelatione reluceat, videndum est, an sit conformis Sacrę Scripturę, an contineat aliquid contra fidem, aut bonos mores, & veram Theologiam, traditiones Ecclesię, & doctrinam communem Sanctorum Patrum. Nā si in aliquo ex his contravenerit, talis revelatio falsa, & illusio. Plan. cit. cap. 10. §. 1. Secundò ponderandum, an talis revelatio sit necessaria, & de materia gravi; quia revelationes quę docent res inutiles, leves, & quę non sunt ad rem, sunt illusiones. Debet etiam adverti, an afferat verba adulationis, quia Spiritus Dei adulator non est. Tertiò revelatio quę detegit culpas, & peccata proximi est valdè suspecta, præcipuę si aliqua vox sive interior, sive exterior prædicta peccata propalans audiat: quę jubet reprehendere delinquentem, si inde persona, cui fit revelatio, concipiat despectum illius de qua facta est revelatio, maximè si reprehensio fieri debeat alicui Prælato, vel Sacerdoti, aut personę, cui specialis debetur reverentia. Planes l. 3. c. 11. qui

qui pariter valde suspectam reputat revelationem, quæ exhortatur ad rem aliquam in se quidem bonam, sed singularem, ut si suaderet monialem ad quotidie in communitate jejundandum in pane, & aqua; singularitas enim illa non posset transire sine scandalo; nisi tamen accederet Superioris, aut Confessarii approbatio. Idem asserit de revelatione sua dente opus bonum, quod esset alterius melioris boni impeditivum.

Quar. 4. Quid observare debeat Confessarius ex parte effectuum resultantium ex ipsis visionibus, & revelationibus.

Resp. Inspiciat an hujusmodi communicationes excitent in anima facilitatem ad virtutem, & bona opera, desiderium efficax, & determinationem patiendi pro Christo, propositum dimittendi consolationes sæculi, contemptum sui, & cognitionem propriæ miseriæ. Quando enim Deus alicui communicatur, magis homo cognoscit suam nihilitatem, & miseriam. Quamvis etiam aliquando diabolus falsam inspiret humilitatem, & aliquando lacrymas excitet sensibilis devotionis, ut postea suos imprimat perniciosos effectus, qui certè dignosci possunt, si moveant voluntatem ad hujusmodi internas communicationes plurimi estimandas, eis tenaciter adhærendo.

Item, an relinquunt pacem, lucem, & certitudinem; nam malus spiritus, licet à principio causet certitudinem, hæc statim perit, & intrat turbatio. An post hujusmodi favores Dei amorem cum summa ipsius reverentia experiat, Si enim hæc in se sentit, signum est esse à Deo, secus si anima inveniatur arida, & ad vanitatem propensa. Discutiat insuper an hæc dona sint cum cruce, & mortificatione

con.

conjuncta, vel antecederet, vel concomitanter, vel consequenter. Nam donatur ad manifestationem fidei, & utilitatem Ecclesie; fides autem manifestatur in mortificatione, & patientia christiana, his enim crescit maximè christiana religio.

Denique inspicat an occupet animam magnus De timor, & tremor, quo mediante roboretur, ne in aliquo etiam minimo delinquat, & fiat cautior, & vigilantior circa proprias obligationes, ne Deo displiceat. Hic optimus effectus est, quia conformis illi monito Apostoli *ad Philip. 2. In timore, & tremore salutem vestram operamini*. E contra verò si consurgat magna fiducia, & facilitas absque circumspeditione, & timore, à malo spiritu est operatio; malus enim spiritus aufert ab anima timorem Dei, ut ad peccatum inducat, prout egit cum Eva illis verbis, *Nequaquam morte moriemini*.

Quar. 7. An ad experiendum prædictæ monialis spiritum possit Confessarius illam Eucharistiam petentem, decipere, porrigendo hostiam non consecratam pro consecrata.

Resp. Negativè per tradita à Suarez, Pace Jord. Regin. & aliis apud Dian. *in opere coord. t. 2. tract. 2. res. 31.* & desumitur *ex c. de homine de celebrat. missar.* ubi Pontifex loquens de Presbytero ad evitandum scandalum celebrante, & fide consecrante, decernit, *falsa esse abjicienda remedia, qua veris sunt periculis graviora*. Et quidem in nostro casu fieret periculum idololatriæ; si enim monialis esset fortasse bono spiritu destituta, crederet hostiam sibi porrigi consecratam, à deoque pani puro exhiberet cultum debitum soli Deo. Et quamvis respectu monialis, ratione ignorantiae, idololatria illa esset materialis, respectu tamen

tamen Confessarii esset formalis, quia prævis-
sa, & voluntaria; sicuti esset formale, & cul-
pabile homicidium respectu aliquem inebri-
antis, si prævidisset ebrium exponendum es-
se probabili periculo illud perpetrandi, quam-
vis ex parte ipsius ebrii esset tantum materia-
le. Quare prædictam fictionem non esse lici-
tam, absolutè sustinendum, maximè stante
Decreto Innocentii XI. damnantis in propo-
sitione quinquagesima simulatam Sacramen-
torum administrationem, adeoque simulationē
in administratione Sacramenti Eucharistiæ,
prout advertit Cardenas *ad prop. 50. disert. 20.*
cap. 3. n. 27.

§. XIII.

*De Confessario Monialium extraordi-
nario.*

Quæst. 1. **A** Quo eligi, & approbari de-
beat confessarius extraordi-
narius monialium, etiam regularibus sub-
jectarum.

Resp. Confessarius extraordinarius pro mo-
nialibus Episcopo subjectis, ab eodem Episco-
po eligitur, & approbatur. Et toties approba-
ri debet, quoties deputatur, nec sufficit, quod
sit semel approbatus, nisi pro iis, quæ obtinue-
rint indultum S. Penitentiariæ eligendi ex
approbatis pro monialibus semel tantum.
Pro monialibus verò regularibus subjectis ap-
probatur ab Ordinario juxta resolutiones
dubiorum S. Congreg. super constitutione
Gregorii XV. attamen deputatio, regulariter
loquendo, debet fieri à superiore regulari; nā
Tridentinum *sess. 15. c. 10. de regul.* statuit
deputandos esse ab Episcopo, & aliis superio-
ribus

ribus respectivè ad monasteria sibi subiecta. Nec per Constitutionem Gregorii XV. aut aliunde est ipsis talis facultas adempta; & idè si Episcopus absque justa causa non approbaret, peccaret mortaliter, Pasqual. in *Lau. rer.* n. 39. Quia indirectè jurisdictionem regulariū impediret. Non per hoc tamen confessarius sic injustè reprobatus posset confessiones monialiū audire, ut habetur ex propositione 23. in ordine inter damnatas ab Alexand. VII.

Dixi deputatione in monasteriis exemptis fieri debere à superiore regulari *regulariter loquendo* quia in aliquibus casibus potest Episcopus deputare confessarium secularem, & regularem, etiam alterius religionis, monialibus exemptis; quando scilicet nulla ratione induci possunt, ut peccata sua regularibus confiteantur, Sac. Congreg. in *Regien.* apud Pignatel. t. 8. *consult.* 53. n. 5. vel si injustè denegetur confessarius à proprio Prælato regulari, eadem Sac. Congreg. ex Naldo, v. *Episcopus* n. 13. Verùm advertit Pignatel. *loc. cit.* debere Episcopum uti prædicta facultate cum magna discretione, & ubi de animarum periculo agitur, ne detur causa monialibus liberiùs agendi contra suos superiores.

Quer. 2. Quot vicibus in anno debeat concedi monialibus cōfessarius extraordinarius.

Resp. Ex Trident. *loc. cit.* bis, aut ter in anno debet offerri. Et hoc etiam si occasione aliqujus Jubilæi fuerit alia vice concessus, quia privilegium, & gratia principis debet aliquid operari; nihil autem operaretur, si in illis tribus vicibus computaretur concessio facta virtute Jubilæi. Neque Prælatus in alicujus criminis penam potest pro prædictis tribus vicibus cōfessarium denegare, cum hoc illis comperat virtute Tridentini; privilegii autem à

superiore concessum non potest per inferiorem neque tolli, neque restringi, nisi de ipsius superioris interpretativa voluntate, quæ in presenti casu non potest præsumi, tum quia non desunt aliæ pœne, quibus monialium delicta corrigantur; tum quia ordinariè loquendo, non omnes solent esse in delicto participes, atque adeò delinquentium pœnam portare non debent insones.

Quar. 3. An Episcopus possit per plures vires, quàm ter in anno, confessarium extraordinarium Monialibus concedere.

Resp. Ex Bordon. & Diana p. 7. tract. 8. res. 28. posse. Quia omne id censetur concessum, quod non reperitur expresse prohibitum, maximè quando versamur in materia animæ favorabili, *cap. consuluisse*, 2. q. 5. Neque Tridentinum statuendo quòd bis, vel ter in anno offeratur confessarius extraordinarius, limitat ad tres vires tantùm Superioris facultatē, sed tantùm indicat, quòd per pauciores non possit.

Quar. 4. An Episcopus possit deputare confessarium extraordinarium pro moniali particulari.

Resp. Universaliter loquendo non posse. Sac. Congr. Episc. in *Panormitana* 27. Maii 1603. Neque perpetuum, neque ad tempus; eadem Sac. Congreg. in *Januensi*, 27. Aprilis 1657. Nisi per Sacram Penitentiarium pro una vice tantùm, vel de licentia Sac. Congr. ut declaravit die 1. Septemb. 1645. Verùm Bordonus in *Miscel. decis.* 154. sustinet, debere quandoque Episcopum concedere certæ moniali petito confessarium, ut liberiùs sue conscientiæ possit consulere, maximè si monialis rarissimè illum petit, & petitus confessarius est vitæ spectatæ. Censetur enim iusta
causa

causa expurgatio propriæ conscientie cum majori libertate, quod præcipuè attendendū est respectu monialium, quæ ex verecundia solent sæpè ea peccata reticere, quæ sine verecundia commiserunt. Hinc colligit idem Bordon. *dec.* 47. posse à fortiori concedere specialem confessarium moniali laboranti in extremis, quia, cū in tali periculo animarum salutis omnibus mediis sit succurrendum, talis ingressus est rationabilis, juxta exigentiam *c. uni de statu Regul. in 6.* & necessarius, juxta Trident. *sess.* 25. *c.* 5. Immo potest concedere, etiam si monialis illum petat, non pro peccatorum confessione, sed pro anime sue solatio, quia tale periculū consolatione indeget.

Quer. 5. An Moniales possint recusare confessarium extraordinarium à Superiore oblatum.

Resp. Si loco ipsius alium petant, non possunt recusare, nisi allegata causa recusatōis, ut diximus, cū de confessario ordinario; Si verò illum reculent nullum alium loco ipsius petendo, possunt sine causa recusare, quia confessarius extraordinarius inductus est in earum favorem, quisque autem juri suo potest sine causa renunciare. Bordon. *ubi supra dec.* 166. Hinc sequitur, non teneri singulas moniales eidem confiteri, cū verba illa Concilii, *qui omnium confessiones audire debeat*, non imponant obligationem; nam verbum *debet*, quando respicit personam, de cujus favore agitur, non importat necessitatem, ut notant. Felin. & Tusc. relati à Pasqual. *loc. cit.* solummodò prædicta verba innuunt, quod extraordinarius non possit deputari pro aliquibus, & non pro cæteris, sed pro omnibus sit deputandus, ita ut omnes, si velint, possint confiteri. Ex præcepto tamen Sac. Congreg.

Greg. Episc. tenentur omnes coram confessario extraordinario se præsentare, ne discerni possit, quænam sint, quæ ipso indigent, & quæ non.

Quar. 6. An moniales tempore Jubilæi possint eligere in confessarium Sacerdotem non approbatum in specie ad audiendas monialium confessiones.

Resp. Non posse, firman Molseus, Alphons. de Leon, Faultus, & Polac. quos refert, sed non sequitur Bordon. *Miscel. dec. 21.* Ratio est, quia vigore Jubilæi non possunt eligi ad confessiones monialium, nisi approbati ab ordinario; sed qui generaliter approbati sunt ad confessiones sæcularium, nequaquam censentur approbati ab Ordinario ad confessionem monialium, ut expressè statuitur in *Constit. Clementis X.* quæ incipit, *Superna*: Ergo qui generaliter sunt approbati ad confessiones sæcularium, non possunt virtute Jubilæi eligi ob confessiones monialium, quod patet etiam ex declaratione Sac. Congr. missa ad Episcopum Abulensem anno 1593. & relata ab Arauxo in *Select. tract. 1. q. 8. sect. 3. n. 15.* in qua habetur, quod approbatus ad audiendas confessiones certi generis personarum, vel in certa Ecclesia, non censetur approbatus simpliciter, ac proinde quod non potest virtute Jubilæi eligi ad audiendas confessiones aliarum personarum, aut extra ecclesias ipsi designatas.

Quar. 7. An monialibus, quæ ratione infirmitatis confessarium extraordinarium adire non potuerunt, ubi convaluerint, teneatur Episcopus confessarium extraordinarium concedere.

Resp. Non teneri, contra Pellizarium; quia Concilium nihil aliud disponit, nisi quod confessaria-

confessarius extraordinarius omnibus offeratur : quotiescumque autem exhibetur communitati, quæ omnes moniales repræsentat, pro omnibus exhibetur. Neque obstat, quod prædicta dispositio non possit sortiri suum effectum quoad infirmas, utpotè adire confessarium impeditas. Nam finis Concilii fuit consulere quidem singulis monialibus, sed non uti singulis, & divisivè, sed ut unum corpus constituentibus, & collectivè. Cùm enim verba illa, *qui omnium confessionis audire debeat*, ita debeant accipi, ut confessarius sit deputandus pro omnibus, non pro singulis, ut ex Pasqualigo supra retulimus, clarè patet, quod mens Concilii fuit providere pro omnibus collectivè, non divisivè. Quod etiam declaratur ex praxi, nullibi enim, quod ego viderim, pro hujusmodi monialibus, ubi convaluerint, confessarius extraordinarius deputatur; praxis autem est optima cujusvis dispositionis interpretes; *l. si de interpretatione, ff. de legib. Man- tica*, & alii apud Gonzalez *super Regul. Cancell. §. 1. n. 40.* Præter quàm quod dispositio potest sortiri suum effectum etiam quoad infirmas, quia infirmitatis impedimentum, est rationabilis, & necessaria causa concedendi confessorio ingressum in clausuram.

Quar. 8. Quibus temporibus, & ad quot dies Prælati monialium debeant confessarium extraordinarium deputare.

Resp. Cùm Tridentin. nihil determinet neque circa tempora, in quibus fieri debet deputatio, neque circa dies pro audiendis confessionibus concedendos, utrumque à Prælatorum pendet arbitrio. Praxis tamen ferè communis quoad primum est, ut dicta deputatio fiat in unoquoque quadrimestri, quare cuiusque diecesis servanda consuetudo, cū hæc vim habeat

K

legis.

legis. Ex quo fit, quòd si moniales tribus primis mensibus anni peterent confessarium extraordinarium pro illis vicibus, quibus conceditur à Concilio, non tenentur Prelati illarum annuere petitioni. Quoad secundum verò non una in omnibus diœcesibus servatur regula; nam alicubi determinantur quindecim dies, alibi laxior dierum indulgetur mensura, & aliquibus in locis nulla fit temporis præfinitio. In hoc, crederem, monasteriorum habendam esse rationem, & juxta perfectionem, & regularum observantiam, nec non majorem, vel minorem monialium numerum, tempus esse indulgendum, ad hoc ut confessarius majori diligentia, & monialium utilitate possit suum munus obire.

Quar. 9. An tempus, v. g. quindecim dierum concessum ad audiendas monialium confessiones incipiat currere à die expeditæ licentiæ, vel à die incepti exercitii confessionum; & an illi quindecim dies debeant esse continui, vel possint sumi interpolati.

Resp. Quando non obstat vel consuetudo, vel statutum aliquod particulare, incipere à die cœpti exercitii. Quia tempus respiciens actum incipit cum ipso actu, ut tradunt Gloss. in c. *Anteriorum init.* 11. q. 6. Imola, Baldus, & alii. Unde cum tempus quindecim dierum respiciat exercitium confessionum, debet incipere ab ipso exercitio. Non tamen per hoc quindecim dies debent sumi interpolati, sed continui, quia, licet concessio sit facta quoad exercitium, attamen quo ad durationem coarctat exercitium tali tempori; unde exercitium semel inchoatū sequitur naturam temporis; tempus autem de sui natura dicit continuitatem, præcipuè quando est determinatum à lege, vel statuto, l. *Genero, ff. de his, qui nas. infam.*

infam. & observant Lupus, Albert. Vela, & Bordon. Verum quidem est, quòd tempus quindecim dierum non est ita strictè sumendum, ut ad decem, & septem non possit extendi, ob regulam illam juris communiter receptam, diestermi non computantur in termino, quæ in præsentī materia, utpotè favorabili animæ, est admittenda.

Quar. 10. An confessarius extraordinarius elapso termino possit absque nova licentia audire monialis confessionem tempore habili inceptam, quæ vel ratione alicujus casus reservati, vel ratione majoris discussionis, non potuit intra præfixum tempus compleri.

Resp. Posse, & ita tenere lebent Henric. Rodriq. Sanch. Bossius, & alii relati a Pasqual. *de Jejun. dec. 160. num. 5.* quatenus asserunt, quòd, quando durante Jubilæo confessio Sacramentalis est incepta, si confessarius non potuit absolvere pœnitentem, quia habet casus indigentes discussione, potest absolvere à reservatis elapso Jubilæo, etiam si priùs non abstulerit reservationem, quia, quando causa est incepta, partes acquirunt jus ad terminationem ipsius, non obstante, quòd deberet expirare jurisdictio delegati, *cap. licet undique, cap. gratum, cap. relatum, de offic. de leg. & notat Sanctarel. de jubil. cap. 8. dub. 7.* alios citans. Cùm igitur etiam in nostro casu acquisitum sit jus ad confessionem complendam, eo ipso, quòd est incepta debito tempore, poterit compleri, quia censetur prorogari tempus, donec confessio compleatur. Quod etiam potest præsumi ex benigna Superioris voluntate.

Quar. 9. An Confessarius extraordinarius possit absque speciali licentia celebrare in Ecclesia monialium, ad quarum confessiones au-

diendas est deputatus. Immò & iis ministrare Eucharistiam, & concionari, durante facultate ad confessiones.

Resp. Videri, quòd sic; quia cùm confessarius ordinarius monialium sit illarum Parochus, & earum Ecclesia dicatur quasi parochialis, Bordon. *Miscel. dec.* 129. confessarius quoque extraordinarius, durante illius munere, censendus erit pro illo tempore Parochus, cum succedat in locum, & jurisdictionem Ordinarii. Unde poterit in Monialium Ecclesia, tanquam in sua parochiali, celebrare Eucharistiam ministrare, nec non coram illis concionem habere, cùm, hæc omnia ad munus pastorale pertineant. Nihilominus, nisi concurrat consuetudo, & ex circumstantiis possit præsumi voluntas Superioris, oppositum sustinendum puto, quia celebrationis, communionis, & concionis actus sunt diversi ab exercitio confessionis, à diversis autem non fit illatio. Et hoc precipuè attendi debet quoad actum concionandi, ut optimè advertit Tamburin. *de jur. Abbat. disp.* 16. q. 9. n. 1. Tum quia praxis communis est in contrarium, tum quia ex reprehensione facta alicujus defectus inter concionandum, alicui moniali minùs prudenti, & plus æquo suspicari potest suspicionem ingerere, se loqui ex notitia habita in confessione, cujus rei cavenda est etiam quælibet remotissima suspicio, ne moniales neque in minimo possint diffidere de sigillo. Vide Pignatel. s. 8. *consult.* 62. n. 33.

C A P U T VII.

De Monialium obligatione
quoad Clausuram.

§. I.

De Clausura in communi.

Quar. 1. **Q**uid veniat appellatione clausuræ.

Resp. Venire totum illud spatium monasterii, ad quod liber est accessus ipsis monialibus, & non sæcularibus personis. Clausura consistit in indivisibili, quare si monialis ad unum, vel duos pedes exeat, quamvis statim regrediatur, clausuram violat. Item si ambobus pedibus se transferat extra januam limites clausuræ terminantem, etiam si sit intra illius spatium, quod est intra monasterii portam clausam, & inter aliam sæcularibus patet. Ita Rodriq. & Sanch., *in Sum. c. 15. n. 7. l. 6.* Item si appenso fune ex liminari ostii clausuræ monasterii, eaque manibus apprehensa se toto corpore à terra elevatam agitet motu reciproco modò intra clausuram, modò extra. Item si ascendat arborem positam in horto monasterii, & procedat ad ramum omninò prominentem extra murum clausuræ. Neque excusari potest præfata monialis ratione parvitatæ materiæ, quia clausura, ut diximus, certis terminis definitur, quos æquè excedit is, qui à monasterio longè recedit, ac qui ad duos pedes egreditur. Ita Bonac. *tract. de Claus. q. 1. punct. 4. n. 2.* Contrarium docent Naldus, *v. clausura, n. 1.* Grassius, &

Merolla, quod non adimittit Sanch. *lib. 6. c. 16. n. 30.* ubi tantum concedit materię parvitatē in ingressu, vel egressu semipleno, nempe quando pars corporis est intra, pars extra, ita ut non referat, si major pars sit intra, aut extra; nam cum totum corpus non est intra, aut extra, perfectus egressus, aut ingressus non datur. Quare non violat clausuram monialis, si ascendat murum Monasterii, eique virili more quasi equitans insideat.

Quar. 2. An limen ostii sit intra, vel extra clausuram.

Resp. Afferunt aliqui apud Sanch. *loc. cit.* esse intra clausuram. Negant alii, quia limen ostii partim est intra, partim extra clausuram. Distinguunt alii, si clauso ostio limen remaneat intra, erit comprehensum in clausura, si verò extra remaneat, dicetur extra clausuram, ut per Bortol. *in l. 1. ff. de cloac. dec. 402. n. 11.* Eodem modo aliqui discurrunt de Rota; unde Monialem, quæ se ponens in rota eam volvit ad partem exteriorem, ad quam accedunt seculares, non tamen egrediendo è rota, alii absolvunt, alii condemnant, præcipuè Comitulus apud Bonacin. *loc. cit.* ubi advertit, quòd Monialis fortè graviter peccat ratione alicujus periculi moralis.

Quar. 3. An tectum sit extra clausuram.

Resp. Negat Diana, & cum illo plures alii *p. 5. tr. 13. res. 88.* At affirmativè respondit Sac. Congreg. dum mandavit absolvi cum penitentiis salutaribus quasdam moniales, quæ bona fide ascenderant supra tectum ad ficcanda frumenta, & pastas ab ipsis elaboratas, sive ad videndum quoddam festum, cum speciali prohibitione illuc ultra ascendendi propter quæcunque causam: Ita *in Comensi 18. Septemb. 1609* & *in Lycien. 16. Septemb. ejusdē anni.* Bonacina
verò

verò, & Sanch. *loc. cit.* distinguendo sustinent, quòd si tectum monasterii correspondeat spatio extra clausuram, censetur extra clausuram, secus verò si spatio intra clausuram correspondeat; quia tunc reputatur quædam pars Monasterii.

Quæ. 4. An monialis urbanitatis; vel curiositatis gratia egrediens è proprio monasterio, & in aliud contiguum ingrediens, violat clausuram.

Resp. Non videtur violare formaliter, sed tantum materialiter; clausura enim est locus ille qui janua clausa continetur, ad quem secularibus non patet accessus, ut ex Gregori XIII. Constitutione colligunt Sanch. in *decal. lib. 6. cap. 15. n. 6.* Donat. *1. 3. tr. 3. q. 1. n. 5.* & Mendo *v. monasterium n. 3.* Unde clausura duo dici de suo formali, nempe quòd sit locus, qui janua clausa cõtinuatur, & quòd sit locus, ad quem secularibus non pateat accessus; adeòque violatio formalis, & perfecta est egressus è loco, qui janua clausa continetur, ad locum, ad quem secularibus pateat accessus. Hujusmodi autem non est egressus monialis ad monasterium immediate contiguum, quia est egressus de clausura ad clausuram. At violare formaliter clausuram censeo cum Pellizario, & Bordon. quia monialis non proficitur clausuram in communi, sed propriam sui monasterii. Tum quia sicut unum monasterium constituit diversam communitatem ab alio, nec cum alio communicat in regimine, sic etiam constituit diversum locum, juxta ea, quæ notant Abbas in *cap. nimis de jure jur.* Cardin. in *Clement. 2. §. 1. qu. 4.* & consequenter cum alio non communicat in clausura. Quare monialis prædicta est rea violatæ formaliter clausuræ, & quidem dupliciter, sunt enim duo

actus, egressus videlicet, & ingressus, unde etiam duplicem contrahit excommunicationem, prout rescripsit Sac. Congreg. Archiepiscopo Panormitano 21. *Augusti* 1699. & 14. *Septemb.* 1699.

Quar. 5. An Clausura sit juris, naturalis, divini, vel humani positivi.

Resp. Esse juris humani positivi, constat ex pluribus decretis, & constitutionibus summorum Pontificum, ut videre est apud Nald. v. *clausur.* n. 4. & Cherubin. Et expressè clausuram istam imposuit Tridentinum *sess.* 25. c. 5. *de regular.* Cum igitur clausura sit juris humani positivi, sequitur, quòd à clausuræ legibus excusabuntur moniales in iis locis, ubi præcepta clausuram indigentia non sunt recepta, vel ubi contraria consuetudine sunt legitime abrogata, Azor. & Sanchez, quos refert, & sequitur Bonac. 9. 1. *punct.* 3. m. 2. Quod tamen non procedit quoad illas moniales, quæ sub expresso voto se obligant ad clausuram.

Quær. 4. Quibusnam competat monialium clausuram tam formalem, quàm materiale custodire.

Resp. Jus cogendi moniales Episcopo subiectas ad observantiam clausuræ spectare ad ipsum Episcopum auctoritate ordinaria. In monasteriis verò sedi Apostolicæ immediate subiectis spectare ad Episcopum auctoritate delegata. Quoad Moniales autem regularibus subiectas, certum est, Episcopum nullum jus habere auctoritate ordinaria; idè enim vocantur exemptæ, quia non subduntur iurisdictioni Episcoporum ordinariæ.

Quær. 7. An saltem competat Episcopis custodire clausuram in Monasteriis exemptis auctoritate delegata.

Resp. Auctores Regulares rationibus, & aucto-

auctoritatibus Doctorum ducti mordicè sustinent, nullam Episcopis esse delegatam jurisdictionem super moniales exemptas etiam in ordine ad clausuram. Ita Navar. Sanch. Tamburin. Miranda, Pellizar. & alii, & hanc sententiam probabilem putat Thom. Del Bene de Immunit. c. 14. dub. 22. nu. 20. Nihilominus certissimè tenendum est, competere Episcopis auctoritate delegata monialium exemptarum clausuram tam materiale, quàm formale custodire, Clarè habetur ex constitutione Gregorii XV. quæ incipit *Inscrutabili*, & Secra Congreg. pluries censuit, licere Episcopo quoties opus esse judicaverit, monasteria Monialium Regularibus subiectarum quoad clausuram visitare, monialesque ipsas in his, quæ ad clausuram pertinent, alloqui, & examini subicere absque Regularium interventu, & ipsis inconsultis, & scribens Archiepiscopo Mediolanensi dixit; Episcopus visitans clausuram monialium Regularibus subiectarum potest ipsas examinare in his, quæ pertinent ad clausuram, & potest etiam sermonem habere ad Moniales intra, vel extra ad crates, & Sacramenta ministrare, die 23. Martii 1578. & die 24. Aprilis 1579.

Quod autem custodia clausuræ in monasteriis exemptis demandata sit etiam formaliter, habetur ex Sac. Congreg. Episc. & Regular. quæ censuit, quod Moniales Regularibus licet subiectas alloqui nemo possit absque licentia Episcopi vel ejus deputati, die 24. Augusti 1594. quod censuit etiam in Urbinaten. die 13. Martii 1663. Cum enim quæreretur, an in edicto, quod nemo ingrediatur monasteria Monialium, vel cum ipsis loquatur sine licentia Archiepiscopi, possint comprehendi Moniales Sanctæ Clara exemptæ à jurisdictione Archiepiscopali.

Sacra Cc. respondit affirmativè. Demum hoc declaravit Sacra Congregat. Concil. approbante Clemente IX. die 11. Maji 1669. quod Decretum confirmatum etiam fuit ab Innocentio XI.

Quar. 8. An prædicta facultas competat locorum Ordinariis cumulativè quoad Superiores Regulares, vel privativè.

Resp. Spectare cumulativè. Ita Sac. Congreg. Episc. in *Fossanen.* 31. Augusti 1658. independentè tamen à Superioribus Regularibus. Ita quòd Superior Regularis non possit prætere visitare velle clausuram monialium sibi subjectarum simul cum Episcopo, vel assistere ejus visitationi; eadem Sac. Congreg. in *Fulginaten.* 10. Januarii 1648.

Quar. 9. An, si aliquod monasterium habeat privilegium, quòd non possit nisi semel ab Episcopo visitari, hoc tamen non obstante visitari possit, si occurrat aliquod fortuitum, ratione cujus probabiliter timeri possit, quòd clausura passa sit aliquod detrimentum.

Resp. Posse visitari. Ita Pasqual. in *Lauret. num.* 29. Quia privilegium, quòd possit tantum semel visitari, non excludit casus extraordinarios, pro quibus visitatio clausuræ est moraliter necessaria. Cum enim valde intersit monasterio, & utilitati singularum monialium perfecta observantia clausuræ, vergeret in detrimentum Monasterii, si non posset applicari remedium, quòd à Concilio institutum est pro tali observantia; & idè talis applicatio non excluditur à privilegio, quòd cum sit concessum in commodum, & favorem Monasterii, non debet effectum contrarium operari, juxta regulam juris l. *Nulla juris d. ff. de legib.*

Quar.

Quar. 10. Quomodo Monialium clausura debeat custodiri.

Resp. Monialium clausura ita debet custodiri, ut sit circumsepta altis mœnibus, ne à vicinis, quicumque isti sint, & ex eorum ædibus monasteria inspiciantur. Et idè pro opportuno remedio potest Episcopus extollere murum viridarii Regularium, sumptibus, cui de jure, Sac. Congreg. Concil. in *Urbinate*. 10. Martii 1663. & claudere fenestras saltem vitreis speculis, si non respondeant in clausuram, ita ut non possint aperiri. Ita etiam fenestræ omnēs, quævis, & quævis alia foramina regularium respicientia in hortum, & clausuram monialium, omninò claudenda sunt, Sac. Congregat. Episc. in *Amerina* 23. Decemb. 1603. nulloque modo debet esse prospectus in monasteria monialium, & è contra, ne quidem à fenestris turris campanariæ alicujus Ecclesiæ vicinæ, ut in *Portugallensi*. 16. Aprilis 1605. sed pleno muro fenestræ debent obstrui, ut in *Aquilana* 31. Julii 1612. etiam illæ, quæ sunt in monasterio monialium per quas videre possunt, ac videri, ut in *Parmensi* 28. Novembris 1636. Quinimò prohibetur monialibus sub gravibus pœnis usus telescopii, seu conspicii tabulati longioris, ut in *Anconitana* 1. Octobris 1647. Nec alicui debet permitti ædificium tollere, si per illud habeatur prospectus in Monasterium, ut in *Interamneni* 15. Maii 1612. suntque demoliendæ mansiones constructæ in vinculo intermedio, & claudendum est ambulatorium, quod à tecto monasterii imminet, eique prædominat, ut in *Affisien.* 11. Junii 1653. non obstante qualibet appellatione, vel recurso, ut in *Conversanen.* 8. Augusti 1653.

Quar. 9. Quanam veniant nomine Monialium, quæ clausuram servare debeant.

Resp. Venire omnes illas fœminas, quæ professionem emittunt in religione approbata, & in congregatione vivunt, cujuscunque Ordinis sint. Unde si aliquæ fœminæ solemnem professionem facerent hac conditione, ut in domo propria manerent, non tenerentur ad clausuram, quia jura obligant ad clausuram moniales in congregatione viventes, Contrarium dicendum est de illis, quæ in Congregatione vivunt, quamvis tempore professionis habuerint animum non se obligandi ad clausuram, cum onus clausuræ non oriatur à voluntate monialium, sed ex dispositione summorum Pontificum moniales professas ad clausuram obligantium. Videatur *Miranda tract. de monial. q. 1. ar. 4. concl. 5.* Fœminæ verò, quæ non sunt veræ moniales, quamvis aliqua vota simplicia emittant, clausuræ legibus non ligantur, etiam si vivant collegialiter, atque sub obedientia vel spontanea, vel etiam privato voto, aut pacto promissa; nisi tamen habuerint statum ab Ecclesia pro religioso approbatum, & in eo tria vota substantialia emiserint. Solummodo tenentur ad observantiam Constitutionis S. Pii V.

§. II.

De Licentia ad ingrediendam clausuram requisita.

Quar. 1. **C**uinam competat concedere licentiam ad ingrediendam clausuram.

Resp. Soli Episcopo competere jus concedendi licentiam ad ingressum auctoritate quæ-

quidem propria in Monasteria sibi subiecta, auctoritate verò delegata in iis, quæ Romano Pontifici immediatè subsunt. Quoad monasteria verò exempta, & Regularibus subiecta, licet Franciscus Leo, Quaranta, & alii, immò & Sac. Congreg. Concil. antiquitus tenuerint ad Superiores Regulares spectare licentiam huiusmodi concedere, nihilominus eadē Sac. Congreg. sub die 13. Novemb. 1610. statuit, & decrevit, ut deinceps intra huiusmodi septa nemini ingredi, nec alloqui liceat, nisi licentia concedenda in casibus necessariis, qua moniales respiciant, ne dum à Superioribus Regularibus dictorum Monasteriorum, sed etiam à locorum ordinariis obtenta fuerint, non obstantibus quibuscunque contrariis, legibus, statutis, & consuetudinibus immemorabilibus, Immò eadem Sac. Congreg. sub die 21. Maji 1630. Urbano VIII. approbante, statuit, & decrevit, in illis locis, in quibus adest consuetudo, ut licentiæ huiusmodi ab Episcopis tantum concedantur, talem consuetudinem esse observandam, & ipsorum Episcoporum tantummodò licentias sufficere etiam privativè quoad ipsos Regulares. Idem fuit resolutum in Auximana die 15. Julii, & in Perusina die 12. Augusti 1645.

Quar. 2. Quinam alii possint prædictam licentiam concedere.

Resp. Posse Vicarium Generalem, si ad hoc habeat speciale mandatum, non enim sufficit generalis facultas, ut declaravit Sac. Congreg. teste Suarez de Relig. t. 4. tract. 8. lib. 1. cap. 10. num. 11. Capitulum quoque, Sede vacante, ejusque Vicarium etiam quoad monasteria exempta, quia succedit etiam in jurisdictione delegata, quando hæc est in perpetuum commissa muneri episcopali, ut di-

ximus *cap. 6. §. 2. quest. 2.* Item Episcopum electum, & confirmatum, quamvis non consecratum, cum possit jurisdictionem exercere, *cap. transmissam de elect.* tum Abbates sæculares, tum similes Abbates inferiores habentes jurisdictionem quasi Episcopalem, si habeant monasteria sibi subiecta, *Cassian. à S. Elia v. Clausura n. 114.* Ubi viget consuetudo, quod Superiores Regulares concedant dictam licentiam pro monialibus sibi subiectis, pollent hac facultate Provinciales, quia veniunt nomine Superiorum, cum sint veluti Episcopi quoad jurisdictionem respectu suorum subditorum, non verò veniunt Prælati locales. Poterunt tamen Generales, vel Provinciales committere hanc facultatem alicui Prælato locali, qui item sit Prælatus localis monialium, secus non possent committere, ut advertit *Suar. loc. cit. cap. 10. num. 14.* quia Tridentinum vult, solis Superioribus hanc facultatem competere, tales autem simpliciter dicunt illi, qui sunt in capite. Oppositum sustinet *Pasqual. in Lauret. num. 31.*

Quar. 3. An Abbatissa possit dictam licentiam concedere.

Resp. De jure ordinario non potest. Ita *Monach. cap. periculos. num. 1. & 2. de statu regular. in 6. Dominic. num. 10. Franc. num. 5. & alii,* quia illi est licentiam dare, cuius est clausuram indicere, potest tamen ei competere per delegationem Superioris, *ex cap. 1. de stat. regular. in 6. & tradunt Navar. Grass. & Manuel,* quos refert, & sequitur *Sanchez loc. cit.* Nunquam tamen ex natura rei excluditur Abbatissa, aut monasterii consensus ultra Superioris facultatem ad ingrediendam clausuram, quamvis sit dubilis casus, quod Prælatus possit licentiam concedere, ac cogere
ne

ne moniales ingressum impedian, & hoc pendet ex modo jurisdictionis; & causæ hîc. & nunc occurrentis. *Cassian. sup. n. 105.*

Quar. 4. An licentia ingrediendi monasteria monialium debeat esse in scriptis.

Resp. Affirmativè. Constat ex illis verbis Concilii: *Licentia in scriptis obtenta*. Et proinde deficiente scriptura, licentia erit nulla, quia non servabitur forma in concessione a Concilio præscripta; ablativum enim absolutum importat conditionem, *l. a testatore, ff. de condit. & demonstr.* & notant communiter Doctores; & proinde importat etiam formam, *Bal. in Authent. Matri & Avia. Surd. cons. 371. num. 69.* & idè in forma specifica impleri debet; ita ut si non impleatur, actus sit nullus. *Merlin. decis. 247. nu. 10.* Hinc si Superior generalem licentiam ingrediendi concedat omnibus illis, quos Abbatisa, vel Confessarius necessarium esse judicaverit, debet in scriptis hanc concessionem facere; quia illa concessio est vera licentia pro ingressu, ita *Sanche. & Castro Pal. p. 3. disp. 4. quest. 10. §. 2. num. 6.* Verùm si quis ingrediatur cœnobia monialium cum licentia oretenus tantùm concessa, non peccare mortaliter, nec pœnas incurrere, sentire videtur *Sousa*, quia defectus scripturæ censetur levis. Immo *Homobonus, & Bellochius*, quos refert, & non rejicit *Diana part. 3. tract. 2. nes. 129.* docent absolutè non requiri licentiam in scriptis, nisi quoad forum exterius; nam in interiori animæ foro, in quo veritas attenditur, sufficit, ut consensus jure naturali requisitus interveniat. Quod admittit etiam *Lamas. in Methodo curat. in append. §. 6.* quando causa est clara, ut in ingressu Confessariorum, Medici. Chirurghi, & aliorum hujusmodi necessariorum monialibus, quia omnes isti excipiuntur:

in cap. periculoso, juxta Gloss. v. *causa de stat. Regular. in 6.* Attamen illas excipi, negat Sauch. *ubi supra num. 33.* quia Concilium absque ulla exceptione licentiam in scriptis requirit.

Quar. 5. An hujusmodi licentia debeat esse specialis.

Resp. Affirmativè, ita ut non sufficiat, si facultas alicui concedatur ad quoscunque actus, quos Superior potest concedere, habetur expresse *in d. cap. periculoso, nisi specialis licentia*. Non tamen per hoc est invalida licentia generalis, ut omnes Medici, Chirurghi, bajuli, alique similes ingrediantur, quia licet sit generalis quoad personas, tamen est specialis quoad licentiam ingressus. *Miranda de Monial. q. 2. art. 4.*

Quar. 6. An in aliquo casu possit quis ingredi clausuram sine licentia nec in scriptis, nec ore tenus concessa.

Resp. Posse, quotiescunque ex dicte licentiæ expectatione grave damnum immineret. Non enim lex humana obligat cum eo rigore. Navar. Graff. & communiter. Unde si contingat, quod aliquis Sacerdos simplex sive regularis, sive sæcularis vocetur ad ingredendam clausuram, ut confessionem monialis ex inopinato casu morientis audiat, vel extremam unctionem administret, potest, & tenetur ingredi, confessionem excipere, ac extremam unctionem ministrare. Similiter in casu incendii, ruinæ monasterii, violentiæ illatæ; & similium eventuum, licitum est monasteria ingredi absque licentia.

Quar. 7. An saltem in prædicto casu postulanda sit licentia ab Abbatisa.

Resp. Si Abbatisæ commissa sit facultas licentiam concedendi, certum est ab Abbatisa

tiffa esse expostulandam. Si verò talis facultas non sit commissa, variant Doctores, an eius sit postulandus consensus. Affirmant Rodriq. & Sanchez, quia credendum est, Prælatum pro his casibus urgentibus, quibus consuli non potest, vices suas Abbatissæ commisisse, ut sic maiori cum decencia ingressus fiat, & quoad fieri potest, lex de præmittenda licentia observetur. Sed cur in his casibus sustineri non potest, Superiorem, immò & Papam immediatè licentiam impertiri cuicunque alteri ad occurrendum monasterii indigentis necessariò? Idèd non esse postulandum ab Abbatissa talem licentiam, docent Navar. Graff. & plures alii,

Quar. 8. An licentia absolutè, & indefinitè concessa extinguatur prima vice.

Resp. Castro Pal. *loc. cit.* & alii putant pro unica vice tantùm valere, tum quia est dispensatio in lege, & idèd stricti juris, tum quia sermo simpliciter prolatus præsertim in odiosis intelligitur de unica vice, *l. Boves, §. hoc sermone, ff. de verb. significat.* Contrarium sustinent alii, præsertim Januar. *de casib. reserv. res. 28.* quia sermo indefinitus equivalet universali. Censeo cum Pasqual. *in Laurent. n. 31. §. est etiam*, quòd inspicienda sit causa, quæ moveat ad concedendam illam licentiam, quia accipit declarationem ab ipsa, quare si causa requirit plures actus, eandem extensionem recipiet etiam licentia. Hæc tamen doctrina non habet locum in licentiis concessis a Papa, quia ut plurimum non respiciunt indigentiam monasterii, sicuti respiciunt licentiæ concessæ ab Episcopo, vel aliis Superioribus, quæ concedi non possunt nisi ex causa necessaria, undè illæ debent strictè interpretari. Quare si Pontifex concedat ali-

cui,

234 *De causa concedendi Licentiam.*
cui, quòd tribus vicibus ingredi possit tria monasteria, non poterit ingredi tribus vicibus singula monasteria, sed semel tantum, quia numerus trium respondebit numero monasteriorum. Ita declaravit Paulus V. in Constitutione, quæ incipit *Facultatum sub die 1. Septemb. 1608.*

§. III.

De Causa requisita ad concedendam dictam licentiam.

Quar. 1. **Q**Uænam causa requisita ad hoc, ut dicta licentia concedi possit.

Resp. Debet esse causa necessaria, ut habet Concilium, qua deficiente licentia erit nulla ex defectu potestatis, quia conceditur solum pro casibus necessariis. Ista autem necessitas, non est necessarium, quòd sit absoluta, sed sufficit quæcunque necessitas, quæ, attentis circumstantiis, exhibeat rationabilem causam. Quia decretum Concilii sumit declarationem à jure communi; de jure autem communi sufficit rationabilis causa, quæ debet esse manifesta, ut *in eis. cap. periculoso*, & ita cum aliis notat Tamburin. *disp. 24. q. 1. n. 1.* & Barbof. *loc. cit. n. 48.* Sufficit tamen quòd sit manifesta soli Prælato, quia solius Prælati est iustitiam causæ judicare. Ita cum Lezana. Bonac. & Rodriquez; Del bene *de immunit. c. 19. dub. 39. num. 3.* ubi addit sufficere quòd sit manifesta soli Prælato moraliter, idest quòd probabiliter judicet, esse justam, quia in moralibus probabilitas sufficit ad rectè operandum; secus si causa fuerit tantum dubia, Sanch. Taburin. & Barb. *loc. cit.* ubi dicit minorem causam requiri pro ingressu feminarum, quàm viro-

virorum, & pro ingressu diurno, quàm nocturno, quia minùs est indecens; & pro ingressu matris, aut sororis, vel alterius confanguineæ, quàm extraneæ, quia magis pietatem concernit; & pro ingressu in priora receptacula, quàm in officinas interiores, & cubicula, quia minùs clausuram offendit. Hoc tamen non placet Bonac. *de claus. q. 4. punct. 4. n. 2.* Quia monialium clausura formaliter violatur tam ingressu feminarum, quàm virorum, & tam ingressu ad loca propè januam, quàm ad longè remota.

Quar. 2. An necessitas, quæ requiritur ad concedendam licentiam, debeat se tenere ex parte Monasterii, vel sufficiat, quòd se teneat ex parte extraneorum.

Resp. Necessitatem debere se tenere ex parte monasterii, nulloque modo sufficere, quòd sit ex parte extraneorum, Bonac. *loc. cit. n. 8.* Quia ingressus in monasterium tantummodò permissus videtur ob monasterii utilitatē, seu necessitatem, nisi jus naturale, aut divinum aliud suadeat. Sac. Congreg. *in Ravenaten. 9. Septemb. 1611.* Unde non licet Episcopis licentiam concedere, vel permittere mulieribus ex causa litium matrimonialium, vel adulteriorum, aut dissensionum inter viros, & uxores, ut securitatis gratia sequestrentur apud monasteria monialium. Immodò ingredientes etiam ex tali causa, & cum hujusmodi permissione, vel licentia incidere in excommunicationem à Concilio impositam tradit ex Sac. Congr. *in Salamantina Diana part. 3. tract. 2. res. 30.* quā licentiam Sac. Congregatio rarò, & cum difficultate concedit. Pro casibus tamen repentinis præcisè necessitatis consuevit ab Ordinariis, & Legatis anticipari licentiam obtinendo pro aliquo parvo numero

mero, *in d. Ravenat.* Neque talis licentia concedi potest ad effectum collocandi in monasterio virginum aliquam mulierem, ne revertatur ad vomitum, *in Mediolanen.* 18. *Aug.* 1588. Neque ad docendum aliquam artem, puta le-rici, vel texture, nisi cum conversa perita non poterit reperiri, *in Mediolan.* 11. *Martii* 1586. *ac alibi.* Neque regulariter ad conficiendum panem, *in Ravenaten.* 15. *Julii* 19. *Augusti* 1603. Neque aquam inferendi gratia, ingredientium, & egredientium mulierum continua conversatio permittenda est, sed intus accomodentur cisternæ, *in Alatren.* 3. *Maij* 1603. Multo minùs videndi comedias, vel repræsentationes recitatas à monialibus, neque de licetia Ordinarii, *in Anconitana* 4. *Septemb.* 1627. Possunt tamen Ordinarii jure proprio, puellas, de quibus controvertitur, in monasteriis collocare ad tempus, donec lites finiantur, *Pignatel. t. 8. conf. 47. num. 42. ex Sac. Congregat.*

Quar. 3. An qui licentiam ingrediendi obtinuit ex justa causa, quæ suberat tempore concessionis licentiæ, sed tempore ingressus cessavit, tutus sit in conscientia ingrediendo.

Resp. Ex Bonacina *loc. cit. num. 19.* negativè, quia cessante causa dispensationis, cessat dispensatio. Neque pariter est tutus in conscientia ingrediens cum licentia ex falsa causa concessa, licet tempore ingressus justa causa superveniat; quia cum hujusmodi licentia ob defectum causæ fuerit nulla, superveniente causa non validatur, quod enim ab initio nullum est, tractu temporis non convalescit. Neque licitus est ingressus, si Superior conscius nullitatis causæ, nihilominus licentiam concedat. Quia ad validitatem licentiæ non sufficit libera voluntas concedentis, sed vo-
lun-

luntas prudentis arbitrio accomodata, ut benè Menoch. *lib. 1. de arbis. q. 8. n. 45. & 49.* Tum quia talis licentia est irrita, quia deficit conditio, scilicet iusta, & urgens causa, sub qua conceditur Episcopis facultas tales licentias concedendi, *ut in cit. c. periculoso*, deficiente autem conditione deficit concessio. Menoch. *cons. 134. n. 30.* Si tamen, qui licentiam obtinuit ingrediendi sine iusta causa, bona fide ingressus est, excusatur à peccato, & à censuris; quia bona fides ab humanarum legum transgressione excusare solet.

Quar. 4. An qui clausuram ingressus est cum iusta causa, & licentia, peccet contra obligationem clausuræ, & censuris afficiatur, si finito ministerio, cuius causa ingressus est, statim non egrediatur.

Resp. Aliqui, inter quos Bordon. *res. 76. num. 74.* Sanchez, & Zerola, docent, non violare clausuram, etiam si ibi multum immoretur, quia clausura non violatur, nisi quando quis sine debita licentia ingrediatur: Alii, verò peccare censent mortaliter, quia, finito ministerio, cessat finis concessionis, & dispensationis præcepti; addunt tamen, non incurrere censuram aliquam, seu pœnam, quia ista est imposita ingredientibus sine legitima licentia; & iusta causa; Miranda, Rodriq. Barbof. *loc. cit. num. 56.* & alii, qui volunt, hoc non esse ita stricte intelligendum, ut quælibet brevis mora peccatum mortale constituat; quia hæc præcepta morali, & non metaphysico modo sunt intelligenda. Immo Diana *part. 3. tract. 2. res. 51.* cum aliis excusat etiam à veniali breviter immorantem ex motivo curiositatis, aliquantisper divertendo ad invisendas officinas. Brevis autem mora censetur esse, quæ non excedit quadrantem horæ.

238 *De Claus. quoad ingress. Prælat.*
horæ. Sic Villalob. in *sum. t. 2. tract. 35. diff.*
49. num. 1.

Quar. 5. An ingrediens cum legitima licentia ex causa necessaria, sed simul habens intentionem turpiter loquendi, vel congregandi cum moniali, delinquat contra præceptum clausuræ.

Resp. Graviter quidem peccare, sed contra præceptum clausuræ non delinquere, quia prava intentio non tollit priorem causam ingrediendi, ob quam Superior licentiam concessit. Ita videntur sentire Zerola, Sanchez, & Rodriq. apud Bonacinam *loc. cit.* ubi addit, quòd non improbabiler dici potest, peccare etiam contra præceptum clausuræ, quia licet ingressus non sit illicitus ex priori causa, est tamen talis ex posteriori.

§. IV.

In Clausura quoad ingressum Prelatorum.

Quar. 1. **I**N quibus casibus possint Episcopi, vel Superiores ingredi monialium clausuram.

Resp. Visitationis gratia, seu alterius rei necessariæ ingredi possunt monasteria monialium sibi subjectarum; similiter ut visitent officinas, dormitorium, cellas, supellectilem, aut ad ædificium construendum, vel ruinam minans. Et tandem in iis casibus necessariis, & urgentibus, in quibus licentiam aliis dare possunt, si enim possunt in his dispensare cum aliis, cur etiam non poterunt cum se ipsis? Miranda de Monial. *qn. 2. ar. 14. concl. 111.*

Quar. 2. An possint ingredi clausuram sub
præ-

prætextu interveniendi electioni Abbatissæ, aut examinandi moniales particulares.

Resp. Non posse sub pœnis à sacris Canonibus, & Constitutionibus Pontificiis latis, præsertim Greg. XIII. *const.* 8. & *const.* 27. incipien. *Deo Sacris*. Ratio est, quia prædicta peragi possunt ad monasteriorum crates. Sac. Congreg. Concil. in *Siracusana* 16. Octob. 1600. Barbof. v. *monialium clausura circa ingressum* n. 2. Limita tamen cum Lantusca in *Theatr. Regul. v. Clausura monial.* n. 1. nisi Prælati prudenter judicent, non posse dictam electionem canonicè fieri ipsis non intrantibus, ob inquietudinem monialium, & suspicionem subornationis vortorum inter ipsas subortæ, aut ob alias causas justas à Superioribus prudenter examinandas. Ita etiam Barbofa *de jur. Eccles. lib.* 1. c. 44. num. 171. ubi fatetur, Sac. Congreg. die 13. Novemb. 1583. decrevisse, non posse ingredi Superiores monialium monasteria sibi subiecta prætextu dandi habitum Novitiis, vel illas ad professionem recipiendi, aut Abbatissas consecrandi, vel solemniter velum concedendi monialibus. Ex quibus deducit Sanchez, non esse integrum Episcopis ingredi, ad Sacramentum Confirmationis ministrandum alicui moniali, nisi in periculo mortis.

Quar. 3. An Cardinales, & Episcopi ordinarii locorum ingredi possint clausuram monialium sibi non subditarum in eorum diœcesi sub aliquo prætextu etiam visitandæ clausuræ.

Resp. Non posse, quod probatur *ex cap. periculoso*, & *ex Conc. Trident. sess. 25. de reformat. cap. 5.* Et signanter de Episcopis resolvit Barbof. *de Potest. Episc. alleg.* 102. n. 42. cum ibi adductis, & Aldan. in *compend. can. resol. lib.* 3. tit. 20. n. 8. testatur sic resolutum in una

Iannu. 10. Maji 1631. Neque Cardinales Legati habent potestatem visitandi moniales, & ingrediendi clausuram, *ut in Bononien. 30. Septemb. 1650.* approbante Innocentio X. Neque Vicelegatus potest ingredi sine Episcopi licentia, ut declaravit Sac. Cong. Episc. 9. *Martii 1604.* Neque inquisitores, nisi ex causa S. Officii, ex Congreg. S. Officii 16. *Februarii 1628.* Neque Magistratus, & deputati ad curam monialium debent ingredi cum Episcopo, nisi eos elegerit, ex eadem Sac. Congreg. 1. *Martii 1581.* Neque permittere debet Episcopus deputari à Civitatibus aliquos, qui committentur Visitatores Monialium Regularibus etiam subjectarum, prout decrevit eadem Sacra Congreg. 12. *Jannarii 1616.*

Quar. 4. Quibus in casibus Generales, Provinciales, & Visitatores possint intrare monasteria monialium sibi subditarum.

Resp. Extat circa hoc Constitut. Alexandri VII. quę incipit *Felici*, in qua sic habetur. *Infrasines Italia, & Insularum adjacentium Generalibus, Provincialibus, Abbatibus, & quibuscumque aliis Superioribus Regularibus alioqui cura, & regimen monasteriorum Sanctimonialium quovis modò incumbit; intra septa eorundem monasteriorum nullatenus ingredi liceat, nisi ex causa Visitationis localis, & hoc semel tantum in anno, ita ut in anno, in quo unus ex memoratis Superioribus visitaverit, alius Superior à Visitatione hujusmodi se omninò abstineat. Quòd si ob clausuram, quæ à Sancta Tridentina Synodo, etiam in monasteriis exemptis, curę, & vigilantia Episcopi in primis committitur, aut ob aliam urgentem, ac necessariam causam oportuerit Superiorem Regularem eodem anno pluries ingredi septa monasterii, tunc non aliter ingrediatur, quàm cum presentia Episcopi*

scopi Diocesani, vel alterius persona Ecclesiastica secularis boni exempli, ac matura ætatis ab ipso Episcopo ad hoc specialiter deputata. Visitet autem Superior Regularis interiorem clausuram per se ipsum, non autem per alium etiam si fuerit legitimè impeditus, quo casu differatur visitatio in aliud tempus, quo cessaverit impedimentum, & visitationem celeriter & unica die, debita tamen cum diligentia absolvat, nec post occasum protrahat, neque ipse Visitator, neque ejus Socii ullam sumant in monasterio refectionem.

Hinc clare deducitur, non posse Generalem Ministrum Fratrum Minorum ingredi monasteria monialium S. Claræ, quando ibidē celebrare voluerit, vel proponere Sororibus verbum Dei. Quod etiam adnotavit Barbosa *d. delegat. 102. num. 45.* tum ex Gregorii XIII. *cit. Constit.* in qua revocantur omnia privilegia tum quia celebrationem, aut prædicationem verbi Dei intra monasteria fieri non est necessarium, siquidem per fenestrellam videre, & audire possunt ipsæ moniales Ingressus autem non conceditur nisi ex causa necessaria quare Superiores ingredienti incurrerent pœnas, de quibus *in d. Constit.*

Quar. 5. Quot personas secum possint ducere Prælati Regulares in actu visitationis monasteriorum Sanctimonialium.

Resp. Ex *cit. Constit.* Alexandri VII. Si visitet Generalis, potest secum habere duos Socios sui ordinis; si alius à Generali, unum tantum, exclusis omnibus aliis etiā ratione officii. Qui quidem Socii assumantur exemplares, & maturæ ætatis, & in actu visitationis à Visitatore nunquam separentur, sed eum aspicere, & ab ipso aspici semper possint. Ac præterea Visitatori assistant quatuor

moniales ex senioribus monasterii, quæ similiter Visitatione durante nunquam separentur à Visitatore, & Sociis.

Quar. 6. Quot, & quales personas conducere debeant Episcopi, & alii monialium Prælati, quando in casibus permixtis ingrediuntur clausuram.

Resp. Gregorii XIII. in *sua cit. Constitut.* in qua decernit, Episcopos, & Prælatos monialium debere ingredi clausuram cum comitatu, nullum verbum facit de numero personarum comitantium, sed paucos debere esse statuit, à paucis, iisque senioribus, ac religiosis personis comitati. Miranda ad tres socios extendit. Victorellus verò, & Bonacina quatuor, vel quinque socios seniores, & religiosos comites admittunt, & addunt, quòd si ratione ædificii construendi cum Episcopo, vel alio Superiore monialium architectus, vel alius operarius ingrediatur, dictis tamen senioribus & religiosis comitibus uti debent Episcopi, vel Superiores, quia architectus. vel alius operarius non ingrediuntur tanquam comites sed ut artifices.

Quar. 7. Quinam veniant nomine personarum religiosarum, quas possunt Episcopi, & alii Superiores assumere in comites.

Resp. Non tantum venire regulares votis religionis adstrictos, sed etiam sæculares religiosi moribus, & christiana pietate decoratos. Non veniunt tamen Matronæ seniores christianis virtutibus insignes, licet verba personis comitati sint apta comprehendere etiam fœminas; nullibi enim usu receptum est, quod motronæ quamvis sanctimonia claræ in comitatum adhibeantur. Ita ex Vittorello Tamburinus *disp. 24. quæst. 10. num. 4.* qui *quæst. 5. num. 6.* asserit prædictos Prælatos

in casibus concessis ingredientes, si ducant personas non religiosas, nec senes, & plures quàm quinque, aut etiam si soli ingrediantur, non affici excommunicatione lata in prædicta Gregoriana, quia pœnæ hujus Bullæ extenduntur tantùm ad ingredientes in casibus non necessariis.

§. V.

De Clausura quoad Officialium, aliorumque ingressum.

Quar. 1. **A**N, & quando Medicus, alique Monasterio inservientes possint ingredi clausuram.

Resp. In omnibus casibus necessariis posse ingredi, servatis servandis, juxta dicenda, cum debita Superioris licentia, quæ singulis quibusque trimestribus debet renovari ex decreto Sac. Congreg. Regularium 27. Martii 1588. & in Placentina 6, Junii 1614. Medicus debet associari à duobus, Vel tribus monialibus antiquioribus, debetquè ingredi sine socio, aut alio Medico, nisi morbus sit valdè gravis, quia in tali casu possunt etiam plures intrare ad invisendam decumbentem. Barbos. loci cit. num. 57. Nomine medici non venit tantùm graduatus, sed quilibet peritus in arte ad effectum, ob quem ingreditur. Ita ex Miranda notat Barbos. num. 53. quia medicus dicitur non à dignitate, sed à medendo. Unde si aliqua fœmina prægnans clausuram ingrediatur de licentia Prælati, poterit de licentia ejusdem ingredi obsetrix, ad illam juvandam in partu. Portel. Tamburin. disp. 24. q. 1. n. 5. & alii.

Quar. 2. An Medicus sub initium quadra-

Infirmæ possit ingredi, ad cognoscendum, quæ moniales possint, ac debeant dispensari super jeuniis, & esu ciborum quadragesimalium.

Quar. Nō posse: cessat enim in hoc casu necessitas, quia hoc præstari potest ad crates. Posset tamen ingredi ad invisendā Monialem decubentē in lecto, quæ de propriā valetudine dubitat, ut ex ictu pulsus veritatem exploret, quamvis sine magno salutis damno ipsa posset ad cratē descendere, tametsi ex sola erubescētia hoc faciat. Bonac. Tamb. *q. 6. n. 2.*

Quar. 3. An medicus extraordinarius possit ad libitum monialium loco medici ordinarii ingredi clausuram.

Resp. Non posse, quia licentia limitata limitatum parit effectum; unde cum licentia Medici extraordinarii sit concessa tantum in defectum medici ordinarii, & quando simul cum ordinario est habendum collegium, cessante tali causa cessat licentia. Barchius in *Speculo Monial. c. 8.*

Quar. 4. An, & quando Chirurgus, & Pharmacopola possint ingredi clausuram.

Resp. Posse Chirurgum ingredi ad minuendum sanguinem, quia est officium infirmæ salutis necessarium, nec illud valent moniales exercere; non debet tamen ingredi nisi cum hoc medicus opus esse judicaverit, aut si aliqua monialis consuevit ad præcavendū morbum se aliquoties minuere, quod tamen fieri debet ex consilio Præfectæ, & Discretarum monasterii. Barbof. *loc. cit. num. 54.* Pharmacopolæ autem raro licet ingressus, cum possit portionem extra clausuram præparare, & mediis monialibus infirmæ porrigere. Si tamen aliquando opus sit moniales docere, quomodo medicamenta aliqua sint præparanda, idque non possit extra clausuram præstari, posset clau-

clausuram ingredi, quia est moralis necessitas. Sanchez *lib. 6. c. 16. n. 59.*

Quar. 5. An Oeconomi, Factores, Syndici, & Notarii possint ingredi clausuram.

Resp. Posse, quotiescunque necessitas urget, cui aliter consuli nequeat. Huiusmodi necessitas est, si quærendum esset aliquod instrumentum in Archivio aded scripturis variis pleno, ut ad crates eas deferre pro recognitione moniales non possent sine notabili incommodo, & sufficiente ad dispensandum in legem. Idem erit in casu magnæ necessitatis puta ad iudicandum de imminente periculo, ac ruina ædificii &c. ita Sanchez, & alii. Item si contingat, Novitiam, aut puellam intra clausuram commorantem infirmari, ideòque velit per testamentum de suis bonis disponere, debita obtenta licentia, poterit Notarius cum necessariis testibus ingredi. Naldus, *v. Monialis n. 14.* & Gavant. qui testatur ita declarare Sac. Congreg. de anno 1595.

Quar. 6. Quid dicendum de aliis operariis ad monialium servitium necessariis.

Resp. De legitimi Superioris licentia possunt ingredi clausuram ad exercenda suæ artis opera, quæ commodè extra monasterium exerceri non possunt. Sic possunt ingredi fabricatores, hortulani, fabri lignarii, putearii, putatores, molitores, & similes artifices. Advertendum tamen cum Tamburino *cit. qu. 6. nu. 9.* habentem licentiam ingredi pro uno servitio, non posse ingredi ad aliud servitium præstandum; cum licentia non se extendat ultra opera suæ artis. Item ingredi possunt rustici ad deferenda ea, quæ ferri non possunt à monialibus. Item pictor ad pingendam scenam in monasterio constructam. cum enim ex consuetudine permittantur

monialibus aliquæ piæ repræsentationes, consequenter debent etiam concedi ea, quæ ad illas sunt necessaria, ut est in præsentī casu opera pictoris, supposita scena jam constructa; aliàs posset scena per partes pingi extra clausuram, antequàm simul componatur, & ita debet communiter observari. Cassianus *v. Clausura* n. 80. Marchet, in *Prax. Vic. Capit.* p. 2. tit. 16. num. 24. & 25. De Sutoribus, & Sartoribus dubitant Doctores an possint ingredi clausuram; communis opinio sustinet; non posse, quia suæ artis opera commodè ad monasterii januam valent præstare. Hoc non approbat Sanch, *loc. cit.* n. 3. quoad sartores, quia putat moniali vestes commodè aptari non posse, nisi immediatè corpus dimetiantur, quod extra clausuram æquè benè præstari nequit; quæ opinio non improbabilis videtur Cassianus *loc. cit.* si talis sit usus, sciente, & consentiente Superiore; quod tamen nullatenus placet Castro Pal. *disp.* 4. par. 3. punct. 10. §. 3. n. 11.

Quar. 7. An loco bajuli deputati ad ferenda onera, quæ à monialibus gestari nequeunt, possit alius intrare Monasterium.

Resp. Juxta Tamburini, Barchii, & Polacchi sententiam non posse; oppositum tamen deducitur ex Sanchez *cap.* 16. num. 16. casu quo in licentia data, ut bajulus ingredi possit, hic aut ille bajulus non exprimat. Ratio est quia licentia indeterminata quoad personas, & determinata quoad ministerium, non afficit personas, sed ministerium, quia conceditur ob causam; quæ militat in tali ministerio, unde exercentes tale ministerium ut qualificatum tali licentia, trahunt etiam talem licentiam; sicuti inhabilitantes locum qualificatum aliquo privilegio, trahunt

hunt etiam ipsi illud privilegium. Unde Sanchez *loc. cit.* excusat sceminam, quæ cum sit nobilis, nihilominus cum licentia ingreditur ad exercenda ea, quæ sunt propria vilioris famulæ, sed monialibus necessaria, & re ipsa occupatur in illis, ut sic videre possit curiosè monasterium. Si verò talem prætextum assumeret sine animo exequendi dictum officium, nec de facto intenderet illud præstare, illicitè ingrederetur, & violaret præceptum, quia sic non haberet justam causam à jure petitam, sed in fraudem faceret dicti præcepti.

Quar. 8. An si Artifici concedatur licentia ingrediendi cum famulo, iste intrare possit sine domino.

Resp. Negativè, quia famulus participat licentiam dependentem à domino, & ratione attinentiæ ad illum. Ita Barch. in *Speculo*, cap. 8. qui limitat, quando ex impedimento occurrente dominus non posset ingredi, aut ingressus cogeretur egredi, dummodò non omninò deferat opus assumptum, aut abesse non debeat pro majori parte diei. Opposita sententia, quam refert, nec rejicit Cassianus *loc. cit. num. 76.* non improbabilis videtur; nam dictio illa *cum* posita in tenore licentiæ, æquivalet dictioni, & Bartol. in *l. si quis Attio de usufr. acc. & nos. in l. triticum de verb. sign.* Dictio autem, &, facit copulatos æqualiter admitti ad participationem licentiæ, juxta ea, quæ notant *per text. l. reos §. cum in talibus ff. de duobus reis*, Gomez. *var. resol. cap. 11. num. 19. r. 2.* Gonzalez *ad regul. 8. Cancell. glos. 3. num. 16.* Cened. *Singul. 50. num. 20.* Et idè dominus, & famulus tanquam æqualiter participant potuerunt uti licentia absque dependentia ad invicem,

& solum erit discrimen, quod dominus participabit licentiam independentem à famulo tam quoad concessionem, quam quoad usum, famulus verò participabit dependentem à domino quoad concessionem, independentem verò quoad usum.

Quar. 9. An si deficiat, qui habet licentiā deferendi onera intra clausuram, & dictorum onerum gestatio non possit equè benè differri, liceat absque superioris venia aliū substituere.

Resp. Non licere, quia ex una parte sumus in materia zelosa, periculosa, & delicata, & ex alia parte non videtur subesse iusta causa utendi Epicheja, præsertim in re, ad quam iura requirunt licentiam in scriptis.

Quer. 9. An ad expellendum malefactorem possit iudex, & quilibet alter ingredi clausuram.

Resp. Posse; dedit enim, illum in virginum societate manere, & ex alia parte monialibus non suppetunt vires ad expellendū. Ita Sanch. Tambur. & Bonac. cum Rodriq. qui addit, quod si periculum sit in mora, non erit in tali casu necesse recurrere ad Superiorem longe absentem, sed Abbatissæ. & Discretarum consensus sufficiet, Advertit tamen Tamburinus, quod si præfatus reus extractus à monasterio gaudeat immunitate, reponendus erit in Ecclesia, neque spoliandus suo jure.

Quer. 11. An infantes nondum doli capaces & amentes possint admitti in clausuram.

Resp. Quoad infantes affirmat Barbof. *allegat. 102. n. 32.* ubi quindecim alios Doctores adducit pro sua sententia. Ratio est, quia prohibitio monialibus facta est accessoria prohibitioni ingredientium, ut manifestè colligitur ex Tridentino dicente, nemini licere intra
septa

septa monasterii ingredi. Cum ergo hi infantes nulla ingressu afficiantur prohibitionem quia nullius præcepti sunt capaces, neque moniales tenentur eos non admittere. Nihilominus moniales introducentes infantes cujusvis sexus, vel ætatis incurrere in censuras violatæ clausuræ sæpius declaravit Sac. Congreg. præcipue in *Fudertina* 7. *Aprilis* 1679. in *Neapolitana* 22. *Maji* 1580. in *Taurinensi* 10. *Junii* 1650. Unde tolerari non debet, quod puellæ licet parvulæ ingrediantur, & egrediantur ad libitum, in *Pistorien.* 24. *Februarii* 1579. Et Abbatissa, quæ hoc permittit, privatur officio, voceque passiva, *S. Severi* 8. *Maji* 1595. Amentes verò nullatenus sunt admittendi, quia ad peccatum movere possunt; unde in *cap. periculoso* dictum est, nulli inhonestæ, vel honestæ personæ ingressus patet, ut sic non tam liberè ingredientiæ, quàm etiam permittentes ingressum comprehenderentur; & quidem manifestum est, sub persona honesta, vel inhonesta hos amentes intelligi, qui & monasteria perturbare possunt, & vanis locutionibus ad malum provocare. Ita Nayar. Barbos. *loc. cit.* Rodriq. & alii.

§. VI.

*De Clausura quoad ingressum
Confessarii.*

Quar. 1. **I**N quibus casibus possit Confessarius ingredi clausuram.

Resp. In pluribus, quorum aliquos in hoc paragrapho recensebimus. Poterit igitur ingredi; si moniali ægrotanti ministrandum est Sacramentum Confessionis, Eucharistiæ, vel extremæ Unctionis. Et quidem si est pe-

riculum mortis, nemini est dubium, licere ingredi etiam de nocte, immò Superiorem ad eum ingressum obligari, si non posset aliter ea Sacramenta subditis Monialibus ministrare. Secus si verò hac extrema necessitate licitus est ingressus ob ministrandum infirmæ Sacramentum Confessionis, & Eucharistiæ, quoties ex præscripto regulæ aliis monialibus ministratur, quia ob infirmitatem deterioris conditionis esse non debet cum eo tempore magis indigeat. Item illis temporibus, quibus solita erat, Sacramenta supradicta frequentare, quia æquum non est, eo subsidio tempore majoris necessitatis privari. Sic Rodriq. Miranda, Sanch. & Barbosa *loc. cit. n. 49.* Sac. Congreg. Concil. 13. *Septemb. 1583.*

Quar. 2. Quid observare debeat Confessarius ingrediens in supradictis casibus clausuram.

Resp. Debet ingredi superpelliceo, & stola indutus, & ita debet ibi morari. Barbol. *loc. cit.* Absque diverticulo eat, & redeat, nec ad alia monasterii partem divagetur, etiam occasione visitandi alias infirmas, quibus Sacramentorum administratio minimè est necessaria. Sine socio ingreditur tam in administratione Sacramenti penitentiæ, quàm Eucharistiæ, & extremæ Unctionis. Ita Sac. Congregatione Pignatellus *l. 6. consult. 85. num. 231.* At oppositum de Confessario regulari statuit Alexander VII. in cit. Constit. ubi habet, *Nunquam ingrediatur nisi cum Socio, qui sit probata vite, & matura ætatis, semperque maneat in ea parte Monasterii, qua Confessorem videre, & ab eo videri semper possit.* Quod præstare etiam debent Comitatrices. Unde dum Confessarius audit infirmarum confessiones, cellæ janua remanere debet aperta, & ambæ Comitatri-

tatrices ad eandem cellæ januam; ita ut ibi manentes Confessarium, & infirmam commodè cernere possint, audire tamen non possint. Si infirma ad confessionale Ecclesiæ accedere commodè potest, nullo modo audeat Confessarius monasterium ingredi, ut ei Sacramentum Pœnitentiæ administret. Sacra Congreg. 13. *Septemb.* 1583.

Quar. 3. An possit ingredi ad assistendum morienti ejusque animam ritè Deo commendandam.

Resp. Possè. Tanta est enim necessitas existentium in articulo mortis, ut ei nulla diligentia par esse possit, Sac. Congreg. Episc. in *Lucen.* 29. *Martii* 1589. & 22. *Decemb.* 1620. Ad quem effectum, cùm aliqua monialis laborat in extremis, conceditur confessario pernoctatio in sua solita mansione extra clausuram, ut ingruente necessitate illicò præstò esse possit, eadem Sac. Congreg. 22. *Decem.* 1592. Potest sæpiùs ingredi, si moniali superveniant plura symptomata, per quæ probabiliter creditur mox moritura, & iis cessantibus tempus agonie ulteriùs protrahatur; & potest diuturniori tempore continuato, etiam per integram noctem assistere, si judicio medici credatur brevi moritura.

Quar. 4. An confessarius ad exequias peragendas possit ingredi clausuram.

Resp. Hanc esse justam causam ingressus, docent Sanch. Portel. Tamburin. *disp.* 24. *qu. 5.* Attamen Pignatel. 1.6. *consult.* 85. *num.* 234. refert. Sac. Congregat. declarasse, non licere confessario, neque Regularibus ingredi Monasterium sub pretextu tradendi sepulturæ cadaver alicujus monialis, aut officia funeralia peragendi; sed hoc officium, si intra clausuram peragendum est, ab aliis mo-

nialibus, vel a duobus operariis ab Ordinario approbandis peragi debere, vel si in exteriori Ecclesia humanda sit, cadaver ad portam clausuræ esse deferendum, receptumque à Regularibus ibi sepeliendum. Quod si in aliquibus locis inducta est consuetudo, scientibus, & consentientibus Ordinariis, ut Confessarius ingrediatur, censet Tamburin. *loc. cit.* esse servandam, quia habet vim legis, & est maximè rationabilis, & hæc consuetudo attendi debet etiam quoad secum ducendum socium, vel pures alios. Et hoc praticari in Galliis, & Portugallia tradunt Portell. & Victorellus.

Quar. 5. An. Confessarius possit ingredi clausuram ad effectum exorcizandi monialem energumenam.

Resp. Sacram Congreg. *sub die 10. Novembris 1582.* rescripsisse Episcopo Viterbien. quòd Sacerdos timoratæ conscientiæ, & probatæ vitæ posset ingredi clausuram ad hunc effectum præcisè exorcizandi monialem. Postea *sub die 1. Julii 1606.* statuit, quòd nulla monialis energumena intra monasterii septa à quounque presbytero sæculari, vel Regulari, etiam Confessario, exorcizetur sed ad Ecclesiam/exteriolem ejusdem monasterii (obtentâ prius à Sac. Congreg. licentia) ea de causa deducatur, vel transferatur. In translatione autem hujusmodi, sicut & in actu exorcizationis, honestæ personæ consanguineæ, vel aliæ mulieres provectæ ætatis, ac probæ conversationis energumenam comitentur. Exorcista sit ad actum hujusmodi ab Ordinario approbatus. Exorcizatio minori, quo fieri potest, fiat strepitu. Ecclesiæ janua occlusa remaneat, quousque exorcizatione completa, ad Monasterium Energume-

gumena reducatur, Cæterum tam in reditu, quam in accessu ad Ecclesiam, & monasterium respectivè rectà, & sine diverticulo tenetur.

Quar. 6. An Confessarius possit ingredi clausuram, ad ibi celebrandum coram infirmis, aut convalescentibus.

Resp. Affirmant Rodriquez, Mirand. & Bonac. *q. 4. de claus. p. 4. num. 4.* saltem iis diebus, in quibus tenentur ex præcepto audire Missam quod præcipuè habet locum, ut notat Barboz. *loc. cit. num. 49.* in illis festivitibus, in quibus moniales ex regula tenentur communicare, major enim resultat decentia, & reverentia Eucharistiæ, dum Sacerdos celebrans eodem loco communicat infirmas, quam si ex alio loco desumat, & clausuram associatus, ut decet, ingrediatur. In tali casu debere ingredi cum socio, tenet Bonac. *loc. cit.* quia non decet feminam ad altare accedere, & celebranti intervire. At non posse Confessarium ob Missam celebrandam ingredi clausuram, Sac. Congreg. pluries declaravit, præcipuè in *Lancianensi*, & *Pistoriensi* 16. Julii 1585. & in *Bononiensi* 2. Januarii 1601. Et in hoc Sac. Congreg. regulariter dispensare non solet, in *Mantuana* 13. Junii 1591.

Quar. 7. An Confessarius possit ingredi clausuram ad sumendam particulam consecratam, ipsi in actu communicandi moniales in Ecclesiam interrorem, elapsam.

Resp. Tradit negativam sententiam Bissus in *Hierurg. Sac. t. 2. v. Particula num. 45. §. 12.* qui vult particulam esse colligendam à Monialibus, vel Abbatissa, & Sacerdoti porrigendam. Idem tradit Castaldus, cui adhæret Quartus in *Rubr. Missal. p. 2. tit. 10. sect. 3. dub. 3. diff. 4.* hac ratione ductus, quod ingressus

Resp. Affirmativè, & sic posse benedicere ædificium recens constructum, deferre monia. li infirmę insignem reliquiam alicujus Sancti, quam summa devotione prosequitur, & his similia, quia sicuti ex superiùs dictis, & Doctõribus ibi citatis, potest quis expleto opere, ad quod ex justa causa est ingressus, brevi tempore immorari invisendo officinas ob curiositatem; à fortiori poterit Confessarius expleto suo munere ibi aliquantisper insistere ad opus pium, licet minùs necessarium, exequendum. Immodò poterit monialis ad hunc effectum advocare confessarium sub prætextu confessionis faciendæ, etiam si aliàs non faceret, dummodò tamen verè confiteatur, Quia monialis habet jus faciendi confessionem, & sic vocandi ad talem effectum confessarium. Neque hoc est in fraudem legis, quia non dicitur operari in fraudem, qui utitur jure suo. Unde ob hanc rationem potest modo dicto advocare confessarium etiam animo tractandi cum eo de aliquo negotio temporali, dummodò verè intendat confiteri.

Quar. 10. An Confessarius extraordinarius ingressus monasterium cum licentia pro una vice ad audiendam confessionem monialis infirmæ, possit absque nova licentia iterum ingredi, si prima vice reperiit monialem morbi vehementia ex improvviso ita correptam, ut non potuerit pro tunc ullo modo confiteri.

Resp. Negant aliqui contra Pelliz. cap. 10. n. 264. Quia Confessarius extraordinarius non indiget speciali facultate audiendi confessionem monialis infirmę, cum enim sit deputatus in extraordinarium totius monasterii, est approbatus pro omnibus monialibus, & consequenter etiam pro infirmis, & ideo, si ingreditur

tur cum licentia ad audiendam confessionem unius monialis infirmæ, potest aliam quoque monialem infirmam audire. Indiget ergo tantum licentia pro ingressu clausuræ ad effectum removendi impedimentum, quod obstat exercitio prædictæ facultatis respectu monialis infirmæ. Cum igitur licentia sit ad unicam vicem limitata, per primum ingressum est adimpleta, & consumpta. Præsertim quia talis licentia, tanquam legis vulnerativa, est strictè interpretanda, ut tradunt communiter Doctores. Et sic Confessarius remanet in eo statu, in quo erat ante prædictam licentiam. Adeò que sicut in priori illo statu ad exercitium suæ facultatis, pro moniali infirma indigebat licentia ad ingressum, indigebit etiam in posteriori. Secus tamen dicendum si licentia fuisset concessa copulativè quo ad ingressum, & quo ad facultatem audiendi confessionem, quia in tali casu non esset plenè consumpta.

Alii nihilominus absolutè affirmant. Quia causa motiva Superioris ad concedendum ingressum in clausuram, fuit confessio instituenta à moniali infirma; hæc autem causa non cessavit, quia confessio non fuit effectum sortita, ergo neque cessavit licentia; subsistente enim causa motiva, licentia quoque censetur subsistere, & in suo robore perseverare. *Glos. in cap. decet, v. debet de reg. jur. in 6. Dinus, & Roland. alios citans conf. 52. n. 55. vol. 2.*

Hinc deducunt, quòd, si monialis infirma, cepta jam confessione cogatur illam ex morbi vehementia interrompere, vel si instituat confessionem generalem, quam univa vice non potest absolvere, aut si Confessarius, ubi cœpit audire confessionem, ex urgentissima causa revocetur extra monasterium, potest in his casibus sine nova licentia iterum ingredi ad per-

perficiendam confessionem. Idem asserunt, si monialis confessa, & absoluta statim revocet Confessarium jam egressum è clausura, ad manifestandum ei peccatum oblitum, quia illud peccatum spectat ad complementum prioris iudicii; & cum hoc fiat incontinenti, moraliter reputatur unus ingressus.

§. VII.

De Clausura quoad Mulierum ingressum.

Quar. 1. **A**N, si monasterium careat monialibus conversis, possint intro-mitti feminae, quæ monialibus inserviant.

Resp. Affirmat contra Suar. Bonac. *de claus. q. 3. punct. 4. n. 10.* quia moniales choro deputatae, si ad huiusmodi famulatum adstringerentur, ad durum onus, & ab earum professione alienum obligarentur, ex quo consurgit iusta causa dictas feminas introducendi. Verum pluries Sac. Congregat. præcipue *sub die 12. Augusti 1605.* censuit loco ancillarum sæcularium potius intus introducendas esse conversas; nec posse Ordinarium concedere, ut mulieres seculares inserviant intra dicta monasteria; immò Sedem Apostolicam talem licentiam denegare, testatur Nicolius *in Floscul. v. Ancilla num. 2.* docens postea *num. 6.* ex aliis decretis, posse concedi Ancillam Moniali seni, & infirmæ, si una ex conversis Monasterii applicari non posset. Non conceditur tamen per Ordinarium sed per Sac. Congregat. quæ *in Abulen. 20. Februarii*, decrevit, dictis ancillis, durante servitio, pro libito suo ingredi, & egredi non licere.

Quar. 2. An, si Sac. Congregatio concedat

cedat nobili femina ingressum monasterium monialium, & ibi degat cum una famula, & ista semel electa velit post tempus exire, possit domina aliam loco primæ cum iisdem qualitatibus substituere.

Resp. Posse, dummodò licentia non fuerit limitata ad certam numero personam, & hoc procedit, etiam si talis famula dimittatur invita, eo quòd minùs benè munus suum impleat; & hoc toties, quoties oportuerit, secluso tamen quocunque dolo. Ratio est, quia sic præsumi potest de mente Sac. Congregationis, dum illimitate concessit unam famulam, cum huiusmodi famulæ mercenariæ soleant mutare voluntatem, & resilire; quod utique censetur non ignorasse Sac. Congregationem. Nec obstat, quòd licentia indefinitè concessa extinguatur prima vice, quia fallit hæc regula, quando ex primo actu non est satisfactum menti disponentis, ut in casu nostro. *Cassian. loc. cit. num. 81.* ubi addit, dictas famulas quoadusque perseverant in famulatu teneri è monasterio non egredi, & si egrediantur non posse absque nova Superioris licentia introire.

Quar. 3. An Reginæ & Imperatrices possint monialium ingredi Monasteria.

Resp. Negat Bonacina *loc. cit. num. 4.* quia *Cap. periculoso*, & Tridentinum generaliter, & absolutè loquuntur de personis cujuscunque generis, & conditionis. Sed posse Reginas, & Reges, Imperatrices, & Imperatores eorumque filias, & filios ingredi monialium monasteria, docent Sanch. Rodriq. & Bordon. *variar. res. p. 2. res. 26. n. 35.* eo quia huiusmodi personæ ratione excellentiæ, & dignitatis non comprehenduntur in dispositionibus odiosis, nisi exprimantur, & idem est de illarum filiis.

Quar.

Quæst. 6. An Fundatrices possint monialium ingredi monasteria,

Resp. Affirmat Giballin. *de claus. disp. i. cap. 3. §. 2.* & probat, quia si ex probabili sententia licet Fundatricibus, per hoc quod fundatrices sunt, ingredi monasteria virorum, licebit pariter & mulierum; cum enim in utroque casu reperiatur eadem qualitas privilegiativa, debet in utroque casu eundem effectum operari. Tum quia nusquam talis ingressus reperitur Fundatricibus prohibitus. Tum etiã quia monasteria ab ipsis erecta sortiuntur quodammodò naturam juris patronatus, quod est maxime privilegiatum in jure, & Fundatrices sunt quasi Dominæ, unde ratione istius prærogativæ, & excellentiæ sunt speciali nota dignæ, atque aded sub prohibitione generali non comprehensæ, sicuti de fœminis regiæ stirpis ob eandem rationem diximus supra.

His non obstantibus, censeo non posse ingredi; nam, ut notat Manuel. relatus, & approbatus à Sanch. *in Sum. lib. 6. c. 17. n. 7.* ideò S. Pius V. in prohibitione signanter expressit Ducissas, & similes, quia hæ solent esse fundatrices. Unde Pontifex arcendo Ducissas ab ingressu clausuræ ex eo præsertim respectu, quod soleant esse fundatrices, apertè prohibuit, ne sub titulo foundationis prætendi possit facultas ingrediendi.

Neque urgent rationes oppositæ; nam quo ad primam, admissa etiam opinione, quod Fundatrices possint virorum ingredi monasteria, non tenet illatio; quia cum versemur in materia relaxandæ clausuræ, quæ est strictæ obligationis, cum sit odiosa, non fit extensio de casu ad casum, neque ob majoritatem rationis, Silvest. Caputaq. & Surd. *dec. 268. n. 20.* ubi alios cumulat. Tum etiam quia strictius

pro-

ducit necessitatem mutationis, quod non faciunt alii casus. Ita Bordon. in *Miscell. decis.* 85. & Diana in *opere coord. t. 7. tract. 1. res. 321. n. 3.* Oppositum tradit Peyrin. in *Formul. litt. M. cap. 3. nu. 4.* ubi docet, fieri posse mutationem, quando aliqua ex electis est absens, aut ægrota, aut nolens, quia privilegium favorabile est latè interpretandum, ac proinde excluditur tantum mutatio voluntaria, non necessaria, per quam dicendum est potius loco alicujus ex sociabus aliam supplere, quam mutari.

Quar. 7. An femina supradicta possit cum duabus tantum matronis ingredi.

Resp. Non posse, quia rescriptum exprimit tres matronas de necessitate assumendas, aliter non servata illius forma ingressus est malitiosus, & fœmina sic ingrediens incurrit pœnas contra ingredientiæ clausuram monialium sine licentia; cum rescriptum non servata forma sit nullum, quia fines mandati, & rescripti sunt diligenter observandi, aliter factum non tenet. *Cap. cum dilecta 22. de rescrip.* & tradit Bordon. in *Miscell. dec.* 87.

Quar. 8. An monialis, quæ ex uno ad aliud monasterium transfertur, si in via accedat ad locum, in quo existit monialium monasterium, possit ibi hospitio recipi.

Resp. Affirmat Lamas in *Method. curat. in append. §. 11. in fine*, quia sic ingrediens servat clausuram eo modo, quo potest, & recipientes fovēt hanc observationem: neque credendum est, Pontificem hunc ingressum ita honestati monialis convenientem interdixisse. Distinguit Sanchez *lib. 6. Sum. cap. 6. num. 10.* posse ingredi, si monasterium sit ejusdem Ordinis, & habitus, secus si diversi, quia lex clausuræ excludit extraneam, monialis autem ejus-

ejusdem Ordinis, & habitus non est extranea à conventu, sed moraliter propria illius. Negat absolute Castro Pal. p. 3. disp. 4. p. 10. n. 4. siue monasterium sit ejusdem ordinis, siue diversi, quia unum monasterium non cōmunicat cum alio in clausura. Quod est de mente Sac. Congreg. quæ consulta, an moniales advenire essent admittendæ intra clausuram, respondit negativè in *Pistorien* 16. Julii 1585. Concedit tamen citatus Castro Pal. de Superioris licentia posse ingredi, si in eo loco non adsit hospitium, in quo commodè noctem ducere possit, quia eo casu honestati monialis, & decentiæ religio si habitus consulitur, ac proinde confurgit legitima causa concedendi.

Quer. 9. An viduæ ingredi possint monasterium, ut ibi vitam degant honestam, & à secularibus separatam.

Resp. De Episcopi, vel Prælati Monasterii licentia tantum non posse, sed requiri Pontificis concessionem. Quia casus hic non necessitatis est, sed utilitatis, & proinde sub potestate Episcopi, vel monasterii non cadit. Ita referunt decisum à Sac. Congreg. Miranda, Campan. Homobon. & Barbof. *alleg.* 102. num. 67. Sicuti pariter dicti Doctores referunt decisum ab eadem Sac. Congreg. non posse matribus concedi licentiam ingrediendi clausuram, ad invisendas proprias filias morti proximas, quia talis ingressus non est medium adeò necessarium ad medendum ægrotantibus filiabus, quibus matrum præsentia præ amoris cōveneritudine posset esse nociva.

§. VIII.

De Clausura quoad Puellas in educationem recipiendas.

Quar. 1. **A**N puellæ educationis causa possint recipi in Monialium monasteria.

Resp. Admitti posse, ut censuit Sac. Regularium Congregatio, sed cum his legibus, videlicet, quod accedat Superioris, nec non Monialium consensus capitulariter præstandus & insuper ejusdem Sac. Congregationis licentia reponenda in registris Cancellariæ Episcopalis, alias invalida redderetur, Ita eadem Sac. Congregat. 27. Maji 1603. Quod Monasterium soleat hujusmodi educandas habere, quare Monasteria mulierum penitentium, vulgò Convertitarum, puellas ad educationem recipere neque solent, neque possunt, Sac. Congreg. 12. Maji 1619. Puella ingrediatur sola absque ullo famulatu; sit major septem annis, minor vero viginti quinque; habitu, cultuque utatur modesto, sine jocalibus, auro, vel serico, fervet locutorium, & clausuræ leges, & quid quid pro suis sumptibus monasterio erogandum erit, principio cujus libet semestris elargiatur, & pro tali solutione debet idonea securitas constitui, Sanch. & Barbosa, nec debet permitti, victum dietim à parentibus, vel consanguineis subministrari. Sit in novitiatu cellula pro ea vacua, & numerus puellarum in eo monasterio educandarum non sit expletus, à quo monasterio puella ipsa nunquam exeat animo revertendi, nisi habitum monachalem ibi susceptura.

Quar. 2. An sit peccatum cogere puellas
in-

ad ingressum monasterii causa solius educationis.

Resp. Si coactio est illata puellis à non habentibus in illis potestatem dominativam, certe est peccatum lethale, quia graviter injuriosa, Suar. *l. 3. de relig. lib. 5. cap. 6. n. 4.* Si vero sit illata a parentibus, vel tutoribus, & puellæ sint impuberes, nullum est peccatum, quia utuntur jure quod habent in filias in illa ætate. Si vero sint puberes, talem coactionem à peccato non excusat cum aliis Diana *p. 2. tract. 15. res. 56.* Quia ut observat Suar. *loc. cit.* cum puellæ majoris ætatis sint sui juris in omnibus his, quæ pertinent ad statum animæ suæ, non possunt licite, & sine peccato à parentibus cogi ad tam arctam custodiam, & rigidam clausuram, etiam temporalem. Secus si ad aliquod tempus talis ingressus censeatur moraliter necessarius ad decentiam, & custodiam ipsarum.

Quar. 3. An prædicta coactio, quando est peccaminosa, inducat excommunicationem latam à Concilio Trident. *sess. 25. c. 28.*

Resp. Affirmant plures, & graves Doctores relati, & approbati à Diana *loc. cit.* Quia Concilium anathematizando congenes aliquam Virginem *ad ingrediendum monasterium, vel ad suscipiendum habitum, vel ad emittendam professionem*, tres prohibet coactiones, unam scilicet ad ingressum, alteram ad susceptionem professionis; & quidem inter se distinctas, pro ut declarat dictio illa *vel*, quæ stat alternativè, & disjungit sensum, & verba. Bartol. *in l. si is, qui ducenta n. 2. ff. de reb. dub. Natt. cons. 625. vol. 4. Paris. 91. num. 29. lib. 2.* Adeoque ad contrahendam prædictam excommunicationem sufficit sola coactio ad ingressum, quia in alternativis sufficit alteri adimpleri, *cap. in al-*

ternativis de regul. jur. in 6. Rota dec. 569. num. 2. p. 1. recens.

Cum distinctione procedit Sanchez. *in Sum. lib. 4. c. 4. n. 12.* Concedit contrahi excommunicationem, si coactio ad ingressum ordinetur ad susceptionem habitus, & professionis emissionem; nam cum tali tantum qualitate derogat libertati, quam Concilium intendit conservare in puellis ad religionem admittendis. Negat verò si ordinetur tantum ad educationem, donec nuptui tradantur.

Quer. 4. An inductio dictarum puellarum ad ingressum monasterii educationis gratia, ut postea suscipiant habitum, subjaceat excommunicationi, si fiat ex metu reverentiali.

Resp. Cum distinctione superius allata c. 2. §. 2. q. 9. Quamvis cū Riccio Portellus *in addit. ad dub. regular. v. monialis n. 11.* absolute doceat, taliter inducentes non affici excommunicatione, etiam si manifestent puellis statum monachalem illis convenire, eò quòd non habeant dotem pro matrimonio, vel eò quòd non illis securum erit, absque matrimonio, & monachatu permanere in sæculo. Et addi hanc esse praxim in tota ferè Ecclesia, juxta quam facientes parentes nemo credit illos excommunicatos; & idem asserit de suadentibus ad ingressum per preces importunas, quia persuasio importuna non est coactio. Verius tamen est preces importunas haberi loco coactionis, & compulsionis, ut ex crebriori sententia testatur Sperel. *dec. 150. n. 26.*

Nihilominus sententiam Portel. tradit etiam Villal. *in sum. p. 1. tr. 17. dub. 31. n. 11.* Ubi pariter observat, Cardinalium Congr. declarasse, non incurrere hanc censuram illam, qui filiam instituit hæredem cum pacto, ut aliquod monasterium ingrediatur, quod si renuerit

M

ipsum

ipsum monasterium heredem reliquit, & filię solum assignat alimenta necessaria. Quia illa non est coactio, nec inductio per vim, sed potius per modum concupiscentię.

Quar. 5. An Puella educanda exiens è monasterio absque Superioris licentia, incidat in excommunicationem.

Resp. Non incidere, quia Bulla S. Pii V. loquitur de professis. Ita Lugo, & Giballinus *de claus. disp. 1. cap. 8. num. 4.* qui debent intelligi de excommunicatione Papali, secus de imposita ab Episcopo, in quam profectò incidit, si exeat absque licentia: in hoc sensu, ut advertit Clericatus *de Sacram. Eucharis. dec. 18. num. 25.* intelligendi sunt Pollac. & Tamburin. docentes, supradictas puellas egredientes absque licentia è monasterio excommunicationem incurrere. Si tamen educationis gratia idem, vel aliud monasterium ingredi cupiat, licentiam novam a Sacra Congregatione petere debet, exprimendo se prius extitisse in eodem, vel alio monasterio eadem educationis causa; quia pariter licentia indiget quolibet alia, quę valetudinis gratia ad balnea egressa reverti velit in clausuram, teste Tamburin. *disp. 1. q. 2. num. 15.*

Quar. 6. An annus septimus requisitus in puella ad educationem recipienda, debeat esse completus.

Resp. Quòd sic, quia in licentiis à Sac. Congregatione pro puellarum educandarum receptione expediri solitis prescribitur, quòd puella sit major septem annis; hic autem modus loquendi requirit excessum supra annum septimum, qui proinde debet necessariò esse completus. Neque in hoc possunt dispensare locorū Ordinarii, quia nullus inferior in lege Superioris quidquam potest. Sicuti ob eamde

causam neque possunt dispensare, quòd puella commoretur ultra annum ætatis vigesimum quintum completum intra monasteriũ, licèt agatur non de ingrediendo, sed de permanendo post ingressum, sed debent constituere præfixum terminum, sive ad exeundum à monasterio, sive ad religiosum habitum suscipiendum. Qualis autem debeat esse hic terminus, arbitrio Ordinariorum relinquitur ex æquo, & bono secundum subjectam materiam. Gloss. in cap. quicumque v. statim, d. 77. Per hoc tamen quòd puella non statim egreditur, non incurrit excommunicationem commorando intra clausuram, sicut nec eam incurrunt Abbatisse monasteriorum illam post dictum tempus retinentes, quia excommunicatio ligat illicitè ingredientiẽs, aut detinentes illicitè ingressam.

Quar. 7. An dictæ puellæ manentes in monasteriis exemptis subjaceant Episcopo.

Resp. Negativam sententiam docet Cespescum aliis ab ipso relatis de dub. Regul. cap. 33. dub. 337. exceptis tamen casibus, in quibus moniales exemptæ subduntur Episcopo. Ratio fundamentalis est, quia locus exemptus, & extra diocesim æquiparantur, Gloss. in Clement. 1. de foro compet. Et juxta hanc doctrinam sustinent prædicti Doctores, non subiacere casibus reservatis Ordinario: quod desumitur etiam ex cap. 1. de privilegi. in 6. ubi delictum in loco exempto commissum supponitur extra jurisdictionem Ordinarii. Attamen absolute sustineo, dictas puellas quoad casus reservatos subjectas esse Episcopo loci, ubi habitant. Colligitur ex Diana part. 7. tract. 12. res. 14. & tenet in terminis Nogueira quest. singular. disp. 1. q. 8. n. 8. cujus fundamentum est, quia non subjacent mo-

nialium reservatis, cum non sint Religiosæ, nec cum approbatis tantum à Superiore Regulari confiteri possunt, nec sunt personaliter privilegiatæ, quia non sunt propriè commensales, cum ex suis vivant, ut rectè docet Diana *loc. cit.*

Quar. 8. An saltem si aliqua ex his puellis sit capitulariter admissa, & de proximo in monasterium exemptum ingressura possit per Pralatos sui Ordinis à reservatis Episcopo absolvi.

Resp. Affirmant Vecchius Peyrin. Diana, & Lezana *in mari magno Minorum n. 36.* ubi addit ita declarasse Clement. 4. Assentitur cum Delbene Antonius à Spiritu S. *in Direct. regul. tr. 2. sect. 5. n. 226.* Quia cum parata existat ad ingressum, reputari debet tanquam ingressa, *argum. leg. penul. de milit. testam.* Ubi proximè accingendus habetur pro accincto. Negantem sententiam veriore censeo; quia puella de proximo ingressura adhuc dicitur sæcularis, neque per solam acceptationem ad religionem dici potest Deo dicata, quia per solam acceptationem non constituitur cum effectu neque proximè in via ad religionem, cum non constituatur in anno probationis, qui ducit proximè ad religionem, & ratione cujus novitiæ dicuntur proximè in via, Pasqualig. *in dec. moral. dec. 424. num. 5.* Quod confirmatur ex eo, quod puella de proximo ingressura, non gaudet privilegio canonis, licet versemur in materia favorabili, non alia ratione, nisi quia habitu religionis nondum assumpto, nec anno probationis inchoato non dicitur religiosa, sed sæcularis *per cap. religioso de sent. excomm. in 6.* Ergo ob eandem rationem neque gaudebit privilegio solutionis à reservatis.

Neque in præfenti locum habet ratio deducta ex l. penul. ff. de milit. testam. quia innititur duplici fictioni, quarum prima est, quod actualiter ingressæ fruuntur monialium privilegiis non iure proprio, cum non sint verè religiosæ, ut ex cit. cap. religioso, sed iure alieno, & per quamdam extensionem, quatenus scilicet per fictionem juris, cum sint de proximo professuræ, habentur ut professæ. Secunda verò, quod puella capitulariter admissa trahitur ad participationem eorundem privilegiorum, quia per fictionem pariter juris cum sit parata ad ingressum habetur pro ingressa. Et una quidem ex his duabus fictionibus fundatur in alia, quia fictio quod puella parata ad ingressum habeatur pro ingressa ad effectum gaudendi monialiū privilegiis, fundatur in fictione, quod actualiter ingressæ in ordine ad eundem effectum habeantur ut professæ. Cōcursus autē duarum fictionum ita ut una fundetur in alia, non permittitur in jure, l. 1. C. de dot. promiss. ubi Bald. & ceteri Doctores.

Quar. 9. An Puellæ quo ad usque causā educationis morantur in monasteriis gaudeant privilegio fori.

Resp. Non gaudere neque ratione personæ cum non sint Deo dicatæ, juxta cap. quisquis 17. q. 4. neque ratione familiaritatis, aut comensalitatis, quia ut diximus vivunt ex propriis. Non per hoc tamen, si delinquant puniri debent à iudice laico, sed ab Episcopo. Quoniam explorati juris est, delinquentes puniendos esse ab Ordinario illius loci, in quo delictum fuit commissum, c. 1. in fi. 39. 6. l. si cui §. Imperator. Rota Avenionen. dec. 114. n. 2. Menoch. cōf. 466. n. 17. An autē, si delictū sit atrox, possint extrahi à monasterio non obstante immunitatis privilegio, videbimus infra, c. 10. q. 12.

Quar. 10. An dictæ puellæ, quæ in monasteriis exemptis educationis gratia degunt, si contingat eas mori, nulla electa sepultura, debeant in Ecclesia Monialium, an in Parochia, in qua domicilium retinent, sepeliri.

R. Resp. Esse in monialium Ecclesia sepeliendas, sustinet acriter Bordon. in *Miscell. dec.* 128. Tum quia partes sunt ejusdem corporis monastici, licet imperfectæ, consequenter eodem jure censendæ sunt; tum quia id colligitur ex *Trid. sess. 24. c. 11. & sess. 25. c. 11.* in quibus locis personæ commensales actu Regulæ, apud quos domicilium, & habitationem contraxerunt, gaudent eorum juribus, & privilegiis. Immò addit idem Bordonus, quod si dictæ puellæ eligerent in aliena Ecclesia sepulturam, funus esset ducendum à Confessario, non à Parocho, quia ad illum spectat funus perficere, ad quem pertinet ejusdem funeris inchoatio; ad solum autem Confessarium spectat initium funeris, & cadaveris levatio ex monasterio, quia nemo præter ipsum ibi jus habet, cum locus sit omnino exemptus à jure parochiali. Quare Confessario etiam debetur quarta funeralis, quæ datur propter onus, quod sustinetur in administratione Sacramentorum ex officio, *c. 1. Relatum cap. de his de sepult.* Undè cum Confessarius non minus administret Sacramenta suis Monialibus, mulieribus, & puellis existentibus intra clausuram, ac faciat Parochus quivis respectu suarum ovium, eidem pari ratione debetur quarta funeralium.

Oppositam sententiam tuetur mordicùs Pignatellus *l. 7. consult. 65.* Probat, quia puellæ, quæ ad tempus causa educationis sunt hospites in monasterio, dicuntur peregrinantes, desumitur ex *l. 1. §. hoc autem de his, qui dejecerint,*

cerint ibi: *Tantum autem interest inter habitatorem, & hospitem, quantum interest inter habitatorem, & peregrinantem.* Si igitur sunt peregrinantes, non amittunt parochiam, & idè si contingat eas mori in monasterio, non electa vel à se ipsis, vel à parentibus sepultura, debent in propria Ecclesia parochiali sepeliri. Immo si dictæ puellæ nullum in aliqua parochia retinent domicilium, ius sepulturæ spectat ad Parochum illius parochiæ, in qua situm est monasterium; quia si contingat celebrari illarum puellarum matrimonia, Parochus dictæ parochiæ interest illorum celebrationi, ergo interesse debet & funeri, quia jus illius funerandi competit ei eodem jure, quo ei competit jus celebrandi matrimonia, utrumque enim est jus parochiale.

§. IX.

*De Clausura quoad Mortalium,
egressum.*

Quæ. 1. **O**B quas causas possint Moniales egredi è Monasterio.

Resp. Causas legitimas, ob quas moniales exire possunt, declaravit S. Pius V. & ad tres reduxit in sua constit. quæ incipit, *Decoris, edita Kal. Februarii 1569.* nempe grave incendium, lepram, & epidemiam. Nomine magni incendii communiter Doctores intelligunt incendium, cui succurri non potest absque periculo pereundi moniales, si intra claustra commoretur. Casus incendii non respicit tantum communitatem, ut communitas est, sed etiam omnes eius personas ut singulas, atque adèd si una tantum periclitetur, cui aliter succurri non possit, erit licitus egressus è

clausura . Ita Suar. *l. 4. de relig. tract. 8. l. 1. c. 9. n. 11.* Sub lepræ nomine venit infirmitas contagiosa, ob quam ea infectus à communi omnium consortio separatur. Non erit tamen legitima causa exeundi, si monasterium sit ita capax, ac ea sit medendi eidem infirmitati commoditas, ut nullum immineat aliis monialibus periculum. Quia in hoc casu cessat exeundi necessitas, quæ hujus concessionis est causa, ut cum aliis notat Sanchez, *lib. 6. cap. 15. n. 32.* Nomine epidemiæ non venit morbus popularis de facili sanabilis, sed infectio pestilentialis malignam qualitatem præferens, quæ facile ad alios diffunditur cum manifesto mortis periculo. Zachias *lib. 8. tit. 3. q. 1. n. 7. & seqq.* & Doctores apud Navar. in *Summa Bullar. p. 2. com. 37.*

Quar. 2. An possint Moniales exire ob alias causas similes expressas à S. Pio V.

Resp. Affirmant sexdecim Doctores, quos refert, & approbat Pasqual. in *Lauret. n. 30.* Quia licet Pontifex utatur dictione *Nisi*, quæ videtur excludere omnes alias causas; verum hæc dictio non excludit casus similes, ut in *l. si mora v. dumtaxat ff. soluto matrim.* ubi Castren. *n. 9.* Jason. *n. 5.* & alii; idè nec etiam in præsentī casu excludet. Neque obstat quedam declaratio Sac. Congr. quæ habet, *nomine epidemia eam tantum epidemiam intelligere, quæ est vera, & realis pestis, ita ut ob alias infirmitates huic aliquo pacto consimiles, sed tamen benigniores, etiam si epidemia nomine nuncupentur, nullo pacto monialibus professis ex monasterio exire liceat.* In qua declaratione notandum est, quod non dicit absolute *similes*, sed *aliquo pacto consimiles*; quod est valdè diversum; & proindè dum declarat, quod Constit. S. Pii V. non se extendit ad infirmitates aliquo

aliquo pacto similes, non sequitur, quòd non se extendat ad similes; in similibus enim militat ratio finalis legis, & idè ipsa quoque lex locum habet. At in aliquo pacto similibus non militat absolutè ratio legis; quia non sufficit aliqualis similitudo ad trahendam rationem legis. Ad casus formaliter similes reducuntur imminens bellum, fluminis inundatio, ædificiorum ruina: Navar. Barbos. Bonac. relati à Pasqual.

Quar. 3. An sit licitus egressus è Monasterio, si monialis laboret morbo ita periculoso, ut desperetur ipsius salus, nisi è monasterio egrediatur.

Resp. Affirmant aliqui penes Pasqual. *loc. cit.* Tum quia casus iste est urgentior expressis in Constitutione Piana; tum quia lex ecclesiastica, qualis est hæc de monialium clausura, cum periculo vitæ non obligat. Negant alii; quia hic casus est valdè dissimilis illis tribus expressis in citata Constitutione. In illis enim solùm communis boni aliarum monialium ratio habetur, præsens autem casus solùm respicit utilitatem monialis particularis, atque adèò casus excepti in dicta constitutione cum dictione taxativa ratione boni communis non sunt extendendi ad casum utilitatis privatæ. Ita Sanch. Guttier. Barbos. & alii relati à Pignateli. *l. 9. cons. 190. n. 10.* ubi etiam *n. 5.* addit, quòd cùm in Sac. Congreg. Concil. esset dubitatum, an monasterium situm in loco paludoso, propter quem aer sit insalubris, & periculosæ infirmitates moniales invadant, comprehendatur in Constit. S. Pii V. adèò ut moniales exire non possint ad curandas dictas infirmitates, Sac. Congreg. censuit comprehendi, casum tamen esse dignum provisione speciali.

Quar. 4. An in prædictis casibus requiratur ad egrediendum licentia Superioris, & cuius.

Resp. Requiri, & patet ex Concil. *sess. 25. de Regular. c. 6.* & ex superius citata constit. S. Pii V. Probatio causæ, & licentiæ concessio spectat ad Episcopum in Monasteriis sibi subiectis; in Monasteriis verò sub Regularium cura debent causæ probari, & licentia concedi ab Episcopo, & Monialium Superioribus coniunctim, ut constat ex dictione illa *& simul* posita in citata Constit. ita enim habet, *Sitque causa hæc cognita, probata, atque etiam in scripturis expressa per Superiores, & simul per Ordinarium.* Hæc enim dictio importat simultatem, & coniunctionem, juxta ea, quæ habent Bald. & Rolland. & ideo, si aut Superiores, aut Ordinarius dissentiant, nec putent causam sufficientem, non poterit concedi licentia, quæ debet esse in scriptis, ut ex cit. Constit. *in scriptis expressa.* Nomine Episcopi, qui approbare causam debet, venit Vicarius generalis, non verò Foraneus, quia non hic, sed ille est verè Ordinarius, & unum cum Episcopo tribunal constituit. Barbosa. *cit. allegat. nu. 29.* Sanch. & Bonac. qui etiam extendunt ad Vicarium Capitularem Sedes vacante, si ei à Capitulo expresse hæc potestas sit demandata, etiam quoad monasteria exempta, ut superius diximus *cap. 6. §. 2. q. 2.*

Quar. 5. An stante causa legitima egresus, possit monialis absque licentia exire, si nolit Episcopus, vel Prælatus eam licentiam concedere.

Resp. Posse, si constet evidenter de causæ legitimitate, sive teneatur ad clausuram ex sola lege ecclesiastica, sive ex voto, quia neque

lex

lex ecclesiastica, neque votum, quod ejus obligationem imitatur, censetur per se obligare cum gravi detrimento propriæ vitæ, & boni communis. Sanch. *lib. 6. cap. 15. num. 51.* & Layman. Si verò legitimas causæ sit dubia, Superioris judicio standum est, atque adeò exire non poterit; quod pariter asserendum casu, quo ex egressu orirentur scandalum, & religionis infamia, ut frequenter contingit ex resistentia Prælato facta. Suar. *t. 4. de Relig. tract. 8. lib. 1. c. 9. n. 12.*

Quar. 6. An dentur aliæ causæ, ob quas moniales possint absque licentia egredi è clausura.

Resp. Quodd sic; scilicet, si monialis esset iniuste damnata ad perpetuum carcerem; secus verò si esset iuste detenta, nam tunc teneretur proprii delicti subire pœnam, nisi fortè adeò malè tractaretur à custode, ut denegaretur cibus, vestitus, aut ignis, seu necessaria ad vitam sustentandam. Ita Doctores citati à Sanch. *l. 6. c. 8. n. 14.* Vel nisi ageretur de vitanda mutilatione, aut morte violenta infligenda vel per judicis sententiam, ut de seculari asserunt Lessius, & alii cum D. Thoma vel per injustam hostis aggressionem, ut in puncto firmant Sanch, & Tamb. *disp. 20. q. 7. n. 2.* qui pariter docet *disp. 19. q. 5. ad 8.* esse licitum egressum, si periculum vitæ certò immineat Moniali ob graves molestias, & vexationes, quas iniuste patitur, & habere non potest Episcopum, aut Superiorem, à quo sublevetur, quia hoc est veluti ab extrinseco occidi; & hoc extendit etiam ad casum, in quo monialis effecta grvida timeret cum famæ propriæ, ac monasterii, etiam vitæ jacturam. Ratio in omnibus prædictis casibus est, quia jus naturæ cuique competens ad conservandâ

Cap. 7. §. 9.

- cla usuram rediens in itinere aliò divertat ad
visendam imaginem sacram, cognatam, vel
amicam. Ita del Bene *loc. cit. dub. 20. n. 4.* alios
citans.

Quar. 8. An monialis possit egredi, ut sit
Abbatissa alicujus monasterii, & ob alias si-
miles causas.

Resp. Ex communi Doctorum affirmati-
vè; discrepant tamen in hoc, quòd eorum
aliqui censent licitum esse egressum cum sola
Ordinarii, & Prælati Regularis approbatio-
ne, & consensu, nulla Sedis Apostolicæ, &
Sac. Congregationis interveniente facultate,
quia hìc etiam, sicut in casibus in cit. Con-
stit. S. Pii V. expressis, militat ratio boni com-
munis Religionis, ad quam spectat bonam
Prælatam præficere. Requirit tamen,
quod iste transitus fiat ad monasterium ejus-
dem ordinis, & habitus. Et ita tenent de-
cem & septem Doctores apud del Bene *loc. cit. dub. 14.* qui ad eandem rationem asse-
runt posse concedi moniali egressum, ut sit
Magistra Noviciarum, quin, & ut præsit
portæ, vel rotæ in alio monasterio similiter
ejusdem ordinis, & habitus; immò ad no-
vum monasterium ejusdem ordinis fundan-
dum, vel etiam reformandum. Alii verò
sustinent in supradictis casibus non licere
egressum absque Sedis Apostolicæ, vel
Sac. Congregationis licentia; & ita docent
Savar. Zerola, Barbof. Tamburin. & Dia-
na ex pluribus Sac. Congregat. declaratio-
nibus, & ita absolute est observandum præ-
cipue ex Decreto Pauli V. *sub die 27.*
Decembris 1617. publicato, & generalibus
Ordinum Procuratoribus intimato. Un-
de neque causa correctionis sine tali licen-
tia possunt transferri de uno monasterio ad
aliud.

De Claus. quoad Monial. egress.

aliud; quamvis in primo corrigi non possint cognatorum timore, vel alia simili causa. Quod si aliqua monialis sit aded incorrigibilis ut in nullo monasterio correctio sperari possit, non per hoc erit ejicienda, saltem inconsulto Pontifice, utpote quid novum, & inusitatum, atque aded scandalum generans: quapropter in tali casu carceri potius, ne aliàs inficiat, includi debet, quàm cum tanto scandalo, & prejudicio boni communis monasterii expelli, idque ex Sac. Congregat. *in una Redoven. 1617 & altera 1603.* sentiunt Barbos. Gavant. Lezan. & Riciul. qui advertunt, quod monialis, causa foundationis, reformationis &c. egressa possit de consensu utriusque monasterii finito negotio ad primum monasterium redire, etiam si socia, cum qua egressa fuit, redire nolit.

Quar. 9. An moniali concedi possit egressus ad strictius monasterium.

Resp. Possit, & hoc ex declarationibus Sac. Congreg. quæ *in una Nanaten. 1613. & in una Rodonen. 1617.* expressè decernit, quod non obstante rigorosa clausura monialium, possit adhuc monialis, servatis servandis, transire de una religione ad aliam, at in casu, quo transeat, debet in Religione, ad quam transit, Novitiatum facere, & professionem emittere. Ad talem egressum requiritur Ordinarii, & Superiorum licentia, quæ sufficit si sit petita, licet non obtenta, sicuti de religiosis viris dicitur; ita Del Bene *ubi supra dub. 19. num. 7.* Quod tamen non videtur admittendum, quia hîc non agitur de egressu simpliciter, sed de egressu qualificato obligatione clausuræ, ad quam requiritur dispensatio, & licentia, quæ licet possit concedi ab Episcopo, consultius tamen est, ut petatur a Sac. Congre-

gregat . ut advertit Barboſ. de jur. Eccleſ. lib. 1. cap. 44. num. 76.

In huiusmodi translatione ſequentes ſunt obſervandæ conditiones , videlicet quòd antequam monialis è primo monaſterio egredia-
tur , aliud ſit paratum , in quo benevolas ha-
beat receptrices , & etiam capitulariter , &
per ſecreta ſuffragia recipiatur ; deinde ut do-
tem ſolitam ab aliis præſtari ſolvat , & ſpes illi
auferatur ad primum monaſterium redeundi ;
inſuper quòd translatio fiat comitantibus ma-
tronis conſanguineis gravibus ab uno ad aliud
monaſterium , recta via , abſque diverticulo ,
ac nullibi pernoctetur , niſi cauſa hoſpitii , id-
què nonnulli apud honeſtas perſonas , ut plures
fuit obſervatum ab eadem Sac. Congr. & præ-
cipuè in una Nanaten. 16. Ianuarii 1615.

Quar. 10. An monialis , quæ à monaſterio
aufugit , timens juſtè , ac probabiliter à mo-
nialibus ſui monaſterii mortem ſibi veneno
inferendam . poſſit tranſire ad aliud monaſte-
rium diverſæ regulæ , etiam laxioris .

Reſp. Affirmativè . Nam cum in præſato mo-
naſterio tutè manere non poſſit propter odia ,
& perſecutiones , neque minùs monaſteriis
ejuſdè Ordinis abſque modestia vivere queat
propter infamiam , & pudorem , quo conti-
nuò ſuffunderetur , cumque in aliis monaſteri-
is diverſi Ordinis tranquillam cum ingenti
bono , & augmento ſpirituale vitam abſque a-
nimi ſolicitudine ducere poſſit , utique licita
eſt translatio etiam ad Ordinem laxiorem , ob
majus boni ſpirituale , quod præcipuè attendi
debet . Ita D. Thom. 2. 2. qu. 189. art. 8. & cum
eo Suarez . Quare injuncta priùs moniali pœ-
nitentia ſalutari , cum obligatione relinquen-
di dotem priori monaſterio , & ſolvendi no-
vam ſecundo , huiusmodi translatio indulgen-
da

da videtur. Atque ita resolvit Sac Congregat Episc. in una Messanen die 29. Aprilis 1603. & in una Gesarugulana transitus 1636. teste Pignat. l. 1. c. 1. consul. 120.

Quar. 11. An casu quo totum aliquod monasterium transferri debeat in aliud monasterium de novo constructum, talis translatio fieri possit inconsulta Sede Apostolica.

Resp. Non posse, & hoc ex praxi Sacre Congregationis, quæ in hujusmodi casibus solet expressè hanc facultatē concedere, ut cum aliis observat Cassianus v. *Clausura* n. 197. Nihilominus non desunt oppositū sentientes ex Barbosa. alleg. 102. n. 27. cū ibi relatis, & colligunt ex quadecisione Sac. Cong edita 17. Julii 1615. in qua habetur, quod auctoritas Sedis Apostolicæ requiritur tantū ad constructionem novi monasterii, non verò in monialium translatione; unde eo ipso quod intervenit in constructione, non est opus alia facultate in translatione, quia hec consequitur ad constructionem; quare subintrat regula, quod concessio principali, conceduntur ea omnia, quæ veniunt in consequentiam ad ipsum. *Cap. prudentiam, §. si vero de off. de leg.* Hoc autem est conforme dispositioni Concilii sess. 25. de Regular. cap. 5. ubi statuit, quod monasteria Sanctimonialiū extra mœnia urbis, vel oppidi, curent Episcopi, vel alii Superiores, si ita videbitur expedire, ut ad nova vel antiqua monasteria intra urbes, vel oppida reducantur. Hæc autem translatio, nisi nova monasteria erigantur, fieri debet ad monasteria ejusdem ordinis, applicatis ipsis redditibus monasterii translatis, ut refert decisum Zerola part. 1. Praxis, v. *Monialis*. An autē Episcopi possint monasteria exempta transferre, affirmat Vveims, *constit.* 15. num. 47. quia etiam ipsa quoad clausuram sub,

subduntur Episcopo tanquam Sedis Apostolicæ delegato.

Quar. 12. An monialis cum licentia egressa ad curandam infirmitatem, & intra domum privatam inclusa, violet clausuram, si huc; & illuc vegetur.

Resp. Non violare. Ita Navar, Sanch. & Tambur. quia monialis non ligatur legē clausurę nisi intra proprium monasterium; & cum obligatio clausurę sit odiosa, ultra limites monasterii non est extendenda. Si tamen Superior moniali in domo privata commoranti præscribat clausuram, tunc eam tenetur etiam in privata domo servare, quia tale præceptum est à Superiore potente clausuram indicere.

Quar. 13. An liceat mittere extra clausuram moniales conversas ad quæritandas elemosynas.

Resp. Doctorum aliquos concedere, alios negare, ut videre est apud Donatum *rer. Regular. 1. 4. tract. 3. qu. 18.* Consuetudini standum esse non dubito, observatis tamen conditionibus per Sac Congregationem præscriptis nimirum. Quod Conversæ extra casum quæstuandi non egrediantur, neque ad alia monasterii negotia peragenda. Saltem binæ simul incedant, sint etatis non minus annorum quadraginta, & vitæ exemplaris, bonæq; ædificationis. Extra monasterium nullo modo pernoctent, neque extra Civitatē, terras, & loca, in quibus monasteria consistunt, egrediantur; nisi ex loci angustia, & paupertate secus Episcopo vel ministro provinciali visum fuerit esse necessarium. Quod si hac de causa necesse eis fuerit extra monasterium pernoctare, non nisi in domibus personarum probatæ vitæ, & famæ hospitentur.

de homicidio in 6. & notant Jo Andreas ibid. per illum textum, Iul. Clar. lib. 3. §. fin. qu. 83. num. 9. Quare locutio cum monialibus in domibus propinquis non comprehenditur sub prohibitione. Diana part. 3. tract. 2. res. 48. Tamburin. Lezana, Januar. contra Merol. & Pasqual. in Lauret. num. 1124. Neque vi dictæ prohibitionis est interdictum scribere monialibus, non quia scribere non sit formaliter loqui, sed quia deficit ratio accessus. Ita Riccius, Barbosa, Januar. Tamburin. & alii. E contra verò contra prohibitionem facit, qui loquitur per nutus, & signa; quia ex una parte adest ratio accessus, & ex alia intervenit etiam locutio, nam verè explicat moniali suos internos conceptus, in qua manifestatione consistit formaliter locutio; in nullo refragante, quòd talis manifestatio fiat per nutus, non verò per verba, quia differentia se tenet penes modum, non penes substantiam. Ita Grassius, & plures alii, quos refert, & sequitur Philippin. de Privil. ignorant. in Append. ad cap. 4. num. 284.

Rursus non facit contra prohibitionem, qui loquitur cum moniali idiomate ab ipsa non percepto, quia deficit collocutio; non enim dicitur loqui cum moniali, sed loqui coram ipsa, nam locutio, ut sit completa, debet transmittere conceptus loquentis ad audientem, & eos illi communicare, quo secluso, non habetur formaliter locutio. Ita Merol. Pasqual. n. 1120. & Januar. qui addit, quòd si quis loquatur per intermediam personam, non facit contra prohibitionem, nam tunc explicat suos conceptus alteri, & hìc moniali. Hoc tamen non approbat idem Pasqualig. quia si locutio esset directà ad monialem, verè ipsam alloqueretur, & finis ipsius esset communicare suos

suos sensus moniali, & solum esset facere fraudem legis, & proinde legem violare. Ita Grassi & Lezana in *Sum. v. Moniales* 20. Quod pariter dicendum est de eo, qui loqueretur cum moniali, ipsa nihil respondente, quia finis legis est tollere commercium locutionis, quod habetur, siue monialis respondeat, siue non: secus dicendum, si monialis loqueretur, religiosus vero nihil responderet, quia non est prohibita auditio, sed locutio. Pasqual. *loc. cit. num. 1123.*

Quar. 2. An alloquentes cum Monialibus sine licentia peccent mortaliter.

Resp. Attentis tantum antiquis juribus; de quibus infra q. 4. & præcisa particulari Episcopi prohibitione, Clericos, & Laicos sine iusta causa, & legitima licentia semel aut iterum accedentes ad colloquendum peccare venialiter, docent Llamas, Manuel, Navar. & Sanch. in *sum. lib. 6. cap. 16. n. 119.* mortaliter vero si frequentent, dummodò tamen præcesserit monitio Episcopi præceptiva, qua deficiente, sicut cessat contumacia, ita deficit etiam peccatum, nisi ex tali frequentia consurgat scandalum, aut finis aliquis turpis admisceatur, quæ circumstantiæ difficillimè possunt à frequentia separari. Et ideo frequentem colloquutionem adolescentis cù moniali raro à mortali excusat Castropal. *p. 3. de vot. relig. obed. disp. 4. pun. 11. n. 9.*

Verùm tam Clericos, quam laicos mortaliter peccare absolute, & sine ulla distinctione sustinent Rodriq. Miranda Bonac. *part. 3. n. 1. qu. 3. de claus.* & alii: Qui à fortiori idem asserunt de Regularibus contra Bordon. in *Conf. Regul. res. 7. num. 81.* Delbene s. 1. *de immunit. cap. 14. dub. 5. n. 25.* Siquidem Sac Congr prohibet tanquam aliquid grave, & imponit trans-

transgressoribus pœnam valdè gravem; quæ non solet imponi nisi pro peccato mortali, ut notant communiter Doctores. Unde hanc sententiam sustinent Merol. Coriolan. Nald. & alii penes Pasqualig. *loc. cit. n. 4. 1117*. Quod etiam declaravit Sac. Cong. *sub die 1. Julii 1606. teste Duar. lib. 3. in Bulla Cœnæ §. 8. g. 2. n. 47*. Et hoc habet locum etiam si locutio sit de rebus indifferentibus, quia finis legis est tollere commercium præsentiale propter pericula, quæ inde oriri possunt, hoc autem commercium exercetur in quacunque locutione, de quacunque materia sit, & proinde militat semper eadem ratio finalis. Neque valet quòd lex ista, utpote fundata in præsumptione colloqui ad malum finem, & in periculis annexis tali colloctioni, cesset obligare, cessantibus periculis, & prædicta præsumptione. Lex enim semper obligat, quamvis in aliquo casu non adsit periculum, quod intendit vitare, quia non cessat finis adæquatus ipsius. Unde matrimonium clandestinum semper est invalidum, quia in modo illo contrahendi præsumitur, seu judicatur periculum esse fraudis, est quòd in hoc, vel illo casu particulari nulum sit huiusmodi periculum; semper enim verum est dicere, talem contractum sic factum esse periculosum.

Quær. 3. An detur parvitas materiæ, seu collocutio ad breve tempus excusans à peccato mortali.

Resp. Quamplures Doctores parti affirmativæ adhærere, inter quos Graff. & Diana. Siquidem non magis obligat lex humana, quàm obliget lex divina; si igitur in transgressione legis divinæ datur parvitas materiæ excusans à mortali, debet etiam admitti in transgressione legis humanæ. Discrepant

centia ad monasteria monialium, statutis pœnis, posse ab Ordinario, tamquam Sedis Apostolica delegato coerceri. Et die 7 Junii ejusdem anni facta relatione SS. Domino Nostro, Sanctitas sua præsentem declarationem approbavit, ac typis dari, servarique jussit.

Non desunt tamen Doctores aliqui recentiores, inter quos Amænus, oppositum docentes etiam post dictam declarationem, moti hac ratione, quòd, cum finis legis colloquium prohibentis sit pericula, & scandala præcavere, ut clarè desumitur ex illis verbis *scandala confoventes*, tunc solummodò colloquium, etiam intra modicum temporis spatium, erit prohibitum sub gravi, quando graviter adversabitur fini intento à lege, atque adeò tunc solummodò erit peccatum mortale quando connectetur cum periculis, & scandalis, quæ ex ipso, etiam intra modicum tempus, possunt oriri.

Totum hoc confirmant paritate rationis. Nam quando lex prohibet incedere noctu cum armis per civitatem: non prohibetur incessio noctu præcisè, sed incessio cum armorum delatione conjuncta, quia sub illa tantum ratione adversatur fini intento à lege, Ergo pariter quando prohibetur collocutio etiam ad modicum tempus, non prohibetur collocutio præcisè, sed quatenus connectitur cum periculis, & scandalis, quia sub hac tantum ratione adversatur graviter fini legis.

At prædicti Doctores nullatenus sunt audiendi. Cum enim Sac. Congregatio in alijs declarationibus, præcipuè in declaratione infra referenda, declaraverit, Regularibus promunere prædicationis obeundo missis ad crates prohibitum esse sub mortali, nec non censuris, & pœnis, immediate post cum monialibus

bus immiscere sermones cum quæstionibus, & dubiis spiritualibus, aut materiis ipsius concionis, in quibus nulla ratio scandali, aut periculi reperitur, signum est, quodd collocutio non est prohibita tantummodò ex suppositio-
ne periculi, vel scandali, sed absolutè, quia lex intendit omninò tollere commercium præsen-
tiale, quod per quamcunque colloctionem etiam ad modicum temporis spatium exer-
cetur. Tum quia non spectatur, quale scanda-
lum, aut periculum sequatur, uno contraveni-
ente; sed quale si à multis, & communiter fi-
at. *Sanch. in Sum. lib. x. cap. 4. n. 8.*

Quer. 4. Quo jure siue sæcularibus, siue Regularibus prohibeatur accessus ad mona-
stera monialium.

Resp. Esse prohibitum jure antiquo. *Cap. Monasteria de vita, & honest. Cleric. & Cap. periculoso de statu Regular. in. 6.* Idem speciali-
ter prohibetur Religiosis. *Cap. definivimus 18. qu. 2.* & extant duo decreta, unum sub Sixto V. *Nonis Maii 1590.* alterum sub Urbano VIII. *duodecimo Kal. Decemb. 1623.* Advertendum tamen est, quodd prohibitio colloquendi monia-
les non solet comprehendere sæculares con-
junctos in primo, vel secundo gradu; *Perusi-
na 18. Januarii 1618. Menopolitana 6. Maij. 1625.* excepto casu, in quo ex cõstitutionibus Monasterii, vel speciali Episcopi decreto pro-
hiberentur etiã conjuncti in primogradu mo-
niales alloqui sine licentia, quæ tamen, nisi aliud obstat, ipsi concedi debet ad annum pro alloquendis monialibus sibi conjunctis semel in mense; *Verulana 10 Februarii 1599.* Con-
cessa licentia semel in mense, non est necesse, quodd inter unam, & aliam visitationem tran-
seat mensis integer, sed poterit accedere v. gr. die 27. Aprilis, deinde die secunda Maji dũ-
modò

modò nec in Aprili, nec in Majo, alia vice accedat. Sanchez.

Quar. 5. An prohibitio alloquendi moniales extendatur ad Abbatissam.

Resp. Doctores aliquos negare. Ita Lezana, Tambur. Januar. & Zambel. penes Pasqual. *loc. cit.* Cum enim sit lex odiosa, nomine monialium non venit Abbatissa, & quidè rationabiliter, quia, cum Abbatissa sit persona gravis, provectæ ætatis, & probatæ, vitæ, cessant quoad ipsam illa pericula, propter quæ est facta prohibitio. Oppositum tamen tenendū cum Merol. Megalio, & Squillant. præcipuè ob decretum supracitatum Sixti V. in quo prohibetur allocutio non solum cum monialibus, sed etiam *cum qualibet alia persona intra claustra degente*. Dictio *qualibet* est universalis, & omnes comprehendit, etiam illos qui alias non comprehenderentur, ut per Seraph. *decis. 980. n. 8.* & censuit Rota *diversar. decis. 791. n. 10. p. 1.* etiam in materia odiosa, & strictè interpretanda, Calderin. *conf. 1. de consanguin. & affinit.* Aym. *conf. 118. n. 12.* Rota *divers. decis. 223. n. 9. & 28. part. 1.* Consequenter comprehenditur etiam Abbatissa. Quod expressius habetur ex Constitutione Alexandri VII. *Sacro-Sancti*, in qua apertè declarat, quòd sub nomine monialium in hac materia locutionis veniunt *Abbatissa, Priorissa, aut Officiales monasterii*.

Nec subsistit responsio Potestat. *in exam. confes. t. 1. p. 2. n. 1477.* scilicet quòd dicta Constitutio utpote edita pro quiete monialium Urbis, prohibet tantum allocutionem cum Abbatissis, Priorissis, & officialibus monasteriorum ejusdem. Urbis, extra quam non est extendenda, cum sit odiosa. Nam respondetur, quòd, licèt specialiter dispo-

N

nat

nat de monialibus Urbis, attamen, quia materia de qua, scilicet collocutio, & finis ob quem disponit, scilicet quies monialium est communis tam monialibus Urbis, quam extra Urbem, utraque comprehendit. Nam communitas materiæ, & ratio legis facit, quòd dispositio specialis efficiatur generalis, *l. regula, §. si quis, ff. de jur. & fac. ignor. & notant Bart. ibid. Alex. in l. si pupil. ff. de verb. obligat. Decius conf. 451. in fin. Cravet. conf. 273. num. 3. Surd. conf. 53. num. 6. etiam in odiosis, & pœnalibus per extensionem comprehensivam, ut docent Imol. in cap. 1. de temp. ord. in 6. Gemin. ibid. Panorm. in c. fin. num. 10. de rescript. & alii apud Sanch. de matrim. lib. 3. disp. 42. num. 4.*

Quar. 6. An dicta prohibitio afficiat Episcopos extra suam diœcesim commorantes.

Resp. Si loquamur de prohibitione facta in Constit. Bonifacii VIII. relata in cap. periculofo, & innovata per Concil. Trident. sess. 25. de Regulr. cap. 5. dicendum est afficere etiam Episcopos, & Prælatos, immò etiam Cardinales, extra diœcesim commorantes, ut probat Donatus in Praxi t. 4. tract. 5. quest. 21. & 24. ubi tamen subdit, quòd prædicti loquendo cum monialibus sine licentia, ex tacita, seu præsumpta licentia Ordinarii scientis, & non contradicentis, possunt excusari. Si verò loquamur de prohibitione Ordinarii contra alloquentes cum monialibus subiectis, non subijci tali prohibitioni, neque pœnis in ipsa contentis, defendunt Graff. & Diana, quia dicti Episcopi, & Prælati sunt exempti ab omni jurisdictione Episcopi loci, ad quem divertunt. Nihilominus probabilius est oppositum, tutius in conscientia, & in praxi servandum. Ita Doctores relati, & appro-

approbati à Philippin. *de Privil. ignor. in app. pend. cap. 4. n. 269.* Quia Episcopus, & Archiepiscopus in alieno territorio censentur ut privatæ personæ; ex Panormit. Ancharan. Hostien. & aliis; unde tenentur, sicut quælibet alia persona, locorum leges servare, & sic tenentur ad jejunia, ac festa, aliaque omnia pro bono communi, & salute animarum ab aliis Episcopis in eorum diocesisbus indicta. Præter quàm quòd Episcopus diocesanus in casibus concernentibus monialium clausuram quoad personas exemptas procedit ut Sedis Apostolicæ delegatus, undè ejus auctoritas extenditur ad omnes personas quovis titulo in sua diocesi repertas. Quod authenticè fuit declaratum à Sac. Congreg. in *Baren. 20. Maii 1619.* quâ declarationem per extensum refert Navar. *Sum. Bull. p. 1. com. 43. n. 10.*

Quar. 7. An Prælati regulares tuta conscientia possint accedere ad loquendum cum monialibus, etiam non subditis.

Resp. Affirmativam sententiam sustineri ab Antonio à Spiritu Sancto. in *direct. regul. tract. 4. disp. 4. sect. 1. n. 20.* hac ratione, quòd talis accessus nullibi est prohibitus Prælati regularibus; nam neque *cap. periculoso de statu regul. in 6.* neque Tridentin. *sess. 25. c. 5. de reg.* neque Decretum Sixti V. loquuntur de Prælati, sed de religiosi particularibus. Et *cap. Monasterium de vita & honestate Clericorum* loquitur de Clericis, quorum nomine in odiosis non veniunt Prælati. Negativè tamen resolvendum, quia Prælati regulares respectu monialium sibi non subditarum censentur, ut privatæ personæ, sicut de Episcopis, & Archiepiscopis in alieno territorio supra notavimus: cadunt ergo sub prohibitione generali sicut quilibet religiosus privatus.

Quar. 8. An Ecclesię Cathedralis Canonici cum monialibus colloquentes afficiantur censuris, & aliis pœnis latis ab Episcopo, si illi inediſto non sint specialiter expressi.

Resp. Videtur quòd non; quia Canonici Ecclesię Cathedralis sunt personę speciali nota dignę; vocantur enim Clerici primi gradus. Innocen. in cap. *sedes num. 2. de rescript.* & dicuntur pars corporis Episcopi, & Ecclesię, cap. *novit*, & cap. *quanto de his qua sunt à Pralat. sine cons. capit.* Et in pluribus æquiparantur dignitatem obtinentibus, ut in c. *statutum in princ. de rescrip. in 6.* Neque carent honore, & præminetia, c. *quævis, §. quamquam de præb. lib. 6.* Et proinde non comprehenduntur sub prohibitione, nisi in specie exprimantur.

Quod à fertiori procedit in Canonicis Capituli exempti, ut ex Marco Vidal in *Arca vital. de monial. inquisit. 2. n. 29.* ubi ex alio capite illos liberat à censurarum incurſu, videlicet ratione exēptionis à iurisdictione coercitiva Episcopi. Nam ex Trident. *sess. 25. cap. 6. de reformat.* Episcopus sine Capitularibus adjunctis non potest juridicè procedere contra Canonicos exemptos quoad pœnas propter delicta infligendas.

At resolvendum affirmativè; quia Canonici uti singuli sunt personę privatę, nec dici possunt in dignitate constituti, ut tradit Bald. in cap. *pastoralis sub n. 3. versic. canonici autem de offic. deleg. cum aliis adductis per Pacia de probat. lib. 3. cap. 27. num. 101.* atque aded non sunt speciali nota digni. Et quatenus etiam tales essent, & proinde fruerentur privilegio, ut non comprehenderentur sub clausulis generalibus quantum ad odia, & rigores, adhuc in præſenti dicerentur comprehenſi,

hens, ut in terminis allocutionis firmat Sperel. *decis. 21. num. 58.* Quia, quoties agitur de animarum præjudicio, etiam in pœnali-
bus, & odiosis admittitur extensio. Panor. *in cap. ex tenore num. 6.* Jason. Cravet. Rota, Quaranta, & alii relati à Sperel. *loc. cit.* Et quia Episcopus, ut supra innuimus, in hac materia procedit ut Sedis Apostolicæ delegatus, omnes sibi subjicit, etiam privilegiatos, & exemptos.

Quar. 9. An in illis diocesibus, in quibus collocutio prohibetur sub excommunicatione Ordinario reservata, pueri, & puellæ, i. puberes tali pœna afficiantur.

Resp. Affirmat Grassus, dummodò sint doli capaces, quia sicut possunt mortaliter peccare, sic etiam censura puniri, quæ fertur in pœnam delicti. Negant probabilius Bonacina, Diana, & alii, quia respectu eorum, qui annos pubertatis nondum attigerunt, cessat causa finalis prohibitionis, quæ est, ut vitetur occasio luxuriandi, quod non potest habere locum in impuberibus, ut expressè colligitur *ex cap. Pueris 1. de delict. pueror.* An autem pueri in dubio, an ætatem expleverint; peccent colloquendo cum monialibus, & excommunicatione ligentur, negant Diana, & Quartus, quia in dubio melior est possidentis conditio, pro libertate autem pueri stat possessio.

Quar. 10. An Advenæ, & Peregrini ligentur excommunicatione lata ab Ordinario contra hujusmodi alloquentes.

Resp. Negant Diana, Januarius, & Delbene, quia Peregrini, & Advenæ non subji-
ciuntur jurisdictioni, & legibus loci, in quo obiter reperiuntur, & per quem transeunt, quod patet *ex Cap. à nobis 1. de sent. excomm.*

ubi habetur, exteros furantes in diœcesi, in qua furtum est prohibitum sub pœna excommunicationis ipso facto &c. in hanc non incidere, cùm non sint de iurisdictione Episcopi excommunicantis. Distinguit Donatus in *Praxi tom. 4. tit. de Accessu ad Monial. tract. 6. q. 22. n. 8.* & adimittit hanc opinionem quoad monasteria immediatè Episcopo subiecta, non verò quoad exempta, quia quoad prima Episcopus procedit potestate ordinaria, cui subduntur Advenæ, & Peregrini; quoad secunda verò procedit auctoritate Apostolica delegata, secundùm quam sibi subijcit etiam Advenas, & Peregrinos, quia edicta condita ab Episcopo cū tali facultate censentur condita ab ipso Pontifice, cui omnes Christi fideles in his, quæ spectant ad bonum animæ, tenentur ubique obedire. Ego absolutè, & sine limitatione censeo, Advenas, & Peregrinos ligari excommunicatione lata ab Ordinario contrà hujusmodi alloquentes, sive in monasteriis exemptis, ob rationes adductas à Donato, sive in immediatè subiectis, quia Episcopus non tantùm procedit auctoritate Apostolica delegata quoad loca, sed etiam quoad personas, ut patet ex declarat. Sac. Congregat. in *Baren. 20. Maii*, superiùs adducta. Unde ratione talis potestatis subijcit sibi personas independentèr à loco, & per consequens ligantur excommunicatione. Adde, quòd etiam si non recurratur ad potestatem delegatam, Peregrini, & Advenæ subduntur legibus loci, ut habetur in *cap. consilium de observat. jejuniorum* & Gloss. *ibi*, & docent Pontius, Meroll. Molfesius, alique permulti.

Quar. 11. An afficiantur supradicta excommunicatione sæculares colloquentes cum monialibus exemptis.

Resp.

Resp. Visum est aliquibus, non affici, quia locus exemptus, & locus extra diocesim æquiparantur. Nihilominus oppositum asserendum; siue in edicto fiat mentio de monasteriis exemptis, ut tenent Rolland. Genuen. & Belloch. siue nulla fiat mentio, ut tenet Bariola. Quia, ut diximus in superiori responsione, Episcopus in ordine ad clausuram exemptarum procedit ut Sedis Apostolicæ delegatus. Vide Dianamp. 10. tract. 14. res. 50. ubi utramque sententiam vocat probabilem; at verior est secunda, quod novissime declaravit Sac. Congreg. in *Urbinate*. die 10. Maii 1663. & in *Viterbien.* quam referemus in responsione sequenti.

Quar. 12. An Regulares, & moniales exemptæ, si de ipsis mentio fiat, afficiantur censuris, & pœnis ab Episcopo indictis contra alloquentes sine licentia.

Resp. Affici; habetur in *Viterbien.* die 26. Junii 1627. his verbis: *Sacra Congregatio* &c. *sepius censuit, Episcopum ad clausuram custodiendam etiam in monasteriis Regularibus subiectis posse excommunicationis lata sententiæ pœnam sibi reservatam imponere circa aperitionem ostii clausura extra casus indigentia, nec non circa accessus & colloquia cum monialibus, ac dictam excommunicationem ligare nedum Regulares accedentes, verum etiam moniales, si de ipsis mentio fiat, adeo ut Superior Regularis ab eadem excommunicatione absolvere nequeat* Cap. *Monasteria de vita, & honestat. cler.* Limitant hanc responsionem Sanchz, Barbof. & Tamburin. disp. 25. quest. 9. & volunt, affici Regulares exemptos; sed non privilegiatos; non verò exemptos simul, & privilegiatos; & pro hujus distinctionis fundamento afferunt quamdam declarationem Sac. Congr.

296 *Ex Claus. quoad accessum*
9. Aprilis 1583. quæ sic habet; *Regnantes monasteria monialium sine licentia non possunt incidunt in pœnam excommunicationis. Episcopus suo edicto proposuit, nisi Reges habeant ex privilegio, quod non possunt communicari, & tunc debent puniri à deo alia pœna.*

Quær. 13. An eadem censura a quoque qui consulit, vel cooperatur, aut aliter accedens accessum.

Resp. Negative, quia pœna lata contra accedentes, & cum finis in odium est extendenda ad consulentes & cooperantes, tamen missus, quia propriè accedens in pœnam incurrit, nisi fortè ipsi imminere damnum, si non obtemperet dominum pœnienti, quia in tali casu ratione metuetis in constantem virum non incidit in excommunicationem, quia leges ecclesiasticæ non obligant cum tanto rigore; non excusaretur à culpa contra jus naturæ Diana, & Delbene 1.2. cap. 14. dub. 4. ubi concludit, quod fortasse excusandus ad cautelam.

Quær. 14. An dicta censura afficiantur peresostiatini medicantes accedentes ad moniales causa quærendi eleemosynam.

Resp. Non affici, quia rationabiliter sumi potest Ordinarium licentia, in tali casu non militent rationes, ob quod facta est præfata prohibitio. Et ob hanc causam excusari fortasse possunt famuli mulæ accedentes ad moniales, ut ipsi præstent consanguineorum munuscula, non quoad illa monasteria, in quibus non potest servari vita communis, cum enim moniales multis indigeant; opus est extra quærere, & recipere, quod tunc

quenter habere non possunt per proprios inservientes; unde præsumendum est, Prælatos tacite consentire, quod per externos hoc præstetur. Attamen inspicienda est cujuscumque loci consuetudo; & servanda.

Quar. 15. Ad quem spectet concedere licentiam accedendi ad moniales tam exemptas, quam non exemptas.

Resp. Videantur quæ diximus supra hoc capite §. 2. g. 1. ubi etiam differuimus, an licentia indefinitè concessa extinguatur prima vice g. 8. Non esse hanc licentiam alloquendi de necessitate in scriptis concedendam, asserunt Doctores, quos citat, & sequitur Diana p. 3. tract. 3. res. 129. oppositum sentiunt Suarez, & Sanchez.

Quar. 16. An Episcopi possint prædictam licentiam Regularibus concedere.

Resp. Possit Episcopos concedere Regularibus, ut quater ad summum in anno alloqui possint moniales consanguineas in primo, & secundo tantum gradu. Sac. Congregat. anno 1623. Urbano VII. annuente, cum his tamen limitationibus, scilicet, quod non alloquantur in Festis, Adventu, Quadragesima, Feria sexta, Sabbato, & Vigiliis, ac præsentem Confessario, dataque licentia pro die, & hora, quæ in libris Episcopi potentur. Nomine festivorum dierum veniunt Dominicæ, & alia festa ex præcepto abstinendi à servilibus, & non alia. Sub nomine Vigiliarum veniunt etiam Quatuor tempora, ita Diana contra Bordon. Sub nomine Adventus venit Romanus, non Ambrosianus. Quadragesima verò incipit a die cinerum. Sub nomine Religiosi, cui Episcopus non potest concedere facultatem alloquendi nisi quater in anno, non venit Novitius, quia in odiosis

293 *De Claus. quoad accessum Extran.*
habetur ad instar sæcularis. Portel. & Squi-
lante apud Cassian. *ut Colloqii n.* 13.

Quar. 17. An Episcopus denegare possit
licentiam, quam concedere potest Regulari-
bus juxta formam supradicti decreti.

Resp. Possit, ex Bordon. *in Miscel. decr.*
222. Ducitur, quia in dicto decreto dicitur
quod Episcopi *possint*, non verò quod *de-
beant*. Verbum autem *possint* importat
actum voluntarium, non necessitatis, Bar-
tol. *in l. Gallus, ff. de liber. & posth. num.*
4. Negat Pasqual. *loc. cit. n.* 1134. pos-
sit Episcopum licentiam sine causa denegare
quia agitur de gratia solita concedi; gratia
autem concedi solita non potest sine inju-
ria denegari, *arg. ex l. 1. §. penult. de aqua
quorid.* & notant Bart. Gabriel. & Puteus.
Concludit tamen ex causa rationabili possit
denegare, & subdit ex Bordon. *cit.* quod
urgeat aliqua necessitas alloquendi monia-
lem nullo gradu conjunctam, ut esset cele-
bratio alicujus contractus, aut alia similis.
potest Ordinarius concedere licentiam to-
ties, quoties necessitas urgebit, quia non
prohibetur collocutio necessaria, sed tan-
tùm vitiosa, ut colligitur *ex cap. Monast. a
honest. Cler.*

Quar. 18. An Regularis habens licentiam
alloquendi monialem pro certa die, si allo-
quatur alia die à præscripta, peccet morta-
liter, & incidat in penas decreti.

Resp. Bordon. Pasqualig. & Dianam *s. q.*
tract. 7. res. 33. excusare à peccato, qui
manet licentia quoad substantiam, & varia-
tur tantùm quoad modum. Hinc infer-
idem Diana *loc. cit. res. 34.* neque pecca-
re, si colloquatur absentibus Auscultatrici-
bus, & Confessario, quia hæ circumstantiæ
sunt

sunt extrinsecæ, & secundum has non videtur decretum Urbani usu receptum. Ubi tamen hæc laudabilis viget consuetudo, omnimode servanda.

Quar. 19. An Regularibus ex Prælati licentia missis ad crates monialium, pro munere prædicationis obeundo, prohibitum sit sub peccato mortali, censuris, & penis, immediatè post cum ipsis monialibus, absque expressa licentia ad colloquendum, immiscere sermones, cum quæstionibus, vel dubiis spiritualibus, aut materiis ipsius concionis.

Resp. Sac. Congreg. Concil. die 21. Maii 1678. respondit affirmativè, tam de colloctione cum aliquibus monialibus, quam cum una tantum (omnibus tamen audientibus) immediatè post concionem.

Quar. 20. An licentia concessa Regulari ad colloquendum, extendatur ad socium.

Resp. Cum Diana, del Bene, & aliis negativè, contra Riccium, Tamburin. & Peyrin. qui partem affirmativam defendunt hac ratione, quia nimirum in connexis idem est iudicium, & sic quod conceditur Regulari, concessum censetur etiam socio. Sed falluntur; quia illud principium de connexis desumptum ex cap. *translato*, locum habet, si connexa se habeant inseparabiliter, non sic si separabiliter. Ita communiter Doctores. Regularis autem, & socius non sunt connexi in ordine ad locutionem, si quidem unus loqui potest, altero nihil loquente.

§. X.

De Pœnis , quibus subjiciuntur violantes Clausuram.

Quar. 1. **Q**Uas pœnas incurrant Prælati ingredientibus monasteria monialium ultra casus necessitatis.

Resp. Prælati sæculares Pontificali dignitate & ædifici pro prima vice incurrunt interdictum ab ingressu Ecclesiæ; pro secunda contrahunt suspensionem à munere Pontificali, & à divinis; pro tertia verò vicè, & deinceps afficiuntur excommunicatione nemini reservata. Prælati Regulares incurrunt excommunicationem, & simul privationem omnis officii, & ministerii, & quidem toties, quoties ultra casus nececessitatis ingrediuntur, ut notat Sanchez ex motu Gregorii XIII. *sub die 23. Decemb. 1581.* Juxta Constitutionem verò Alexandri VII. quæ incipit *Sacrarum Virginum*, ipso facto pœnam excommunicationis, & privationis omnium officiorum, quæ obtinent, ac perpetuæ inhabilitatis ad illa, vel alia impofterum obtinenda, vocisque activæ, & passivæ absque alia declaratione incurrunt, & ab Episcopo loci tanquam ad hoc Sedis Apostolicæ delegato, quando, & quoties opus fuerit corrigi, & puniri valent.

Quar. 2. Quænam pœnæ impositæ sint ingredientibus clausuram sine licentia.

Resp. Per Concilium Tridentinum imposita est excommunicatio ingredientibus sine licentia in scriptis: idem dicendum de ingredientibus cum licentia vi, dolo, aut ex falsa causa impetrata. Excommunicatio hæc nemini reservatur, nisi fiat ad malum finem; nam
in

in hoc casu reservatur Pontifici, & nemo virtute privilegiorum potest absolvere; prout declaravit Sac. Congregatio. Alia excommunicatio Papæ reservata lata est a Gregor. XIII. in sua Constit. quæ incipit *Ubi gratia*, contra quascunque personas, etiam Comitissas, Marchionissas, aut Comites, Marchiones, Duces ingredientiæ clausuram monialium prætextu facultatum ibi revocatarum, siue tales facultates concessæ fuerint ab ipso Pontifice siue à Legatis, siue ab Episcopis, vel aliis. Excommunicatio quoque simili tenore lata est à Paulo V. & licet hæ Constitutiones videantur loqui de ingredientibus tantum prætextu dictarum facultatum, tamen ex stylo Curiaæ intelliguntur generaliter etiam de intrantibus sine tali prætextu. Ita Navar. Beja, Villagut. Azorius & Grass. etsi contrarium sentiant Suar. Sayrus, & Sanchez.

Unde in Excommunicationem Papæ reservatam incidunt, qui sine necessaria licentia intrant in clausuram, licet id faciant propria auctoritate, & sine prætextu privilegiorum, ut declaravit Sac. Congr. Episc. in Comen. 15. Septemb. 1578. & in Mediolanen. 19. Maii 1579. & etiam cum licentia in casibus non necessariis, puta ad visitandas moniales consanguineas, etiam infirmas; & illæ mulieres, seu viri, qui cum uno saxo, vel ligno, vel qualibet alia re intrant sub prætextu deferendi necessaria pro fabrica; & moniales, quæ tales introducunt, 11. Junii 1583. & qui licentiam habet ingrediendi pro uno servitio, si postea intret pro alio 6. Augusti 1601. & 14. Junii 1630. Puella verò, vel vidua, quæ temerè ingreditur ad suscipiendum habitum, & Abbatissa recipiens incidunt in censuras. Hæcque debet graviter puniri, illa expelli, nec amplius admitti sine licentia.

licentia speciali Sacræ Congregationis, 8. *Novemb.* 1601. & 5. *Februarii* 1649. Si tamen ingressa fuit non ad malum finem, postquam exivit, absolvitur cum pœnitentia salutari absque ulla pœna pecuniaria, 20. *Novemb.* 1654. Ingressantes peculiaria monasteria monialium contrahunt etiam alias antiquiores excommunicationes, scilicet Gregorii IX. & Eugenii IV. præsumentes ingredi monasteria S. Claræ; Bonifacii IX. præsumentes ingredi monasteria ordinis Prædicatorum; & Julii II. ingredientes monasteria Conceptionis.

Quar. 3. Quibus pœnis afficiantur moniales, seu alii exterum introducentes, vel intrare permittentes in clausuram sine licentia legitima.

Resp. Nullam incurrunt excommunicationem ex vi decreti Concilii Tridentini, quia de iis nulla est facta mentio; sed tantum de intrantibus. Verum ex Bulla Gregori VIII. *Vbi gratia* fertur excommunicatio Papæ reservata, & pœna privationis dignitatum, beneficiorum, officiorum, & inhabilitatis ad hujusmodi contra Abbatissas, Abbates Conventus, & alios Superiores utriusque sexus monasteriorum, & personas quocunque nomine vocentur, si quemquam prætextu licentiarum, quas ibi revocaverat Papa, ingredi faciant, vel permittant; & omnes istæ pœnæ sunt lætæ sententiæ. Item ex Bulla Pauli V. *Monialium* fertur excommunicatio Papæ reservata, & privatio officiorum, ac inhabilitas contra monialium Abbatissas, Priorissas, & Superiores alias, si quemquam prætextu licentiarum ibi revocatarum, introducere, admittere, vel admissum quocunque modo detinere ausæ fuerint, aut præsumserint.

Quar.

Quar. 4. An dictas pœnas incurrant solum Superiores viri, vel fœminæ introducentes, an alię etiam personæ religiosæ particulares, masculi, aut fœminę.

Resp. Superiores tantum, non verò privatas personas affici dictis pœnis, asserunt Sanchez, Miranda, Rodriq. & Dian. t. 1. ref. 33. & 34. quia illam particulā & *personas quocunque nomine vocentur* in Bulla Gregorii positam, putant, intelligi de personis eorum Superiorum; in Bulla verò Pauli solum superiores fœminę exprimuntur. Nihilominus tenendum est, etiam moniales particulares subdi prædictis pœnis extraneos admittendo in clausuram, patet ex motu Gregorii, nam clausula illa & *personas quocunque nomine vocentur* utpote universalis comprehendit etiam moniales particulares, maximè quia Pontifex in antecedentibus de superioribus sufficienter disposuerat. Et ita tenent Llamas apud Sanchez, & Filliucius, quam sententiam videtur sequi S. Congr. in *Affisien. 4. Augusti 1602. & in Cremonen. 17. Septem. ejusdem anni.*

Quar. V. Quid veniat nomine admissionis in monasteria, ut moniales admittere præsumentes, dicantur incidere in pœnas in supradicto motu Gregorii inflictas.

Resp. Venire cooperationem tantum sive directam, sive indirectam ad ingressum; quatenus scilicet exercet actionem positivam, vel negativè se habet ad ingressum, quem impedire tenentur ex officio, quia alter utro modo tantum censetur admittere ad Ingressum. Suarez, Miranda, Coriolanus, Bonacina, & alii. Ita ut monialis, si ad ipsam non spectet impedire ex officio, v. g. non sit Prælata monasterii, nec præsit portæ, non incurrat dictas pœnas non impediens,

diens, etiam impedire cum possit; quia in tali casu nec directè, nec indirectè censetur cooperari ad ingressum. Ita Delbene t. 2. *de immuns. c. 19. dub. 67* ubi n. 5. addit, monialem confabulantem, vel concomitantem personas illicitè ingressas, non affici dictis pœnis, etiam si colloquendo sit causa, quodd illè diutius immorentur, quod sustinet etiam Sanchez, quia verè non dicitur admittere ad ingressum, cū jam sint ingressæ; tamē licet non subjiciatur pœnis ipsa monialis, peccat contra obligationem clausuræ. Ita Bonacina, qui censet, Prælatam, vel aliam, cui incumbit onus impediendi ingressum, subjici præfatis pœnis, non solum si sua locutione detineat diutius ingressum, verum etiam si non expellat, cū possit.

Quar. 4. Quas pœnas incurrant moniales illicitè egredientes è monasterio.

Resp. Moniales clausuram violantes, sive parùm, sive multum, dummodò egressus sit completus, peccare graviter, & ipso facto contrahere excommunicationem Papæ reservatam ex Constit. S. Pii V. quæ incipit, *Decori*, quam excommunicationem contrahunt etiam licentiam egressus quomodocunque concedentes aliter, quàm in constitutione permissum est. Item lata est excommunicatione adversus concomitantes, ac illarum receptatrices personas laicas, sive ecclesiasticas, consanguineas, vel non. Insuper adversus egressas, & Superiores licentiam concedentes statuit Pontifex privationem dignitatum, officiorum, & administrationum, quæ eo tempore obtinent, redditque inhabiles ad eas, & alia in posterum obtinenda.

Quar. 7. Quinam comitatus, & receptio necessarii sint, ut comitantes, & recipientes
mo-

monialem iniquè egressam excommunicationis censuram incurrant.

Resp. Debere esse comitatum, vel receptionem, quæ cum egressum, vel illius perseverantiam foveant; alias non est formalis comitatus, vel receptio monialis è monasterio egressæ, ita Delbene *loc. cit.* Quare pœnas non incurrunt monialem comitantes, vel recipientes post egressum illicitum, ut ejus honori, & honestati consulant, immò ob solam urbanitatem, amicitiam, aut cognationem, dummodo non faveant illicito egressui, nec perseverantiæ in illo. Lamas. Rodriq. & alii.

Quar. 8. An prædictæ pœnæ afficiant monialem legitimo titulo egressam, sed cessante egressus causa, iniquè extra claustra commorantem.

Resp. Negat Sanch. *lib. 6. c. 15. num. 70.* Quia Pontifex has pœnas indixit egredientibus aliter, ac ipse disposuerat; hæc autem monialis non aliter egressa est, esto aliter post egressum commoretur. Oppositum docent Lamas, & Castropal. quia Pontifex imponens prædictas pœnas non usus est verbo *egredientes*, sed *egressas*, ut tacitè innueret spectare non physicum egressum tantum, sed etiam moralem, & continuatum.

Quar. 9. Quibus pœnis afficiantur accedentes ad colloquendum cum monialibus sine licentia.

Resp. Contra laicum, & Clericum monasteria frequentantes, & præmissa Episcopi monitione ab accessu non desistentes, *in cap. monasteria, & cap. ut Clerici de vita, & honest. Cleric.* statuitur pœna. Ille debet excommunicari; iste verò non tantum excommunicari, sed etiam ab officio suspendi, & deponi. Contra utrumque procedere potest
Epis-

Episcopus, si post præmissam monitionem semel tantum accedant, quia sunt sufficienter contumaces, & semel tantum adducuntur non desistere, Bonac. *de cl.* 9. 3. p. 4. Per quot autem actus inducatur frequentia accessus, discrepant de more Doctores. Per duas vices sustinent in terminis Cosm. & Gratian. quibus assentitur Lama si fiant una die, vel duobus diebus continenter negat tamen de toto mense. Per trinum accessum tribus diebus continuis frequentia haberi defendunt Manuel, & Navarrus, quibus adhæret Sanchez, qui addit, unicuique etiam accessum singulis mensibus frequentiam annuncupari. Placet sententia Barbosa *legat.* 102. n. 70. hoc relinquendum esse prudentis arbitrio.

Contra Regulares verò ad monialium monasteria accedentes imposita est pœna privationis officiorum, vocis activæ, & passivæ ipso facto incurrenda, ut patet ex decreto Sac. Congregat. jussu Sixti V. & Urbani VIII. editis, & ex Constitutionibus Gregorii X. & Alexandri VII. Possunt quoque ab Episcopo excommunicari, ut ex Sac. Congreg. Decreto approbante Clemente IX. & etiam excommunicari, ut tradunt Boer. & Guid. Pap. quod refert, sed impugnat Pasqual. *loc. cit.* n. 11. & prædictis pœnis subduntur Regulares etiam ob unicum accessum, quia de accedentibus, non de frequentantibus loquuntur decreta, sub quibus etiam Equites Hierosolymitani ex ejusdem Sac. Congregationis declaratione comprehenduntur.

Quar. 10. An prædictæ pœnæ obligent conscientia ante judicis declarationem.

Resp. Excepta excommunicatione, alie pœnas non obligare in conscientia, affirmat Suar.

Suar. t. 4. de relig. lib. 1. cap. 7. in fin. qui de magis communi testatur, quamvis alii doceant, pœnam inhabilitatis obligare ante declaratoriâ criminis commissi, quia hæc pœna est purè privativa non requirens factum hominis positivum ad sui executionem. Cajetanus, & plures alii adducti à Sanchez lib. 2. cap. 39. n. ul. Alii verò distinguunt; Si pœna inhabilitatis apponatur simul cum aliis pœnis, quæ non obligant in conscientia ante declaratoriam, tunc neque hæc obligabit; aliàs secùs, si ponatur per se, vel cum aliis merè privativis. Covar. & Filliuc. Media tamen sententia ex stylo curiæ magis recepta sustinet, dictam privationis officiorum pœnam obligare in conscientia, quando casus est manifestus, quia tunc superioris acta incipiunt esse nulla cessante; at quandiu privatio est occulta, non videtur obligare in conscientia, quia ejus acta ratione publici officii sunt valida manente titulo colorato.

Quer. 11. Quinam à prædictis censuris, & pœnis possint absolvere.

Resp. Ab excommunicatione, quam incurrunť ingredientēs sine necessitate, & licentia in scriptis ex decreto Tridentini, cùm nulli sit reservata, jure ordinario Episcopi, & Prælati suos subditos, & omnes confessarii approbati suos pœnitentes, *Cap. nuper de sent. ex. commun.* Ab excommunicatione verò contracta in terminis Constit. Gregorii XIII. utpote reservata Pontifici, ipse solus potest absolvere, & ejus pœnitentarii, &) si casus sit occultus) etiam Episcopi, & Prælati, qui habent privilegium absolvendi suos subditos à casibus Papalibus occultis; Regulares quoque virtute privilegiorum suæ religionis. Limitandum tamen, niũ ingressus fuerit ad malum finem,

308 *De Pœnis contra violante-*
nem, scilicet ad malum finem
responsum Romæ, ut testatur De
in hoc casu, licet occulto, quoad
derogatum fuisse decreto Tridenti
de reform. c. 6. tradit Sanctarel. in
resc. 5. dub. 1. n. 1. ubi assert de
Congregat. quæ censuit approba
rio XIII. Bullam S. Pii V. etiam
procedere; & oppositum sentit cu
na Delbene, qui de tali declaratio
autenticè, non constare. Quoad
verò ex decreto Sac. Congreg. sub
VIII. revocata sunt privilegia. In
tamen quoad penitentes sæculares
non verò regulares, Naldus *v. r.*
Vecchius, & Bordonus, qui quan
Congregat. declarationem adducunt
In reliquis autem censuris, & po
tis, vel contra Prælatos illicitè in
ingredientes, vel contra cæteros, c
dictum est supra, potest, si occulto
Episcopus absolvere, & respectivè d
re; hæc enim facultas ei competit qu
subditos ex Trident. *sess. cit.* sicut e
petit superiori religionis, etiam local
vilegio circa suos religiosos, cum l
que circa prædictos jurisdictionem qu
scopalem exerceat. Non potest tamen
habilitatibus in foro externo dispensa
nullum circa hoc appareat privilegiu
probabilius contra Rodriq. sentiunt I
Peyrinus, & Bonacina; quod à fort
nendum est, si fuerit iudicis sententia
cuta. Quomodo supradicta facultas co
tat etiam confessariis regularibus, qui
suorum privilegiorum possunt absolvere
ties quoties ab omnibus casibus, & cen
ac pœnis consurgentibus ex eis, præter
à c

à contentis in Bulla Censuræ, & Decreto Clementis VIII. & à specialiter reservatis ab Ordinario, videatur Delbene t. 2. de Immunit. c. 25. dub. 81. n. 3.

Quar. 12. An contraveniens edicto Episcopi in materia clausuræ possit ab excommunicatione infligta, & Episcopo edicenti reservata absolvi à Metropolitano, vel à quocunque alio Episcopo :

Resp. Quoad utrumque negativè, & quidem quoad Metropolitanum, quia non est iudex, aut ordinarius suorum suffraganeorum, ac proinde nec eos excommunicare, nec ab excommunicatione absolvere valet extraneum appellationis, ut in cap. Romana, & c. Venerabilibus §. excommunicatos vero; traditque Hostien. in sum. l. 5. de sent. excom. num. 2. Astensis Paludan. & alii, quos sequitur Sayr. de censur. lib. 2. cap. 20. num. 17. quid dicat Sanch. lib. 3. cons. cap. 1. n. dub. 35. Quoad alios Episcopos probatur ex regula generali, quam tradunt Doctores, quod scilicet, qui excommunicationis, aut alterius censuræ sententiam tulit, solus ipse absolvat. Quod habetur ex cap. prudentiam §. Sexta de off. deleg. Alioquin destrueretur disciplina Ecclesiastica, præsertim in materia clausuræ monialium peculiari juri Ordinariorum à Tridentino summoperè commissarum. Et ita declaravit quoad utrumque Sac. Congr. Concil. in Bituntina die 13. Septemb. 1675.

CAPUT VIII.

De præcipuis Monialium
gationibus.

§. I.

*De Horarum Canonicarum obli-
gatione.**Quar. 1.* **A**N moniales teneantur
officium divinum in C
solvere.*Resp.* Teneri tum ex antiqua Ecc
suetudine, tum ex statutis ferè omni
gionum, tum ex *Clemen. 1. de celebr*
tum ex communi Doctorum; & tal
tio est sub mortali, præcipuè respec
tissæ, quia, quando obligatio cadit
mysticum alicujus communitatis, ad
lis corporis pertinet præcipuè cura
modi oneris solutionem. Obligant
moniales collectivè sumptæ, quia
gatio afficit communitatem, quam i
stituunt; divisivè tamen acceptæ no
tur, nisi magnam jacturam officii pa
quia ad interessendum in choro ob
juxta mensurâ regulæ, quæ ad penam
modò obligat, non ad culpam saltem
lem, & est communis sententia. Im
nuel Rodriq. *1. 3. qq. regul. q. 6. art. 6.*
vilegium Leonis X. qui indulgit, &
moniales etiâ sanas Sanctæ Clare
officium divinum semper in choro p
ac discretioni Abbatissarum comm
quando, & quomodo, sive cum qu

remissio sit toleranda, solerter invigilent, & prudenter concedant. Sustinet tamen Peregrin. in comment. ad constit. sui ordinis, p. 1. lit. b. §. 3. moniales peccare mortaliter, si à choro absint ex consuetudine, etiamsi privatim officium divinum persolvant.

Quar. 2. An moniales teneantur recitare in choro officium parvum B. Virginis, & Defunctorum, septem Psalmos Pœnitentiales, ac Graduales, quando à rubricis præscribuntur.

Resp. Officium parvum B. Virginis in iis Ecclesiis, quæ illud ante Breviarium S. Pii V. recitabant ex consuetudine, non debet omitti in recitatione publica, cum hæc consuetudo expressè fuerit præservata; aliis verò Ecclesiis proponitur tantum de consilio. Ad officium defunctorum singulis mensibus, Psalmos Pœnitentiales, & Graduales non tenentur neque ex vi regulæ, quæ, ut suppono, non obligat in conscientia, neque ex Breviarii rubricis, quia Summus Pontifex admonet, sed non obligat. Suarez, Rodriq. & Bonacina. In die verò secunda Novembris, in Festo S. Marci, & Rogationibus tenentur in choro, vel, si à choro absint, privatim recitare ex præcepto Officium defunctorum, & Litanias, quia sunt pars Officii illius diei. Ita Doctores communiter, licet non desint aliqui apud Molfesum tom. 1. tract. 5. cap. 1. num. 57. oppositum sentientes; alii verò, quos refert, & reiicit Diana, putant, omittentem die secunda Novembris utrumque officium, defunctorum scilicet, & Octavæ, unicum tantum peccatum committere, cum illa duo Officia per modum unius præcipi videantur.

Quar. 3. An Moniales canentes in Choro
fatis-

satisfaciant obligationi, si partem suam recitent, ad partem autem alterius chori non attendant.

Resp. Non satisfacere, quia in tali casu habentur ut absentes; nam præsens non dicitur, qui licet sit præsens corpore, ad aliud tamen attendit, *l. coram Titio 209 ff. de verb. signific.* Ita Tambur. *lib. 2. in decal. c. 5. §. 4.* ubi pro opposita sententia adducit Garainuel. Filiuc. & Tancredi. Concedunt tamen Navar. Sanch. & Lezana, satisfacere monialem, quæ dum in choro recitatur divinum officium, occupatur in aliquo necessario ad ipsum, ut prævidendo lectiones &c. quia, cum chorus reputetur unum corpus, quod dixit unus, censetur dictum ab alio, qui detentus fuit occupatione necessaria ad ipsum chorum; quod intellige quando ante officium talem occupationem prævenire vel non potuit, vel non debuit. Similiter satisfacit monialis, quæ, quantum moraliter potest, attendit, quamvis propter culpam chori nihil percipiat ex iis, quæ aliæ recitant, quia hoc modo præstat id, quod potest, nec per ipsam stat, quin audiat; quare per recitationem suæ partis, addita assistentia ad chorum, & sua attentione pro alia parte. satis sibi communem in re morali facit eam chori orationem. Quod dicendum est ob eandem rationem de moniali surda, & cæca, quæ possunt suam partem recitare, & eam recitant, ad aliam verò, quantum possunt, attendunt. Non sic de omnino surda, quæ nihil percipit, neque cæca, quæ nihil recitat, dum choro assistunt. Tambur. *loc. cit.* quid docet, teneri assistentes in choro submissa voce recitare ea, quæ organum, vel instrumenta musica pulsan, quia organi sola pullatio non est oratio: quod negant Sanchez, & alii,

& alii, quia talis sonus habetur ab Ecclesia ut pars divini officii.

Monialis, quæ ad chorum pergit hora jam cæpta, potest cum aliis contando pergere, imò debet, ne sua privata recitatione alias distrahat; postea verò, quæ omiſſa sunt suppleat, sicut ex communi docet *Sà v. l. ore nu. 8.* Quinimò Henricus, & Major, quos sequitur Layman, probabiliter docent, nihil supplendum esse, si non multum in choro processum est, quia, sicut in missæ auditione, ita in officio canonico omiſſio modici æstimari non solet, præsertim cum proter societatis vinculum alii cantes unius defectum supplere teneantur.

Quar. 4. An attentio, quã diximus requiri, debeat esse interna, an verò sufficiat externa.

Resp. Externam sufficere, dummodò tamen sit cum externa reverentia conjuncta, ita ut actus religionis dici possit. Ita ex Durando, Silvestr. Lessio. Medina, & aliis, Diana *par. 2. tract. 12. res. 2.* Ratio est, quia, licet admittatur, Ecclesiam posse præcipere actus internos concomitanter, ac per consequens internam attentionem in hac recitatione, non constat tamen illam de facto præcepisse. Unde cum versemur in materia obligationis, quæ est stricti juris, minus extendenda est quam fieri potest, *l. obligationum substantia, & l. Arrianus ff. de act. & obligat.* & notant Bald. Fulgo. & Calderin, Quare obligatio recitandi horas canonicas cum attentione non est extendenda ad attentionem internam, præsertim quia salvatur ratio orationis in attentione externa à nobis explicata pro ut enim includit actum religionis, includit virtuales intentiones colendi Deum. ac proinde mens virtualiter elevatur in Deum, in quo

consistit vera, & formalis ratio orationis. Ita Castropal. *par. 2. disp. 1. punct. 7. num. 2. cum* Valentia, & Suarez qui *t. 2. de relig. tract. 4. lib. 3. cap. 4. n. 11.* neque agnoscit in hoc culpam venialem: cum enim voluntaria distractio relinquat attentionem necessariam, nec ulla adsit obligatio ponendi meliorem attentionem voluntas nolens illam ponere non est mala, quia est voluntas faciendi, quod sub nulla cadit obligatione.

Quar. 5. An Moniales teneantur ad privatam horarum canonicarum recitationem sub mortali.

Resp. Negant duodecim Doctores relati, & approbati à Philippin. *de Privil. ignorant. Append. ad cap. 4. num. 192.* Ratio est, quia moniales non tenentur ad horas canonicas ex aliquo voto, neque ex vi suæ professionis, ut passim fatentur Doctores, neque ex aliquo ecclesiæ præcepto, neque ex vi alicujus statuti, aut regulæ, sed solum consuetudine ex communi Doctorum. De hac autem consuetudine non constat, an sit inducta animo obligandi ad culpam, potuit enim induci vel ex errore, vel ex devotione, vel ad præscriptum regulæ, vel animo obligandi tantum ad penam; unde stante hoc dubio favendum est possessioni libertatis, quæ consuetudinem dubiam præcedit, & sic tenendum non obligare Maximè quia moniales, sicuti non possunt condere legem ex defectu potestatis in fœmina, sic neque introducere consuetudinem quæ vim habeat obligandi. Ita Bartol. *conf. 136. n. 12.* & Rolland. qui testantur de communi *conf. 5. num. 74.*

Contra hanc sententiam reclamant communiter Doctores, & meritò, atque adeò peccare mortaliter moniales privatam horarum cano-

canonicarum recitationem omittentes, defendunt præcipuè Malderus, Gavant. Beloch. & Portel. Quia cùm in vetustis sciri non possit, à quo sit orta consuetudo, *l. si arbiter 28. ff. de prob.* attendenda est observantia, quæ declarat ejusmodi consuetudinem obligare; immò potest observantia constituere jus, & facere, quod id obliget, quod de se non obligat, *l. de quibus, & l. nulli ff. quod cujusque univers.* Unde licèt non constet, an consuetudo prædicta recitandi horas canonicas sit introducta animo obligandi, obligat nihilominus, quia observantia ita declarat, & decernit. Neque valet quòd moniales non possint introducere consuetudinem, quia, ut notat Montefin: *p. 2. r. 2. diff. 23. q. 13. n. 220.* quamvis verum sit, quod mulieres regulariter non possunt introducere consuetudinem generalem, obligantem omnes etiam viros, sicuti regulariter non sunt habiles ad condendas leges: potest tamen per mulieres introduci consuetudo, quæ vim habeat legis obligantis ipsas, non viros, maximè acceptante, & approbante superiore, ut notat Villalob. & concedunt Suar. Castropal. Salas & alii.

Quar. 6. An monialis cæca teneatur recitare horas canonicas, memoriter illas dicendo si memoria retineat.

Resp. Videtur quòd non. Quia per accidens est, quòd memoriter sciat, lex autem respicit non quòd per accidens, sed quòd contingit ut plurimum; *l. nam ad ea ff. de legibus.* Tum quia quando lex non est posita pro aliquo genere personarum, neminem obligat de illo genere licèt adsit aliquis, qui alioquin posset obligari & obligaretur si esset de alio genere personarum. Pasqualig. *de jejun. decis. 290. num. 4.* Cùm igitur lex imponens recitationem offi.

ficii nō obliget cēcos, quia sunt imp
que obligabit hunc, vel alterum ca
moriter scientem horas canonicas
set obligari, & obligaretur non ex
cite. Idē hanc sententiam tradu
la distinctione Tolet. *lib. 2. c. 14. & 1*
tract. sect. 35. q. 22. Tanquam proba
mittunt Sotus, & alii Magistri do
bus testatur Sanch. *1. 2. conf. lib. 7. c. 1.*

Verū pro opposita communite
dunt Doctores; quia qui memoriter
test commodē implere præceptum,
requirit ut necessarium condicione
tem legendi per librum. In nullo r
accidentarium esse, quod officium
ter teneat, quia posito illo accidenti
pedimentum, quod resistit ad imple
cepti. Ita Diana *tom. 3. tract. 6. res.*
ab ipso citati, quorū aliqui limitand
monialem cēcam nō teneri socian
re, si habeat, etiam si fuisset solita re
focia, neque officium memoriæ mand
modē possit, neque Choro assistere,
natim divinum officium persolvat,
lum istorum est sub præcepto, nec m
sub mortali. ut supponunt dicti Do
vi regulæ Choro præcipitur inter
Escobar *de hor. can. q. 6. n. 38.* aliis rel
que teneri recitare officium quod m
icit, pro officio quod memoriter ne
tō minūs loco ipsius substituere alia
quia obligatio recitandi fertur in off
rentis diei. Diana *loc. cit. res. 96.* ubi a
nialem cēcam, quæ scit tantūm Psa
verò Lectiones, Orationem, & Capit
hil teneri, quia Psalmi ut sic non sun
nonica, ad quam monialis est obligat
tamen absolutē non approbo; cūm ex

ceptum ita obliget ad horas canonicas omnes, ut obliget etiam ad singulas divisivè; ita pariter obligabit ad singulas horas, ut obliget etiam ad singulos Psalmos divisivè.

Quer. 7. An monialis, quæ non recordaturan recitaverit aliquem Psalmum, vel horam, teneatur repetere.

Resp. Non teneri, modò non meminerit se non dixisse, & conjecturam justam habeat credendi quòd dixerit, qualem habere videtur si sciat communiter se non errare in tali hora; poterit à fortiori justè credere, se totum dixisse, & ultra progredi, si recordatur se incæpisse talem Psalmum, vel horam, & postea non data opera distracta invenit se in fine talis horæ, vel dicendo per librum, vel memoriter recitando ea, in quibus communiter non solet errare, Navar. Major. Angles & Sandoval, quos sequitur Sanch. *loc. cit. dub.* 34. admonens, non solum non teneri repetere, sed repetendo malè agere, quia viam aperit scrupulis, & acquirit habitum repetendi; unde Confessarius injungat, quòd à repetitione omninò abstineat.

Quer. 8. An peccent moniales anticipando, vel retardando privatam horarum canonicarum recitationem.

Resp. Non peccare mortaliter, docent communiter, si ve totum officium recitent mane, si ve totum recitent in fine diei, qui definit in media nocte. Venialem tantùm in hoc agnoscit culpam, aliis relatis, Tancredi *tract.* 3. *li.* 4. *disp.* 14. *nu.* 1. & 2. quod tamen negat Carmuel. in *Theol. fundam.* n. 1127. Quia cum nulum extet præceptum de tempore legendi privatim horas canonicas, nulla pariter, in quacunque diei parte legantur, erit transgressio quæ nõ habetur nisi per legem. Sed quidquid sit

de hac sententia, certum est, quod
nabilem causam à veniali etiam
Tancred. *ibi nu.* 3. Stante maxime
S. Pii V. in quo Regularibus inde
ex justa causa, & occupatione possit
totum divinum officium simul sumi
aut quando ipsis videbitur cum m
tione posse persolvere. Quod quid
gium ita intelligendum est, ut non
quod occupationes sint nimis urge
quin nihil operaretur, ut advertit
Bullario fol. 456. *n.* 7.

Quar. 9. An monialis propter c
tionem altissimam possit divinum
omittere.

Resp. Negant plurimi Doctores,
lior est obedientia, quam victimaria;
contemplatio illa voluntaria est, rec
rò precepta; adeòque illa debet om
adimpleri. Ita *Suar. lib.* 4. *c.* 28. *nu.* 3. *de*
de hor. 2. *p.* 9. 247. Escobar, & *Ludovic.*
stinguit *Leand. p.* 6. *tract.* 8. *de hor. ca*
sustinet, non posse quidem propria a
te commutare officium in contempla
licet altissimam, & propter hanc illud
re, ob rationem à citatis Doctorib
ctam; posse verò se exercere, & occ
contemplatione divinorum, etiam si i
la in extasim rapiatur, ut postea min
tare queat, vel quia raptus est per tota
vel quia ex eo manet ita fatigata, &
ut facillè recitare non valeat. Quia i
ventu non commutat officium in cont
tionem, sed assumit contemplationem
cendam tanquam gratissimam Deo,
per accidens, ac præter intentionem
at impotentia ad recitandum.

Quar. 10. An moniales utentes Bre

Monastico possint in privata recitatione uti Romano.

Resp. Ex Soto, & Bellarm. decere, moniales etiam in privata recitatione Monasterii ritum servare; admittunt tamen alii graves Doctores, licitum esse, secluso scandalo, post habito sui monasterii Breviario, uti Romano; sicuti etiam posse Romano uti Kalendario Episcopali, quia nulla adest in contrarium prohibitio, concedit Bordon. *cons. Regul. res.* 30. nu. 19. qui addit nu. 23. occurrentibus eodem die duobus festis Sanctorum ejusdem, & æqualis ordinis, unum Breviarii Romani, seu Kalendarii Episcopalis, & alterum Religionis, de hoc esse faciendum officium, quia qui libet in domo sua præsumitur major. *P. c. coram Verospio* 9. Januarii 1614. Verum obstat Sac. Congreg. decretum sub die 27. Septembr. 1698. in hæc verba. *Si occurrerint, vel fuerint transferenda duo festa ejusdem ritus, quæ unica die occurrebant, quorum unum sit universale, & alterum particulare alicujus diœcesis, vel Religionis, prius fiat de universali, deinde de particulari, nisi obstat ratio majoris dignitatis.*

Quar. 11. An Moniales possint, & teneantur recitare officia propria Sanctorum sui Ordinis.

Resp. Teneri, si immediatè subjiciantur Regularibus, quia ratione hujusmodi subjectionis tenentur implere ea, quæ præscribuntur à Prælati. Verum admittit Bordon. *Cons. Regular. loc. cit.* quòd, si recitent ex privilegio aliqua officia infra annū, v.g. officium SS. Corporis Christi singulis quintis feriis festo novæ Lectionum non impeditis, possunt aliquando illa omittere, dicendo de simplici, seu de feria, quia nullus cogitur uti suo privilegio, cum

in invitum non conferatur. Si ver-
te sui Ordinis sint exemptæ, adhu-
cet Bordon. in *Miscell. dec.* 452. qui
à regularium potestate est quoad r-
tum, non quoad regulæ, & statuto-
vantiam. Verius tamen est non t-
exemptio tollit obligationem obse-
fuetudines Ordinis, & statuta, pos-
recitare, cùm enim profiteantur
gulam & constitutiones, decet ex
legiis gaudere. Unde notat ex Qu-
na Pasqualig. de *Sacrif. nov. leg.* 9. 27.
nossunt semel in mense celebrare
Fundatoris Ordinis, si in eodem. C-
privilegium. Dum enim Regulari-
datoris profitentur, habent ipsum
tore, quamvis ab aliis sint institut-

Quar. 12. An moniales teneant
extra chorum officia defunctorum
benefactoribus solent recitari in
tunc absint vel ex culpa, vel ex im-

Resp. Non teneri etiam si dicta o-
tari debeant ex iustitia, quia oblig-
afficit singulas moniales, uti singu-
faciunt unum corpus morale: qua-
tisfit obligationi, si chorus adim-
omnes non interfit. Quod pariter
est de officio pro monialibus defu-
obitus recitari solito; sufficit enim
citetur in choro: privatim nulla in-
obligatio nisi ex charitate, ita Pe-
notat. ad *constit. sui ordin.* p. 1. cap. 1. c.
de aliis orationibus, quæ privatim
libus defunctis præscribuntur, qu-
hæc regulæ obligationem non tr-
Timeant tamen moniales in hoc r-
ne eadem mensura remetiatur ei-

§ II.

De obligatione quoad Missam .

Quar. 1. **A**N Moniales teneantur audire Missam frequentius, quam alii fideles .

Resp. Quod quamvis communiter in regulis, seu constitutionibus religionum præscribi soleat quotidiana Missæ auditio, & maximè deceat moniales frequenter tanto sacrificio interesse, ob maximum fructum inde provenientem; nihilominus stando in iure communi non tenentur audire Missam frequentius, quam alii fideles, quia nullum apparet præceptum, à quo oriatur talis obligatio; nisi fortè nimia in hoc negligentia scandalum præberet communitati .

Quar. 2. An si aliqua monialis haberet commoditatem confessorii, vel qui absolveret à reservatis, vel quo indigeret ratione doctrinæ in ordine ad directionem spiritualem, vel ad sedandos scrupulos, vel ad quid simile, posset in die festo ob confitendum omittere auditionem Missæ .

Resp. Posse, dummodò non esset poste à habitura commoditatem eiusdem confessorii; nam in tali casu adest moralis necessitas confitendi, quia si omitteretur occasio, resultaret incommodum spirituale notabile, quod proinde magis excusare debet, quam excuset notabile incommodum temporale, quòd tamen secundum communem sententiam excusat, Ita Pasqualig. *de Sacrif. nov. leg. q. 1342. nu. 5.* Ubi addit, monialem quæ indiget confessione pro communione, quando solent omnes iuxta regulam sumere Eucharistiam,

posse omittere auditionem Missæ non potuit præmittere confessionem, cum aliis possit communicare non tantum ob utilitatem spiritus percipitur in Eucharistiæ sumptionem ob incommodum, quod ipsa causaret enim admirationem, etiam occasionem, sinistrè opinantibus quo incommodo stante, excusatione Missæ.

Quar. 3. An monialis audientia loco ad Confessiones deputato, cum men unito, satisfaciat præcepto.

Resp. Partem affirmativam suam primò ex Leandro in præcep. Ecclesiæ disp. 1. q. 101. ubi docet audientiam extra Ecclesiam post parietem satisfacere præcepto. Secundò, quia audiens Monasterii domus, per quā habeatur per Ecclesiam, satisfacit, licet intermedium parietem, publica, Garzia, Lugo, Dicast, & alii pariter & monialis audiens in confessione paries intermediat. Si enim per parietem è domo prospiciatur celebrans, non ob intermediatione viæ publicæ, sed per assistentia sufficiens ad satisfaciendum præcepto, à fortiori per hoc, quod non mediati audiat celebrans, non ob intermediatione parietis, fundabitur per assistentia sufficiens ad satisfaciendum præcepto. Nam per viam publicam intermedium magis separatur domus ab Ecclesia, ut pareretur confessionale per parietem.

Oppositæ tamen sententiæ tanquam probabiliori adhæreo cum Lamas, & de sacrif. nov. leg. q. 1303. num. 3. Quia cum sit institutus pro confessione est ordinatus ad communicandum

si modo cum iis, qui sunt in Ecclesia, & proinde neque ad exhibendam assistentiam corporalem iis, quæ sunt in Ecclesia; unde non est locus aptus ad fundandam præsentiam, & assistentiam moralem respectu celebrationis Missæ. Quod verum est, etiam si audiantur verba Sacerdotis, aut aliquo signo percipitur celebratio, quia adhuc excluditur præsentia moralis necessaria ut assistens dicatur cooperari Sacrificio.

Neque valet, quòd talis monialis in confessionali minus fortasse distet, quam aliqua, quæ audiret Missam in Ecclesia. Quia pro præsentia non tam attenditur distantia, quam communicatio locorum; nam qui in diversis domibus, aut cubiculis solo pariete intermedio separantur, non sunt præsentem sibi invicem, quamvis per duos, aut tres passus tantum distent.

Quar. 4. An monialis, quæ raperetur in extasim, dum audit Missam, satisfaceret præcepto.

Resp. Negant Turrian. Lugo, Aversa, & Leander. quia tunc nec habet intentionem, nec præsentiam necessariam. Affirmant Suar. Filliuc. Ledes. & Trullenc; quia præcessit intentio, & adest præsentia necessaria, dictaque intentio moraliter perseverat, & colit Deum divinorum contemplatione. Distinguit Pasqua. 9. 1306. n. 3. Implet præceptum, si in extasi contemplatur mysterium, quod peragitur, quia mens non abstrahitur ab oblatione Sacrificii, unde neque præsentia definit esse ordinata ad assistendum Sacrificio. Non implet autem, si ad aliorum contemplationem raperetur; nam in tali casu non intervenit neque præsentia externa, quia cessat per abstractionem a sensibus, & se habet veluti mortuo modo; neque

præsentia interna, quia raptus ad aliorum contemplationem destruit ordinem ad oblationem sacrificii.

Quar. 5. An monialis possit simul recitare horas canonicas, aut poenitentiam impostam, aut alias preces ex obligatione, & implere præceptum de audienda Missa.

Resp. Affirmativè; licet enim recitatio, & auditio Missæ sint quid diversum, utraque tamen tendit ad eundem terminum ex motivo religionis, adeoque ad invicem se compatiuntur, & in ordine ad attentionem se habent per modum unius, cum uniantur in termino, & motivo. Unde potest monialis, & expressa attentione attendere utrique actioni, consequenter utrumque præceptum implere. Ita cum quadragintaquinque Doctoribus Pasqual. lig. cit. 9. 1329. Qui in antecedenti questione idem asserit de Moniali suam conscientiam eximinante, dummodò examen non sit ita ex fixa cogitatione, ut impediatur moralem assensum respectu sacrificii.

Quar. 6. An moniales teneantur procurare quotidie in sui Ecclesijs Missæ conventualis celebrationem.

Resp. Affirmant Rodriq. Portel. & Tamburin. quia in c. cum creatura de celebr. miss. iuxta Rub. ponitur obligatio celebrandi quotidie Missam conventualem in Ecclesijs collegiatis inter quas annumerari possunt Ecclesiæ monialium, quia habent Prelatum. Verum non adesse obligationem in Ecclesijs monialium celebrandi quotidie, & multo minus Missam conventualem, testatur praxis, atque communis observantia, & sustinet Pasqual. loc. cit. 9. 878. n. 2. Desumitur ex eodem cap. cum creatura de celebrat. miss. ubi dicitur celebrent, quod non potest convenire monialibus, cum celebrare non

non possunt; neque iniungitur ullo modo procuratio celebrationis, quæ sola potest monialibus convenire.

Quar. 7. Qualem Missam celebrare debeant Capellani monialium non utentium Breviario Romano.

Resp. Debent celebrare Missam correspondentem officio à monialibus recitato, sed cum Missali Romano. Fraxinel. Quart. Pasqual. & ita declaravit Sac. Congreg. die 20. Novemb. 1628. teste Gavanto. Quòd si nulla est Missa in Missali Romano, quæ cum officio monialium concordet, ut, quando recitant de Nomine Jesu, aut de Spinea Corona in eo casu missam de Circumcisione Domini, & de Cruce, vel de Passione poterunt celebrare. Pasqual. & Gavan. qui addit, quòd prima Dominica Octobris in Ecclesiis monialium celebrantium festum SS. Rosarii missa dicenda est de B. Virgine vel ut in die Nativitatis eiusdem, mutatis verbis incongruis, vel potius ut in festo ad Nives. Extendit supradictam doctrinam Leander p. 6. in decal. 1. tract. 8. disp. 4. §. 56. & alii apud ipsum dicentes, Capellanos monialium non solum debere recitare Missas, sed etiam posse recitare officia Sanctorum Ordinis, sed cum Breviario Romano. At hæc opinio non videtur admittenda nisi quoad eos, qui quasi collegialiter vivunt expensis monialium, vel quibus administratio Sacramentorum, & animarum cura est commissa. Quintanad. tract. 8. singul. 7. num. 3.

Quar. 8. Quot Missæ possint quotidie celebrari in Ecclesiis monialium.

Resp. Sac. Congregat. in Lucana 22. Decemb. 1628. decrevit, quòd Moniales singulis Missis pro singulis diebus debent esse

con-

& communio sunt tantum inditæ de consilio, unde Trident. *sess. 25. de Regular. cap. 10.* hanc in monialibus frequentiam desiderans non præcepit sed hortatur; & si quæ est obligatio tota oritur ex regula, quæ ut plurimum non obligat ad peccatum, saltem mortale. Nec pro obligatione allegabilis est Clement. *Ne in agro de stat. Monach.* quia cum sit edita pro Monachis, & sit odiosa, non est ad moniales extendenda. Verum plures Doctores asserunt, in dicta Clement. comprehendi etiam moniales, quia in materia æquè adaptabili viris, & fœminis etiam in odiosis masculinum concipit fœmininum, Jason cum pluribus congesti à Pasqual. *in Lauret. num. 660.* Unde dispositum de uno, de altero quoque censetur dispositum. Cum ergo necessitas, & finis frequentandi Sacramenta æquè adaptentur viris, & fœminis utrasque debet afficere dispositio. Et ided Moniales teneri sub mortali ad confessionem mensuram, & communionem, tradunt Cajet, Navar. Dicastil. & alii, quos refert, & sequitur Clericatus *de Euchar. Sac. decis. 49 num. 14.* & quidem negari non potest, ex diuturna Sacramentorum omissione maximum oriri scandalum, morum corruptelam, disciplinæ regularis relaxationem, & religiosæ communitatis detrimentum: quare saltem ex hoc capite monialem notabiliter negligentem à peccato mortali non excusarem.

Quar. 2. An monialis, quæ jam ritè confessâ recordatur alicujus gravis peccati, teneatur sub mortali talis peccati obliti confessionem ante communionem præmittere.

Resp. Non teneri, sed posse ad communionem pergere, conantur probare Garzias Henricq. Ferrantin. Reginald. Præposit. Petrus Cornejo, & Pasqual. *in Theol. moral. de Euchar.*

328 De oblig. quoad Conf. & commun.
Sacram. disp. 116. sect. 5. n. 18. Quia jam est
debitè disposita, cum sit in statu gratiæ; nam
peccatum illud est indirectè remissum per
priorem confessionem, in qua inculpabiliter fuit
oblitum: Hec opinio tanquam nimis laxa, &
falsa, a Doctor. communiter est rejecta, & te-
ste Caspensi fuit ab Inquisitione Hispanica re-
probata. Quia præceptum de præmittenda
ante communionem confessione non solum est
de præmittenda cōfessione integra formaliter,
sed etiam, ubi advertimus, materialiter, ut col-
ligitur ex communi omnium fidelium praxi, &
observantia, quæ est optima cuiuscunq; legis
interpretis, l. si de interpretatione. ff. de legib. & c.
cum dilectus de consuet. Illam tantummodo duo-
bus in casibus admitterem, videlicet quando
monialis magnis scrupulis angeretur, ut mo-
net Fabri r. 1. Apolog. pag. 384. & quando cōmu-
nicatura actu pergeret ad fenestellam, ut pro-
bat Tamburin. in expedit. com. cap. 1. §. 8. n. 63.

Quar. 3. An monialibus communicatio quoti-
diana sit indulgenda.

Resp. Posse indulgeri, sed fervore spiritus
& mentis puritate bene perpensis. Extat Sac.
Congr. decretum emanatum die 12. Febr. 1679.
in quo habetur: *Ibidem Moniales quotidie sacram
communionem petentes admonenda erunt, ut in
diebus ex earum Ordinis instituto præstitutis com-
municent. Si qua verò puritate mentis, & fer-
vore spiritus ita incaluerint, ut digna frequen-
tiori Sanctissimi Sacramenti perceptione videri
possint, id illis à superioribus permittatur.*
Nullatenus tamen permitti debet in feria
sexta Parasceve ex decreto superius rela-
to, in quo præcipitur, quòd Missalis rubri-
cæ, & Ecclesiæ Romanæ usus serventur;
Missalis autem rubrica in feria quinta maio-
ris hebdomadæ præscribit, quòd referventur
ali-

aliquæ particulæ consecratæ, si opus fuerit, pro infirmis; ergo non pro sanis; unde ex intentione Ecclesiæ in illa die Eucharistia non est sanis administranda. Ita Pasqual. *de Sacram. nov. leg. quæst.* 357. num. 7. ubi duo alia affert Sac. Congreg. decreta, unum *sub die 9. Maji 1606.* alterum *19. Februar. 1622.*

An autem in Sabbato Sancto sit permit- tenda communio, resolvendum est nagati- vè. Quia per Sac. Rit. Congregationis De- cretum *sub die 11. Februarii 1690.* Alexan- dro VIII. approbante, prohibentur om- pinò in Sabbato Sancto Missæ privatæ etiam post pulsationem campanarum in quacum- que Ecclesia, aut oratorio privato. Ergo pariter prohibetur Eucharistiæ perceptio. Si- cut enim, ut notat Pasqualig. *loc. cit. num. 9* ex eo quod non potest, nisi semel in die cele- brari, inferitur, quod non nisi semel in die liceat communicare; ita etiam ex eo quòd in aliqua die non liceat celebrari, inferri de- bet, quòd neque in tali die liceat communi- care. Unde pariter ex eo quòd in Sabbato Sancto prohibeatur Sacerdotibus, etiam pri- vatim, Missæ celebratio, non obstante an- ticipatione in celebrando Dominicæ Re- surrectionis mysterio, prohibita censenda est in Sabbato Sancto Eucharistiæ perceptio. Hanc sententiam sustinent Gavant. Coton. Volp. Axor. Arnaud. Francol. & alii, quos refert, sed non sequitur Clericatus *de Eucha- rist. Sacram. decis.* 15. ubi pro opposita, quam tuetur, undecim allegat Doctores.

Quær. 4. An Episcopus possit monialibus præscribere dies, & locum recipiendi sacram-
munionem.

Resp. Videri quòd non, quia Trident. *sess. 22 cap. 6* ait: *Optaret quidem Sancta Synodus, ut*

330 De oblig. quæ ad Conf. & Commun.
in singulis Missis fideles adstantes non solum spiri-
tuali affe. su, sed Sacramentali etiam Eucharistia
perceptione communicarent, ut ad eos sanctissimi
hujus Sacrificii fructus uberior perveniret. Affir-
mative nihilominus respondendum. Habetur
disertè ex eodem Concilio sess. 22. de observ. &
civit. in celebr. miss. & alibi. Quibus in locis tri-
buitur Ordinariis etiam uti Sedis Apostolicæ
delegatis facultas circa Sacramentorum tum
administrationem, tum susceptionem. Quod
præcipue curandum est in Sacre Eucharistiæ
frequentatione, ut æmulationes, & singulari-
tates, unde certa Congregationibus imminet
ruina, evitentur, & impediantur, dum com-
municantes non communicantibus se putant
meliores, & sanctiores, suoque exemplo alias
 sæpè non debitè præparatas vel æmulatione,
vel alio respectu ad communicandum indignè
incitant, & quasi inducunt. Atque ita Sac.
Congreg. Concil. die 7. Maji 1652. in una Gan-
daven. si declaravit Monialibus dispositionem
Concilii sess. 22. cap. 6. non suffragari, Ordina-
rioque licere præscribere illis dies, & lo-
cum accipiendi sacram communionem.

Quar. 5. An peccet monialis pergens ad
prandium immediatè post communionem.

Resp. Secluso scandalo, & contemptu mor-
taliter non peccare docent communiter cum
D. Tho. 3. p. qu. 80. art. 8. ad 6. Quia nullum præ-
ceptum est assignabile in oppositum; Canon
enim in cap. Tribus gradibus 3. de consecrat. dist.
2. per usum contrarium est abrogatus teste eo-
dem D. Tho. loc. cit. Neque ulla irreverentia
est, statim ingerere in stomachum alios cibos
cum speciebus Eucharisticis immiscendos,
sicut nulla irreverentia est, posita Christi Do-
mini dignatione, quod Species Eucharistiæ
cum aliis stomachi humoribus misceantur.

Hinc

Hinc nec venialiter peccare deducunt Bonac. Tambur. & Quart. in rubr. *Missal. p. 2. tit. 12. dub. 6.* Eò magis quia immediatus ille accessus ad prandium cohonestatur in monialibus à justa causa, nempe ab observantia regulę præcipientis cuique illarum primæ communi mensurę interesse, in qua habetur sacra lectio, servatur silentium, & debita moderatio.

Verùm ob maiorem Sacramenti reverentiam, & uberiores ipsius fructum percipiendum, consulunt Doctores cum D. Thom. ab aliis communibus cibis abstinendum esse per totum illud tempus, quo Species Sacramentales durant in stomacho, nempe vel per horam, ut opinantur Verricel. & Sancius, vel per dimidium, aut quadrantem, vel etiam semiquadrantem, ut ex aliorum sententia refert Cassian. in *arbor. opin. servo communio*, §. 7. num. 88. Quia toto illo temporis spatio diffundunt ampliorem gratiam ex opere operato, si anima attenta sit ad eam diffusionem colligendam, immorans in actibus devotionis, & charitatis, ut ex Cajetano docet Gonet. t. 5. disp. 8. de *Euch.* n. 37.

§. IV.

De obligatione quoad ieiuniorum, & Fæstorum observantiam.

Quar. 1. **A**N moniales teneantur servare jejunium in Adventu.

Resp. Olim in Adventu ab omnibus jejunabatur, ut desumitur ex *can. 6.* Concilii Matificonen. primi. His temporibus nulla adest obligatio jejunandi in Adventu, ut constat ex praxi, & tradunt communiter Doctores. Quare neque moniales ad hoc jejunium tenen-

332 *De obligat. quoad jejun. & fest. obs.*
tur ex præcepto, cum teneantur tantum ad
ea, ad quæ tenentur reliqui fideles, & non ad
alia, nam in jure communi non reperitur u-
lum jejunium peculiariter regularibus injun-
ctum. Excipiendæ tamen sunt moniales illæ,
quæ ex suis constitutionibus, & statutis te-
nentur jejunare. Hæc tamen obligatio non est
ab Ecclesia imposita, licet approbata, sed ab
ipsa religione. Seclusa obligatione, regulæ,
non tenentur moniales ad tale jejunium ra-
tione consuetudinis, quia non est consuetu-
do servata ab ipsis ex animo se obligandi, sed
ex devotione, & regulari observantia. Tam-
burin. *de jure Abbat. disp. 12. q. 2. n. 3.*

Quar. 2. An moniales S. Claræ teneantur
sub mortali ad jejunia regulæ, nempe Ad-
ventus, & feriæ sextæ.

Resp. Non teneri iuxta Constitutionem
Eugenii IV. quæ incipit *Ordinis tui*, ubi
postquam Pontifex recensuit omnia præce-
pta obligantia sub mortali contenta in regula
inter quæ sub capitulo tertio est jejunium,
subdit. *Tenore presentium declaramus, &*
volumus, quod in nullius prædictorum trans-
gressione, præter quàm eorum quatuor, qua
concernunt principalia vota, obedientia scilicet,
paupertatis, castitatis, & clausura, & super
electione Abbatissæ, & depositione, peccatum
mortale incurrant.

Quar. 3. An monialis quæ vovit jejunare
per annum ea die hebdomadæ, qua celebra-
tur festum Annunciationis. B. V. si festum
incidat in Dominica, teneatur die Domi-
nica jejunare, vel possit tale jejunium in sab-
bato præcedenti anticipare.

Resp. Possit anticipare. Quia ex omnium
sententia quilibet potest votum suum in ma-
nifestè melius commutare; at manifestè me-
lius

litis est se conformare universali consuetudini Ecclesiæ anticipantis in sabbato præcedenti ieiunium incidens in Dominica . Ita Sanch. in *decal. lib. 2. c. 37. nu. 18.* ubi excipit sabbata illa , in quibus incidit ieiunium inditum ab Ecclesia, quia non est æquè acceptum Deo ieiunium illud aliunde obligans , & votum intelligitur de actu aliàs non obligante , nisi aliud exprimat. Sed cur etiam in hoc casu non poterit se conformare universali consuetudini Ecclesiæ reponentis vigiliam alicuius Sancti occurrentis feria secunda in Sabbato præcedenti , etiam si in tali Sabbato incidat ieiunium quatuor temporum . Nam ex eodem Sanchez votum obligat ad instar præcepti Ecclesiastici .

Igitur , quòd possit etiam in tali casu anticipari , docet absolutè Pasqualig. de *jejun. dec. 223. num. 5.* Imò *descif. 124.* sustinet, hoc procedere etiam si explicitè habuerit animum se obligandi in die Dominico . Nam quando habuit talem intentionem, vel advertit consuetudinem Ecclesiæ non admittentis jejunium in Dominicis , vel non advertit . Si advertit habuit animum eundi contra talem consuetudinem , qui animus continet contemptum quemdam virtutalem , & proinde votum quatenus procedit à tali animo inefficax est . Si non advertit , limitatur votum , & intentio voventis , ut non se extendat ad dies Dominicos , quia obstat consuetudo Ecclesiæ , cui præsumitur , quòd se conformasset , si advertisset . Favet Decretum Sac. Congreg. Universalis Inquisit. Rom. *anno 1636.* in quo præcipitur , ut nullo pacto ex devotione etiam B. Virgi. imponatur ieiunium quod indifferenter amplectatur dies Dominicos , & festivos solemnes, puta, faciendum una die heb-

don a-

dominæ totius anni, utpote quod sit contrarium, & praxim Ecclesiæ; non impedit autem, si jejunium commutetur eo die festivo in aliam mortificationem, aut ad aliam diem transferatur. Ita ex Potest. in exam. Conf. t. 1. part. 3. num. 2825.

Quar. 4. An moniales teneantur ad jejunia indicta ab Episcopo.

Resp. Si sint exemptæ ab Ordinario non teneantur, quia tam quoad personas, quam quoad loca sunt extra territorium, si non materialiter, saltem quoad effectum jurisdictionis, & ideo statutum Episcopi non potest parere effectum aliquem circa ipsas. Ita Azor. Tamb. & alii adducti à Pasqual. de jejun. decis. 196. Si vero sint sub regimine Ordinarii, certum est teneri, si Episcopus intendat eas obligare, atque intentionem suam manifestet, quia cum ipsi subjiciantur, potest eisdem imponere ea onera, quæ expedire judicaverit. Quod si in edicto nulla sit de monialibus specialis mentio, neque ullum signum appareat, quod Episcopus voluerit illas specialiter obligare, existimat Pasqualig. loc. cit. decis. 197. ad hujusmodi jejunia non teneri, quia non militat eadem ratio de sæcularibus, & monialibus; nam hæc habent plura onera, & jejunia ratione regulæ, & exercent plura opera bona, quibus possunt satisfacere fini, pro quo imponitur jejunium sæcularibus; unde nec potest quoad ipsas adesse idem motivum ad imponendam legem, & præceptum.

Quar. 5. An moniales teneantur ad jejunia loci, quæ ex consuetudine obligant tam laicos, quam Clericos.

Resp. Negat cit. Pasqualig. decis. 185. n. 8. non solum quoad exemptas, sed etiam quoad non exemptas. Quia licet simul cum laicis, & Cle-

Clericis uniantur sub Episcopo tamquam capite, uniuntur tamen secundum propriam regulam, atque adeò ut faciant distinctam communitatem à laicis, & Clericis. Unde quando Episcopus consentit in consuetudinem ipsorum, non consentit ut caput monialium, & proinde non refundit consuetudinem in moniales. Immo addit citatus Doctor *dec. 187.* neque teneri, licet consuetudo sit universalis: quod tamen negant alii quamplures penes ipsum, etiam quoad moniales exemptas, quia tamquam communicantes cum ceteris sub eodem Pastore, & capite, debent etiam in obligatione generalis consuetudinis communicare.

Quer. 6. An moniales ante annum vigesimum primum teneantur ad jeiunia suæ Regulæ.

Resp. Partem affirmativam approbari à viginovem Doctoribus relatis à Pasqual. *dec. 254.* quia adolescentulæ profitentes possunt se obligare, & de facto profitendo suscipiunt in se obligationem regulæ, & proinde manent obligatæ ad servanda jeiunia. Sed hoc fundamentum non est satis firmum, quia licet adolescentulæ profitentes actu suscipiant obligationem, illam tamen suscipiunt pro ut intendit obligare, unde constare debet, quod regula intendat obligare etiam adolescentulas. Sic adolescens conversus ad fidem suscipit in se obligationem servandi præcepta Ecclesiæ, & Ecclesiæ preceptum de jeiunio ponitur indifferenter absq; exclusionem alicujus; & tamen non tenetur ante annum vigesimum primum jeiunare, quia non est intentio Ecclesiæ obligare ante illam ætatem. Examinanda igitur est regula, & si aliquod continet, per quod ostendat specialem intentionem obligandi etiam ado-

illis locis, in quibus apud sæculares viget consuetudo.

Resp. Inspiciendam esse regulam, quæ, si aliquid particulare circa hoc præscribat, erit servanda, si verò nihil decernat, poterunt juxta morem sæcularium loci consuetudine gaudere. Non tamen juxta consuetudinem universalis Ecclesiæ possunt comedere carnes & jejunium frangere in die Natalis Domini, si contingat feria sexta, vel Sabbato celebrari, nisi id expresse indulgeatur in regula, quia *in cap. fin. de observ. jejun.* qui ex voto, vel regulari observantia sunt adstricti, signanter ab hujusmodi consuetudinis participatione excluduntur.

Quar. 9. An moniales in diebus jejunii possint horam prandii consuetam anticipare.

Resp. Posse ex Filliuc. & Diana juxta privilegium Leonis X. Minoribus concessum, de quo moniales quoque participant. Et hoc privilegium locum habet etiam, ubi adest consuetudo comedendi ante meridiem, quia possunt simul frui loci consuetudine, & privilegio; nam Pontifex, qui hoc concessit, voluit eas posse comedere, antequàm comedant sæculares, ut notavit Pasqual. *dec. 150. n. 3.*

Quar. 10. An monialibus in jejniis lætitiæ liceat sumere ampliorem refectiunculam vespertinam.

Resp. Negant Villalob. Bossius, & Diana *part. 1. tract. 9. de jejun. res. 35.* ubi hoc sæcularibus concedit. Affirmant nihilominus alii, quia ad illa jeiunia non magis obligantur moniales, ac sæculares, cum talis obligatio oriatur in utrisque ab eodem præcepto; ab utrisque igitur poterit cum lætitia æqualiter celebrari. Ita Lalmas, Turrianus. Pasqual. ligus, & Sanchez, qui hoc admittit, licet mon-

niales teneantur etiam ex voto, vel præcepto regulæ jejunare, quia hoc est privilegium talis jejunii pro tali festo, unde ut magis dignum trahit ad se alia jejunia. Quod tamen intelligendum est, nisi aliter intellexerint se obligare, vel regula aliter disponat.

Quar. 11. An moniales, quæ tenentur ex regula sub mortali jejunare, si eodem die incidat jejunium indictum ab Ecclesia, peccent dupliciter, si ipsum non servant.

Resp. Dupliciter peccare, quia peccant contra temperantiam præceptam ab Ecclesia, & contra religionem, quia non servant regulam obligantem sub mortali, quam ex voto tenentur servare. Ita aliis relatis a Diana in *oper. cord. tom. 4. tr. 6. resol. 62.* Negat Bord. in *consil. regul. res. 18. n. 13.* Quia utrumque præceptum præcipit jejunium sub ratione temperantiæ, unde utriusque violatio, cum sit contra eandem virtutem, non potest constituere duplex peccatum. Sed hoc non subsistit, quia obligatio servandi regulam, quando præcipit sub mortali, etiam si non præcipiat specialiter sub obedientia, radicitur in voto; unde moniales illam non servantes faciunt contra votum; & sic peccant peccato contra religionem.

Quar. 12. An Moniales possint per proprium Confessarium dispensari in jeuniis.

Resp. Confessarios, universaliter loquendo, non posse in jeuniis dispensare, quia in foro exteriori carent jurisdictione, quæ necessaria est ad dispensandum. Ita Doctores communiter. De monialium tamen Confessario videtur aliter discurrendum. Ille enim, licet non vocetur Parochus, in facto nihilominus talis est, quia in monialium ecclesia exercet omnia illa jura, quæ Parochus in sua.

Bor-

Bordon. *decif. Miscell. decif.* 129. Cum igitur Parochus ex communi Doctorum sententia possit in jeunio dispensare suas oves, poterit & Confessarius suas moniales; pro utroque enim eadem militant rationes. Semper tamen debet intercedere justa causa, sive Confessarius dispenset in jeunio indicto ab Ecclesia, sive præscripto à regula; quia non est illi concessa facultas relaxandi legem ad libitum, sed solum urgente aliqua necessitate.

Quar. 13. An moniales teneantur observare festa ab Ordinario loci præscripta.

Resp. Teneri ex Trident. *sess. 25. de regular. cap. 12.* ubi licet non fiat expressa mentio de monialibus, illæ tamen in dicto decreto sub nomine regularium comprehenduntur, quod est commune tam monialibus, quam viris religiosis. Hæc obligatio se extendit etiam ad festa, quæ obligant ex consuetudine, quia cum obligent ex consensu Episcopi, ita se habent, ac si essent indicta ab Episcopo, ut optime advertit Pasqualig. *ubi supra decif.* 186. n. 3. ubi notat, non improbabilius dici posse, quod cum Concilium loquatur de festis, quæ servanda præcipiuntur ab Episcopis, non teneantur regulares (idem dic de monialibus) ad ea, quæ sunt ex consuetudine, quia non sunt propriè præcepta ab Episcopo, unde non comprehenduntur in Concilii decreto, quod tamquam odiosum, quia est contra exemptionem regularium, est strictè interpretandum de festis propriè præceptis. A prima tamen opinione non recedendum saltem ratione scandali, quod posset oriri.

Quar. 14. An monialibus licitum sit in die festo acupingere, vulgò *ricamare*.

Resp. Esse licitum discendi causa; docent Sà, Armilla, & alii quamplures; ut absolute

licitum tradit Joannes à Cruce, & probabile putat Auctor casuum conscientiae Bononiae discussorum anno 1635. *Mense Martio cas. 2.* Quia acu pingere non censetur opus servile, non solum quia à nobilibus hujusmodi exercitium solet usurpari, sed etiam quia in exercitiis propriis mulierum debent dari aliqua, quæ non sint servilia, ut habeant, in quibus juxta sexum muliebrem possint ingenuo modo se exercere. Quod maxime admittunt Silvester, Margarita, Villalob. & Marchant. si fiat ad evitandum otiositatem, quia cum intendatur ad evitandum peccatum, non videtur imputandum ad peccatum. Et ob hanc rationem excusari debent Moniales conficientes in die festo thecas ex serico cum cera sancta collo gestari solitas, aliaque similia. Immo opera servilia pertinentia ad ornatum, & cultum Ecclesiarum, ut ornare Altaria, mundare &c. esse illis licita ex rationabili causa, asserunt Cajetan. Sot. Navar. & Bonacina, qui, rationabili causa cessante, esse peccatum veniale tantum, admittunt.

Quar. 15. An moniales possint in diebus festis opera servilia exercere ad sublevandam gravem monasterii necessitatem.

Resp. Possè, per ea quæ tradunt quindecim Doctores relati à Pasqualig. *decis. 296.* dummodo tamen audiant Missam, vitent scandalum, & earum exercitium eò usque protrahatur, quò usque sufficiat ad sublevandam necessitatem. Ratio autem est, quia, cum lex respiciat bonum, non obligat contra necessitatem, sed subditur exigentiæ necessitatis. Cujus quidem necessitatis gravitas ad hoc, ut in præsentem ab observantia legis excuset, ponderanda est habito respectu ad

ad monasterii, monialiumque statum, qui consistit in victu, & vestitu, nec non in aliis ad divinum cultum pertinentibus. Si igitur monasterium in his notabiliter patitur, tunc lex abstinendi ab opere servili non obligat, quia non obligat cum detrimento notabili proprii status. Imò si cessat obligatio ex aliis causis, quæ sunt minoris momenti, ut videre est apud Doctores, à fortiori debet in præsentī cessare.

Hinc videtur inferri, quodd monialis quoque privata, quæ singulis profestis diebus detinetur in servitio monasterii, possit in diebus festis laborare ad lucrandum aliquid, quod seponat, ob sublevandas proprias indigentias, quibus monasterium, ratione suæ paupertatis, non potest occurrere. Nam ex una parte peculium aliquod necessarium est ad sibi comparanda, v.g. infirmitatis tempore medicamenta, quæ nec à monasterio, quia paupere, nec à benefactoribus suppeditantur, ex alia verò in diebus profestis nihil potest acquirere, quia tota in monasterii muneribus detinetur. Unde solummodò superest, quodd in diebus festis laborando lucrum illud sibi comparet, quod reservet.

At moniales laborantes in die festo, cenſeo, non esse regulariter excusandas, cum non videam, tantæ necessitatis causam tam de facili posse contingere. Stante præcipue Gregorii XIII. Constitutione *Deo sacris*, in qua Pontifex volens monialium necessitatibus prospicere, præcipit, ut dimidium omnium elemosynarum à quibuscunque, ubicumque terrarum, quacumque lege, dispositione, vel obligatione pauperibus faciendum, detur monialium monasteriis necessitate pressis, quæ sunt in locis, in quibus illæ

342 *De qualitat. Abbatissæ eligenda.*
erogandæ sunt; idque sine alio particulari iussu Pontificis, vel alterius, & sine ulla petitione monialium, vel quorumcumque aliorum, dummodò duplex conditio concurrat, una, ne illæ elemosynæ sint in pauperes certas erogandæ; altera, ut, licet pauperibus incertis erogandæ sint, non tamen sint ad usus alios, præterquàm ad pauperum sustentationem, & alimenta destinatæ.

C A P U T IX.

De obligationibus Monialium: quoad electionem Abbatissæ.

§. I.

De qualitatibus eligenda in Abbatissam.

Quar. 1. **Q**UOT annos ætatis, & professionis, habere debeat eligenda in Abbatissam?

Resp. Ex Trident. *sess. 25. de Regular. cap. 7.* Abbatissa non minor eligenda est annis quadraginta, & quæ octo annis post emissam professionem laudabiliter vixerit. Hæc ætas debet esse completa de momento in momentum. Passerin. *de elect. cap. 40. num. 17.* Ita quodd super hac neque Episcopus, neque Nuncius Apostolicus, vel alius Superior possit dispensare, quodd certum ait Tamburin. Nemo enim Summo Pontifice inferior potest dispensare in lege conciliari. Facilius tamen, ut notat Suarez, & cum minori causa est dispensabile tempus religionis, quàm ætatis, quia plus confert ad alios regendos ætatis maturitas, quàm religionis antiquitas. Non attenda-
æta-

ætatis qualitate à Concilio requisita electio est ipso jure nulla; Tamburin. Barbof. Aldan. asserens ita fuisse declaratum à Sac. Congr. in *Viterbien.* 16. *Maii* 1623. & moniales aliter eligentes privari pro illa vice facultate eligendi, tradunt Lavor. & quidam alii; quod negat Passerinus, quia non levis pœna est irritatio electionis.

Quar. 2. Quid faciendum si non adsit in monasterio habens supradictam ætatem requisitam à Concilio.

Resp. Ex eodem Concilio. Aliqua ex alio ejusdem Ordinis monasterio eligi potest; nullatenus tamen ex alio ordine, nisi ex Summi Pontificis indulto, ut notat Pasqual. in *Lauvet.* num. 680. quia tanquam alienam regulam professæ, ad regendas diversi Ordinis moniales non reputatur idonea. Non est tamen necesse, quòd deficiente quadragenaria, alia eligatur ex alio monasterio, sed eligi poterit ex eodem monasterio habens triginta annos ætatis, & quinque professionis. Quia Concilium hoc relinquit arbitrio illius, qui præest electioni. Verùm si in monasterio adsint moniales quadraginta annorum, & octo professionis, non poterit eligi aliqua, quæ deficiat à dicta ætate, aut tempore etiam per mensem, licet habilior censeatur; aut quæ deficiat ab ætate triginta annorum, & quinque professionis in concursu illius, quæ habet dictam ætatem & tempus, ut notant Lavor. & Tamb. & declaravit Sac. Congr. in *Viterbien.* S. *Rosa* 25. *Martii* 1623. Quare si una tantùm in monasterio reperiatur habens ætatem præscriptam à Concilio, & tempus professionis, debet eligi, nisi esset inhabilis ex alio capite; quia cæteræ, quamvis quoad prudentiam essent habiliores, essent

tamen positivè inhabiles ratione impedimèti ætatis, & temporis à professione, quia Concilium hoc solum concedit, quando in eodem monasterio nulla cum præscriptis qualitatibus reperitur. Unde si expediret vel ob pacem monasterii, vel ob alias causas aliam eligi, recurrendum esset ad Sac. Congreg. ut juxta indigentiam monasterii provideret.

Quar. 3. An carens debita ætate, & tempore professionis, eligi possit in Vicariam.

Resp. Non posse, si non habeat supra se aliam Superiorissam, & gubernet incapite, qui fieret fraus legi; nam re vera eligeretur ad exercendum munus Abbatissæ sub alio nomine, & Concilium requirit has qualitates tanquam necessarias pro munere ritè obundo, non pro nomine obtinendo. Ita Tambur. & Pasqual. *loc. cit.* n. 658. ubi addit, quòd quando adesset aliqua difficultas, ita ut esset necessariò per aliquod tempus protrahenda electio, potest tunc pro interim eligi in Vicariam, quia tunc regimen monasterii transeunter ipsi imponitur.

Quar. 4. An illegitimæ eligi possint in Abbatissas.

Resp. Quòd possint eligi sine dispensatione, tenent Miranda, Rodriq. Portel Diana, & Lavor. adducens decretum Sac. Congreg. *die 4. Octob. 1594.* Communior tamen sententia negat. Ita Navar. Majol. Homobon. & Aldan. qui refert ita fuisse decisum à Sac. Congreg. *die 27. Aprilis 1630.* Unde hæc declaratio, utpotè posterior allegata pro prima sententia, est tenenda. Favet quoque ratio; est enim regula, quòd masculinum concipit foeminiù interveniente indentitate rationis. Cum ergo jura arceant illegitimos in tuu illegitimitatis, c. 1. & c. *fin. de fil. presbyter.*

arce-

arcebuntur etiam feminae tanquam in masculino conceptae, quia ratio illegitimitatis est communis, seu potius eadem in utrisque. Hinc neque eligi posse in Abbatissas infames infamia juris, vel facti, tradunt Majol. Vivald. Navar. & Barbof. Neque descendentes intra quartum gradum ex maculato genere, ex Constit. Pauli IV. innovata à Gregorio XIII. dispositio enim in utroque casu procedit etiam in foeminis ex identitate rationis.

Quar. 5. An corrupta eligi possit in Abbatissam.

Resp. Negativè cum vigintinovem Doctoribus, quos refert, & sequitur Pasqual. *loc. cit. num. 690.* fundamentum desumitur ex c. *Juvenclus 20. q. 1. & cap. si quis omnem 1. q. 7.* & affertur declaratio Sac. Congr. die 15. Julii 1616. & in hanc sententiã videtur inclinare Lezana, qui tamen concludit standum esse consuetudini. Docent alii, posse eligi corruptam, quando Abbatissae non impertitur benedictio specialis Virginum. Ita Rodriq. Portel. Sanch. & D. Antonin. Et quidem si consideretur dispositio Concilii, non videtur excludi corrupta, nihilominus Sac. Congreg. Episc. servari vult, quod non eligatur nisi praevia dispensatione.

Non videtur tamen obstare corruptio secreta, & occulta, sed tantum publica, qualis est in viduis, de quibus tantum procedit declaratio Sac. Congreg. Incorruptio enim solum requiritur ob quamdam externam decentiam, cui solum obstat corruptio publica, & nota. Unde si aliqua eligatur, cujus corruptio sit secreta; non debet renunciare, saltem quando renunciatio posset aliquam corruptionis suspicionem generare. Bigamiam non obstare electioni Abbatissae, tenet

Rodrig. quia, sicuti fœminæ sunt incapaces Ordinum, ita sunt incapaces irregularitates ex bigamia, quæ posita est tantum respectu Ordinum, ad quos inhabilitat. Oppositum docent Majol. Vivald. & Tamburinus.

Quar. 6. An possit eligi in Abbatissam monialis cœca, aut surda, aut muta.

Resp. Negativè; habetur quoad cœcam. *cap. hinc etiam, §. cæcus dist. 49. & D. Thon. in 3. p. q. 82. art. 10. ad 3. quoad surdam ex constitutionem de verbor. significat. in 6. & idem in jure civili surdus non potest gerere publicum officium, ut testatur Campanil. in div. jur. can. rubr. 11. c. 17. n. 37.* Quo ad mutam et Doctoribus, quos congerit Peyrin. 1. 2. q. 2. c. 4. n. 18. & seqq. Ratio horum omnium est, quia hujusmodi defectus rectam muneris executionem impediunt. Non enim potest, ut officii obligatione oportet, invigilare superioriales, si cœca, neque illarum necessitates aut querelas audire, si surda, neque illarum culpas reprehendere, si muta. Tum quia, cum moniales teneantur digniorem eligere ad id munus, credibile non est, quoddam cœca, aut surda, aut muta, ponderatis omnibus circumstantiis, ceteris monialibus monasterii tanquam dignior sit præferenda.

Quar. 7. An possit immediate eligi Soror antecedentis Abbatissæ.

Resp. Posse, nisi Ordinis obest Constitutiones. Videtur haberi ex declaratione Sac. Congreg. Episc. apud Navar. in *Lucerna Regular. v. Abbatissa.*

§. II.

*A quibus, & quomodo eligenda
sit Abbatisa.*

Quar. 1. **A** Quibus eligi debeat Abbatis-
sa.

Resp. Eligi debet à monialibus ejusdem monasterii tacite, vel expresse professis. Inter moniales, quæ admittuntur ad electionem, non enumerantur Conversæ: sive hoc sit ex consuetudine, sive ex specialibus monialium constitutionibus, sive ratione status ipsarum: recipiuntur enim, ut serviant, non ut honorifica jura exercent. Ita Suar. Lezan. Tambur. Neque apud quasdam moniales admittuntur omnes choro deputatæ, quamvis professæ, sed solum certo tempore à professione elapso. Unde Portel. habet: statuta Franciscana Romæ edita 1621. requirunt quatuor annos à professione. Moniales Ordinis Prædicatorum non habent vocem in electione Abbatisæ, nisi post duodecim annos elapsos à professione, ut refert Castellin. Quare semper consideranda sunt statuta, constitutiones, & consuetudines Monasteriorum, quas servari jubet Trident. *sess. 25. de regular. cap. 7.*

Quar. 2. Quomodo debeat ferre suffragium monialis infirma, si ad locum electionis convenire non potest.

Resp. Cum ex alibi traditis, & ex declaratione Sac. Congreg. die 20. Junii 1595. non possit Præses electionis ingredi ad scrutandum suffragium monialis infirmæ, poterit, si monialis non renunciât jur. suo, mittere duas moniales, quæ fideliter scrutentur vo-

tum ipsius, & referant Præsidi; aut poterit ipsa mittere scriptum, & sigillo munitum suum suffragium. Neque enim debet contemni, cum jus habeat ad electionem non minus, quam cæteræ.

Quer. 3. An Episcopus, vel Superior Regularis, aut Scrutator etiam in discordia eligentium possint ferre suffragium in electione Abbatissæ.

Resp. Negativè ex Lavorio, Castellin. Tamburin, & aliis, & ita pluries declaravit Sac. Congreg. Episc. die 5. Martii 1619. & Concilii Trident. die 23. Maii 1621. in quibus irritatur electio tanquam à non legitimis electoribus celebrata. Unde est rejiciendus Portel. in dubio regular. v. Abbatissæ. n. 9. sustinens Prælatum Ordinarium electioni præsentem posse ferre suffragium. Quodd si contingat moniales non esse concordantes in eligenda Abbatissa, quia Monasterium manere non debet sine capite, Episcopus, si vel alius superior præfigere debebit certum tempus, in quo concordent; quodd si eo elapso non conveniant in eligenda, nominabit eam, quam judicaverit magis idoneam, & deputabit in Abbatissam. Ita Sac. Congr. die 22. Octob. 1592. in una Cremonen. & die 20. Novemb. 1595. in Assisien. apud Piasec. in præxi par. 2. cap. 3. num. 57.

Hic notandum singulare privilegium concessum à Gregorio XII. in sua Constit. 19. sub die 16. April. 1574. Visitatoribus, Abbatibus, & Prælatibus Monialium Ordinis S. Benedicti, nempe, quodd si in electione Abbatissarum pro tempore contingat, quodd moniales in duobus scrutiniis non eligant, possunt proponere duas, vel tres ejusdem monasterii, quas habiliores judicaverint, & ex pro-

propositis illa censeatur legitimè electa, quæ in scrutinio plura vota habuerit, & proinde confirmanda sit. Hoc privilegio uti non possunt Episcopi quoad moniales dicti Ordinis S. Benedicti sibi subjectas, quia talis concessio facta est Prælatiis religiosis, nam verba antecedentia nempe *Visitatores, Abbates*, declarant de quibus Prælati Pontifex loquatur, & coarctant ad Prælatos regulares, juxta doctrinam Surdi *dec. 124. n. 8.*

Quæ. 4. Quomodo eligi debeat Abbatissa.

Resp. Tribus modis eligi posse, scilicet per modum scrutinii, inspirationis, & compromissi. Quamvis enim Trident. *sess. 25. cap. 7. de reform.* præscribat modum scrutandi vota monialium in ordine ad electionem Abbatissæ, & proinde disponat per viam scrutinii de electione; non tamen prohibet, ne alijs modis à jure concessis eligatur Abbatissa, ut inter alios notant Laver. & Tamburin. Unde moniales compromittere poterunt in Superiorem, præsidentem electioni, seu in Confirmatorem; ut tradunt iidem Doctores. Quod si Compromissarius semel pronunciaverit Abbatissam, quam elegit, non poterit variare discedendo ab ea, etiam si cognosceret postea se malè elegisse, quia error debet corrigi ab alio, non ab ipso Compromissario, quia jam cessavit ejus facultas. *cap. in linteis de off. delegat.* ubi Doctores communiter cum Gloss.

Quæ. 5. An, quando eligitur Abbatissa per viam scrutinii, vota debeant esse secreta.

Resp. Quod sic, ita ut eligentium nomina nunquam publicentur. Ita præcipit Conciliū *sess. 25. c. 7.* Et proinde electio est nulla, si vota non sint secreta, ut notant Garzias, Zerola,

Ro-

350 *A quibus eligenda sit Abbatissa.*

Rota coram Durano dec. 232. n. 1. Immo etiam si ex ignorantia vota non exhibeantur secreta, adhuc electio est nulla, Zerola, Tamburi & Riccius referens ita resolutum fuisse à Sac. Congregatione. Per hoc tamen quod Præse- electionis excipiat vota oretenus exhibitæ præsentem Notario, & aliquibus aliis ad quatuor, aut quinque, qui audiant, non tollitur secretum, ita Garzias, qui addit, ex decreto Sac. Congreg. electionem fore secretam, & canonicam, etiam si juxta *Cap. quia propter de elect.* exciperent vota aliquæ scrutatrices de gremio capituli.

Quar. 6. Quot suffragia requirantur pro electione Abbatissæ.

Resp. Duas partes requiri tradunt Barboza & Tamburinus ex rescripto Sac. Congreg. die 20. Novembr. 1585. At sufficere majorem partem habito respectu ad totum capitulum tenent cum communi Miranda, Cuchus, & Rodriq. Quia de jure communi ad electionem canonicam sufficit major pars, *cap. quia propter de elect.* unde sufficit etiam pro electione Abbatissæ, cum nihil in jure adsit in contrarium.

Quar. 7. Quo in loco fieri debeat electio Abbatissæ.

Resp. Regulariter loquendo fieri debet in tali loco, ut is, qui debet præsidere electioni, non adstringatur ingredi claustra Monasterii, habetur expressè ex Concilio *loc. cit.* Potest tamen Præses electionis introire claustra, si alias prudenter judicet, electionem non posse canonicè fieri, aut ex aliis justis causis. Causa autem debet esse valde urgens, cum debeat facere cessare dispositionem Concilii in oppositum. Quod si circa necessitatem Præses Regularis & Episcopus non conveniant, præse-

ren.

rendum esse iudicium Superioris regularis , tradit Palqual *loc. cit.* n. 720. quia ipse melius cognoscit Moniales tanquam suæ curæ subiectas , & proinde melius iudicare potest de causis, quæ exigunt ingressum.

Quar. 8. Quinam debeant præsidere electioni.

Resp. Si Monasterium sit immediatè subiectum Episcopo, aut sedi Apostolicæ, debet idem Episcopus præsidere; si verò sit exemptum, præsidet Prælati Regularis unà cum Episcopo, ut ex constitut. Gregorii XV. Quare Regulares ex eadem constitutione ita demum tenentur Episcopo significare diem electionis Abbatissæ, eumque usque ad præfinitum tempus expectare, si atea expressè declaraverit, se uti velle facultate sibi hac in parte attributa, ut liceat animadvertere in Regulares, qui ante tempus significatum, aut die electionis eidem non prænuntiata, ad Abbatissæ electionem procedunt. Ita declaravit Sac. Congreg. Concilii, cujus rescriptum reperitur *in. 4. par. Bullarii* post declarationes dubiorum Constitutionis supradictæ. Attamen quamvis possit Episcopus intervenire electioni, non per hoc potest exquirere, & excipere vota eligentium; ut decrevit Sac. Congr. Concil. die 10. Septembris 1636. apud Palqualig. *loc. cit.* nu. 688.

Quar. 9. An Prælati habentibus iurisdictionem quasi episcopalem teneantur Regulares notificare electionem Abbatissæ faciendam.

Resp. Non teneri. Quia facultas, quæ per Constitutionem Gregorii XV. de exemptorum privilegiis tribuitur Episcopo quoad Regulares exemptos, non competit talibus Prælati, ut respondit Sac. Congr. ad dubium 4. ipsi propositum super eadem Constit. Ex quo colligit Pal.

352 *Per quot annos eligi debeat Abbatiss.*
Palq. loc. cit. n. 727. quod predicta facultas ce-
cessa fuerit Episcopo intuitu dignitatis, at-
adèd privativè quoad alios, unde concludit
lectionem Abbatissæ non esse notificanda
Vicario Capitulari Sede vacante, neque Vi-
cario Episcopali, existente Episcopo exte-
dicecesim. Quia tamen Sac. Congreg. in Au-
nion. 13. Decemb. 1639. declaravit, notifica-
dam esse electionem Abbatissæ etiam Vic-
rio, ipsi standū erit, si declaratio sit universalis.

§. III.

Per quot annos eligi debeat Abbatissa.

Quar. 1. **A**N Abbatissa eligenda sit ad tri-
enium.

Resp. Affirmativè. Ita Gregorius XIII. in
sua Constit. quæ incipit, *Exposcit*; & si fiat
ultra triennium, est nulla etiam pro toto trien-
nio, quia stante decreto irritante, tota electio
annullatur juxta doctrinam Romani conf. 66.
Quamvis tamen Pontif. prohibeat eligi Ab-
batissam ultra triennium, non per hoc præci-
pit, quòd eligatur per triennium, ut notant
Tambur. Navar. & Lavar. qui refert declara-
tionem Sac. Congreg. 18. Novemb. 1595. in una
Arian. Vel poterit eligi ad triennium, sed se-
cundum formam Constit. Leonis X. ut scilicet
teneatur singulis annis in manibus Visitato-
rum, aut aliorum Superiorum renunciare,
& quòd ipsi possint novas Abbatissas ponere,
eligente conventu, si ita expedire judica-
verint. Et ad hanc formam reduci potest
electio etiam in illis monasteriis, in quibus
ex consuetudine, aut statuto eligitur ad trien-
nium; dummodò id fiat per eos, ad quos
spectat imponere leges pro monialibus, quia
cū

Cap. 9. §. 3. 353
cūm hoc spectet ad bonum regimen, potest
præcipi ab habente jurisdictionem. Pasqua-
lig. ubi *supra* n. 673.

Quar. 2. An expleto triennio possit eadem
Abbatissa sine Sedis Apostolicæ dispensatio-
ne reelegi ad aliud triennium.

Resp. Non posse, sed necessariò vacare de-
bere per aliud triennium, ita statuente eodem
Gregorio *in supracit. Constit.* Ex quo fit, quòd,
si intra trienniū moriatur Abbatissa, aut alio
modo vacet officium, non poterit eligi in
Abbatissam, quæ præcessit in officio, quia non
vacavit per triennium. Neque eligi potest in
Vicariam, seu Priorissam, quæ gubernet mo-
nasterium in capite, per aliquod notabile tem-
pus. Immo neque in Vicariā novæ Abbatissæ.
Nam Gregorius XIII. præcipit elapso triennio
sui officii ut *omni prorsus careat auctoritate*.
Quæ verba excludunt Vicariam, quæ in defe-
ctum Abbatissæ, quando vel ratione infirmita-
tis, vel ex alia causa non est præsens, fungitur
munere Abbatissæ, unde non omni prorsus
caret auctoritate. Hæc autem non habent lo-
cū in Abbatissis, quæ non sunt triennales,
sed annuales, aut biennales; istæ enī pote-
runt eligi in Abbatissas, quoad usque comple-
ant triennium, quia triennium integrum pro
tali officio conceditur *in cit. Constit.* Alia verò
officia habentia annexam auctoritatem, regi-
men, & administrationem posse conferri Ab-
batissis annualibus, aut biennialibus expleto
munere, tradit Pasqual. quia *d. Constit.* dispo-
nit solum de Abbatissis triennialibus.

Quar. 3. An si expleto triennio Abbatissa
ex dispensatione eligatur ad aliud triennium,
possit rursus expleto secundo triennio de no-
vo eligi absque dispensatione ad tertium tri-
ennium.

Resp.

354 *Per quot annos eligi debeat Abbatiss.*

Resp. Non posse, ob rationem quam adduximus cum de Confessario c. 6. §. 6. q. 4. Vide etiam Pasqual. *loc. cit.* n. 717.

Quar. 4. An Collegium Oblatarum teneatur eligere Præsidentem triennalem; verò possit eligere perpetuam.

Resp. Possit perpetuam eligere. Quia Gregorii XIII. Sixti V. & aliorum Pontificum constitutiones præcipientes, quod deinceps Abbatissæ, & Priorissæ eligantur triennales & non perpetuæ, loquuntur de monialibus normam, & disciplinam regularem servantibus, & non extendunt ad alias expressè. Quotiescunque autem canonica constitutio statuit aliqua nova, & à jure communi exorbitantia de monialibus, solum est intelligenda de veris religiosis, & regulam per Sanctam Sedem Apostolicam approbatam professis, & non de aliis, quantumcunque religiosè, & collegialiter viventibus, nisi expressè suam legem ad illas extendat, juxta *cap. indemnitatibus §. pen. de elect. lib. 6.* Quare de Oblatis prædictæ constitutiones non sunt intelligendæ, atque aded poterunt Præsidentem perpetuam eligere. Roderic. 1. q. 57. art. 5.

§. IV.

De Confirmatione, & Benedictione Abbatissæ.

Quar. 1. **A** Quo sit confirmanda Abbatissa.

Resp. Confirmationem Abbatissæ juxta dispositionem *Cap. indemnitatibus de elect. in 6.* fieri debere à Superiore monasterii. Quare si monasteria subjiuntur Ordinario, debet ab ipso confirmari Abbatissa electa; si subjiuntur im-

me-

mediate Sedi Apostolicæ, debet confirmatio peti per procuratorem à Summo Pontifice, vel ejus Legato, juxta *cap. si Abbatem de elect.* in 6. Si verò monasteria subduntur Regularibus, confirmatio spectat ad ipsos, ita ut Prelatus pro ipsis deputatus debeat confirmare, ut desumitur ex *Cap. Monachi*, & *Cap. Monasterium de statu Monac.* Et quidem confirmatio spectat ad Regulares privativè quoad Episcopos, ut declaravit Sac. Congreg. in *resolutione dubiorum super Conslit. Gregorii XV. Inscrutabili*, & ita etiam notat Tamburin. *de jure Abbatif. disp. 29. q. 1. nu. 2.* ubi advertit, electionem Abbatissæ, nisi aliud obstat, esse statim confirmandam à Superiore, qui præfuit electioni, & confirmationem esse faciendam in loco, in quo est publicata. Addit tamen Miranda *q. 2. de Monialib. art. 15.* posse confirmantem ingredi claustra, si timeat aliquod periculum, aut scandalum ob moniales resistentes electioni, quia hæc est rationabilis causa, & necessaria ingrediendi.

Quar. 2. An stante oppositione electio sit confirmanda.

Resp. Si electio facta sit per compromissum, & minor pars collegii seu aliquæ tantum opponant, tunc non obstante oppositione esse confirmandâ, tradunt Rodriq. & Layman *de elect. q. 2 32.* asserentes id colligi ex *c. Indemnitatibus §.* Porro *de elect. in. 6.* Si verò electio facta sit per scrutinium, & duæ partes consenserint, aut electæ a majori parte aliæ accedant usque ad duas partes, electio erit confirmanda, ut de cernitur in *d. c. Indemnitatibus.* Item si electio sit celebrata tantum à majori parte, & nulla monialiū opponat, erit confirmanda; at stante oppositione erit supersedendum, donec super objectis fiat inquisitio, & causa examinetur.

Quar. 3.

Quar. An Prælatus absens possit electionem confirmare.

Resp. Possesse, quia nihil videtur ob stare. *In c. qua fronte de appellat.* non reprehenditur Episcopus Cantuariensis, quia absens confirmaret electiones, sed quia non confirmaret Ecclesiam, aut in suo palatio, vel saltem in camera, sed in camera regis. Ita contra Taburin. Pasq. n. 702. qui n. 703. asserit, Prelatum posse confirmare electionem etiam extra diocesim, si tantum necessaria sit examinatio electionis, & personæ electæ, quia hic actus exerceri potest sine strepitu, & figura iudicii, secus verò si pars opponat, quia jurisdictionis contentiosa extra diocesim non potest exerceri.

Quar. 4. An Abbatisa electa possit auctoritate confirmationem administrare.

Resp. Non posse *ex c. Nostri, c. qualiter de electione in 6.* quia electio dat tantum jurisdictionem habitualement, confirmatio verò exercitium. Expiuntur tamen aliqui casus, in quibus auctoritate confirmationis ministrare potest. Primus est, quando est electa tantum à maiori parte, & non à universis, tunc enim, ut quædam examinantur objectiones, administrare poterit, ex dispositione *c. Indemnitas §. si verò.* Nec poterit impediri ab administratione etiã prætextu alterius electionis subsequenter, quia omnia subsequenter contra electionem administrationem attentata sunt *ex d. cap. in quo pariter* habetur, quod interim dum administrabit, non poterit aliquid alienare, nec aliquam ad habitum recipere. Secundus, quando à confirmante tam longè distet, ut sine graui incommodo non possit differri administrationem tunc poterit administrare, ut notant communiter Doctores, Item fallit supradicta regula,

gula,

gula, in casu, quo non sit in usu talis confirmatio, & resistat contraria consuetudo. Quamquam dici possit semper intervenire confirmationem, quia, eo ipso quodd electioni non opponitur, per tacitum consensum confirmatur.

Quar. 5. An Abbatissa debeat benedici.

Resp. Affirmativè ex Clement. Attendentes §. statuimus de statu Monachor. ubi apponitur pœna amissionis muneris, & juris acquisiti contra negligentes petere benedictionem ultra annum, nisi tamen ulterius differant ex causa rationabili, quam probare ad ipsas spectabit. Nec sufficit, quodd petant, sed necessarium est, quodd suscipiant, quia textus habet, Munus benedictionis suscipiant. Hoc tamen non habet locum quoad omnes Abbatissas, sed tantum quoad illas, quæ consueverunt benedici; unde non omnes benedicendæ sunt, sed attendenda est consuetudo monasterii; ut notant Navar. Miranda, Azor. Tambu. qui advertunt, Abbatissam semel benedictam, iterum benedici non posse.

Quar. 6. Quo die, & loco Abbatissa sit benedicenda.

Resp. Posse benedici qualibet die, ut notat Glos. in d. Clement. Attendentes, exceptis tamen diebus luctus ex ritu ecclesiastico, quales sunt illi, in quibus celebratur memoria Passionis Domini, quia benedictio Abbatissæ est actus lætitiæ, & solemnitatis. Benedici autem debet in Ecclesia exteriori, adhibitis iis tantum monialibus, quæ sunt necessariæ in ministerio, ita ex declaratione Sac. Congreg. Pasqualigus loc. cit. n. 713.

Quar. 7. Ad quem spectet Abbatissarum benedictio.

Resp. De jure communi spectare ad Episcopum.

copum, Barbof. *de potest. Episc. allegat.* 27. n. 5.
 Quod tamen modò procedit tantum quoad
 Abbatissas subjectas Ordinariò, nam exim-
 ptæ, & immediatè subjectæ Sedi Apostolicæ
 sicut confirmandæ sunt a Summo Pontifice
 vel ejus Legato, ita etiã benedicendæ. Subje-
 ctæ verò Abbât. Regul. benedicendæ sunt a
 ipsiis, ut tradit Tāburin. *de jure Abbat.* t. 1. diff.
 22. g. 8. nu. 2. Extant enim privilegia hoc con-
 cedentia, quorum primum est Innocentii VII
sub die 9. Aprilis 1489. alterũ Clementis VIII
sub die 24. Julii 1599. concessa Abbati mona-
 sterii Cistercii.

Quar. 8. An hæc facultas possit delegari.

Resp. Posse committi non solum Abbatibus
 benedictis, sed etiam non benedictis, quia hæc
 ex concessione S. Pii V. 17. Kal. Februar. 1566
 facta Abbatibus Canonorum Regularium
 se habent in omnibus, ac si essent benedicti.
 Immo cum hæc sit simplex benedictio, nec ex-
 cedat potestatem sacerdotalẽ, fortè commit-
 ti poterit simplici Sacerdoti, præsertim quia
 Clemens VIII. in privilegio præallegato con-
 cedit, quòd Abbas Generalis possit deputare
 Vicarios pro hoc munere, nec requirit, quòd
 sint Abbates. Pasqual. n. 715.

C A P U T X.

De Monialium Privilegiis.

Quar. 1. **A**N moniales exemptæ gaudeant
 privilegiis sui Ordinis, quibus
 gaudent Regulares exempti.

Resp. Gaudere illis privilegiis, quorum ipsæ
 sunt capaces ratione status, & sexus. Ita Ro-
 driq. D. Antonin. Paludan. & alii, quos refert,
 & se-

& sequitur Tamburin. *de jure Abbatis disp.* 17. q. 1. contra Barbof. Sanchez, & alios. Ratio est quia ferè omnes moniales regularibus subiecte communicationem privilegiorum propriæ religionis sortitæ sunt, ut videre est apud Tambur. *loc. cit.* Tum quia masculinum præcipuè in materia favorabili, & ex identitate rationis concipit fœmininum in iis, quæ fœminis possunt adaptari, l. 1. ff. *de verb. significat.* & ibi comunitè scribentes. Tum quia, cum vivant sub eadem regula, sunt pars Ordinis ipsorum, & ideò tamquam pars gaudere debent privilegii totius.

Quer. 2. An hujusmodi privilegiis gaudeant moniales Episcopo subiectæ.

Resp. Gaudere. Ita Castro Pal. cum relatis à Céspedes *de exempt. Regular. cap.* 23. *dub.* 344. Ratio est, quia, licet regantur ab Episcopo, non desinunt esse pars Ordinis, quia dum regulam talis Fundatoris profitentur, habent ipsum pro fundatore, quamquam ab aliis sint institutæ. Si igitur sunt pars, debent communicare cum suo toto, atque adeò de privilegiis totius participare. Neque Moniales per hoc, quòd priventur privilegio exemptionis per subjectionem Episcopo, amittunt privilegia sui Ordinis, quia per mutationem non extinguuntur privilegia, quæ sunt compatibilia cum statu mutato, Seraph. *dec.* 1414. præsertim cum privilegium tollens unum non tollat aliud, l. si domus tua ff. *de servit. præd. urban.* & cap. *Pastoralis de privil.*

Quer. 3. An moniales diversorum Ordinum qui simul communicant in privilegiis concessis unicuique illorum, participant pereandem communicationem de ipsis.

Resp. Participare. Ita Doctores relati à Pignat. *to.* 10. *consul.* 1. n. 24. Quia Regulares, qui con:-

communicant in privilegiis, eodem modo ipsa participant, ac si essent ipsis per se primò concessa, quia est communicatio absoluta, & perfecta, ita ut non redundet ex alio in ipsos, ut redundant privilegia religionis in familiares, & mariti in uxorem, sed possint uti ex propria persona, tanquam si nulli alteri essent concessa. Nam privilegia tali pacto communicata se habent ut privilegia ad instar, ita ut concedant omnem favorem, & effectum, quem secum habet privilegium alteri concessum, ut firmant Doctores relati à Pignatel. *loc. cit. n. 25.* Privilegia autem immediate concessa etiam à Monialibus participantur, ut probatum est supra. Ergo etiam de communicatis unicuique Ordini participabunt.

Quar. 4. Quomodo moniales immediate subjectæ Ordinario possint uti, & frui privilegiis illis Regularium, ad quorum usum requiritur ministerium Prælati, ejusmodi ver. gr. est privilegium absolvendi, dispensandi &c.

Resp. Ex *Cerpedes loc. cit.* cum distinctione: Si in tenore privilegii, & concessionis habeatur, præfata privilegia suffragari Regularibus per ministerium proprii Prælati, abstrahendo, quoddam Prælatum sit regularis, vel non, tunc possunt uti, etiam si concessio detur ab Episcopo, & proprio Ordinario, qui est proprius Prælatum monialium non exemptarum. At si in tenore concessionis, & privilegii habeatur, dicta privilegia suffragari Regularibus per concessionem solum Prælati Regularis, tunc à solo Prælato Regulari recipere possunt hoc commodum fruendi dicti privilegii.

Quar. 5. An, & quomodo moniales per Ministerium Abbatissæ possint uti, & frui illi pri-

privilegiis, ad quorum usum requiritur factum superioris habentis potestatem spirituales, ut est privilegium dispensandi in jeuniis, officio &c.

Resp. Posse uti per ministerium Abbatissæ, quia licet defectu potestatis spiritualis non possit dispensare auctoritativo modo, potest tamen ex commissione sui Prælati, ut notat cū aliis Lezana t. 1. 99. regular. c. 26. n. 16. Quæ commissio utique præsumitur in ipsa, statim ac eligitur in Abbatissam; debet enim habere totum id, quod requiritur ad rectè, & rationabiliter suum munus exequendum. Unde moniales possunt uti dictis privilegiis per ministerium Abbatissæ, quia tunc censetur dispensare ipse Prælati, & Abbatissa solum exequi dispensationem, nec uti aliqua spirituali jurisdictione. Pasqualig. loc. cit. n. 749.

Quar. 6. Quibus privilegiis gaudeant moniales tempore interdicti, & cessationis à divinis.

Resp. Gaudere illis omnibus, quibus gaudent viri religiosi sui Ordinis, iuxta superioris dicta. Unde possunt moniales tempore interdicti generalis in suis Ecclesiis divina officia recitare, submissa tamen voce, januis clausis non pulsatis campanis, & exclusis omnibus; qui causam interdicti dederunt, vel nominatim interdictis. Ita Collect. Privileg. Mendic. v. interdictum 3. ibique Capuc. annot. versic. tertio tempore interdicti, Rodriq. & alii. Possunt insuper, cum præfatis tamen limitationibus, facere celebrare Missas sive per sacerdotes sæculares, sive regulares, cū de utrisque sit par ratio, ita concedente Bonifacio VIII. in cap. Alma mater de sent. excommunic. in 6. Hæc omnia militant etiam proportionaliter tempore cessationis à divinis ex privilegio Leonis

X. concessio monachis S. Benedicti, *Peyrin* 1. de privil. *Minim. in Constit. 2. Sixti IV. n. 52.* & alio etiam privilegio Nicolai V. de eligendi sex personis, quæ tali tempore assistant Missis, & divinis officiis, recipiantque Sacramenta positis tamen quibusdam conditionibus, *Caſarub. Sorb. & Lezana.*

Quar. 7. An tempore interdicti gaudeant supradictis privilegiis famuli, alique monialium officiales.

Resp. Gaudere. Quare famuli, familiares, Syndici, Advocati, Procuratores, & officiales ordinarii possunt per moniales, quibus inserviunt, ad divina admitti. *Rodrig. 2. 2. 9. 1. 14. art. 1. & segg.* Idem de laboratoribus & aliis salario, vel gratis, sive obsequio tantum inservientibus, asserunt *Suar. & Tamburin. de jur. Abbaz. disp. 6. 9. 16. nu. 8.* Nam familia gaudet privilegio domini. *Zerol. in Prax. p. 3. v. Episcopi num. 4.* Item puellæ educationis gratia, aliæque forminæ titulo famulatus, aut ex iusta alia causa in monasterio degentes dicto gaudent privilegio ex concessione Eugenii IV. facta Cisterciensibus, & relata à Sayro 2. 3. de censur. c. 7. n. 22.

Adnotandum tamen diligenter, ut rectè monet *Lezana 1. 1. 99. Regular. c. 21. num. 20.* an quando ponitur cessatio à divinis, vel interdictum auctoritate Apostolica, revocentur privilegia regularium, quia tunc non licebit illis frui; sicuti neque quando scandalum aliquod inde exurgeret propter singularitatem; nec si talia privilegia non sint in usu; neque si solum sint vivæ vocis oracula, ut est illud Nicolai Franchi Sedis Apostolicæ Legati de admittendis quindecim personis tempore interdicti, quia sunt abrogata.

Quar. 8. An moniales tempore interdicti gene-

generalis possint aliquando publicè divina peragere.

Resp. Posse, pulsatis campanis, voce alta, apertisque ianuis divina facere in festivitibus Natalis Domini, Paschæ, ac Pentecostes, & Assumptionis B. Mariæ. Ita in *cir. c. Alma Mater Sord. in addis. ad comped. v. interdicti* Sum 3. §. 3. qui etiam hoc extendit ad festum SS. Sacramenti, & per totam octavam illius per unam Extravagan. Martini V. Immo ex specialibus Regularium privilegiis etiam in festo Conceptionis & Nativitatis B. Virginis & S. Jo: Baptistæ, ac in festis Sanctorum, & Sanctorum, sub quorum invocationibus Ecclesiæ sunt erectæ, seu quorum corpora in ipsis Ecclesiis recondita exstant, nec non in festis Sanctorum respectivè suarum Religionum, & per octavas earumdem omnium festivitatum, nec non quoties aliquam ex monialibus Monasterii ad professionem admitti, aut in Ecclesia sepeliri contigerit. Ita Leo X. supra adductus, Peyrin. Casarub. Lezan *loc. cit.* & alii. Semper tamen exclusis nominatim interdictis, aut interdicto causam præbentibus.

Quar. 9. An vigore Concilii Trident. *sess. 25 de Regular. c. 12.* & Constitutionis Gregorii XIII. cuius initium *in tanta rerum*, revocata sint privilegia Regularibus concessa ad celebrandum tempore interdicti ianuis apertis.

Resp. Non esse revocata. Ita Doctor, quos plena manu congerit, & sequitur Peyrin. *loc. cit. n. 51.* contra Navar. Gatziam, & Barbos. Quia mens Concilii fuit, ea tantum revocare privilegia, quæ à quibusdam vigore quorundam specialium privilegiorum prætendebantur de nullo modo interdictum servando, inter quos Milites Hierosolymitani, & Fratres Ministri. Ita Sorb. & Peyrin. *loc. cit.* Et per *Ca*

stitutionem Gregorii non revocantur nisi illa privilegia, quæ Concilio adversantur, Medina, Rodriq. & de la Crux. Et redditur omnino certa hæc sententia saltem pro festis suorum Ordinum per Constitutionem Clementis VIII. editam die 17. Octob. anno 1595. Ita enim habet: *Ut temporibus interdicti quacunque etiam Apostolica auctoritate appositis, festa Sanctorum Ordinis S. Francisci &c. solemni ritu celebrentur, perinde ac si interdictum hujusmodi minime appositum esset. Non obstantibus Constitutionibus, & Ordinationibus Apostolicis ac Universalibus, & Provincialibus Synodalibus Conciliis editis, generalibus, vel specialibus.* Unde per hanc Constitutionem corrumpit etiam declaratio Sac. Congregat. in oppositum relata à Barbosa in *Collect. Bullar. v. Privilegium.*

Quar. 10. An Moniales virtute suorum privilegiorum possint in propria Ecclesia exteriori admittere personas laicas ad sepulturam.

Resp. Ex Pignatelli *l. 4. consult. 177.* non posse nisi hujusmodi Ecclesiæ habeant jus sepulture, velex particulari privilegio, velex indulgentia speciali. Desumitur ex *cap. in nostra de sepult.* Illudque concedere spectat ad Episcopum ex jure communi, Abbas, & alii in *cap. penult. eod. cap.* & resolvit Rota coram Cavafer. *dec. 16. n. 2.* ubi subdit, Legatum à Latere id posse. Et in specie quod laici, sive viri, sive foeminae, non queant sepeliri in Ecclesia Moniali exteriori, licet solvere vellent penam Synodalem, declaravit expresso Sac. Congregat. Episc. in *Maceraten. 8. Novem. 1652.* Etiam si essent Principes, & eorum majores ibi tumulati fuissent, in *Gravien. 1. Octob. 1650.* Ac nisi de scientia ejusdem Sac. Congregationis, & consensu Monialium, ut in *Feretran-*

na 21. Novemb. 1603. & in Vercellen. 13. Maji 1696. Quam licentiam requiri etiam pro ibi construendo sepulchro, decrevit eadem Sac. Congreg. in *Ferrariensi* 12. Julii 1604. illamque concedere solet personis benemeritis, & cum elemosyna competente, ut *Messanen.* 6. August. 1601.:

Neque refragatur cap. ubicumque 13. qu. 2. Concilii Triburiensis Nam cessant modo rationes Canonis, qui loquitur de facultate eligendi sepulturam in Ecclesiis Monialium stante necessitate temporum, vel locorum. Et secundum hanc explicationem refellitur objectio deducta ex declaratione Gregorii XIII quam refert Marzil. & ex eo Portel. ex quo Pelizar. de *Monial.* c. 7. nu. 10. dicentes illum declarasse, corpora volentium sepeliri in Monasterio Monialium debere sepeliri in Ecclesia exteriori, & non intra claustra, nam talis declaratio intelligenda est juxta d. c. in nostra dummodò. scilicet ex necessitate temporum, vel locorum, aut ex particulari privilegio, vel indulgentia speciali liceat Ecclesiis Monialium ad Ecclesiasticam sepulturam recipere laicos, qui apud ipsas eligunt sepeliri. Tum quia dicta declaratio est revocata posterioribus decretis supracitatis, per quæ decreta impeditur etiam quoad hoc Monialibus participatio privilegiorum cum Regularibus, qui habent ex privilegio jus sepulturæ, ex *Clement.* *Dudum de sepult.*

Quar. 11. A quo debeat peragi officium super cadavera, quando ex licentia, vel privilegio in Ecclesiis monialium tumulantur.

Resp. Si moniales sunt exemptæ, à regularibus est perageadum, quia, cum communicet in privilegiis cum religiosis sui Ordinis, ut

diximus, exemptæ sunt à iurisdictione Parochorum, & aliorum in materia, funeralium, ut declaravit Sac. Congregatio 15. *Martij* 1649. Ita, quod nullus intra earum Ecclesias nec Canonici nec Clerus, possunt peragere officia defunctorum, nec reliqua ad huiusmodi officium pertinentia, Peregr. Lezan Belat. & Bordon. qui refert decisum à Sac. Congreg. Concil. 19. *Martij* 1609. Non obstante quacunque consuetudine, etiam immemorabili in contrarium. Sac. Congreg. Rituum 8. *Augusti* 1629, & in aliis similibus declarationibus, quas refert Barbosa.

Si verò sub Episcopi regiminè degant, cenfeo pariter, officium funeris esse peragendum à Confessario, Quia moniales non obstante subiectione Ordinario, adhuc fruantur privilegiis, & exemptionibus regularium. Tum quia sicuti quo ad personas à iurisdictione Parochorum sunt plenè exemptæ, ita etiam quo ad Ecclesias; nam locus & persona, ut alibi adnotavimus cum Sperello, ambulant pari passu. Tum quia Confessarius est monialium Ecclesiæ Parochus, in illis enim exercet omnia iura parochialia, unde ad ipsum spectare debet officium funeris privativè quo ad alios.

Quar. 12. An moniales delinquentes confugientes ad Ecclesiam gaudeant immunitatis privilegio, ita quod à Superiore extrahi non possint, ut puniantur.

Resp. Non gaudere, sed absolutè posse extrahi, docet aliis relatis Peregrin. *de immunit.* c. 12. n. 3. Quia immunitas personalis, quæ monialibus competit, non impedit, quin puniantur à superiore, ergo neque impedit immunitas localis, quæ vel minor est personali, vel saltem non potentior, cum utraque oriatur ex eo,

ex eo, quod tam persona, quam Ecclesia sint Deo dicatæ. Gaudere verò affirmant alii quā plures penes eundem Peregrin. *loc. cit.* quia privilegium immunitatis Ecclesiarum est locale; unde illo gaudere debent quicumque ad Ecclesiam confugientes, quia natura privilegii concessi loco talis est, ut omnes existentes in tali loco comprehendat. Utramque sententiam conciliat Gambacurta *lib. 4. cap. 11. n. 10.* & ait, posse extrahi, quando Superior procedit ad pœnitentias salutares ut pater, non ad ultrices pœnas, ut iudex.

Quar. 13. An Moniales gaudeant aliquo privilegio, per quod excusentur à recitatione Officii Divini.

Resp. Clemens VII. ut in *Compend. privileg. v. Moniales* §. 30. indulgit Monialibus Clarissis sub cura Fratrum Minorum degentibus, quòd propter imperitiam, iudicio Prælatorum, Confessorum, vel Abbatissarum satisfaciant dicendo Officium laicarum. Idem Clemens concessit Regularibus, qui occupantur infirmitate propria, aut infirmorum fratrum curatione, quod satisfaciant pro horis canonicis, recitando certos Psalmos per superiorem eis assignandos, numero non minùs septem, aut sex cum devotione, & Orationem Dominicam septies, & Symbolum Apostolicum bis. Graviter verò ægrotantes Orationem Dominicam septies in die recitando, septem horis canonicis pariter satisfaciant. Concessit insuper Innocentius IV. per Bullam X. Monialibus Sanctæ Claræ, & consequenter etiam aliis per communicationem ut casu quo, ob rationabilem causam non possint dicere horas canonicas, satisfaciant, laicarum Officium recitando. Occasio autem vel causa rationabilis cēsetur adesse, si monia

lis sit scrupulosa circa recitationem. Offici
divini, si sit fatigata ex aliquo extraordina-
rio labore, si præ manibus habeat aliquam
extraordinariam applicationem, quæ illam
defatiget, vel angat, & similes. Ita Sa-
maticenses in *Theol. mor. tom. 4. tract. 16.*
3. punct. 7. num. 62.

Quar. 14. An monialis admissa ex vi privi-
legii Clementis VII. superius relati ad reci-
tandas orationes laicarum, peccet mortaliter
si eas omittat.

Resp. Videtur quod sic, quia orationes lai-
carum, cum subrogatæ sint in locum officii
divini, ad quod monialis tenebatur sub mor-
tali, trahunt secum eamdem obligationem
nam subrogata res censetur eadem cum prin-
cipali, & sub eadem dispositione comprehen-
ditur. Authent. *de hered. ab intest. venien.* &
notat Bald. Decian. Natta, & Rota coram
Merlino *decis. 445. nu. 2.* Negant tamen Sal-
maticen. *loc. cit. num. 51.* Quia monialis illa
per inde se habet ac monialis laica, quæ sub
mortali ad talem recitationem non tenetur. Et
regula illa de subrogatis non procedit quan-
do versamur in odiosis, aut privilegiis, ex-
traditis à Barbos. *de axiom. jur. axiom. 223.*
num. 4. 6. & seqq.

Quar. 15. An vigore privilegii Leonis X.
possint Moniales satisfacere præcepto reci-
tandi horas canonicas, si illas tantum men-
taliter dicant.

Resp. Affirmant sine ulla distinctione. Io-
de la Crux, Sanctorius, Persicus, & Tambu-
rin. *Opusc. de Sacrif. Missæ lib. 2. cap. 9. §. 3.* Limi-
tat Peyrin. *De Privil. Minim. ad Const. 28. Lea-*
nis X. quo ad scrupulosos, & secundum illam
partem tantum, quæ secretè esset dicenda.
Negant absolutè, & meritò Baldellus, Le-
zana,

zana, & Diana, quia dictum privilegium, utpotè vivæ vocis oraculo concessum, modo sublatum est per Constitutiones Gregorii XV. & Urbani VIII.

Quer. 16. An Moniales gaudeant aliquo privilegio pro supplendis defectibus in Officio divino commissis.

Resp. Innocentium VII. & Alexandrum VI concessisse, quòd, quando Regulares aliquid omittunt in divino Officio, non ex dolo, possint supplere cum aliquo Psalmo, vel dicendo Orationem Dominicam, vel Ave Maria. Et Sixtus IV. indulget non valentibus persolvere divinum Officium benè, ac diligenter in choro, prout tenentur, vel ex defectu visus, aut auditus aliquid prætermiserint, non teneantur illud omissum iterum persolvere, sed dicant unum Psalmum in fine horarum, & sufficiat. Quæ privilegia locum habent, ut advertit Navarrus, quando agitur de parte non notabili. Alia etiam privilegia ad hanc materiam spectantia refert Casarub. in *compend. v. officium divin. n. 1. 5. & 6.*

Quer. 17. Quid indulgeat Leo X. per orationem illà *Sacro sancta* in fine Officii solitam recitari

Resp. Indulgere, ut possint acquirere remissionem omnium defectuum ex humana fragilitate in divini Officii recitatione commissorum. Ad hanc autem remissionem consequendam requiritur primò, quòd ille defectus contractus sit tantum culpa veniali, quia ea oratio nò potest habere tantam efficaciam, ut deleat mortalia, etiam ex voluntate Papæ. Secundò requiritur, quòd illam recitans non sit in peccato mortali, aliter oratio illa nihil prodesset, quia venialia non remittuntur remanentibus mortalibus, ut omnes docent Theologi cum D. Thoma, Tertio requiritur, quòd

ad illorum remissionem se disponat saltem per actum attritionis sufficientem ad destruendum peccatum veniale; nam hæc oratio delet prædictos defectus veniales, quatenus est sacramentale, sacramentalia autem non remittunt peccata venialia ex opere operato quia non sunt instituta à Christo, sed ex opere operantis; qui proinde debet esse dispositus saltem per actum attritionis excitatum per sacramentalia, & hæc est communior opinio de sacramentalibus. Vide Fabrum *disp.*

42. de Pœnit. num. 34.

Quar. 18. An moniales sive exemptæ, sive Ordinario subjectæ gaudeant omnibus indulgentiis non solum proprii Ordinis, sed etiam aliorum Ordinum Regularium.

Resp. Gaudere. Philippin. in *Filiat. Spirit. num.* 437. cum communi, & clarè habetur ex Bulla Pauli V. §. 8. ubi ait; Volumus autem, ut omnes supradictæ indulgentiæ, & gratiæ Religiosis Regularibus unius Ordinis jam monastici, quàm mendicantis dumtaxat concessæ, etiam omnibus monialibus cuiusvis regulæ approbatæ, & intra claustra cum tribus votis solemnibus viventibus, & perpetuam clausuram servantibus, tam Ordinariis locorum, quàm etiam Regularibus cuiuscumque Ordinis, regulæ, & instituti, suffragentur.

Quar. 19. An moniales immediatè Sedi Apostolicæ, aut Ordinario subjectæ possint in suis templis exponere indulgentias Ecclesiis Ordinis pro Sæcularibus concessas, v.g. Indulgentiam Portiunculæ, loquendo de monialibus Ordinis Minorum.

Resp. Negat Pellizar. *de monial. cap. 9. num.* 40 quia tenor concessionis præcisè loquitur de Ecclesiis Ordinis, templa autem monialium

Se-

Sedi Apostolicę, vel Ordinario immediate subiectarum, verè Ecclesię Ordinis dici non possunt, ut potè à potestate Ordinis exempta Affirmat. nihilominus Nogueira *disp. 1. q. 10. n. 14.* & suadet ratio; sicut enim moniales, ut diximus, per hoc, quodd subdantur Ordinariis, non desinunt esse moniales sui Ordinis; ita neque earum Ecclesię per hoc, quod sint Ordinariis subiectę, desinent esse Ecclesię sui Ordinis; nam locus, & persona ambulant pari passu, ut notat Sperel. *dec. 3. num. 4.* & ideo hanc sententiam in terminis Indulgentię Portiunculę sustinet aliis relatis Gobat *r. 2. p. 2. c. 9. n. 354. §. 3.* quia Sixtus IV. hanc indulgentiam ad omnes S. Francisci Ecclesias extendit sine aliqua exceptione, ut tradunt Miranda, Emanuel; & Hieronymus Rodriq. adducti à Nogueira *loc. cit.*

Alia plura extant pro monialibus privilegiis, quorum aliqua sparsim in hoc tractatu referuntur, reliquia verò penes privilegiorum Regularium Collectores videri possunt.

C A P U T. XI.

De Particularium Monialium obligationibus, & Privilegiis.

§. 1.

*De obligationibus, & Privilegiis:
Abbatissa.*

Quar. 1. **A**N Abbatissa teneatur sub mortali tollere transgressiones regulę, quę in subditis non sunt peccatum mortale.

Q 6

Resp.

Resp. Videri quodd non. Non enim potest esse urgentior obligatio vitandi, vel tollendi alienas transgressiones, quam proprias; sed ad vitandas, vel tollendas proprias transgressiones Abbatissa non tenetur sub gravi, quia regula tam stricte non obligat; ergo neque ad tollendas alienas. Ita Lorca *in 2. 2. D. Tho. dis. 45. nu. 4.* Verum opposita sententia sustinetur. Nam ad decorem, & perfectionem religionis multæ observantiæ institutæ sunt, quæ vel non obligant singulas, vel obligant tantum ad culpam venialem, ut silentium, ieiunia, &c. quæ tamen si deficerent, grave detrimentum pateretur religio. Unde cum Abbatissæ incumbat conservare religionis integritatem, si negligat hæc instituta inviolata custodire, in re magni momenti deest supermuneri, & peccat mortaliter. Ita Trullench. & alii, quos refert, & sequitur Bartholomæus à S. Faust. *q. 152. n. 3.*

Quare Abbatiissa dissimulans, regulam, seu constitutionem abire in consuetudinem, & non attendens ad promovendas moniales ad perfectionem, quam postulat status, ipsa mortaliter peccat, quamvis moniales non peccent nisi venialiter. Tenetur itaque corrigere, & castigare etiam sub mortali, quando videt observantiæ regularum, aut constitutionis grave damnum imminere: aliter, si ob verecundiam, timorem, aut pusillanimitatem dissimulet, erit in statu perditionis. Etiam peccata venialia frequentia monialium tenetur carere, & corrigere, quando alias imminet periculum, ne disciplina religiosa magna ex parte minuatur. Lugo, Diana, Peyrin. & alii. Aliquando tamen poterit dissimulare aliqua peccata minora, quæ scilicet scandalosa non sunt, nec ab animo obstinato patrata, *cap.*

ipsa

ipsa pietas, §. verum 33. quest. 4. Nec non dissimulare ad tempus peccata illius, quæ efficeretur deterior, si peccatum relinquere compelleretur; nam minus malum quandoque sustinendum est, ut majus evitetur, *cap. duo mala dist. 13.*

Quar. 2. An licitum sit Abbatisæ, moniales errantes aliquando convinciis increpare.

Resp. Affirmat ex D. Thom. Peyrinus *tom. 2. de Prelat. 9. 2. cap. 3. §. 16. num. 147.* Quia si licitum est, illas disciplinæ causa verberare, cur non licebit obeamdem rationem illas conviciis reprehendere? Ad hoc tamen ut reprehensio contumeliosa fiat sine peccato, debet fieri cautè, modeste, & cum magna necessitate, & solum debet significari vitium, cuius emendatio prætenditur, non alia vitia iam correctæ, & emendatæ. Cavendum insuper est, ne fiat ex ira, alioquin peccaret mortaliter Abbatisa. Navar. Silvest. & Peyrin. *loc. cit. num. 148.* Sicuti pariter peccaret reprehendendo monialem coram secularibus vel etiam Novitii (nisi fortè coram ipsis peccasset.) quia monialis sic obiurgat multum apud illos gravaretur.

Quar. 3. An Abbatisa sit capax potestatis spiritualis.

Resp. Negative. Ita communiter cum D. Thom. *in 4. dist. 19. quest. 1. art. 1.* Immo esse incapacem iurisdictionis spiritualis etiam de legatæ, tradunt Sotus, Victoria, Abbas, & alii, contra Salas, Bonac. & Tamburin. Sicut enim, quia est incapax Ordinis, neque ex delegatione potest ei competere potestas Ordinis; ita quia est incapax iurisdictionis spiritualis ordinariæ, erit etiam incapax delegatæ. Hinc est, quodd ex defectu potestatis spiritualis, non possit in signum superioritatis bene-

benedicere in loco publico neque aquam, neque vestes in forma Ecclesiæ: potest tamen moniales benedicere ad modum, quo parentes suos filios benedicunt, Silvest. Mirand. Tamburin. & Pasqualig. in *Lauret. num. 743*. Nec potest docere in Ecclesia, aut concionari, neque ex Summi Pontificis dispensatione quia hoc mulieribus prohibetur divino præcepto. *Ad Timoth. 1. cap. 2*. Neque declarare Evangelia, aut super iis verba facere, neque instruere moniales super casibus conscientiarum: quare si in hoc contra veniret, mortaliter peccaret, quia in re gravi faceret contra præceptum divinum, nisi excusaretur ratione parvitatæ materiæ, quæ attendenda est quoad quantitatem sermonis, non quoad numerum quia semel usurpare sibi munus prohibitum, sufficeret ad peccatum mortale. Solum igitur poterit habere hortatorios sermones ad moniales, etiam in Capitulo, ita tamen, ut non utatur testimoniis Sacræ Scripturæ, quia tunc non purè hortaretur, sed instrueret, & doceret. Ita Pasqual. *loc. cit.*

Quær. 4. An Abbâtissa possit dispensare moniales subditas quoad edendas carnes, seu lacticinia, quoad ieiunia, & cæteras religionis observantias.

Resp. Non posse, quia hoc quoque dependet à iurisdictione spirituali, qua caret. Ita Heriq. Sanch. Faust. & alii. Verum, licet non possit dispensare auctoritativo modo; potest ministerialiter, & ex commissione sui Prælati, ut notant Tamburin. Lezana *r. 1. 99. reg. cap. 26. num. 16.* & alii. Quia tunc censetur dispensare ipse Prælati, & Abbâtissa solum exequi dispensationem. Rursus potest etiam declarare, quod hîc, & nunc ieiunium seu aliquod præceptum cesset obligare. Et
in

in hoc sensu accipienda sunt privilegia, quæ videntur concedere Abbatissæ facultatem dispensandi.

Quar. 5. Quid possit Abbatissa circa monialium subditarum vota.

Resp. Ob deficientiam potestatis spiritualis neque posset in votis monialium dispensare, ut tradunt communiter Doctores. Huiusmodi tamen vota, si non sint reservata, dispensari, & commutari poterunt ab earundem Prelatis, etiam Regularibus, si ipsis subiciantur. Ita Richard. Sotus, Silvest. & alii. Ab Abbatissa verò poterunt solummodo irritari, in quo conveniunt omnes Doctores. Quia Abbatissa habet potestatem dominativam supra moniales sibi subditas, quæ major est, quam sit parentū supra filios, cum monialium voluntas ratione voti obedientiæ sit traslata in voluntatem Abbatissæ, & ideo, si parentes possunt ratione potestatis dominativæ vota filiorum irritare, poterit à fortiori monialium vota irritare, Abbatissa. Et hoc habet locum non solum quoad vota, quæ versantur circa materiam supererogationis, sed etiam quoad vota de materia, quæ cōcernit regulā, quia etiā in iis voluntas subditi subordinatur voluntati Superioris, & ab illa dependet. Silvest. Navar. Sot. & Tambur, quos adducit Pasqual. *loc. cit.* ubi subdit, hanc facultatem extendi etiam ad votum transeundi ad strictiorem, contra Lessium, Tambur. & Pellizar. quia huiusmodi votum ante executionem non immutat subjectionem, quam habet religiosus ex natura religionis, unde semper remanet votum voluntatis subordinate, & proinde semper stat sub potestate dominativa Superioris.

Quar. 6. An Abbatissa possit irritare vota emissa cum ipsius consensu.

Resp.

Resp. Negat Richard. quia dum Prælat^{us} consentit voto, non pendet amplius ab ej^{us} potestate, nec habet amplius tacitam conditionem, si Prælat^{us} velit. Affirmant Cajet^{us} Silvest.^{us} & Armilla. Quia per hoc, quod Prælat^{us} consentiat, sicuti non tollitur subjection^{is} religiosi, sed manet in eodem statu priori, ita etiam voluntas ipsius quoad omnes suos actus remanet dependens à voluntate Superioris, ipsi subordinata, & proinde retinet potestatem dominativam supra voluntatem subditi, consequenter facultatem irritandi votū. Verum tamen est, quod ad irritandum votum emissum de Superioris cōsensu, exigitur sufficiens causa, alioquin Abbatissa, seu quivis Superior peccaret; ut specialiter tradunt Formit. Cajet. Rodriq. & Tamburin. Quia cum semel consenserit, non potest amplius sine iusta causa recedere; irrationabiliter enim subtraheret Deo obsequium illud, quod per executionem voti resultat, & quod ipse obtulerat in voluntate subditi. Si verò Abbatissa non consentit in votum, potest illud absque causa irritare, etiam si sit de materia continent^e regulam, quia est satis iusta causa irritandi, quod subdita conservetur in illo statu obligationis, quam habet ratione regulæ, nec ejus onera augeantur. Pasqu. loc. cit.

Quar. 7. An Novitiarum vota possit irritare Abbatissa.

Resp. Non Poss^{et}. Palud. Silvest. & Lessius. Quia cum nondum emiserint votum obedientiæ, earum voluntas est adhuc inchoata iuris. Et hoc valet tam quoad vota emissam ante ingressum, quam quoad emissam post ingressum; solummodò poterunt illa quoad executionem suspendi, si officiant probati, ut notant Lessius, & Silvest. citati, quod

quod

quod non impediatur exercitium probationis est causa valde iusta differendi executionem voti. Vota verò, quæ a Novitia fuerunt emissa, dum erat sub potestate parentum, poterit irritare Abbatisa, quia in Ordine ad regendam Novitiam in parentum locum succedit, & proinde etiam in eorum potestatem dominativam.

Resp. 8. An Abbatisa possit instituere beneficia, & capellanas conferre.

Quar. Posse. Deducitur ex *cap. dilecta de Major. & obediens.* & docent Felin. Gonzal. & alii: hoc enim præstat Abbatisa quoad titulum, & possessionem tantum, non autem quoad potestatem, quam habet beneficiarius quoad iurisdictionem fori externi; nam hanc accipit ab eo, qui admittit, & autorizat collationem, & institutionem, ut notat aliis relatis Tamburin. *de iure Abbas. disp. 3. quest. 12* Unde tota institutio, & collatio in nominatione consistit iuxta *cap. 1. de Monach.* ut tradit Felin. Quare Abbatisa in supradictis actibus se habet tantum ministerialiter, & exequitur tamquam procuratrix, quæ sunt iurisdictionis, ut notat Glor. in *cap. Novam de penitent. & remis.*

Quar. 9. An Abbatisa habeat ius suspendendi clericos suæ iurisdictioni subiectos.

Resp. Non posse, prout suspensio est censura ecclesiastica, quia caret spiritali iurisdictione, Ex qua sequitur, quod neque a fortiori possit interdicare; aut excommunicare, ut habetur ex *cap. dilecta de Major. & obediens.* & docent communiter Doctores in materia de censuris. Poterit tamen privare illos beneficiis, auferendo, quod dedit, scilicet titulum, & possessionem; nam posita hac ablatione, censetur Summus Pontifex

sex auferre jus spirituales quia, sicuti beneficium confertur dependenter à designatione Abbatisse, & collatione tituli, & possessionis, ita etiam censetur conservari jurisdictione à Summo Pontifice dependenter ab iisdem, quibus sublatis, reliqua caduca fiunt, Pasqu. *loc. cit. num. 741*. Poterit etiam, Capellanium per Patronum monasterii præsentatum impedire, si sit juvenis, vel non sit idoneus. Immo invito Patrono etiam amovere ex facilibus causis, quam amoveatur à liti instituti. Feder. de Senis *cons. 95. num. 3.* ubi quod amovere illum non possit, etiam cum Conventu, si dignus non sit amotione: quod si vel non admittat; vel amoveat sine causa, potest per Superiorem compelli etiam censuris Ecclesiasticis.

Quar. 10. An Abbatisa possit ab officio amovere monialem suspectam, & inditiam tantum de aliqua culpa in ejusdem officii exercitio commissam.

Resp. Negative cum Antonio à Spiritus Sæct. in *direct. regul. tract. 4. disp. 4. sect. 4. nu. 177*. Licet enim Abbatisa possit auferre à moniali illud officium, v. g. Januam, Sacristiam &c. concurrente tamen tali circumstantia quod fuerit inquisita, vel suspecta magnum gravamen inferret moniali, quia videretur intuitu delicti auferri, atque adeo esset confirmatio quædam delicti, quæ injusta est, dum de illo non constat. Hoc tamen intelligendum est, quando ex tali amotione monialis fama periclitaretur ita Rodriq. Peyrin. Torres, quos refert, & sequitur Girag. *part. 3. dub. 6. n. 66* unusquisque enim tenetur bonam proximi famam non lædere, quando tamen ex tali amotione ejus fama non periclitatur, potest illam Abbatisa à tali munere amovere; in hoc tamen

men cum maxima prudentia est procedendum; ita Torres & Palaus, quos, refert & sequitur Girag. *supra* n. 67.

Quar. 11. An. Abbatisa habeat liberam bonorum sui monasterii administrationem.

Resp. Habere quoad omnia, quorum scēmina est capax. Ita omnes ferè Doctores, *in cit. cap. dilecta*, juxta. Glos. Quod intelligendum est juxta Constitutiones, & statuta religionis. Sanch. in Decal. *lib. 7. c. 19. n. 44.* ubi addit, propterea posse Abbatissas dare monialibus sibi subditis facultatem habendi peculium, & convertendi in proprios usus, quæ labore manuum acquirunt, dummodò consuetudo, aut Constitutiones religionis non obstant. Sicuti etiam possunt suis monialibus licentiam concedere, dandi, & recipiendi, quam suis subditis dare possunt etiam Prelati, nisi jure, vel consuetudine sit illis prohibitum. Quare non possunt licentiam concedere faciendi munera immoderata, & maxime quibusdam personis ad moniales non pertinentibus, id verante obligatione conservandi votum paupertatis.

Quar. 12. Quam summam de bonis monasterii possit expendere Abbatisa.

Resp. Posse expendere omnem illam summam, quæ in commodum, decentiam, & splendorem communitatis cedit; dummodò monasterii vires, & status religiosi terminos non excedat. Salmaticen. *tom. 3. tract. 13. cap. 6. punct. 7.* Cum enim illi incumbat bonorum monasterii administratio, substituitur loco totius communitatis, ut id faciat, expendat. commutet, emat, vendat &c. quæ communitas faceret, si prudenter se gereret. Quare potest ex bonis superfluis monasterii elemosynas elargiri vel suis parentibus si indigeant, vel pro nuptiis puellarum, atque adeo pro
com-

complenda dote puellæ pauperis in religio-
nem recipiendæ usque ad summam decem au-
reorum singulis annis, vel si conventus sit di-
ves, etiam bis in anno, & hoc sine consensu
monasterii, si alud non præscribat regula, vel
religionis consuetudo, aut Superioris prohi-
bitio. *Peyrin. r. 2. quest. 1. cap. 5. §. 1. n. 56.*
Non tamen potest in opera pia, ornatum Ec-
clesiæ, & fabricam superfluum monasterii ex-
pendere notabilem summam, si moniales pa-
tiuntur necessitatem; quippe Abbatisa dis-
pensatrix est eorum bonorum iuxta cuiusli-
bet indigentiam, utpotè quæ toti communi-
tati sunt destinata. Ita aliis relatis *Sanchez*
in sum. lib. 7. cap. 19. n. 28. qui pariter *n. 19.* su-
stinet, quod neque potest sibi licentiam assu-
mere ad superflua, scilicet ad ea, quæ nec ad
suos usus, nec ad conventus debitam provi-
sionem, ac decentem administrationem sunt
necessaria. Imò neque quo ad suos usus, po-
test assumere, nisi ea, quæ aliis potest conce-
dere, quia non minus quam aliarum moniales
voto paupertatis adstringitur.

Quar. 13. An Abbatisa teneatur bona
communitatis suis subditis dividere attenta
meritorum, & necessitatis, non verò per-
sonarum ratione.

Resp. Affirmativè. Ita *Lugo de just. disp. 1.*
sect. 3. r. 1. Quia subditæ iuxta proportionem
meritorum, & necessitatis exigentiâ habent
ius ad omnia bona religionis, *Lessius de just.*
cap. 22. dub. 3. n. 15. lib. 2. Unde Abbatisa nō po-
test ad libitum sibi, vel alteri meliorē cellam
vestem, cibum, vel potum tribuere; sed hæc
omnia, & alia iuxta merita, & necessitates re-
gularum, & non secundum dignitates in mo-
nasteriis reformatis debēt dividi; ex bonis e-
nim communitatis nulli etiam Abbatisæ ali-
qua

qua portio assignatur, Navar. 3. *commen. de reg.* n. 6. sed sunt omnia destinata indivise pro omnibus alendis, & sustentandis; & licet in religione aliquis ordo sit servandus, iste ordo ille debet esse, quem necessitas exegerit. Unde si dignior æqualiter indigeat ac inferior, tunc præferenda est dignior, non tamen si inferior in majori fuerit necessitate, nam ordo charitatis tunc postulat, ut inferior sive in dignitate, sive in ætate superiori præferatur.

Imò, cum Abbatisa constituta sit non in sui ipsius, sed subditarum utilitatem, & commodum, ut cum cummuni docet Peyrin. *de Prælat. g. 1. cap. 7. nu. 2.* sequitur quod non procurando magis utilitatem communem, & particularem subditarum, quam propriam peccat mortaliter, quia lædit iustitiam operando in re gravi contra finem Prælatitiæ, Peyrin. *supra n. 14.* Sicut pariter peccat si ad sui famulatum assumat plures conversas, vel utatur actionibus aliarum monialium pro sua utilitate, & conservatione; utitur enim actionibus subditarum sine jurisdictione, nam habet solum jurisdictionem utendi huiusmodi actionibus in bonum commune. Girag. *supra n. 33.*

Quar. 14. Quos contractus possit Abbatisa sine Capituli consensu celebrare.

Resp. In contractibus de rebus modicis, quæ pertinent ad victum, & vestitum monialium, Capituli consensu non indigere, quia durissimum esset, quod quoties aliquid ad monialium usum vult emere, teneretur Capitulum convocare. In contractibus verò gravioris momenti debet Capituli consensus intervenire, *ex cap. ea noscitur, de his quæ sunt à Prælato*, quia quod omnes tangit, debet ab omnibus approbari.

Quar. 15. An teneatur conventus stare con-

contractui facti de consensu Abbatisſæ, & majoris partis Capituli, ſi talis contractus cedat in damnum monaſterii.

Reſp. Affirmativè. Nam delictum Prælati, & Capituli nocet Eccleſiæ, *cap. 2. de ordin. cognit.* Tum quia cùm Monaſterium conſenſerit ut tale damnum, nulla ei facta eſt injuria. Quod verùm eſt etiam ſi tale monaſterium habeat tantum Vicariâ loco Abbatisſæ mortuæ; cùm enim talis Vicaria habeat eandem poſſeſſionem jurisdictionis, ac Abbatisſa, ſi ſimul cum Capitulo contrahit, valet contractus; *Bordon. reſolut. 53. n. 12.* ubi alios adducit.

Quar. 16. An Abbatisſa nomine conventus, ſed ſine ejus conſenſu, mutuas percipiens pecunias ad uſum monaſterii, obliget conventum, ſi illa abſque conventus commodò in ſuis uſibus expendat.

Reſp. Negativè Nam cùm conventus commodum ex tali mutuo non reportat, neque debet incommodum reportare. Ita Tapia, & *Bordon. loc. cit. q. 8.* Imò addo, quòd, ſi Abbatisſa à Capitulo poſtularet conſenſum ad petendam dictam pecuniam mutuam, & totum Capitulum taceat, adhuc ſi Abbatisſa eas in ſuum commodum expendit, conventum non manere obligatum, nam in præjudicialibus ex taciturnitate, & non reſiſtentia conſenſus non inducitur, *Pasqualig. c. 2. qu. 195.* Aliter dicendum eſt ſi illa pecunia recepta ſit nomine conventus, ad ſublevandam ejus indigentiam, & conventus in tali mutuo verè conſenſit, licet poſtea ab Abbatisſa male xpenderetur. Nam, cùm acceptatio mutui legitimè facta fuerit, remanet conventus obligatus, *Sanch. lib. 7. moral. cap. 31. num. 13.*

Quar. 17. An Abbatisſa cum conſenſu Capituli

Capituli possit remittere summam debitam monasterio.

Resp. Posse ex iusta causa docent Sanch. Alphons. de Lione, Lugo, & alii relati, & approbati ab Ant. à Spiritu S. *tratt. 4. disp. 4. sect. 3. n. 67.* qui idem asserit *num. 398.* cum Lezana de repudiatione legati, aut hæreditatis. Secus verò iusta causa cessante, quia Abbatissa, utpote bonorum monasterii administratrix, non domina, illi non potest præjudicare. Quod si de facto Abbatissa repudiet legatum, aut hæreditatem sine causa, peccat quidem mortaliter, quia notabiliter lædit monasterium, non tamen incidit in pœnas Extravagantis *Ambitiosa*, quia acquisitio ad effectum incurrendi pœnas non dicitur alienatio. Lezana *tom. 2. cap. 19. n. 60.* ex Riccio, Gavanto, Barbosa, & aliis. At neque cum causa posse Abbatissam propria auctoritate, vel cum consensu Capituli remittere summam debitam, aut repudiare hæreditatem, censeo cum Molina, Lambert. Bonac. & aliis, quia in utroque casu monasterium habet jus ad rem, cui proinde neque Abbatissa, neque Capitulum potest renunciare, ut infra videbimus.

Quar. 18. Quid possit, aut non possit Abbatissa cum Capitulo quoad bonorum monasterii alienationes.

Resp. Non posse Abbatissam neque cum consensu Capituli disponere de rebus, quæ sunt de proprietate monasterii, sive res sint mobiles prætiosæ, quæ servando servari possunt, ut sunt vasa aurea, argentea, gemmæ, caliculi prætiosæ, calices, tapetes, nec non argentea, aut aurea vota magni valoris alicui sacræ imagini oblata, & similia: sive sint immobiles, inter quæ computantur non solum res cor-

poræ,

poreæ, & fixæ, sed etiam actiones, jura, & redditus longi temporis, seu jus diuturnum ad illos, nec non jura, seu debita rerum immobilium, seu mobilium pretiosarum.

Hinc non potest Abbatissa locare bona monasterii ultra triennium, neque transigere, aut compromittere super bonis monasterio incorporatis, vel quæ ipso jure ad illud perveniunt. Ita Filliuc. Rebus. & alii. Excipe nisi res sit litigiosa, vel præjudicialis, Bordon. *resol.* 21. *num.* 59. Neque oppignorare bona mobilia monasterii pretiosa, ex declaratione Sac. Congregationis teste Lezana *v. alienat. n.* 14. nisi maxima urgeat necessitas, ratione cujus neque Pontifex, neque Sac. Congregatio possit adiri. Peyrin. *in formulas. libr. A. cap. 12. num.* 3. Consensus tamen Episcopi est expectandus. Neque imponere censum, aut servitutem super bonis monasterii, si servitus sit per hypothecam specialem, aut generalem, ut cum Quaranta, Novario, & aliis docet Ventriglia *annotat. de alienat. §. 2. num.* 7. si vè per fidejussionem, aut contractum assurationis; quia per hujusmodi servitutes bona monasterii remanent obligata satisfactioni. Neque recipere pecunias ad cambium cum solutione lucri cessantis, vel damni emergentis. Sac. Congreg. 21. *Maii.* 1626.

Poterit tamen alienare fructus, & alia bona quæ servando servari non possunt. Ita omnes cum Cajet. *cap.* 75. Nomine autem fructuum veniunt præcisi fructus, non verò res frugifera. Unde alienare non potest gregem ovium licèt possit fructus gregis; sicuti neque boves & alia animalia ad culturam agrorum monasterii necessaria; quia utpotè agris accessoria, & addicta computantur cum illis inter bona stabilia. Suarez *to.* 4. *de relig. tract. 6. cap.* 27.

num. 28.

n. 18. Secus si non sint addicta, Panormit. in cap. nulli de reb. Eccles. non alien. Vel si affixa, versantur tamē in aliquo discrimine. Donat. Rer. Regul. t. 1. p. 2. tract. 14. q. 21. n. 61. Pretium tamen debet investiri in alia, calamitate transacta.

Neque potest cedere arbores fructiferas, aut infructiferas in magna quantitate, nec etiam paucas, sed maximæ æstimationis. Bonac. t. 1. tract. variar. disp. 2. q. unica. punct. 2. de alien. bonor. Benè tamen potest cedere illas, quæ sunt nimis densæ, vel caducæ, vel quarum totus, aut præcipuus fructus consistit in incisione. Unde non est prohibita incisio arborum ex nemoribus ad eas vendendas pro utilitate monasterii, dummodò ex tali incisione damnum notabile nemori non inferatur; Palaus tr. 12. disp. unica p. 15. §. 1. n. 7. Neque incisio arborum infructiferarum, & umbratiliū, ad hoc ut earum loco fructiferae substituantur, si alias tales arbores non servantur ad amœnitatem, Peyrin. t. 1. privil. const. 9. n. 17. quidquid in contrarium asserat Bonac. loc. cit. qui admittit posse cedi arbores ad reparationem monasterii, quia hæc incisio est potius localis mutatio, quàm alienatio.

Quer. 19. An dentur alii casus, in quibus Abbatissa cum assensu Capituli, & licentia Episcopi possit res monasterii alienare.

Resp. Affirmativè. Primus est, quando agitur de parva re, quæ sit modici valoris, scilicet quæ non excedat scuta viginti quinque monetæ Romanæ, Genuenf. Quaranta, & alii, & alienatio sit inevidentem utilitatem monasterii. Secundus, quando alienatio est necessaria ex præcepto testatoris, ut ob fidei commissum. Tertius, quando est necessaria ex lege contractus, ut propter pactum de retro-

R

ven-

vendendo in eodem contractu incontinenti apppositum, quando res fuit acquisita monasterio. Quartus quando hæreditas est gravata ere alieno; tunc enim vendi vel consignari potest creditori pro tanta parte, qua illi possit satisfieri, quia hæreditas secundum illam partem, quæ necessaria est pro solvendis debitis; non acquiritur absolutè, sed solum in ordine ad extinguenda debita, & idè est acquisitio temporanea, & ex vi ejusdem hæreditarii juris resolubilis, ac proinde non incorporatur bonis monasterii; Bordon. *resol.* 27. n. 63. Pignatel. 2. 6. *consult.* 95. n. 36.

Item quando alienatio est necessaria jure exigente, ut si legentur bona immobilia fructifera, vel mobilia pretiosa monasterio illorum bonorum incapaci, ut docent Soncin. *reg.* 110. n. 3. Dec. *in c. in presentia de probat.* n. 27 1. & Quaranta n. 41. §. 6. Sicut etiam potest alienari res inutilis monasterio, ut si relinqueretur Bibliotheca magni valoris. Quod verum etiam si ea omnia relicta essent cum conditione, ne alienarentur, Filiuc. *tract.* 44. c. 6. n. 6. cum Rosel. Rodriq. & aliis. Pretium tamen converti debet in alia mobilia monialibus convenientia.

Quar. 20. An pecunia redacta ex redemptione census, vel ex aliqua re immobili, aut mobili pretiosa, possit per Abbatissam sine solemnitatibus alienari solvendo debita monasterii.

Resp. Non posse. Ita Rodoan. Ric. Genuen. & alii relati à Delbene *tom.* 2. *dub.* 17. n. 17. Sicuti enim sine solemnitatibus non potest pro extinctione debitorum vendi res immobilis, vel mobilis pretiosa, ita neque pecunia, quæ loco rei successit, *arg. ex l. ita constante, off. de jur. dot.* Imò neque pecunia relicta à testa.

testatore sine aliquo onere expendi potest in extinctionem debitorum, si auctoritate Abbatis, & Capituli destinetur ad emendam rem immobilem, vel mobilem pretiosam, Vaquez cum aliis quos refert, & sequitur Palaus; nam cum talis pecunia jam sit destinata ad rem immobilem emendam, inter res immobiles computatur, sicut de quacumque alia pecunia ad hunc effectum destinata docet cum aliis Lezana r. 2. c. 19. n. 39. licet contrarium teneat Bordon. *loc. cit.* ubi ait pecuniam destinatam ad emenda mobilia, distrahi posse ad emenda mobilia necessaria monasterio. Posse tamen pecuniam ex census extinctione, vel mobilium pretiosorum venditione retractam implicari in extinguendo censu super bonis monasterii inconsulta Sacra Congregatione, docet Anton. à Spiritu Sancto, r. 3. disp. 6. sect. 6. n. 1169. sicut enim onerare fundum monasterii alienatio est; ita illum exonerare erit reacquisitio.

Nequaquam tamen hujusmodi pecunia converti potest in censum vitalitium, quia cum sit destinata pro rebus immobilibus, & non sit sub dispositione libera tamquam de proprietate monasterii, non potest converti nisi in bona immobilia; inter quae non computatur census vitalitius, cum sit in continuo periculo amissionis, sicuti est vita illius super qua est duraturus. Angel. in l. non solet, ff. de per. haered. in cap. contingit de dol. & contum. Cornel. cons. 173. vol. 3.

Quar. 21. An saltem Abbatisa possit licentiam concedere moniali particulari, ut constituat censum vitalitium ex pecunia illi ab extraneo concessa.

Resp. Distinguit Sanchez lib. 7. moral. cap. 22. n. 16. Si pecunia illa ita concessa est,

R 2 ut

ut concedens noluerit dominium in monasterium transferri, sed omnino cedere in monialis usum, & monialis acceptantis eadem mens fuerit, potest Abbatisa licentiam præbere, ut census vitalitius constituatur, quia nullatenus pecunia illa est monasterii. Si autem ita data sit, ut dominium in monasterium transferat, nequit Abbatisa absque consensu Capituli, & Prælati id efficere. Quia pecunia illa monasterii est, nec in constitutione census vitalitii, utpotè amittendi, res monasterii utiliter agitur.

Quar. 22. An abbatisa cum consensu Capituli possit alienare Sanctorum reliquias in sua Ecclesia asservatas.

Resp. Affirmant Bordon. Antonel. & Barbosa relati à Diana *part. 10. tract. 14. resol. 23.* Quia in Paulina fit tantum mentio de alienatione rerum pretio æstimabilium, cujus naturæ non sunt Sanctorum reliquiæ. Verum negativa sententia communior est, & in praxi consulenda; reliquiæ enim inter mobilia pretiosa communiter computantur. Hoc tamen debet intelligi cum Lezana *1. 3. v. alienatio; n. 14.* de reliquiis muro clausis, vel insignibus, aut ipsarum partibus notabilibus, vel perpetuæ traditis sepulturæ. Cæterum exiguarum particularum alienatio, non videtur comprehendi sub prohibitione alienationis. Declaratum proinde fuit à Sacra Congregatione, teste Barbosa *in collect. Bullar. v. reliquia*, reliquiam modicam jam factam alienabilem, posse donari alicui Ecclesiæ, vel Oratorio.

Quar. 23. An Abbatisa teneatur omnes superabundantes redditus in eleemosynâ elargiri.

Resp. Affirmant Sanch. Rodriq. Sotus, & Reginal. Verum circa præsentem questionem plâ-

placet Dianæ opinio Suar. qui ait in hoc non posse assignari regulam generalē. Regulariter tamen loquendo, necessarium non esse, neque conveniens, redditur superabundātes in eleemosynas elargiri; quia melius est, si commode potest, augere, & perficere monasteriū ipsum vel quoad ea, quæ pertinent ad cultum divinum, aut habitationem, vel quoad perpetuos redditus, ut eis plures moniales sustentari possint, vel saltem perfectius vita communis conservari, quod majus Dei obsequium est, quam eleemosyna, quæ tamen in aliquibus circumstantiis non tantum laudabilis est, sed etiam sub præcepto esse potest, quod pendet ex occurrentibus proximorum necessitatibus.

Quar. 24. An Abbatissa jure suo possit applicare bona opera monialium subditarum personis extraneis, iis tribuendo litteras communicationis.

Resp. Posse. Colligitur ex Navar. quem citat, & sequitur Lezana, consentit Sorbus, & in terminis tradunt Bassæus v. *Abbatissa* n. 22. & Philippinus in *Filiis. Spiritual.* num. 199. Ratio est, quia, sicuti quælibet monialis tanquam domina potest applicare sua bona opera communicabilia quibuscunque voluerit, ita idem poterit Abbatissa, cum hæc communicatio proveniat à potestate dominativa, ex vi voti obedientiæ, ut habetur ex Rodriq. aliisque Doctoribus relatis à Philippin. *loc. cit.* n. 141. quæ potestas residet penes Abbatissam, undè competit illi libera Administratio, cura, & authoritas ordinaria dispensativa bonorum spiritualium sub ipsius regimine, & propria Congregatione contentorum. Ex quo etiam fit, quod Abbatissa possit indicare suis Monialibus certas preces pro benefactoribus, maxime si occurrat causa, v. g. ad

390 *De obligat. & Privil. Abbat.*
implendam obligationem impositam Monasterio ex iustitia. Bassæus *loc. cit.*

Quar. 25. An Abbatissa teneatur transgressionibus monialium occultas inquirere, ut corrigat.

Resp. Teneri. Ita D. Thom. 2.2. q. 33. art. 2. ad 4. Si enim hoc negligeret, moniales faciliter impunè regulam transgredierentur, cum facile ipsis esset cavere, ne in conspectu Abbatissæ statuta violarent. Atque ita cum maximo boni communis detrimento omnia transgressionibus scaterent, ac vigor disciplinæ omnino dissolveretur. Verùm, quamvis hæc sit Abbatissæ obligatio: tamen, ut optimè advertit Lorca, prudentiæ moderamine est temperanda, ne scilicet sit nimia sollicitudo, aut intempestiva inquisitio, quia huiusmodi excessus non solum esset inutilis, sed molestus etiam monialibus, & odibilis, possetque detractiones fovere, passionibus accendere, & rixas excitare.

Quar. 26. An Abbatissa audiens, & non impediens monialem de altera detrahentem, peccet mortaliter.

Resp. Quid sic; quia non obstando damno proximi, ad quod tenetur, delinquit graviter in suo officio, & habetur expressè in cap. facientis dist. 86. ubi textus: *Negligere cum possit deturbare perversos, nihil aliud est quam fovere.* Idèò hanc sententiam tradunt, D. Thom. 2.2. q. 74. art. 4. in corp. Aragon. Salas, Sotus & alii pènes Peyrin, de *Prælat.* q. 1. c. 3. §. 11. num. 107. Ubi pariter asserit teneri Abbatissam damnum famæ compensare, si detrahens famam detractam non restituat, & instante parte læsa, detrahentem ad famæ restitutionem compellere; sicut enim ex officio illi incumbit, furem alicujus rei cogere ut resti-

fituat, multò magis raptricem famæ; cùm deteriores sint qui famam, quàm qui bona nostra surripiunt, *cap. deteriores* 6. q. 1.

Quar. 27. An Abbatissa teneatur curare, ut quotannis legantur decreta Clementis VIII. de largitione munerum in vulgarem cujusque regionis sermonem versa.

Resp. Expedire quidem, non tamen teneri, sentit Pellizar. *de Monial. cap. 7. num. 30.* quia putat, obligationem per non usum fuisse sublatam, quod non videtur admittendum, nam ex una parte lectio annua dictorum decretorum monialibus quoque est expressè præcepta; ex alia verò per Constitutionem Urbani VIII. omnis, non usus contra hujusmodi decreta, adedque non usus non legendi ipsa quotannis tollitur, & reprobatur.

Quar. 28. An Abbatissa possit monialibus limitare, vel impedire usum privilegii collati universo Ordini, vel licentiæ factæ à Prælato Monasterii.

Resp. Posse interveniente justa causa, & nisi in concessione sit expressè denegata facultas. Ita Corduba *in reg. S. Franc. cap. 10. q. 2. p. 6.* ex quo Sanch. *lib. 6. moral. c. 3. n. 9.* & Peyrin. *de R. S. q. 1. c. 8. §. 6.* Ratio est, quia quælibet gratia ita est intelligenda, ut jus alterius non lædat. Abb. *in cap. nostra in notab. 3. de rescript. Loter. de re benef. l. 1. q. 28. n. 162.* & pluries Rota. Idque aded verum est, ut quamvis in rescriptis non fuisset opposita clausula *sine præjudicio tertii*, tamen illa semper subintelligatur, Marant. *resp. 13. nu. 9.* Vivian. *de jure patr. lib. 13. cap. 8. n. 8.* Quælibet igitur concessio privilegii collati universo Ordini, vel licentiæ factæ à Prælato moniali particulari, ita est intelligenda, ut non lædat potestatem illam dominativam, secun-

dum quā Abbatisſa ſibi ſubjicit omnes monialium actiones ratione voti obediētiæ. Adeòq; ita eſt intelligenda, ut ejus uſus taliter ſubordinetur voluntati Abbatiſſæ, ut juſta de cauſa poſſit ab ipſa vel limitari, vel ſuspendi. Et regula illa 17. in 6. *Indultum à jure beneficium non eſt alicui auferendum*, limitatur, quando auferendi intervenit cauſa, Peyrin. *loc. cit.*

Poterit pariter remittere, aut ſaltem moderari pœnitentiam impositam moniali ſubditæ à Præſato monaſterii, dum modò concurrat, juſta, gravis, & rationabilis cauſa, nec ſit facilis ad Superiorem recursus. Quia in talibus circumſtantiis præſumitur relaxandi facultas à Superiore conceſſa; cùm præſumatur, Superiorem commodo, & bono ſubditorum velle providere. Extra hujusmodi circumſtantiis non poteſt, quia inferior non poteſt ſe immiſcere in iis, in quibus Superior manum apoſuit, ut per Doctores communiter in cap. *quod ſuper his de majorit. & obediē. & in cap. inferior. diſt. 21.*

Quar. 29. An Abbatiſſa poſſit licentiam monialibus concedere, ut pueros ſuſcipiant in Baptiſmo, aut Confirmatione.

Reſp. Non poſſe; quia hoc monialibus eſt prohibitum in c. *pervenit. 1. diſt. 18. q. 2. cap. non licet, & cap. Monachi diſt. 4. de consecr.* Et licet in prædictis locis fiat tantum commemoratio de Monachis, communiter tamen à Doctores ad quoscumque religioſos extēditur prohibitio. Ita Ledefima, Sanch. & Barboſa. *de poteſt. Episcop. allegat. 30. n. 36.* ubi adducit Rituale Romanum, quod de hujusmodi Patrinis agens, inquit. *Adhuc admitti non debent Monachi, vel Sanctimoniales.* Ex quo colligit prædictus Doctor, monialem ſuſcipientem peccare mortaliter, quia violat prohibi-

hibitionem. Concedit tamen, contrahere cognitionem spiritualem, quia in illis textibus nullum est verbum irritans factum, & subdit, posse monialem suscipere in Confirmatione, si monialis pariter sit confirmanda. Verum moniales mortaliter non peccare suscipiendo pueros in Baptismo, aut Confirmatione, docet cum alijs Cespedes *de Exempt. regul. cap. 6. dub. 134. n. 4.* quia in textibus præallegatis nulla sunt verba, quæ contineant prohibitionem strictam, & rigo-rosam.

§. II.

De Vicaria, & Discretarum, seu Decanarum Obligationibus.

Quar. 1. **A**N Vicaria possit dici Præ-
lata.

Resp. Negativè; quia instituta est tamquam coadjutrix Abbatissæ, nec ullam habet jurisdictionem; quare facere non potest, quod potest exequi Abbatissa. *Lezan. 99. Regul. tom. 2. cap. 13. n. 40.* Unde non potest concedere licentiam monialibus aliquid recipiendi, expendendi &c. cum penes ipsam non resideat potestas neque domestica, neque œconomica, nisi hoc specialiter à Superiorissima indulgeatur. *Barchius in Specul. Religios. cap. 17.* Quod si contingat, Abbatissam decedere, putat *Lezana loc. cit. num. 41.* posse ea facere in casibus occurrentibus, quæ ipsa faceret Abbatissa, si viveret, quia eo tempore prædicta Vicaria vel est Prælata, vel quasi, cum non deceat, monasterium esse pro illo tempore sine capite,

R 5

Quar

Quar. 2. An Vicaria possit monialibus præcipere ex vi voti obedientiæ.

Resp. Non posse; quia, ut diximus, non est monialium Prælata, cui sit votum obedientiæ. Tenentur tamen moniales ipsi parere ex potestate civili, & politica, quæ utique competit Vicariæ, cum & ipsa sit Superiorissima monasterii, quamvis subordinata, quod sufficit, ut moniales obligentur ad obediendum sub peccato, etiam mortali, si res præcepta sit ex objecto gravis, & inodus præcipiendi indicet intentionem præcipientis esse obligare sub gravi.

Quar. 3. An Vicaria possit eligi in Abbatisam.

Resp. Quoad Moniales Ordinis Minorum negat Miranda *de Monial. qu. 7. art. 9. conclus. 2.* propter quamdam constitutionem Sixti V. quæ id prohibet, & etiam propter quoddam decretum Cardinalis Matthæi Protectoris Ordinis Minorum *sub die 13. Junii 1592.* At in cæteris monialibus hoc non habet locum, unde sive perfuncta sit vicariatus munere, sive in eo duret, eligi potest Vicaria in Superiorissimam Conventus. Quia Constit. Gregorii XIII. solum prohibet, ne perfunctæ Abbatissatus munere permaneant in aliquo officio, in quo habeant auctoritatem, & regimen, aut administrationem. Non autem hoc prohibet Vicariis, cum sit diversa ratio, quia scilicet officium Vicariatus est subordinatum Abbatissæ, adedque ad Vicarias non est extendenda Constitutio.

Quar. 4. An Vicaria, & quælibet Discreta teneantur cum aliis interesse, quando convocantur ab Abbatissa ad consulendum, seu decernendum aliquid spectans ad bonum regimen Monasterii.

Resp.

Resp. Teneri, nisi aliquo legitimo impedimento detineantur. Ratio est, quia, quando ad Vicariæ, vel Discretæ munus eliguntur, suscipiunt in se obligationem procurandi bonum communitalis; unde quotiescumque de communitalis bono agitur, tenentur ex officio interesse, ad hoc ut possit promoveri. Ita ex Molfesio Duardus in *c. Omnis utriusque sexus* 1.2, disp. 16. sect. 20. n. 4. Et licet quilibet possit favori suo renutiare, hoc tamen non habet locum, quando agitur de favore mixto, scilicet, quando id, quod renuntiatur, non solum proprium ipsius renuntiantis, sed etiam favorem alterius, seu publicam utilitatem respicit. Felin. in *cap. si diligenti* n. 16. de *for. compen.* Castren. Calderin. & alii. Unde neque Vicaria, neque alia Discreta poterunt ab aliarum congressu se subtrahere, quando de monasterii sit agendum utilitate.

Quar. 5. An Vicaria, & Discretæ possint sine scrupulo tacere, quando Abbatisa vult aliquid non benè determinare.

Resp. Si quod vult Abbatisa decernere, est evidenter contra monasterii utilitatem, mortaliter peccant tacendo, quia qui de collegio sunt, in his, quæ ad universale commodum pertinent, ex vi officii sui tacere non possunt, arg. c. 1. de *his, quæ fiunt à majori part. capit.* Nec valet dicere, quod Abbatisa, vel major discretarum pars est determinata exequi, quod decernit, & sic, quod vana foret oppositio; nam confidere debet se in viam veritatem proferentem, alias quoque, vel etiam Abbatisam in suam sententiam adducturam; veritas enim omnia vincit, *cap. consuetudo* 8. *dist.* Si verò dubium sit tantum, an Abbatisa non benè determinet, tunc, præcipue

majori Discretarum parte in Abbatisſæ placitis conſentiente, poterunt aliæ quoque tuta conſcientia vel tacere, vel approbare, quia indubiis prudenter aliorum ſequimur conſilium. Azor. 2.2. lib. 4. cap. 3. q. 17.

Quar. 6. An Vicaria, & Diſcretæ, poſſint ſaltem tacere, ſi prævideant, quodd contradicendo, vehementer contriſtabitur Abbatiſſa, atque aded illas torvis oculis aſpiciet.

Reſp. Non poſſe, quando agatur de rebus ad bonum commune maximè conducentibus; nam ut dici ſolet, ſcandalum potiùs permittendum eſt, quàm veritas deferenda. Debent tamen tale medium adhibere, ut contradicendo, humaniter, & ſuaviùs procedant. Unde ſi aliqua ratione res verborum lenitate temperari valet, integra tamen, & illæſa ſemper veritate, id omni conatu debent procurare. Rodriq. 99. Regular. 2.2. q. 45. art. 4.

Quar. 7. An excuſentur tacendo, quando prævident, Abbatiſſam irritandam, & magis ex contradictione in ſua ſententia obfirmandam.

Reſp. Videri, quodd hæc, Quia ſicuti correctio fraterna tunc intermittenda eſt, quando timetur, ne ob illam frater fiat deterior, juxta tradita à D. Thom. 2.2. q. 32. art. 6. Ita Vicaria, & Diſcretæ, quando rationabiliter ſuſpiciantur, earum conſilium potiùs obfuturum, quàm profuturum, prudenter agent, tacendo, aut in tempus opportuniùs differendo. At contrarium eſt tenendum. Nam correctio duplex eſt; quædam, quæ provenit ex charitate, & tunc tantùm exercenda eſt, quando fructus ſperatur. Altera, quæ ex juſtitia proficiſcitur, quæ nullo pacto eſt omittenda, etiam ſi nulla future emendationis ſpes proponatur, bono publi-

cō id exigente. Unde cū in nostro casu cōsiliū, quod à Vicaria, & Discretis præstatur ad actum potiùs iustitiæ pertineat, non videtur prætermittendum, quamvis ex illo nullus fructus speretur. Ita Rodriguez, *loc. cit. ar. 7.* Quod si prævideant bonum publicum magis periclitari loquendo, non peccant, si taceant, quia hoc non est damno communitatis cooperari, sed ipsius majus damnum avertere. Verū diligenter attendant, ne his inanibus suspicionibus, & humanæ imbecilitatis cōmentis sui officii partes omittant.

Quer. 8. An Vicaria, & Discretæ peccent mortaliter de monialium transgressionibus Abbatissam non admonentes.

Resp. Peccare; quia si in hac parte nimium dissimulent, religiosa observantia in communitate labefactatur: quare graviter peccant, sicut peccaret Abbatissa sciens tales transgressionēs, & non corrigens, cū possit; nam etiam ipsæ ratione muneris tenentur communitatis bono consulere, Ita Suarez, & Ægidius.

§. III.

De Obligationibus Magistra Novitiarum.

Quer. 1. **A.** Quo, per quod tempus, & cujus ætatis eligi debant Novitiarum Magistra.

Resp. Inspicienda esse cujusque Religionis statuta. Secundum Regulam S. Benedicti electio Magistræ spectat ad Abbatissā; Superior tamē ex iustis causis ad se talem electionē advocare potest, ac decernere, ut electio postea facta per Abbatissam sit nulla. Sac. Congre-

gregat. in *Florent.* 14. *Novemb.* 1603. Eligi debet ac mutari quotannis; nec consanguineæ vel aliæ moniales. se ingerant in instruendis Novitiis, in *Pisan.* 13 *Julii* 1618. Sit maturioris ætatis, & quæ saltem trigessimum quintum annum expleverit, ut de Novitiorum magistro statuitur in Decreto Clementis VIII. *sub die* 19. *Maji* 1603.

Quar. 2. Ad quid teneatur Magistra, ut rectè suum munus obire possit.

Resp. Tenetur experiri Novitias quoad constantiam in vocatione, quoad capacitatem ad spiritualia exercitia, & etiam ad corporales labores juxta varietatem personarum decenti modo, & unicuique accommodato, & etiam juxta statum vel Choristarum, vel laicarum, quem intendunt assumere. Illas in cultu Dei, & religionis observantia, debet erudire, sicut præcipit Concilium Provinciale Mediolanense 1 sub D. Carolo Borromæo *part. 2. de Monial. §. de Præfæctis* Assiduis admonitionibus ita eas instruere satagat in spiritualis, & sanctæ vitæ ratione, ut progredientes Deo adjutore, perfectæ ejus ancillæ possint evadere.

Quar. 3. Quomodo Magistra instruere Novitias debeat circa Regulam.

Resp. Debet illas instruere in his, quæ ad regulæ substantiam spectant, idest secundum significationem generalem, & simplicem verborum cujuscunque voti, obligationis, aut præcepti in regula contenti. Nani Novitiæ ad professionem admitti non possunt, nisi de regula, quam profiteri volunt, notitiam habeant, quia iuxta D. Thom. 1. 2. *q. 76. ar. 2.* communiter receptum, qui que addiscere tenetur, & noscere pertinentia ad suum statum, idest leges universales status seu

seu officii, quod assumere intendit, ut bene declarant Vasq. Azor. & Sanch. in *decl. lib. 1. c. 16. n. 35.* Cum ergo Novitiæ assumere intendant religionis statum, patet, teneri ad præfatam regulæ intelligentiam, priusquam professione emittant; unde tenebitur magistra ex vi muneris illas instruere, cum Novitiæ sint ejusdem curæ ad hunc effectum commissæ, Duard. *loc. cit. disp. 16. sect. 34. n. 2.*

Quar. 4. In quibus præcipuè debeat Magistra Novitias exercere.

Resp. In oratione, & meditatione, cum hæc sit medicina malorum, quibus ægrotant, in lectione librorum spiritualium, ut discant, quid agendum sit, quid vitandum; nullo modo libri prophani sunt permittendi; in Sacramentorum frequentia, quia summopere conducit ad comparandam animæ puritatem in jeuniis, vigiliis, ciliciis, & disciplinis, maxime à regula præscriptis. Debent arceri à conversatione sæcularium, etiam consanguineorum, & non nisi valde raro, & ex causa graviore permitendus accessus; siquidem non solum distrahuntur, & amore eorum, quæ reliquerunt; iterum ad mundana resiliunt, sed etiam gravissimis tentationibus expונuntur.

Quæ. 5. An Magistra debeat in spiritu lenitatis, vel rigoris Novitias regere.

Resp. Cum Rodriq. *qq. Regular. tom. 3. qu. 26. arr. 10.* rigore potius, quam lenitate esse educandas. Quia *Proverbior. 10.* præcipitur; *Noli subtrahere à puere disciplinam: si enim percussis eum virga, non morietur, tu virga percuties eum, & animam ejus de inferno liberabis.* Cautè tamen procedat, ne Novitiæ tædio religionis affectæ ad sæcularem libertatem resiliant.

Quar.

Quar. 6. An Magistra correctionis causa Novitiam percussione excommunicationem Canonis contrahat.

Resp. Titulo correctionis licitum esse Novitiarum Magistræ, illas castigatione moderata punire, prout ratio culpe, & qualitas personæ exigit, ac consuetudine receptum est. Quare nullam incurrere excommunicationem tradit aliis relatis Diana t. 5. in opere coord. tract. 2. ref. 14. Ubi ex Silvest. & Toletodocet, Canonis excommunicatione affici Magistram, si percutiat prætextu correctionis, non tamen ex fine corrigendi, sed ex odio, quia ex fine correctionis tantum est concessa facultas ad percutiendum. Notat tamen Turrianus de cens. lib. 4. disp. 29. d. 2. tale odium, à quo movetur, debere aliquo signo externo manifestari, aliàs non potest Ecclesia eum actum punire.

Quar. 7. An prædictam censuram incurrat Magistra excedens modum percussione relatæ ad correctionem.

Resp. Affirmat Glos. in cap. Universitatis de sentent. excommunic. Negat pariter eadem. met Glos. in cap. cum voluntate eod. tit. Hanc contrarietatem conciliat Diana ex Silvestro Toletodocet, & Tabiena, docens, non contrahi hanc censuram, quando excessus est venialis quia sine mortali culpa non infligitur gravis pœna; contrahi vero, quando excessus est gravis, quia sub gravi, & irrationabili modo non censetur concessa talis facultas.

Quar. 8. Quomodo se gerere debeat Magistra, si dubitat, an Novitia sit nec ne ad professionem admittenda.

Resp. Exponat fideliter Abbatissæ, & Capitulo novitiæ mores, ac qualitates, nec non defectus illos, ratione quorum hesitat,

tat, an sit vel non sit admittenda. Confessarium in super, aut alium virum idoneum consulat. & illorum prudentiæ, ac consilio acquiescat; Vech. *in praxi Novit. disp. 12. dub. 3 n. 4.* Ubi advertit, quod imperfectiones temporales, seu corporales, si notabilem deformitatem non afferant, neque impediant novitiam ab obligationum regulæ observantia, non sunt causa sufficiens ad ipsam expellendam, quia re vera ob tale impedimentum non censetur inhabilis, nisi coniungatur cum alio defectu, qui inhabilitatem inducat.

Quoad imperfectiones spirituales, addit idem Vecchius, quod prudenter se gerere debet Magistra: eò quod fragilitas humana est charitative ferenda, eò vel maxime, quia valde difficile est habitus vitiosos brevi tempore superare. Concludit denique, facilius esse delinquere in exclusione, quam in admissione novitiæ, eò quod exclusio à religione fieri nequit tuta conscientia, nisi intercedat aliqua gravis causa, quamvis necessario non debeat esse mortifera. Admissio verò licite fieri potest, si novitia ea saltem habilitate polleat, qua obligationes regulæ disciplinamque regularem observare valeat, sitque aliquo modo utilis religioni.

Quar. 9. An Magistra possit ex charitate occultare aliquod novitiæ impedimentum, pro quo non potest iure secundum religionis statuta profiteri.

Resp. Non posse, quia talis occultatio cederet in grave monasterii detrimētum, quod Magistra tenetur impedire tū ratione officii, tum ratione boni publici, quod debet privato novitiæ commode anteferri. Et hoc procedit etiam si tale impedimentum fuisset Magistræ sub secreto detectum, quia ex D. Thom.

2.2.9.70.art.1.ad 2. custodia secreti non potest in Magistra impedire fidem, quam debet ratione muneris religioni. Peccaret igitur occultando, & novitia profitens non esset verè professa, si religionis statutum esset auctoritate Pontificis confirmatum cum clausula irritante, quia stante tali clausula, & impedimento, nulla est potestas in admittente. Sanch. in sum. lib. 5. cap. 4. nu. 60. Secus autem si nullum extaret decretum irritans, quia ex jure canonico nulla ægritudo, etiam mortifera annullat professionem; imò ex eodē jure contrarium elicitur; nam collatio facta criminoso improbatur quidem tanquam illicita, sed non reprobatur ut nulla, Felin. in cap. postulasti de rescript. Cæterum si impedimentum sit omnino occultum, & nullum ex illo imminet religioni detrimentum, celari potest, & debet. Salmaticen. tom. 3. Theol. moral. tract. 5 cap. 3. punct. 4. num. 71.

Quar. 10. An negligentia Magistræ in experiendo novitiam tempore probationis possit impedire professionem expleto anno faciendam.

Resp. Negative. Quia non est de substantia novitiatus actualis probatio, sed satis est novitiam permanere sub obedientia in religione, & se ad probationem necessariam exponere, Suar. tom. 3. de relig. lib. 5. cap. 14. nu. 15. Vech. cit. dub. 8. num. 6. Ubi docet Magistram negligentem graviter peccare, quia defectu probationis contingere potest, quod admittatur inhabilis ad ferenda onera religionis, cum magna observantiæ regularis jactura; vel impotens ad officia exequenda juxta statum, quem assumit, cum notabili monasterii detrimento, & cæterarum monialium incommodo.

Quar.

Quar. 11. Ad quid teneatur Magistra circa puellarum sæcularium educationem.

Resp. Teneri impendere totam illam diligentiam, & curam, quam præstare debent parentes. Magistra enim stat loco parentum ratione muneris, &, ut advertit Coninch. *dis. 28. dub. 5. num. 68.* acquirit conjunctionem quamdam, & quasi specialem cognationem cum puellis suę curę commissis. Quare tenetur illas in fidei articulis, præceptis Dei, & Ecclesiæ, nec non in aliis ad salutem pertinentibus instruere; ad virtutis, & orationis studium, Sacramentorumque frequentiam promovere. In manuum quoque operibus juxta cujusque statum, & conditionem exercere; delinquentes corrigere, etiam, si opus est, moderatè verberando. Nullatenus eis permittendi sunt amatores, neque fuci, aut ornamenta superflua, ut adamentur, quamvis puellę hoc faciant, ut in uxores à juvenibus appetantur. Idèd enim à parentibus in monasterio recluduntur, ut ab amatorum aspectibus, & colloquiis separata, in Dei timore, & disciplina educantur. Unde Magistram in supradictis notabiliter negligentem à culpa lethali non excuso, siquidem graviter deest suo muneri, ratione cujus tenetur privato puellarum suę curę commissarum bono consulere, ut communiter firmant Doctores.

Quar. 12. An Magistra possit indulgere puellis, ut ad honestam animi relaxationem ludant sacras preces.

Resp. Negat Ludov. Lopez. 2. *par. instruct. cap. 32.* quia putat irreverentiam esse, imò etiam simoniam, quando ludentes vellent civiliter se obligare. Sed Navar. Rebel. & Sanch. quos refert, & sequitur Diana *tom. 6. tract. 4. res. 4.* hunc ludendi modum approbant,

404. *De obligat. & Privil. Novitiar.*
 bant, nec in eo aliquam irreverentiæ speciem
 agnoscunt, cum potius fiat ob sacrarum pre-
 cum æstimationem; & sic est in usu inter re-
 ligiosos, & personas devotas. Nec intervenit
 simonia, etiam si se obligare intendant, quia
 est ludus rei spiritualis pro spirituali, quod
 non est simonia nisi in beneficiis, ut notant
 in hac materia scribentes. Esset tamen si-
 monia, si sacras preces luderent contra rem
 aliquam temporalem.

§. IV.

De Novitiarum obligationibus, & Privilegiis.

Quar. 1. **A**N Novitiis debeat conferri Sa-
 cramentum Confirmationis,
 antequàm suscipiantur ad probationem.

Resp. Quod sic, si commodè fieri potest; ha-
 betur ex decreto Sac. Congregat. apud Ga-
 vant. *Manual. Episc. v. Moniales §. Monial. rece-
 pt. n. 36.* Quod si non conferatur ante ingres-
 sum, debet postea ministrari per fenestellam,
 per quam moniales Eucharistiam recipiunt.
 Nec potest Episcopus ob hanc causam ingre-
 di clausuram, nisi monialis esset in periculo
 mortis, & subinde non posset ad fenestellam
 ibi confirmanda accedere. & periculum ef-
 fet decedendi absque illo Sacramento. *Sanch.
 lib. 6. cap. 16. num. 54.*

Quar. 2. An Novitiæ obligentur ad obser-
 vantias regulares.

Resp. Ex iustitia non obligari, quia cum nõ-
 dum religioni sint incorporatæ, illius legibus
 per se, & directè nõ subiiciuntur. Quia tamẽ
 in regularum experimento versantur, illas de-
 bent ex convenientia servare, cū ut probent,
 an

an postea futuræ sint potentes servare ex debito, qui fuit finis illarum ingressus, tum ne aliis sint scandalo. Ita Rosel. Tab. Silv. penes Peyrin. *de Prælat. q. 3. c. 1. §. 4. n. 106.*

Quar. 3. An saltem Novitiæ voto religionis obstrictæ obligentur ad observantias regulares.

Resp. Negativè; quia votum non obligat nisi ad ingrediendum, vel ad perseverandum in religione, & sicut non tenetur ad horas canonicas, qui vovit suscipere Ordines Sacros, nisi fuerit verè ordinatus, ita neq; tenetur ad regulæ præcepta, & onera, qui vovit suscipere religionis statum, nisi illum per solemne professionem suscipiat. Ita Sorus, Thesaur. & Suar. Quod tamen locum non habet, si novitia aliqua se obligavit, ne dum ad religionis ingressum, sed etiam ad præcepta regulæ observanda, quia obligatio voti extenditur juxta intentionem voventis. Verùm si aperte non constet de tali intentione, dicendum est ad ingrediendum tantum teneri, quia in dubio possessio stat pro libertate.

Quar. 4. An Novitiæ teneantur tempore probationis implere vota, quibus in sæculo erant adstrictæ.

Resp. Vota personalia, quæ cum religionis operibus non sunt compatibilia, probationis tempore sunt ipso iure suspensa. Palud. D. Anton. Silvest. & alii, quos refert Vecch. *disp. 10. dub. 5. n. 5.* Si operibus religionis non obstant, aggravent tamen, & reddant difficilem in religione perseverantiam, possunt suspendi per Abbatissam, Sanch. *in summa lib. 4. cap. 33. num. 33.* quia in utroque casu sunt majoris boni impeditiva. Et quia hæc ratio locum non habet in aliis votis, sive personalibus, sive realibus, quæ religionis operibus

non adversantur, idè ad illa tenentur novitiæ, nec possunt per Abbatisam suspendi. In aliquo tantùm casu posset suspendi votum reale, nimirum, si novitia indigeret bonis, quæ habet, ad se alendum, quia monasterium non subministrat alimenta necessaria, vel non sufficientia; tunc enim militaret ratio superius tradita, nam expensis à novitia bonis in voti executione, redderetur multò onerosior religio, necessaria sustentatione deficiente Sanch. loc. cit. qui advertit n. 39. quòd novitia ad sæculum rediens tenetur præfata vota servare, nisi sint annexa tempori, vel illi statui, ex ipsius voventis intentione.

Quæst. 5. An Novitiæ regularibus subiectæ subdantur casibus in religione reservatis.

Resp. Si Prælati reservet eos etiam quo ad novitias, subiacere; ita Suar. Layman, Corduba, & alii penes Lezan. t. 1. c. 24. nu. 7. Quia Prælati regularis iurisdictionem habet non solum adversus professas, sed etiam adversus novitias, quatenus sunt partes religionis ab omni alia iurisdictione exemptæ. Secus verò si eos reservet pro religiosis, nulla facta de novitiis mentione; quia novitiæ computantur inter religiosas quo ad favores, secus autem quo ad odia. Possunt tamen per religionis Prælatum absolvi à censuris, & censuris Ordinario reservatis, aut ingressum incuris, Silvest. Tabien. & alii communiter. Verum si antequàm profiteantur, à monasterio recedant, in easdem censuras reincidere, tradit Rodriquez, quia absolutio per Superiorem impertita tacitam habet conditionem, si novitia religionem fuerit professæ. Quod tamen negant Suar. Vecch. & Sanctior. quos refert, & sequitur Lezan. t. 5. in mari magno Minor. n. 55. Quia novitiæ absolvi possunt sicut aliæ profect-

fessæ, istę non absolvuntur ad reincidentiam; ergo nec illę.

Quar. 6. An si Novitia ingrediatur religionem ficto animo, & post aliquot menses, imò post expletum totum annum, mutata sententia, velit profiteri, teneatur annum novitiatus repetere.

Resp. Non teneri docent Suarez, & Sanch. si per aliquos tantum menses fictum animum retinuit; at quia rationes suadentes de aliquibus mensibus, militant etiam de toto anno, idè Antonius à Spiritu S. absolute sustinet non teneri. Nam novitatus opere magis perficitur, quam intentione; cum enim novitatus institutus sit, ut novitia probeat religionis austeritates, & religio novitię mores, id totum habetur non obstante ficto animo, unde cessat repetitionis finis. Ob quam rationem citatus Sanchez, & Portel. *in dub. regul. v. Novitii num. 3.* eximunt à repetitione novitiatus, si contingat ratificari professionem nullam vel defectu ætatis, aut libertatis, vel quia facta est ante completum novitiatus annum, vel ex alio impedimento. Quod absolute non placet Bordono requirente, quòd Novitiatus ratificetur à Superiore, ad hoc ut legitimus habeatur.

Quar. 7. An Novitia capitulariter ad professionem admissa, possit ante professionem dimitti, emergente nova causa, vel veteri detecta, sed prius ignorata.

Resp. Possit, ut diximus c. 2. §. 1. q. 15. cum Peregrino, cui addo Peyrin. & Vecch. *disp. 12 dub. 7.* Sicut enim revocari potest cōsensu ab altero coniunge ante ratum matrimonium, si aliquid superveniat, quo cognito non fuissent contracta sponsalia c. *quem admodum de jure jur.* Ita à Cōvētu ante professionis emissionē pos-

possunt revocari suffragia valida, valet enim argumentum de matrimonio carnali ad spirituale, *cap. inter corporalia de translat. Episcop.*

Quar. 8. Quænam Novitia prius admittenda sit ad professionem, ac præcedere debeat, illa ne quæ prius acceptata est ad habitum, an quæ prius habitum suscepit.

Resp. Pro Novitia prius acceptata facit, quod ex admissione, & acceptatione anteriori intrat privilegium antianitatis, ratione cuius huiusmodi præcedentia deferri solet; *l. 1. ff. de alb. scrib. l. semper, ff. de jur. immunit. cum concord. Rota apud Seraphin, dec. 326. n. 3.* & in una Milevitana *Antianitatis* 18. *Maji* 1633. coram Episcopo Urgellenfi. Verum tenendum est, præcedentiam deberi novitiæ, quæ prævenit in susceptione habitus; ex quo enim prius suscepit habitum, prius quoque complevit annum probationis, qui incipit ab hora susceptionis habitus. *Anan. cons. 93. numer. 6. Bald. in l. cum anterioribus numer. 2. C. de tempor. appellat.* Atque adeo prius est vel rejicienda vel admittenda ad professionem ex Concilio Trident. *sess. 25. de regul. cap. 16.* ubi mandatur finito anno probationis novitias ad professionem admitti vel rejici. Qua ratione etiam S. Congregat. declaravit præcedentiam deberi ei, quæ prius habitum suscepit. *Barbos. de jur. Eccles. cap. 46. num. 56.*

Quar. 9. An Novitiæ teneantur profiteri secundum rigorem Regulæ.

Resp. Non teneri. Ideo enim regula non obligat moniales professas ad sui ipsius observantiam in suo primo rigore, quia, ex quo per contrariam consuetudinem fuit legitime mitigata, quoad hoc amisit vim obligandi. Ergo neque obligabit Novitias ad proficendum secundum-

confidum se ipsam in suo primo rigore, quia potentia semel extincta, nullum potest parere effectum. Ita Bordon. *de Paupert. Relig. c. 2 r. m. 43. ubi n. 45.* subdit, quod, ut Novitia sint tute in conscientia, non requiritur expressa intentio profitendi secundum regulam militatam, sed sufficit implicita virtualiter contenta in consuetudine sic vivendi, quia eadem est virtus taciti, & expressi.

Quar. 10. An Novitia frequentes stimulos, & lapsus carnis experta, possit religiosa vota emittere.

Resp. Videri, quod non. Quia votum est de meliori bono, respectu autem talis Novitie status religionis non potest esse melius bonum; attestante Apostolo, quod *melius est nubere, quam uri*. Nihilominus affirmandum cenſeo cum Lugo in *resp. moral. l. 1. d. 26. 28.* Quia Novitia potest prudenter credere sibi expedire magis ad salutem statum religiosum, in quo transacta tentationis vehementia, facilius poterit resipiscere, & corrigi, cum habeat optima Sociarum exempla, & disciplinæ observantiam. Nec facile sibi potest persuadere minorem se habituram in sæculo occasionem peccandi contra castitatem, quam in religione, præsertim si nubere non possit juxta status decentiam, & sine gravi incommodo.

Quar. 11. An Novitia delicatæ complexionis, quæ religionis austeritates ita sanitati obesse experitur, ut medicorum judicio vita sit notabiliter abbrevianda, teneatur deferere religionem.

Resp. Visum est aliquibus teneri religionem deferere, quia vitam sibi abbreviando directè se ipsam occidit, quod est illicitum. At posse permanere, & profiteri, sustineo cum Gobat.

tom. 1, tract. 5, cap. 1, num. 54. Quia præceptum de conservanda vita obligat solum ad evitanda pericula, quando non adest rationalis causa ad illa subeunda; secus autem quando adest; unde vita potest exponi pro salute spirituali proximi. Cur igitur ob tam nobilem, & rationabilem causam, qualis est spirituali propriæ salutis consulere, non poterit novitia religionis austeritates etiam cum periculo vitæ subire? Maxime quia in presenti casu periculum non est inevitabile; fieri enim potest, quod tractu temporis prædictis incommodis alluescat, & vires reddantur, ad ferenda religionis observantiæ onera, promptiores.

Quar. 12. An novitia peccet egrediendo.

Resp. Si egrediatur ex minùs iusta causa, non peccare docet Suarez. Quia ad hunc finem institutus est annus probationis, ut religio experiatur novitiam, & novitia religionem. Si exeat ex levitate, vel religionis tedio, peccare venialiter, affirmat Sanchz, quia cum hic egressus fiat sine honesto, atque adeo sit deordinatus, non potest excusari à veniali peccato. Si verò Novitia priùs voto religionis erat adstricta, peccare mortaliter docet Peyrin. cum aliis ab ipso relatis *loc. cit.* Licet oppositum sustineant Gandav. Navar. & alii, & quidem probabiliter, teste Sanch. *lib. 4. c. 16. n. 89.* Quia votum intelligi debet juxta canones annum probationis concedentes; cum igitur canones probationis annum concedant ad experiendam religionem cum omnimoda libertate, cum eadem libertate exeundi intelligendum est votum ingrediendi religionem.

Quar. 13. An Novitia egrediens teneatur solvere expensas factas à Monasterio.

Resp.

Resp. Non teneri, tradunt communiter Doctores, quia multoties posset contingere, ut impotentia ad solvendum, libertatem tolleret ad egressum. Fallit tamen conclusio, quando intervenit pactum solvendi expensas, vel Religionis consuetudo, quæ est conformis Concil. Trident. c. 16. de regul. sess. 25. ubi præcipit omnia restitui Novitiis abeuntibus *excepto victu, & vestitu*. Et proinde Sac. Congregat. Episcop. die 2. Martii 1635. decrevit expensas esse solvendas monasterio à consanguineis cujusdam novitii, qui ante professionem habitum exuerat. Lezana tom. 1. qq. Regular. c. 24. num. 3.

Quar. 14. An Novitia volens discedere, sit impedienda ex titulo, quod non solverit expensas debitas vel ex pacto, vel ex consuetudine Monasterio.

Resp. Non posse, ut notant Doctores in c. non solum, de regular. in 6. per illum textum, qui prohibet sub pœna excommunicationis impediri novitias, ne redeant ad seculum. Possunt tamen repeti post diceßum, & actio instituenda est contra ipsius bona, vel eorum, ad quos spectat eas solvere. Ita Doctores relati à Pasqual. in Laurent. p. 2. q. 50. n. 4. ubi subdit, neque posse denegari professionem novitiæ nolenti solvere expensas debitas ex pacto, vel consuetudine, quia non solvere expensas non detrahit de habilitate, cum sit quid extrinsecum, &abilitas attendatur secundum personalia, judicium autem, & deliberatio de admittendo, vel non admittendo ad professionem regulari debet secundum mensuram qualitarum personalium. Quod tamen limitandum est, nisi non solutio argueret aliquod vitium personale, quia tunc ratione talis vitii posset rejici.

Quar. 15. An Novitiæ egredienti sit restituendus habitus factus suis expensis.

Resp. Omnes vestes esse restituendas verba illa *omnia restituantur*, quibus utitur Concil. *d. c. 26. in fin.* Dictio enim *Omnia* est universalis, ut cum aliis citatis probat Barbof. *de postet. Episc. allegat. 101. num. 39.* ubi refert, Sac. Congregationem censuisse, habitum religiosum non esse exeunti restituendum, sed tantum ei solvendum ejus pretium, habita ratione valoris illius temporis, quo eum deposuit, non quo factus est, ut notat Peyrin. *loc. cit.* subdens *num. 108.* quod si dictus habitus emptus sit non pecunia novitiæ, sed elemosynis devotorum, eo sine datis, ut religionem ingrederetur, tunc non venit ex justitia restituendus, cum enim convenire non possit novitiæ, nisi quatenus religiose, censetur datus intuitu religionis, & per consequens religioni. Sicuti, licet legatum factum Episcopo ab ejus consanguineo censeatur intuitu personæ relictum, *cap. requisisti de testament.* si tamen est de re convenienti Ecclesiæ, Ecclesiæ acquiritur, quia ex qualitate rei donatæ præsumitur intuitu Ecclesiæ relictum, *Sanch. de matrim. lib. 6. disp. 26. n. 15.*

Quar. 26. An Novitiæ possint sibi eligere sepulturam.

Resp. Possè, quia cum nondum sint obedientiæ voto astrictæ, habent proprium velle, & nolle; unde etiam testari possunt, & alia similia exercere, in quibus requiritur proprium velle, & nolle. Ita Armil. Tabien. Villalob. & Diana *part. 5. tract. 3. res. 109.* contra Labor.

Quar. 27. Ubi sepelienda sit novitia, si decedat non electa sepultura.

Resp. Esse sepeliendam in Monasterio. Ita San-

Sanch. Grat. Lavar. & Peyr. *loc. cit. num. 130.* Quamvis enim novitia non sit incorporata religioni, est tamen ipsi aggregata in ordine ad experiendum, & est religioni addicta in ordine ad Sacramenta, etiam quæ à Parocho ministrari debent, ut Viaticum, Extrema Unctio, & Communio Paschalis. Unde cum non sit amplius subdita Parochi, sed religionis subjectione voluntaria, quoad sepulturam quoque spectabit ad Monasterium.

Quar. 18. Quid agendum, si novitia esset in proposito redeundi ad sæculum.

Resp. Non esse in monasterio sepeliendam, sustinet Silvester, quia ex voluntate redeundi ad sæculum resultat evidenter, quodd vellet in sæculo mori, & per consequens, quodd eligat in sæculo sepulturam. Oppositum tamen tradit Pasqal. *loc. cit. q. 57. n. 3.* Nam hoc propositum non extrahit Novitiam à statu novitiarum, sicuti neque voluntas mutandi Parochiam subtrahit à jure parochiali, sed requiritur factum solvens illum contractum, quo novitia se tradidit experiendam religioni; siquidem actualis reditus, non voluntas redeundi ad sæculum facit redire: Unde non sufficit in hoc velle, sed requiritur executio, *l. quidam cum filium ff. de hered. instit.* ubi Imola, Bartol. & ceteri Doctores.

Quar. 19. Quibus expensis sepelienda sit novitia.

Resp. Ex Peyrin. Layman, Samuele, & Lezana, si ex pacto, & consuetudine tenetur novitia solvere expensas alimentorum, tunc manebit obligatum ejus patrimonium, seu bona ipsius ad expensas pro sepultura, quia expensæ pro sepultura sunt accessoriæ ad expensas alimentorum, & qui tenetur alere, tenetur etiam curare sepulturam. Si verò Novitia non

tenetur ad expensas alimentorum, tunc, quia Monasterium recipiens novitiam se obligat ad alendum manet etiam obligatum ad expensas sepulture.

Quar. 20. An Novitiæ possint in mortis articulo profiteri intra annum probationis.

Resp. Posse, ut supra innuimus, *cap. 2. §. 6. q. 2.* dummodò sextumdecimum ætatis annum expleverint, quia hoc expresse mandatur in privilegio. Non per hoc monasterium succedit in dote, ut pariter dictum est *cap. 2. §. 5. q. 24.* & censuit Sac. Congregat. Concil. in una Ordinis S. Francisci Minor. observ. die 20. Martii 1649. ad *cap. 15. sess. 25. de regular.* Atque adeò non tenetur ad suffragandum animæ novitiæ defunctæ, neque ad orationes, & sacrificia, pro aliis monialibus fieri solitas, quia cum non sentiat commodum ex professione illa novitiæ, neque incommodum sentire debet. *Caram. Theol. regular. num. 464.*

Quar. 21. An Novitiæ gaudeant privilegio canonis, & fori.

Resp. Gaudere; quia in favorabilibus novitius venit appellatione monachi, & quamvis sit tantum in via ad monachatum, reputatur tamen pro persona ecclesiastica, ut tenet Glos. in c. religioso §. quamvis de sent. excom. in 6. ubi Gemini. & cæteri Canonistæ. Nec refragatur quòd novitiæ possint redire ad sæculum, nam etiam clerici in minoribus redire possunt ad statum laicalem, & tamen quandiu in statu clericali vivunt, censentur personæ ecclesiasticæ. Hinc est quòd Novitiæ ex receptissimo usu immunes sunt ab onere quoad personas, & quo ad bona, ut docent Molina cum aliis relatis à Pignatel. r. 4. consuls. 119.

num.

n. 6. Ubi ex probabiliore sententia extendit supradicta privilegia etiam ad novitias impuberes, quia verè sunt Deo dicatæ, nam sunt acceptatæ ad religionem per legalem, & juridicam susceptionem habitus regularis, juxta morem, & præscriptum religionis. Atque adeo, licet non sint propriè novitiæ; quatenus non sunt intra annum probationis, sunt tamen cooptatæ ad communicandum in habitu religioso.

Quar. 22. An Novitiæ gaudeant privilegiis religionis.

Resp. Gaudere; sunt enim etiam ipsæ pars, & membrum religionis, unde debent cum suo toto communicare: & si religionis sustinent onera, æquum est, ut sentiant etiam favores, & privilegia. Ita aliis relatis Diana p. 3. tract. 2. resol. 73. contra Rodriq. & Portel. negantes gaudere privilegiis, quæ conceduntur religiosis professis, nisi id ipsum in concessione exprimitur, uti de facto interdum exprimitur. Gaudere quoque religionis indulgentiis, sicut moniales professæ, tradunt Casarub. Portel. & Rodriq.

§. V.

De Sacristana obligationibus, & privilegiis.

Quar. 1. AN Sacristana peccat mortaliter, si negligat conservare lampadem accensam coram Sanctissimo.

Resp. Affirmativè; quia eadem reverentia debet Eucharistia in ciborio custodiri, ac in sacrificio offerri, cum sit idem Corpus Christi, quod custoditur in cibario, & offertur in sacrificio. Si igitur peccaret gravi-

ter, ex communi Doctorum sententia, offerens Corpus Christi sine lumine in Missa, peccabit quoque graviter custodiens illud sine lampade accensa. In utroque enim casu lædatur maximè cultus divinus, Ecclesiæ consuetudo antiquissima, & lex canonica imposita in cap. sanè de celebr. Missar. Quare cum cura, & obligatio, ut lampas semper colluceat coram Sanctissimo, Sacristanæ moniali sit specialiter demandata, peccat mortaliter negligendo. Ita Quintanadven. Volpi. Gobat. & Diana 1. 2 in oper. coord. tr. 3, res. 154. Ubi tamen à peccato gravi illam excusat, si per dimidiam, vel unam horam, aut etiam aliquid amplius lampas non ardeat ex negligentia.

Quer. 2. An Sacristana respondere possit in Missa, si adsit qui inserviat Sacerdoti, respondere tamen non calleat.

Resp. Ex Layman, Lugo, Martinon. & Dicastil. quos refert, & sequitur Pasqualigus, de Sacrif. nov. leg. q. 343. num. 5. respondere posse de longè, quia in hoc non præstat propriè ministerium circa altare, quod est prohibitum in cap. Sacratas dist. 23. & cap. inhibendum de cohabit. cle. & mulir. sed se habet in respondendo tanquam populus assistens Missæ.

Quer. 3. An Sacristana possit colloqui cum Capellanis, aut Concionatoribus suæ Ecclesiæ inservientibus.

Resp. Posse in his tantùm, quæ pertinent ad suum officium; concessio enim exercitio sui muneris, conceditur, etiam totum id, quod pertinet ad huiusmodi muneris exercitium, l. 2. ff. de iurisd. omn. In reliquis verò ipsi quoque est interdictum colloquium, cum nulla supetatur ratio, quæ eam à generali pro-

li prohibitionem excludat. Unde Sac. Congregatio, ad tollendam Sacristanæ quæcumque occasionem colloquendi cum extraneis, præcepit, ut rota, seu fenestella, ex qua exponuntur sacræ vestes ad usum Sacrificii Missæ, duplici clave obseretur, quarum altera sit penes Abbatissam, altera apud Confessarium. Nald. *verbo monialis* n. 10. Tum ut clavis Fenestellæ, ex qua moniales sumunt Sacram Communionem, perpetuò maneat apud Confessarium, Gavant. *in manual. v. monialium Ecclesie* n. 7. Tum ne moniales possint habere ostium, per quod è propria clausura pareat accessus ad Ecclesiam earum exteriorem, Gregor. XIII. *Constit.* 8. Tum ne permittatur in earum Ecclesiis à personis sæcularibus cantus simplex, vel figuratus, Barbos. *de jur. Eccles. lib. 1. cap. 44. num. 6.* multò minùs accessus sæcularium sub prætextu docendi eas sonum cymbalorum, vel alterius instrumenti, aut etiam musicam, vel cantum, etiam ad crates, idem *loc. cit. nu. 62.* Neque ut ibi instituantur Confraternitates laicorum, Sac. Congregat. 6. *Novemb. 1595.*

Quar. 4. An peccet mortaliter Sacristana admittens in sua Ecclesia præter proprios Cappellanos alios Sacerdotes ad celebrandum contra Superioris prohibitionem.

Resp. Si nulla sit imposita gravis pœna, & aliæ non concurrant circumstantiæ, venialiter tantum peccare, quia cum simplex prohibitio sit indifferens ad obligandum sub mortali, vel sub veniali, dicendum est sub veniali tantum obligare, Sanchez aliis relatis *in decal. lib. 6. cap. 4. num. 25.* nam sumenda est illa interpretatio, qua efficitur, ut quis minùs obligetur, ex *l. si speculum §. sicut ff. de pecul.* & notant Cravet. Paris. & Menoch. Si verò

prohibitioni sit addita gravis poena, ver-
gr, major excommunicatio ipso facto incur-
renda, tunc cenſeo mortaliter peccare, quia
additio talis poenæ ostendit, mentem Supe-
rioris eſſe obligare ſub gravi, nam excom-
municatio maior nunquam imponitur, niſi ob
peccatum mortale. Neque excuſari poteſt
ex eo, quod in una, vel altera admiſſione
nulla adſint inconvenientia, quia ſatis eſt,
quod frequenter adſint: horum namque fre-
quens periculum præſendit Superior ſuo præ-
cepto remove.

Quar. 5. An peccet Sacriſtana admittens
Sacerdotes advenas, & peregrinos ſine litte-
ris teſtimonialibus ad celebrandum.

Reſp. Graviter peccare, quia exponit ſe
periculo admittendi, qui non debet admit-
ti, & ſuo modo cooperatur peccato admiſſi,
Paſqualig. *de Sacrif. nov. leg. q. 366. n. 2.*
Ubi addit hoc non habere locum, dummodo
aliud non obſtet, ſi Sacriſtana cognoſcat per-
ſonam, & ſciat talis eſſe conditionis, quod
non celebraret, ſi alias haberet aliquod im-
pedimentum.

Quar. 6. An Sacriſtana Monasterii regu-
laribus ſubjecti peccet admittendo Sacer-
dotes advenas ad celebrandum cum litte-
ris quidem teſtimonialibus, ſed non reco-
gnitis ab Epifcopo, ſi hoc ab ipſo monialibus
etiam exemptis prohibeatur.

Reſp. Non peccare, ſuſtinere debent Do-
ctores aſſerentes non poſſe Epifcopum præci-
pere regularibus, ne admittant, quia præceptum
dirigi ſolum poteſt ad ſubditos, & pro locis
ſubjectis, *cap. ut animarum de conſtit. in 6.* Re-
gulares autem exempti, & eorum Eccleſiæ
non ſubjiciuntur Epifcopis. Quæ ratio militat
etiam pro monialibus regularibus ſubjectis,
cum

cum fruuntur suorum Ordinum privilegiis. Oppositum tamen sustinendum ex S. Congreg. in Bononiens. 2. Julii 1620. quæ respondit, *Non licere regulariis in suis Ecclesiis admittere presbyteros saculares contra prohibitionem Illust. Archiepiscopi.*

Quar. 7. An peccet Sacristana exponendo Capellanis celebraturis vestes sacras laceras, aut immundas.

Resp. Peccare; & quidem mortaliter, si notabiliter sint immundæ, aut laceræ. Defumitur ex Stephano Papa relato in c. *Vestimenta de consecrat. dist. 1. ibi; Vestimenta ecclesiastica, quibus Domino ministratur, & sacra debent esse, & honesta.* In eo autem consistit honestas ipsorum quod sint decentia pro functione, cui debent inservire, non sunt autem decentia, si sint laceræ, vel immunda. Quod expressius habetur Innocentio III. in Concil. Lateranen. relato in cap. 2. de custod. Euchar. ubi præcipit, vestimenta &c. munda, & nitida conservari, reddens rationem, *Nimis enim videtur absurdum in sacris sordes negligere, quæ deiderent etiam in prophanis.* Hanc sententiam sustinent Suar. Facund. & alii.

Quar. 8. Quando nam vestes sacræ censendæ sint notabiliter laceræ, aut immundæ.

Resp. Non posse certam regulam definire, sed hoc prudentis arbitrio esse relinquendum. Censet tamen Pasqual. de Sacrif. nov. leg. q. 185. n. 5. tunc esse notabiliter immundas, aut laceras, quando si tales essent vestes communes, virum nobilem dedecerent. Et subdit, quod in judicando, quando sint, vel non sint notabiliter laceræ, aut immundæ, habenda est ratio qualitatis Ecclesiæ, pro qua inserviunt; nam quæ tales erunt respectu Ecclesiæ, in qua nobiliori modo tractari

lolet cultus divinus; non erunt tales respectu Ecclesiæ pauperis, respectu cuius immunditia & attritio magis conspicua esse debet. Advertit insuper, quod, quàm difficile est, in hac materia mortaliter peccare, tam facile est peccare venialiter; quia quælibet indecentia, quæ insurgat ex vestibus immundis, aut laceris, sufficit pro veniali peccato.

Quar. 9. An Sacristana peccet convertendo vestes sacras in usus prophanos, dum retinent propriam formam.

Resp. Peccare, ex Pasqual. loc. cit. qn. 821. Quando enim res sacræ convertuntur in usus prophanos, suo modo violantur, & fit Deo injuria, & ideo tanquam violatæ remaneant indecentes respectu cultus divini. Hinc peccati quoque est damnanda, si prædictas vestes concedat pro recitatione alicujus comædiæ sacræ à monialibus in monasterio representandæ. Quia, licet comediæ argumentum sit sacrum, & in loco religioso recitetur, ipsa tamen recitatio est prophana, atque adeo dictarum vestium violatiya, unde excluditur hujusmodi usus. Verùm excusari in hoc casu à peccato docet Dicastillus tr. 5. de Sacram. disp. 4. dub. 11. n. 231.

Quar. 10. An supellectilem sacram possit convertere in usus prophanos, postquam amisit formam.

Resp. Possè, quia tota exigentia reverentiæ, quæ ipsi debetur, fundatur in eo, quod sit sacra, mediante benedictione; ergo cessante benedictione cessat etiam reverentiæ exigentia; cessat autem benedictio, & sanctificatio, dum destruitur forma, & ideo disponi potest de materia, ac si nunquam fuisset materia rei sacræ. Nihilominus, quamvis non sit necessarium, quod vestes sacræ, amif-

amissa consecratione comburantur; sed possint in prophapum usum converti, decentissimum est comburi; quia Sacri Canones hoc ipsum præscribunt de convenientia; Pasqual. *loc. cit. qu. 834. num. 9.*

Quar. 11. An peccet Sacristana, si vestes & alias supellestiles sacras, non pretiosas, dum amiserunt formam, vendat, & commutet, ut de melioribus provideat.

Resp. Ex Lopez, & Manuel, quos refert sed non sequitur Sanch. *lib. 7. cap. 19. num. 67.* non peccare, quia talis venditio, aut commutatio non habet propriam distractionis, aut consumptionis rationem, cum nullam inde jacturam patiatur conventus, imò melioretur, unde potest rationabiliter supponi interpretativa Superioris licentia. Hoc tamen non admittit Bordonus in iis conventibus, in quibus practicatur licentia formalis, & expressa.

Quar. 12. An Sacristana possit tangere calices, corporalia, &c.

Resp. Posse; Quia peccatum veniale quod alias committeretur, excluditur ex necessitate officii, ratione cujus mutare debet dicta vasa, & corporalia, quod sine tactu non potest præstare, unde consurgit tangendi rationabilis causa. Ita in terminis Pasqual. *loc. cit. qu. 839. num. 9.* ubi adducit Quintanad. & Suarez. Cessatque omnis dubitatio attento Privilegio Sixti IV. Ordini S. Augustini Congregationis Lombardiæ concessio, in quo indulgetur, quòd omnes laici professi, dum Sacristarum officium exercent, possint tangere calices, patenas &c. Poterunt igitur & moniales, cum & ipsæ gaudeant Regularium privilegiis etia per viam communicationis, ut dictum est suo loco, licet

Episc.

Episcopis sint subjectę. Hinc est, quodd etiam possint lavare corporalia, & purificatoria; quod debet intelligi de corporalibus, & purificatoris inservientibus proprię Ecclesię quia privilegium est concessum ratione officii, & officium tale non exercetur, nisi ratione proprię Ecclesię.

Quar. 13. An peccet Sacristana, si aquam, in qua primũ lavantur corporalia, & purificatoria, non projiciat in sacrarium.

Resp. Non peccare, secluso contemptu, & dummodò in decenti loco projiciatur. Ita Ludovic. à S. Joan. in *sum. q. 11. de Euchar. art. 2. dub. 1. difficul. 4. app. 1.* Nam circa hoc nullũ adest præceptum, cum Canon. *Nemo per ignorantiam de consecrat. dist. 1.* quoad hanc partem lotionis sit solum directivus, & ideo solum servari debet, quod exigitur ex natura rei, nempe ut non projiciatur in loco immundo.

Quar. 14. An Sacristanę liceat in die festo lavare vasa sacra purificatoria, & alia hujusmodi pro notabili tempore alias sufficienti ad peccatum mortale.

Resp. Licere; quia quamvis lavare de se sit opus servile, dum tamen versatur circa rem sacram, desinit esse servile, nam pertinet ad munus personę Deo dicatę, quatenus talis est persona autem Deo dicata, quatenus talis est non est destinata operi servili. Item potest ornare templum, verrere illud, & conficere hostias pro Missis celebrandis, quoties ex causa justã non potuerunt prædicta opera præveniri, Cajet. 2. 2. *qu. 122. art. 4. & in sum. v. festorum violatio.* Ubi addit, posse prædicta fieri in die festo, licet ex negligentia non fuerint facta pridie festi, quia jam sunt necessaria in die festo. Hęc autẽ negligentia raro, aut num-

numquam erit peccatum mortale, sed ad summum veniale, quando Sacristana putans bona fide posse fieri in festis, relinquit ea tunc facienda. Sanch. *tom. 2. Conf. lib. 5. cap. 2. dub. 23. n. 4.* cum aliis à se consultis.

Quer. 15. An Sacristana per notabilem di-ei partem vacans ornatui Ecclesiæ excusetur à jejunio.

Resp. Excusari. Ita Bassæus, Bonac. Trul-lenc. & Molfesius, qui expressè loquitur de religiosis *part. 1. sum. tract. 10. cap. 4. n. 42.* & ratio est, quia labor, quem subit, notabilis est; nam huc, & illuc discurrendo portan-do ornamenta, & alia hujusmodi exercendo fatigatur. Unde labor ipsius æquiparari potest labori artificum; qui ratione artificii excusatur à jejunio. Et hæc excusatio extenditur etiam ad jejunia præscripta sub mor-tali in regula. Nam, ut diximus *cap. 8. §. 4. q. 5* cum Doctoribus, jejunium regulæ obligat ad instar præcepti ecclesiastici, unde cessat obli-gatio ipsius ex iisdem causis, ex quibus ces-sat obligatio præcepti Ecclesiæ, & proinde etiam ratione laboris. Quod si nihilominus ieiunium velit servare, potest illi largior col-latiuncula indulgeri. Pasqualig. *de jejun. decis. 312. n. 2.*

Quer. 16. An possit aliquid dare proprio Ordinario occasione suarum festivitatum.

Resp. Negant Berti, & Hieronymus Sorbo concedit Valerus *in suis differ. utriusq. fori v. munera n. 81.* quia Bulla prohibens largitionē munerum intelligit, quando darentur pro pretio rerum spiritualium, non autem si den-tur in quamdam remunerationem incommo-di suscepti, & honoris præstiti.

Quer. 17. An non obstante prohibitionem quod nihil donetur extraneis occasione festi-vita-

vitatum, professionis &c. possit Sacristana aliquid elargiri Capellanis, aliisque Ecclesie inservientibus.

Resp. Quod sic, Ita Valer. *loc. cit. num. 82*
Quia hæc non tam sunt munera, quam onera sunt enim loco competentis salarii, salaria enim sunt communiter tenuiora, & habito respectu ad prædicta munera acceptantur per Capellanos, aliàs sine ipsis muneribus non acceptarentur. Adde quod donatio facta occasione festivitatum, professionis &c. est donatio ob causam, & in remunerationem majoris laboris, quem subeunt, unde hæc non cadit sub prohibitione, quia donatione simpliciter prohibita, non prohibetur remuneratoria, Bald. in *authent. ex testamento, Cod. de collat.* quem sequuntur ibi Corn. & Rom.

Quar. 18, An liceat Sacristanæ in illis diebus, in quibus habentur generales confessiones, prandium ministrare Confessario in Sacristia.

Resp. De Confessario regulari extat decretum Sac. Congregationis, 13. *Septembris* 1583. in quo prohibetur, quod nemo regularium, quacumque de causa, comedat, aut refectionem corporalem sumat in locis ubi sunt crates, vel rotæ in monasterium correspondentes, vel in locis adeò vicinis, ut videri, vel audiri possit à monialibus; neque ante portam clausuræ eadem refectio corporalis permittatur, multò minùs intra clausuram, etiam si Superiores Ordinum essent, Et tunc tantummodò indulgetur refectio in prædictis diebus, quando Confessarii habitatio, aut virorum domus, aut monasterium in quo, à monialium, seu sororum monasterio, vel domo nimium distat. Quæ omnia

omnia militant etiam quo ad Confessarios sæculares, cum decreti finis, qui est occurrere scandalis, quæ contingere possunt, etiam ipsos comprehendat.

§. VI.

De Infirmarum obligationibus, & Privilegiis.

Quar. 1. **A**N monialis infirma teneatur jussis medici obtemperare.

Resp. Salas de legibus relatus à Diana in opere coord. 5. 8. tract. 8. res. 1. n. 3. putat, teneri sub mortali, quia quilibet infirmus tenetur ad omnia simpliciter ob conservationem suæ salutis, necessaria, cum nemo sit dominus sui corporis, unde quidquid à medico præscribitur tamquam necessarium ad salutem, tenetur exequi. Oppositum sustinet Durandus in cap. omnis utriusque sexus tom. 2. disp. 25. sect. 3. num. 3. asserens, quod quamvis bonum sit medicis fidem adhibere, quia unicuique experto in propria arte credendum est, nihilominus non tenetur infirma obedire medico ex præcepto, quoniam non est ipsius Prælat. Hinc deducit, quod quamvis medicus decernat secundum regulas artis necessaria esse infirmæ ad conservationem vitæ sectionem membri, si tamen ex causa talis sectionis essent ingentes cruciatus tolerandi, potest infirma sectionem recusare, estò ex ejusdem omissione credat, certò se morituram; si quidem nemo tenetur cum tanto cruciatu vitam suam servare, ut habetur ex Azar Less, Moses. & Diana, qui tamen id limitant non procedere, quando medici judicarent, sectionem esse necessariam ad vitæ conservationem, nec magnos dolores esse per-

perferendos; in hoc casu teneretur ipsis parere non distincto præcepto obedientiæ, sed tantum præcepto, quo quisque adstringitur propriam vitam conservare.

Quar. 2. An monialis cancro, vel alio morbo gravissimo in verendis laborans, teneatur chirurgi curam subire.

Resp. Non teneri. Tum quia nemo tenetur admittere curationem; à qua non minus abhorret quam ab ipso morbo, vel morte. Tum quia cum pudicitia sit grande bonum, potest illam vitæ præferre, licet etiam possit sine peccato curationem permittere quamvis prævideat ex contractu prave aliquos motus suboriturus; isti enim sunt planè involuntarii, & contactus moraliter honestus, quia cum fiat causa medendi, est consentaneus rectæ rationi. Ita Navar. Sà, Less. & alii relati à Diana in opere coord. 1.8. res. 2. ubi addit, quod si medicamenta possent adhiberi à fœminis, tunc utique teneretur monialis illa sufferre. & verenda prædictis fœminis ostendere, nam cessant in hoc casu rationes pro affirmativa sententia adductæ, scilicet ratio vericundiæ, & periculum motus sensualis, qui à chirurgi contactu posset oriri.

Quar. 3. An peccet monialis, quæ respuit humanum remedium, quod facile haberi potest, soli se Divinæ Providentiæ committens.

Resp. Peccare, quia graviter delinquit contra præceptum. *Non tentabis Dominum Deum tuum*; Deum enim tentat, qui habens quod faciat, sine ratione exponit se periculo, experiri uterum liberari possit à Deo. Ita D. Tho. 2. 2. quæst. 97. art. 1. & Caietan. ibi, limitans, quod si citra mortis periculum respuatur medicina ad experiendos dolores, & sustinenda incommoda ob carnis mortificationem, &

Jesu

Jesu Christi Passionis participationem, tunc laudabile est, & meritorium.

Quar. 4. An possit respuere ad abbreviandam vitam, ut citius ab huius vitæ ærumnis sit libera.

Resp. Non posse; quia presentium ærumnarum evasio non est bonum tanti momenti quod bono vitæ valeat comparari, multo minus rationabiliter anteferri. Ita Victoria, Ledesma, & alii apud Sanch. *Opusc. lib. 5. c. 1. dub. 33. num. 9.* Quousque igitur adest spes vitæ, non potest medicamenta respuere, quia nemo est dominus suæ vitæ. Non per hoc tamen, ut bene advertit Duard. *loc. cit. n. 6.* debet monialis, plusquam par est, esse sollicita, ut advocentur insignes medici, & pharmaca subministrentur pretiosa, quia hoc esset in grave monasterii damnum, & voti paupertatis detrimentum, eo vel maximè, si monialis infirma talis esset, quæ, si moraretur in sæculo, ad suas infirmitates vix ordinarium medicum adhiberet.

Quar. 5. An monialis infirma laborans siti maxima in febris accessu peccet, si bibat.

Resp. Si non advertat potum esse nociturum, vel si advertens putet, quodd ex illo non eveniet nisi dolor aliquis capitis, vel molestior tantum febris, non peccat mortaliter, parvitate nocumenti excusante. Ita cum Navarro, & Cajetano, Sanch. *loc. cit. n. 7. & 8.* Mortaliter verò peccaret, si evidens mortis periculum confugeret, vel infirmitas per longum tempus protraheretur cum gravi moniali incommodo, & monasterii detrimento.

Quar. 6. An, & quando monialis infirma excusetur à recitatione Officii.

Resp. Excusari, si ita laborat, ut non possit sine gravi incommodo, aut damno Officium

ficiū recitare; secus si ægrotudo sit levis, neque ullum, aut saltem leve incommodum allatura. Ita communiter Doctores. In dubio standum est iudicio medici, non quia medicus dispenset in obligatione, sed quia declarat morbi gravitatem, qua posita, ex se ipsa cessat obligatio. Quodd si contingat, ut etiam medicus de huiusmodi gravitate sit dubius, vel simpliciter conveniri non possit, obligari egro tam ad horas canonicas tradit Suarez, quia obligatio recitandi horas canonicas est certa, dubia autem excusatio. At ab omni onere eam liberat Bonac. *de Hor. can. disp. 1. q. 6. punct. 2. num. 5.* quia licet sit dubium an nocitura certum sit illa recitatio, tamen periculum sit nocitura certum est. Quoniam ergo possessio quam habet homo, non se exponendi periculo gravi, est prior præcepto recitationis Officii illa prævalet, & excusat. Sed multò tutius est in talicasu consulere Abbatissam, quæ ex vi privilegii ministerialiter dispenset.

Quar. 7. An, si infirma possit insumere, & de facto insumat bonam diei partem familiariter colloquendo, aut libros recreationis causa lætando, vel acu pingendo, debeat inferri, quodd etiam possit Officiū recitare.

Resp. Cum Baldel. *tom. 2. lib. 3. disp. 37. num. 16.* negativè. Illa si quidem non requirunt serietatem, & attentionem, sed potius animum recreant, unde non possunt morbum gravare; e contra verò res seria est oratio, & recitatio, & ex sui natura animū colligit, molestiam adducit, & mentem gravat. Neque ex eo quodd morbus aliquis; v. g. febris jam cessavit, statim ad horas canonicas obligari debet infirma, si potest timeri ne morbus iterum revalescat, vel adhuc remaneat.

neat virium debilitas ex præcedenti morbo relicta, nam debilitas illa infirmitas quædam est, & excusat.

Quar. 8. An dolores, & ægritudines, quæ certis temporum intervallis recurrunt, & non durant tota die, ut est febris quartana, aut tertiana levis, ab horis canonicis simpliciter excusetur.

Resp. Non excusare, quia illarum recitatio potest, immò debet anticipari, aut postponi pro aliis partibus diei, quibus ægritudo non urget. Ita Doctores relati à Baldel. *loc. cit. num. 19.* Quod intelligendum semper est, dummodò anticipatio, aut postpositio nocere non possint vel accessioni superventuræ, vel debilitati à præterita febre relicte: quia in re si infirma sit dubia, medicum consulat, & quiescat.

Quar. 9. An monialis infirma, quæ non potest recitare Matutinum, & Laudes, dubitat autem, an possit reliquas horas, teneatur ad illas.

Resp. Si verè dubia sit an possit, dicendum est de parte, quod superius diximus de toto Officio. Quòd si certò constet ægrotam posse sine gravi incommodo recitare aliquas horas, tenetur ad illas. Ratio est, quia materia præcepti indicentis horas canonicas est divisibilis, unde etiam præceptum ipsum est divisibile, atque adeò qui non potest implere majorem partem præcepti, tenetur ad minorem, quam potest. Neque subsistit, quòd major pars trahit ad se minorem, & per consequens si desit potentia ad majorem Officii partem, cesset obligatio ad reliquam, ad quam fortè est potentia. Hæc enim doctrina remanet proscripta in *propositione 54.* inter damnatas ab Innocèntio XI.

Verum

Verum tamen est, quod si infirmitas impediatur indefinitè divinum Officiū, ut est febris gravis, vel aliquid simile. non est scrupulosè inquirendum, an possit infirma unam, vel alteram horam legere, ut notat Suárez *1. 2. de Relig. tract. 1. lib. 4. cap. 28. num. 27.* quia excusatio ex se indefinita æquivalet universali, ita enim consuetudo hanc legem interpretatur, Et fortasse ratio est, quia est valdè difficile in huiusmodi occasionibus attingerè punctū in iudicando, quid possit homo dicere, vel non dicere sine gravi incommodo, & idèd satis esse creditur, quòd Officiū ipsum dici non possit sine notabili damno.

Quar. 10. An infirma, quæ ex se quidem totum non potest Officiū legere, potest autem cum socia, teneatur, vel sociam quærere, vel admittere si se offerat. Ad neutrum teneri, tradit Diana *in opere coord. 1. 3. tract. 6 res. 97. num. 3.* Quia recitare cum socia, privilegium, & favor est, quo non uti liberè potest alioquin, contra commune axioma, favor in gravamen verteretur.

Quar. 11. An monialis postquàm febris, aut alia infirmitas illam deseruit possit Officiū prætermittèrè, dum convalescit.

Resp. Posse, quia imbecillitas à morbo relicta reputatur infirmitas, & Ecclesia, quæ est quia mater, vult ægris requiem aliquam indulgere. Ita Trullen. & aliis relat. Sanch. *tom. 2. cons. lib. 7. cap. 2. dist. 45. num. 5.* Per quot autem dies possit ab Officio vacare, non potest statui certa regula, nam ex maiori, vel minori morbi præteriti duratione, aut vehementia, validiori, aut graciliori complexionē, ætate vivida, vel senili, potest remanere in moniali maior imbecillitas, ratione cuius debeat maior, vel minor vacatio ab

Offi -

Officii recitatione indulgeri. Unde standum est prudentis arbitrio.

Quar. 12. An postquam convaluit possit diebus non impeditis in privata recitatione legere Officium de Sanctis duplicibus, aut semiduplicibus tempore infirmitatis omissis.

Resp. Videri, quòd sic, per ea, quæ tradit Quintanad. *tract. 8. singul. 9. num. 2.* Ubi licet loquatur de Officio omissio ex errore, vel oblivione, attamen, ut observat Lugo *in resp. moral. lib. 5. dub. 8. nu. 8.* etiam de impedimento orto ex infirmitate concludunt rationes ab ipso adductæ. Quarum prima est, quòd tunc transfertur è proprio die in alium diem non impeditum Officium duplex, aut semiduplex, quando proprius dies est impeditus; cum igitur dies proprii Officiorum duplicium, vel semiduplicium in præsentī casu fuerint ab infirmitate impediti, poterunt eadem Officia in alios dies non impeditos transferri, atque adeò extra convalescentiam recitari. Secunda; Jure suo nemo privandus est absque culpa sua, *l. crimen. ff. de pœnis l. sancimus, Cod. eod. tit. cap. ad fin. de his que fiunt, &c.* Sed Sanctus, & recitans jus possident, ut de tali festo recitetur semel in anno, ergo hoc jure non debent privari ratione infirmitatis quæ illorum non fuit culpa. Tertia; Vulgata juris regula est, quòd impedito non currit tempus. Cum igitur ratione infirmitatis fuerit impeditus dies festivitatis illius Sancti, perinde est ac si proprius ejus dies non pertransisset: & die non impedito poterit recitari.

Neque ex hoc sequitur, ait idem Auctor, quòd posset etiam monialis recitare Officium Paschatis, si eo die fuisset infirma. Nam non transfertur Officium Paschatis, sicuti transfertur Officium de duplici, aut semiduplici, & idèd

Ideo si illud non est recitatum proprio die, est omnino omittendum, & sic dicendum de Officiis aliarum solemnitatum, quæ translationi non subjacent.

Verum oppositam sententiam absolutè sustineo cum Lugo *loc. cit.* qui prædictam opinionem rejicit tamquam singularem. Ratio est, quia rubrica de translatione festorum non loquitur universaliter de omni impedimento, sed solùm quando dies impeditur Officio Dominicæ, vel festi, aut feriæ privilegiatæ tunc occurrentis. Adeoque concedit, imò & præcipit tantùm hujusmodi translationem, quando impedimentum se tenet ex parte diei, non verò ex parte recitantis, prout in casu.

Quod pariter suadetur, quia ritus divini Officii recitandi non debet esse privatus, & proprius singulis personis, sed publicus, & communis toti communitati, vel Ecclesiæ, ad quam pertinent recitantes; atque adeò singuli debent semper Officium illud recitare, quod recitatur à tota communitate, vel Ecclesia, ad quam spectant, non solùm in recitatione publica, sed etiam in recitatione privata, quia ut singuli sunt partes illius communitatis, vel Ecclesiæ, cui proinde debent conformari, nam turpis est pars, quæ non congruit cum suo toto, *cap. 1. dist. 8. & cap. 2. de sponsal. §. partes civitatis*, & docet Navar. *com. 2. de regul. num. 63.*

Quar. 13. An moniales infirmæ excusentur à jejniis tam Ecclesiæ, quàm regulæ.

Resp. Excusari ex communi Doctorum sententia, ita Ecclesiæ legem, & præceptum regulæ interpretante; idque habere locum, etiam si infirmitas ex propria culpa contingat, quacumque enim ex causa proveniat, semper corpus est tale, ut castigatio ipsius per jeju-

Jejunium semper evadat irrationabilis, & indiscreta. Ita Major. Palud. & Sanch. Sub nomine infirmarum veniunt etiam illę, quę licet nullo actuali morbo laborent, sunt tamen complexionis malę affectę, & proindę etiam istę à jejunio excusantur, non solum quia tenentur morbum præcavere, sed etiam quia illa prava affectio æquiparatur morbo continuo. Pasqualig. *de jejun. decis. 261. n. 7.*

Quar. 14. Quanta debeat esse infirmitas, ut censeatur cessare obligatio jejunandi.

Resp. Communiter Doctores hoc remittunt prudentis judicio. Sed hæc responsio difficultatem non tollit; semper enim dubitare potest Confessarius, an nimis laxę se gerat, vel nimis rigidę; idę tradenda regula est, secundum quam prudenter valeat judicare. Censeo itaque, tunc morbum, aut debilitatem ex convalescentia eximere à jejunio, quando impedit consuetas functiones; tunc enim morbus, aut debilitas sunt alicujus considerationis, & idę est habenda ratio ipsorum, nec corpus ulteriori afflictione debilitandum. Hoc autem impedimentum non debet necessarię esse tale, ut absolute impediat, sed sufficit quomodocumque impediat. Ita Pasqual. *loc. cit. n. 5.* qui etiam tradit *decis. 256. n. 9.* quodd si quę ex aliqua infirmitate sit adę debilitate, ut remaneat in statu simili senectuti, ita ut fiat in ipsa continua virium, & roboris naturalis diminutio, libera sit ab onere jejunii; sicuti enim ex morbo status senectutis, ita etiam anticipat exemptio à jejunio.

Quar. 15. An monialis infirma, ob vincendas carnis tentationes ad incontinentiam graviter illę extimulantes, teneatur jejunare, etiam si prævideat ob jejunium futu-

ram diuturniorem infirmitatem maximo cum monasterii dispendio.

Resp. Affirmantem sententiam suaderi posse ex Fervend. in *Exam. Theolog.* p. 4. c. 12. §. 6. n. 1. quia juxta charitatis ordinem docemur spiritualia corporalibus anteferre. Unde damnum, quod ex diuturniori infirmitate sequitur monasterio, sequitur per accidens, nam per se intenditur majus bonum. Contrarium tamen desumitur ex Homobono in *Exam. eccles.* p. 2. tr. 8. c. 7. q. 17. Quia ad vincendas tentationes alia occurrunt remedia, orationes videlicet, Sacramentorum frequentia, piæ adhortationes, & his similia. Ista igitur adhibeat, & tantæ ja-cturæ monasterium non exponat.

Quar. 16. An laborantes tebri tertiana, vel quartana, præcipiente medico ne cèdent, ut dieta morbus vincatur, peccent contra præceptum jejunii, si comedant.

Resp. Contra præceptum jejunii non peccare tradit ex Sanchez Pasqu. quia morbus est talis, ut de se liberet à jejunio; affligit enim, & debilitat corpus, & consequenter incapax efficitur obligationis jejunandi. Peccare tamen contra naturale præceptum temperantiæ, notat Sanch. atque adeò aut venialiter, aut mortaliter juxta quantitatem damni, quod inde sequitur.

Quar. 17. An, & quando moniales infirmæ excusentur ab audienda Missa.

Resp. Non tam facilè moniales ab audienda Missa excusari, quia intra monasterium audire possunt, & proindè habent faciliorum accessum. Pasqual. de *sacris. nov. leg.* q. 1327. n. 5. Nihilominus non tam decumbentes in lecto, quàm illas etiam, quæ adire Ecclesiã non possunt sine probabili salutis detri-

detrimento, eximunt communiter Doctores. Quanta verò debeat esse infirmitas, ut excuset, aut quantum nocumentum, quod timeatur, videtur posse constitui hæc regula, ut nimirum, quando infirmitas impedit consue- ta exercitia, aut egressum è cubiculo, ita ut hoc existimetur congruere in ordine ad curâ infirmitatis, & ad salutem corporalem, affe- rat etiam sufficientem excusationem in ordi- ne ad audiendam Missam, attenta semper di- versitate complexionis, & qualitate personæ. Hinc convalescentes, & debiles de facili pos- sunt excusari præsertim hyemis tempore, & quando aeris intemperies nocere potest ca- piti; ut notant Præpositus, & alii relati à Pasqual. *loc. cit.* ubi idem concludit de senia- bus, si tales sint, ut debilibus valeant com- parari. In dubio standum est iudicio medici. Addunt tamen Leander, & Garzia, quòd manente dubio, possunt illud practicè depo- nere, & ab auditione Missæ abstinere. La- borantes feбри tertiana aut quartana, non du- bito, quoad illos dies, in quibus feбри corri- piuntur, excusari; in reliquis verò diebus con- sideranda est ipsarum complexio, & quomodo remaneant affectæ ex præcedenti feбри, & se- cundùm hoc judicandum ut supra; regulari- ter puto non excusari.

Quar. 18. An liceat monialibus infirmis ce- lebrare facere super Altari portatili in suis cellis vel devotionis gratia, vel ad satisfac- iendum præcepto in diebus festis.

Resp. Affirmat Pasqual. in *decis. Moral. decis.* 176. n. 3. Superioris tamen, ad quem spe- ctat, obtenta licentia pro sacerdote celebra- turo ingrediendi clausuram. Fundatur in Privilegio Pii IV. Canonicis Regularibus Sancti Salvatoris concesso *sub die 18. Maii*

anno 1665. & licet hoc limitet ad illas tantum moniales, quæ vivunt sub eodẽ ipsorum Regularium regimine, & instituto, nihilominus *decis.* 178. extendit etiam ad quascumque moniales subjectas Regularibus communicantibus in privilegiis. At hæc opinio est rejicienda, prout postea illam reiecit idem Pasqual. in opere *de sacrif. nov. leg.* q. 480. n. 3. Quia per Bullam Gregorii XIII. circa clausuram monialium, quæ est 28. *ejusdem Pontificis*, t. 2. *Bullar.* statuitur, quod urgentibus tantum necessitatibus possit concedi licentia ingrediendi monasteria. Unde cum usus prædicti privilegii dependeat ex una parte à relaxatione legis clausuræ; & ex alia pro celebranda Missa in cubiculis infirmarum non interveniat illa urgens necessitas, quæ requiritur à Gregorio ad concedendum ingressum, sequitur, quod non possit quoad Moniales sortiri suum effectum.

Adde, quod Regularium privilegia celebrandi super altari portatili hodie sunt omnino adempta per nuperrimum Decretum Sac. Congregat. Concil. emanatum *sub die 15. Decembris 1703.* & publicatum *die 8. Januarii 1704.* Clemente XI. approbante. In quo decreto pariter declaratur, non licere Regularibus cujusvis Ordinis, & Instituti, seu Congregationis &c. aut aliis quibuscunque sacerdotibus, etiam si essent Episcopi, in Oratoriis privatis celebrare in diebus Paschatis Sanctissimæ Resurrectionis, Pentecostes, Nativitatis Domini nostri Jesu Christi, aliisque anni festis solemnioribus, ac diebus in Indulto exceptis. In reliquis verò diebus prædictis Regularibus, seu Sacerdotibus quibuscunque, etiam Episcopis, in præfatis Oratoriis celebrare non licere, ubi etiam unica
Missa,

Missa, quæ in Indulto conceditur, celebrata fuerit, atque illa etiam in casibus permissis celebrari nequeat post meridiem.

Quar. 19. An Monialis infirma dubitans an teneatur recitare Officium, jejunare &c. teneatur obedire Abbatissæ præcipienti ne Officium persolvat, ne jejunet &c.

Resp. Quòd sic, ex Salas, Soto, & Lezana 1. 1. 99. *Regul. cap. 4. num. 28.* Quia in his casibus tenetur credere, quòd præcipiendo illam rem dispenset ministerialiter in regula, in Officio &c. ac per consequens, quòd potest dispensare, quòd debeat ipsi se conformare. Idem dicendum, si esset dubia, an Abbatissa dispensaret ex justa causa. Ita Navar. Lessus apud Lezan. *loc. cit.*

Quar. 20. An Moniales infirmæ, quæ non possunt Ecclesiam adire ad lucrandas indulgentias à Paulo V. Regularibus concessas, possint eas consequi in lecto.

Resp. Posse dummodò agant aliquod opus pium arbitrio Confessarii imponendum. Ita Peyrin. *de Privileg. pag. 331.* ex declaratione Pauli V. Congregationi S. M. Fulien. anno 1609. ut habetur in *compend. suorum Priv. tit. Infirmi.*

Quar. 21. An gravamen infirmitatis excuset monialem ab integritate materiali confessionis.

Resp. Si gravamen infirmitatis tale sit, ut continuata confessione periculum imminet moniali decedendi sine Sacramento - dubium non est excusari. Quare tunc confessorius monere debet monialem, ut unum aut alterum peccatum exponat, & absolutionem impendere; postea verò si tempus superfit, reliqua peccata audire. Si autem adsit tempus ad faciendam integram confessionem,

sionem, sed infirma ex illius continuatione notabiliter gravetur, excusari pariter tradunt Doctores infrà citandi. Quia cum hoc Sacramentum sit pro charitate institutū, non debet contra charitatem converti; converteretur autem, si exigeretur confessionis integritas à moniali, dum sentit se in explicandis culpis gravari, & posset contingere, quòd stante morbi angore, & prolixè confessionis gravamine, confessionem fastidiret, & pertæsa prosequi nollet, aut, si prosequeretur, absque debita dispositione continuaret. Ita Silvest. Sot. Palaus, & quatuordecim alii relati à Pasqual. *de caus. occur. temp. mort. q. 134*. Ubi advertit, detrimentum, quod ex integra confessione potest monialis subire, considerandū esse secundum subjectam materiā, & proinde pro gravi habendum esse, quod in se leve est, & tale esset in sanis. Et ideo si in illis horis in quibus ingravescit morbus, infirma ostendat gravari à confessione, absolvenda est, & in aliud tempus aliorum peccatorum explicatio differenda.

Quar. 22. An monialis periculoso morbo laborans, non tamen decumbens in lecto, neque viribus destituta teneatur adire Ecclesiam ad sumendum viaticum, vel possit illi ministrari in sua cella.

Resp. Plurimum expedire moniali accedere ad sumendum viaticum in Ecclesiam. Nam Ecclesia, ut habet Ugo Victorinus *de Sacram. lib. 2. par. 5. c. 1.* est propriè locus, in quo dispensantur Sacramenta; & ex consecratione acquirit quamdam virtutem spirituales, per quam redditur apta divino cultui, ut homines ibi concipiant devotionem quandam, qua paratiores sint ad divina, ut ex D. Thom. *part. 3. q. 83. art. 3.* Unde valdè con-

conferret ad excitandam devotionem monialis suscipientis viaticum, & ad uberio- rem fructum percipiendum, in Ecclesia illud suscipere. Quod etiam teneatur adire Ecclesiam, nec possit illi ministrari in sua cella videtur esse secundum mentem Sac. Congregationis, quæ, ut notavimus supra cap. 6. §. 6. q. 2. statuit, quod Confessarius non audeat ingredi monasterium ad excipiendam confessionem monialis infirmæ, quando hæc potest commodè adire confessionale. Unde à pari neque poterit ingredi clausuram ad ministrandum viaticum dictæ moniali, quæ cum non decumbat in lecto, nec sit viribus destituta, potest commodè adire ecclesiam ad illud suscipiendum. Attamen attendendæ sunt circumstantiæ, conditio scilicet morbi, symptomata, quæ ex motu possunt oriri, & alia hujusmodi, & in tali casu judicandum, an possit, vel non possit commodè adire.

Quar. 23. An ad solandam devotionem monialis infirmæ, quæ ob aliquod impedi- mentum non potest sumere viaticum, possit ei deferri Eucharistia, ut adoretur.

Resp. Non posse, quia in sæpius repetita Gregorii XIII. Constitutione non permittitur Confessario ingressus in clausuram, nisi in casibus necessariis; in casu autem proposito nulla apparet necessitas. Quod si tunc tem- poris contingeret, Confessarium ingredi ad communicandam aliam monialem, neque in tali casu posset deferri Eucharistia ado- randa prædictæ moniali, ut apertè statuitur in Rituali Romano Pauli V. rit. de comm. infirm. ibi. *Sed alicui adorandam solum, seu devotionis, seu cujusvis rei pretextu ad osten- dendum non deferatur.* Et ita tenent Ric- cius, Barbosa, & alii relati à Pasqual.

440 *De Infirmis, obligat. & Privileg.*
loc. cit. 9. 256. ubi fuisse decisum à Sac. Congregat. testatur ex Zerol. *in prax. Episc. p. 1. verbo Eucharistia §. 5.*

Quær. 24. An Confessarius in communione monialis infirmæ per modum viatici possit omittere verba præscripta in Rituali, *Accipe soror viaticum &c.* & uti verbis consuetis, *Corpus Domini, &c.*

Resp. Negant Tamburin. Quart. Cardinalis Brancat. & Clericat. de Euch. Sacram. *decis. 19. n. 12.* Ex quo enim verba illa præscripta sunt in Rituali, debent omnino servari. Nam Rituale Romanum, quo ad ea, quæ in ipso præscribuntur, facit jus. Si quidem Pontifex in Bulla eidem Rituali præfixa exhibet, quæ in ipso præscribuntur, tanquã de Jure servanda ut constat ex illis verbis *Inviolatè observens.* Tum quia prædicta verba sunt valdè proficua ex opere operantis tanquã ordinata ab Ecclesia, movente, & docente illam Spiritu Sancto.

Verùm Tonellius *in suo Enchir. tit. 1. c. 1. n. 6.* sustinet ex Pasqualigo non solum posse Confessarium ea omittere, sed etiam aliquando debere, ut si monialis minùs devotè, & cum magno animi mærore communionem per modum viatici sit receptura. Sufficit enim ad recipiendam communionem per modum viatici, quòd morbus sit periculosus, & Eucharistiam recipiat, quia solus actus sumendi Eucharistiam cadit sub præcepto, pro quo implendo non requiritur intentio saltem actualis, sed sufficit interpretativa, quia actus semper præsumitur gestus ex causa magis necessaria, & urgentiori, ut notant communiter Doctores.

Neque ex eo quòd prædicta verba sint in Rituali præscripta, inferitur, quòd sint de jure servanda. Quia, ut benè advertit Pignatel.

1.9. *consult.* 86. §. *Neque*, non omnia præscripta in Rituali cadunt sub præcepto, sed quædam præcipiuntur sub obligatione aliunde proveniente, quædam verò præscribuntur solummodo de decentia; nec authorizatio Summi Pontificis extrahit ea ab ordine suo, sed solum facit, quod intra ordinem suum rectè procedant.

Quer. 25. An moniali infirmæ possit pluries ministrari viaticum.

Resp. Affirmant communiter Doctores; discrepant tamen in assignanda temporis distantia, quæ inter unam, & alteram sumptionem debet intercedere. Nam posse repeti viaticum post commissum peccatum mortale, docent Tabiena, & Armilla; post triginta dies, Navarrus; post octo, aut decem, Henriquez, & Suarez; post sex, Possevinus; & Filliucius; post quatuor, Pasqualigus; tertio quoque die, Ludovicus à S. Joanne cum Vasquez; altero quoque die, Layman. Attendendam esse consuetudinem sustinent Caspensis, & Garzia. Placet sententia docens posse ministrari singulis diebus; quia hoc nõ obstat neque ex parte juris, cum nullibi reperiat prohibutum, neque ex parte Sacramenti, cum hoc ex natura sua sit iterabile etiam singulis diebus; è contra verò maximè prodest ægroto; & proinde, cum simus in favorabilibus animæ, amplianda est ministratio quantum fieri potest, consequenter ad singulos dies. Maximè quia, cum hoc Sacramentum sit institutum per modum cibi spiritualis refocillantis animam augmento gratiæ, ad peccati pericula superanda, & ad fugandas in illo statu tentationes occurrentes, consentaneum est, quodd, sicut quotidie anima in illis periculis versatur,

tur, ita quotidie subsidio, & ope ipsius ro-
boretur. Unde hanc sententiam amplectun-
tur Palaus, Martinus à S. Josepho, Dicastil.
& alii, quos refert, & laudat novissimè
Clericat. *loc. cit. n. 11.*

Quar. 26. An in eadem infirmitate, va-
riato tamen statu, possit moniali extrema.
Unctio pluries ministrari.

Resp. Affirmativè cum D. Thom. commu-
niter recepto in 4. *dist. 23. quest. 2. art. 4. quest.*
2. Quia effectus Sacramenti non se extendit
ultra statum periculosum morbi; unde cessato
priori periculo, & novo superveniente po-
test repeti Sacramentum; nam adveniente
novo periculo, nova quoque supervenit hu-
jus Sacramenti indigentia. Neque ad hujus-
modi repetitionem necesse est, vel quòd in-
firmitas sit diuturna, qualis est paralyfis, hy-
drops, aut Ethica, ut requirunt Durand. D.
Antonin. & D. Bonavent. vel quòd elabatur
annus, ut vult Albert. vel saltem quòd inter-
ruptio sit magna, ut Suarez; vel quòd in-
firma nova commiserit peccata venialia, ut
Paludan. sed sufficit, quòd juxta peritorum
judicium recedat prius periculum, & novum
adveniat, sive longum, sive breve tempus
intercesserit. Quia non tempus, sed immi-
nens mortis periculum est fundamentum re-
petendi extremam Unctionem, ut tradunt
Nugn. Hurtad. Gabrieli. Tamburin. & alii
apud Pasqual. *loc. cit. qu. 434. num. 8.* Qui ta-
men *qu. 435.* negant; posse repeti si durante
eodem periculo, novum cujuscumque gene-
ris superveniat, quia auxilia non dantur con-
tra morbum corporalem, sed contra spiri-
tualem, qui non variatur ex variatione mor-
bi corporalis, aut, si per accidens crescit,
sufficiunt auxilia jam debita, quia dantur
juxta.

juxta exigentiam, quæ contingit toto tempore morbi periculosi.

Quar. 27. An valeat legatum annuum relictum monialibus pro necessitatibus infirmarum, si moniales ex instituto solis elemosynis vivant.

Resp. Valere tradunt Ananias, Rodriqu. & Portel. *in dub. regul. v. legatum num. 7.* Quia legatum factum pro necessitatibus infirmarum, non monialibus propriè fit, sed loco pro infirmis deputato. Negat Sanchez *in sum. lib. 7. cap. 26. n. 47.* quia legatum hujusmodi tollit rigorosam mendicitatem, quam profitentur, cum deserviat pro necessariis infirmarum alimentis, & medicinis, quæ nomine alimentorum etiam comprehenduntur. Utramque opinionem probabilem putat Diana *in Opere coord. tom. 7. tract. 1. resol. 223.*

§. VII.

De Infirmaria obligationibus, & Privilegiis.

Quar. 1. **Q**ua diligetia, & cura debeat Infirmaria vacare suo ministerio.

Resp. Teneri vacare ea diligentia, ac cura quam ministri infirmorum passim solent adhibere; ad insolitam & extraordinariam non teneri; quia talis præsumitur ejus intentio; dum suscipit tale munus, ne alioquin nimis se gravet, sibi met imponendo onera importabilia. Tum quia ubi agitur de obligatione, stricta adhibenda est interpretatio; unde etiam obligatio infirmariæ debet interpretari, ita ut obliget minùs quàm fieri possit, atque adeò non debet extendi nisi ad diligentiam communem, & ordinariam.

Quar. 2. In quibus præcipue Infirmaria possit peccare.

Resp. Ex Villalob. & Castropal. peccare mortaliter, quando relictis remediis assignatis à Medico, aliis pro sua voluntate utitur, & aquam, aut vinum infirmis proponat, ut earum voluntatis satisfaciatur. Exponit enim infirmas absque ratione manifesto periculo moriendi, saltem citius. Item si tempus pro tradendo pharmaco, vel cibo præscriptum à medico, non servet, aut indigentis infirmarum non provideat, vel Abbatissam de prædictis indigentis non admoneat, si inde damnum, vel incommodum aliquod notabile infirmis emergat. Barchius in *Specul. Relig. c. 25.* Quia cum ratione muneris teneatur medico obedire, & infirmis providere, est causa indirecta damni, vel incommodi, quod consequitur ex omissione.

Quar. 3. An infirmaria teneatur cum periculo vitæ parere Abbatissæ præcipienti, ut monialibus contagioso morbo laborantibus inserviat.

Resp. Videri, quod non, ob rationem D. Tho. 2. 2. *qu. 104. art. 5.* Quia in pertinentibus ad corporis sustentationem omnes homines natura sunt pares. Nihilominus in contrarium facit, quod Superior potest præcipere omnes illos actus exteriores, necessarios ad commune illud bonum, cuius curam gerit, & tunc subditi etiam cum periculo vitæ tenentur obedire; sicut Rex pro civitatis defensione potest subditis præcipere præliationem, quæ semper est cum periculo vitæ. Tum quia malè provisum esset in Religione fraternæ charitati, si tempore contagiosæ infirmitatis possent sanè se subtrahere, desertis infirmis sine remediis, & servitute.

Ita

Ita Caiet. Rodriq. Peyrin. & Sanch. *in decal. lib. 6. c. 2. n. 56.* Quòd tantò certius procedit in Monialibus Oblatis, quæ inserviunt infirmis, & sine dote ad hunc effectum sunt ad Monachatum admissæ, & receptæ, ut toto vitæ suæ tempore infirmis deserviant. Tamburin. alios referens *de jur. Abbatif. disp. 12. q. 2. n. 25.* Qui tamen excipit ab hac regula monialem illam, quæ esset admodum infirmæ valetudinis, vel cuius vita esset valdè utilis bono communi religionis.

Quar. 4. An Infirmaria possit licitè egrediè clausura ad vocandum medicum, vel Confessarium ex repentina oborta necessitate alicuius monialis infirmæ ad extremum vitæ à morbo adductæ, & alius non adsit, qui possit vocare.

Resp. Affirmat Cassian. à S. Elia *v. clausura num. 161.* modò sit spes, medicum esse profuturum, aut probabiliter timeatur eam esse in mortali peccato. Ratio est: Quia præcepta Ecclesiæ non impediunt maius bonum, quia ita præscribunt bonum, ut si hoc bonum sit impeditivum alterius boni maioris, cesset ipsum obligatio ex generali intentione eiusdem Ecclesiæ. Unde cùm in præfenti casu subventio proximi extremè indigentis sit maius bonum, quam observantia clausuræ, illa enim provenit à virtute charitatis, hæc obedientiæ, obligatio primæ prevalere debet & secundæ cessare.

Quar. 5. An, & quibus in casibus Infirmaria excusetur ab audienda Missa.

Resp. Excusari, si illius assistentia est saltem necessaria, ne infirma notabiliter tristetur, nec habet, quas substituat. Ita communiter Doctores, quos approbans refert Pasqual. *de Sacrif. nov. leg. qu. 1328.* qui hoc
ada

admittite etiam si assistentia nō esset necessaria, si tamen bona fide putaretur necessaria. cum sufficiat, ut apprehendatur ut talis: nā tunc formatur recta conscientia, quōd liceat omittere auditionem Missæ. Subdit insuper, idem dicendum, si infirma pro sua satisfactione vellet, Infirmariam sibi assistere, quamvis aliæ substitui possent, si non obsequi illius voluntati esset causa, quōd tristaretur, vel indignaretur, cum excitatio harum passionum possit infirmæ notabiliter nocere. Neque infirma in tali casu peccaret impediendo infirmariæ pro tunc nō sibi necessariæ auditionē Missæ; quia complacentia illa, quā percipit ex ipsius præsentia, affert illi aliquod solamē, absentia verò tristitiam, & ideo habere potest motivū sufficiens, ut detineat ab audienda Missa.

Quar. 6. An Infirmaria possit in diebus prohibitis comedere aliquid carniū, ut excitet in infirmis appetitū, & inducat ad comedendū.

Resp. Affirmant Navar. Sanch. & Diana p. 5. tra. 5. res. 32. Quia stante parvitate materiæ non adest materia integra prohibita, atque adeo nec materia peccati mortalis; quia verò apponitur finis honestus, & quem charitas imperat, definit etiam esse materia peccati venialis, quia ex fine appposito subtrahitur à ratione sub qua prohibetur, & constituitur in ratione honesti.

Quar. 7. An occupatio in deservendis pluribus infirmis sit causa sufficiens excusandi Infirmariam à jejuniō.

Resp. Ex Pasqual. de jejun. dec. 339. n. 5. affirmative, quia tale servitium exigit continuam assistentiam, quæ secum trahit magnum laborem. Hoc autem est intelligendum de ea quæ parat cibos pro infirmis, & in ceteris servitiis. neces-

necessariis ipsis ministrat, non de ea quæ solum assistit. Neque pariter tenetur ad jejunium die sequenti, si per totam præcedentem noctem, vel majorem partem assistat alicui infirmæ: talis enim assistentia, quia privat debito somno, causat magnam debilitatem, unde superveniens jejunium esset nimis onerosum. Ita ex Ledesma, & Rodriq. Pasqual. *loc. cit. num. 6.*

Quar. 8. An & quando infirmaria ab Officii recitatione excusetur,

Resp. Excusari, quando ita est in infirmarum servitio occupata, ut totum diei tempus, quod necessitatibus corporis moraliter, & sine magno incommodo subtrahi potest, in earum indigentis sit infumendum. Charitatis enim præceptum urgentius, & excellentius est præcepto recitationis Officii, & proinde hoc cessare debet, utpotè impeditivum majoris boni. Ita Sotus, Sanch. *t. 2. cons. l. 7. c. 2. du. 51. n. 2.* & Suarez *t. 2. de relig. lib. 4. cap. 28. n. 35.* Ex quo pariter deducitur esse excusandam, etiã si aliqua modica diei pars pro honesta animi relaxatione superesset. Quia sicuti ob recitandas horas canonicas non tenetur subtrahere tempus cibo, & quieti, ita neque honesta relaxationi, cum hæc non minus necessaria sit ad corporis levamen, quàm refectio, & somnus, maxime si vires essent ex præcedenti occupatione defatigatæ. Quod si occupatio non sit integræ diei, tunc infirmaria debet hujusmodi occupationis tempus prævenire, vel recitationem post ponere, quia præceptum obligat pro tota die. Potest tamen excusari, quando impedimentum repentinum prævidere non potuit, vel quando ad illud non advertit, Suarez *loc. cit.*

§. VIII.

De Aromataria obligationibus, &
Privileg.

Quær. 1. **A**D quid teneatur Aromataria.

Resp. Quæ suæ artis sunt tene tur scire. Et enim lex tam naturalis, quam humana prohibet, ne quis artem, quam ignorat, exerceat ut *in cap. non est sine culpa de regul. jur. in 6.* Neque sufficit, quòd instructa sit quo ad artis præcepta, & regulas, sed debet etiam esse instructa quo ad practicam, cum ex istius deficientia possint plurima, & gravia infirmis oriri incommoda. Tenetur quoque debitam in conficiendis pharmacis adhibere diligentiam, quia omnibus munus aliquod exercentibus obligatio inest, ut illud diligenter exercent. Abb. *in cap. ad aures, num. 3. 4. & 6. de stat. & qualis.*

Quær. 2. An possit de se, & inconsulto medico pharmacum aliquod infirmis præbere.

Resp. Si habeat aliqua particularia medicamenta ad speciales morbos, nempe ad sanandas oculares fistulas, dolores dentium, & alia huiusmodi, & experta fuerit prodesse, potest utique illa præbere. In aliis casibus non potest; quia cum non habeat scientiam, & artem ad curandos morbos, manifesto vitæ periculo infirmas exponeret; imò neque potest, etiam si aliqualem habeat experientiam, quia exponeret se periculo occidendi infirmas, & contraveniendi decalogi præcepto *Non occides*. Sicut de Medico asserit Silvest. *in sum. v. Medicus, qu. 1.*

Quær.

Quar. 3. An licitum sit Aromatarię præbere poculum moniali gravidæ ad procurandum abortum fœtus inanimati, ne fama periclitetur monasterii.

Resp. Negativè cum communi Doctorum, quia abortus fœtus inanimis est peccatum gravius pollutione, cum proximius opponatur generationi. Sicut ergo in nullo casu est licita pollutio, ita neque abortus fœtus inanimati. Unde meritò oppositū damnatur ab Innocentio XI. in propositione 34. sub qua tamen valdè dubitat Lumbier, an præsens casus comprehendatur, quia, ait ipse, propositio præscripta loquitur quando agitur de vitanda infamia puellæ. non verò de vitanda infamia religiosi cœnobii, quod valdè diversum est, adeoque prohibitio, subdit idem Doctor, ad præsentem casum non videtur extendenda, quia strictæ interpretationis est, utpotè odiosa. Resolvit tamen illicitum esse etiam in præsentem procurare abortum fœtus inanimati, quia ad evitandam infamiam coram sæcularibus est aliud medium, scilicet præcipiendo in virtute sanctæ obedientiæ observationem secreti.

Concineri pariter præsentem casum sub damnatione, patet, quia præfata propositio in tantum proscribitur, in quantum asserit esse licitum procurare abortum puellę ex periculo proveniēte ab extrinseco, quale est periculum vitæ, & famæ. Cum igitur etiam periculum diffamationis monasterii sit periculū proveniens ab extrinseco, remanebit quoque damnata propositio asserens esse licitum procurare abortum monialis, ne infametur monasterium. Neque fit extensio prohibitionis ad casum, sed casus dicitur comprehensus ex identitate rationis.

Pec-

Peccat igitur Aromataria pharmacum præbens ad procurandum abortum fœtus inanimis, & si est animatus contrahit etiam excommunicatorem Sixti V. dummodò tamen sequatur effectus. An autem effectu non secuto incidat in casum reservatum, asserit Belloch. Zech. & Bonac. negat aliis relatis Diana in opere coord. tom. 5. tract. 4. resol. 26. ubi advertit hoc non procedere, si monasterium subdatur Regularibus, quia quo ad illos ex Decreto Clementis VIII. etiam effectu non secuto inducitur reservatio. Quod si dubium, sit an fœtus fuerit animatus, Moura, Præpositus, & Macadus putant non incidere in reservationem, quia reservatio ad casus dubios non extenditur tanquam odiosa, nisi aliud exprimatur. At in oppositum est communis sententia, quia in dubiis tutior pars est eligenda.

Quar. 4. An Aromataria possit lucri causa vendere extraneis medicamenta.

Resp. Extare pro Urbe Romana, ejusque districtu decretum Visitationis Apostolicæ die 29. Augusti 1637. quo prohibetur tam Superioribus quorumcumque Ordinum in Urbe, ejusque districtu existentium, quàm particularibus Religiosis quibuscumque, ne in posterum siue religionis nomine, siue particulari audeant, & præsumant per se, vel per alios in suis Conventibus artem aromatariam exercere, præter quàm pro suis Religiosis, & Ecclesiasticis, pharmaca vendere etiam prætextu amicitiae, & familiaritatis, absque speciali licentia in scriptis obtinenda. Unde cum hoc decretum sit pro Urbe Roma ejusque districtu, in aliis partibus standum est juri communi ut resolvit Sac. Congregat. Episcop. & Regular. in Neapolitana. 5.

Octobr. 1646. Jus autem commune non videtur prohibere hujusmodi venditionem ; pharmaca enim artificium honestum sunt, & non propriè negotiatio. Maximè quia in hoc non tam spectatur lucrum, quàm utilitas infirmarum, dum enim extraneis venduntur, frequentius renovantur medicinalia, unde monialibus infirmis subministrantur recentiora, atque adeò magis utilia. Quod etiam declaravit eadem Sac. Congregat. in *Neapolitan. 26. Maji. 1602.* & in una Dominicanorum 11. *Octobr. 1647.*

Quar. 5. An Aromataria vendens, ut supra, medicamenta possit recipere pretium juxta taxam Aromatariis sæcularibus factam.

Resp. Videtur quodd sic ; quia taxa non statuit pretium tanquam privilegiū Aromatariorum sæcularium, sed tanquam pretium justum medicinaliū. Unde quicumque illa vendit, potest recipere juxta taxam, quia recipit pretium justum. Verum oppositum sustinendum cum Navarra *lib. 3. de restitut. c. 2. n. 40.* & Reginaldo in *Praxi lib. 25. num. 281.* Quia in taxatione justii pretii non tam habetur respectus ad valorem medicinalium in se, & ad alias circumstantias, puta industriam, laborem &c. sed etiam ad expensas, quas subeunt Aromatarii sæculares in conductione officinæ, solutione vectigalium, salario famulorum, &c. à quibus omnibus expensis sunt exemptæ moniales. Unde pretium, quod est justum respectu Aromatariorum sæcularium, injustum est respectu monialium, quia deductis illis expensis, excedit valorem medicinalium.

Quar. 6. An possit vendere quid pro quo.

Resp.

Resp. Non posse. Tum quia e mentem decipit, dando aliam substantiam ab expectata: tum quia certum pretium recipit pro incerto medicamento: tum quia saluti infirmi non contulit, & utinam aliquando illam non offendat, dum medicamentum illud suppositum fortasse dissimile est, quamvis non videatur dissimile. Quare confurgit obligatio refarciendi omnia damna ex tali deceptione, fortè secuta. Solùm excusari potest, si certa sit supposititias res pollere eadem virtute, & fore æquè, vel quasi æquè utiles e menti. Tenetur tamen restituere excessum pretii, si fortè acceptus est supra justum pretium rei traditæ (etiam si ejusdem fuerit utilitatis) vel supra pretium, quo emptor rem eandem alibi fuisset empturus.

Quar. 7. An possit Aromataria vendere pharmaca minori pretio consanguineis, vel amicis, donando illis quod ipsi deberetur ratione industriæ, & laboris.

Resp. Negat Bordonus, quia labor ille est pretio æstimabilis, unde Aromataria donando suum laborem disponderet de re pretio æstimabili, quod est contra votum paupertatis. Dissentit Joannes de Lugo *disp. 3. de just. num. 149.* quia religiosus sine præiudicio paupertatis potest aliteri inservire, eique gratis operam suam præstare. Distinguunt alii: vel Aromataria degit in monasterio, in quo viget præceptum, aut consuetudo; ut moniales operas suas, & lucra inde percepta conferant in bonum commune; vel degit in monasterio concedente monialibus, ut pro se laborent, & sibi metipsis lucrentur. Non potest si in primo, quia præsumi non potest licentia Abbatissæ, obstante consuetudine, vel præcepto. Potest autem si in secundo, quia

quia Abbatisſa rationabiliter non cenſetur invita, cū nihil damni reſultet monaſterio. Poterit etiam pharmacum aliquod levioris momenti pauperibus ſubminiſtrare ex præſumpta licentia Abbatiſſæ, quæ præſumitur habere erga pauperes charitatem. Imò poterit etiam, renuente Abbatiſſa, ſi pauperes verſentur in extrema neceſſitate, alibi docuimus cum D. Thoma.

Quæſt. 8. An liceat Aromataria venenum vendere.

Reſp. Si venenum talis nature ſit, ut non niſi ad malum poſſit deſervire, non licet; quia eſſet præbere materiam peccati, & alieno peccato cooperari. Conveniant omnes Doctores. Si verò ſit indiſſerens ad bonum & malum uſum, & Aromataria neſciat, aut tantum dubitet, an emens eo ſit abuſurus, poteſt vendere ob finem juſti lucr i, & honeſti, dummodo non intendat, ut emens eo malè utatur. Quia quando actio aliqua eſt de ſe indiſſerens, qui bono fine ad illam cooperatur, non peccat, utitur enim jure ſuo. Reginald. in *Praxilib.* 25. num. 263. Si autem ſciat, vel ſaltem probabiliter credat, ementem veneno abuſurum vel ad occidendum proximum, vel ad vitam ſibi adimendam, adhuc poſſe vendere ſuſtinent Caietan. Angel. Navar. & Lorca, quia pravus uſus ementis non eſt volitus directè, neque indiſſerè; eſt enim effectus per accidens, & non per ſe conſequens, qui proinde non imputatur, etiam ſi ſit præviſus, dummodo non ſit intentus, ut ex D. Thom. 2.2. q. 74. art. 8. & q. 20. art. 5. Oppoſitum approbo cum Armilla, Tabiena, Reginaldo loc. cit. & aliis. Quia ſuppeditare alteri materiã iniurioſè nocendi, vel ſibi, vel proximo, eſt contra

tra charitatem, aut contra iustitiam, vel potius contra utrumque.

Quar. 9. An liceat Aromataria pharmaca conficere in die festo.

Resp. Negative. *Sot. lib. 2. de iust. qu. 4. art. 4. ad 3.* quia opus servile est, quod sola necessitas facit licitum in die festo. Unde ea tantum pharmaca, quæ pro præsentis diei necessitate deserviunt, potest Aromataria componere, vel ea jam composita vendere omnibus horis, sicut qui herbas, pisces, & aves deferunt, *Sac. Congregat. Vicario Andrianen. 16. August. 1593.* Neque licet rosas, violas, & alia huiusmodi saccaro condire, vulgò, *far Conserve, Alcozer, & Sanch. tom. 2. cons. lib. 5. cap. 2. dub. 18. num. 5.* neque aquam ex herbis per stillarium extrahere, quia hæc quoque servilia sunt. Excusare tamen, ut diximus, potest necessitas, quæ facile contingere potest, si ex dilatione flores, & herbe languescerent, earumque virtus deperiret, Vel si tanta esset aquarum distillandarum copia, ut intra tempus aptum tota pro usu totius anni provideri non posset. Ex prædictorum enim carentia magnum monasterio resultaret incommodum, quod sicuti in aliis casibus per Doctores excusat, debet in præsentī pariter excusare.

Quar. 10. In quibus aliis possit peccare Aromataria.

Resp. Peccare, si in componendis pharmacis non omnia apponit præscripta à medico, *Duard. in cap. utriusque sextus tom. 2. disp. 16. sect. 2.* Vel si apponit, illa tamen sunt vetusta, vel non exigitam virtutem habentia, unde medicamentum parum prodest infirmo; *D. Antonin. part. 3. tit. 8. cap. 4. §. 6.* Item si inutilia, & multo magis si nociva im-

immisceat, mortaliter peccare, nisi excusetur
 materiæ parvitas, communiter fatentur Do-
 ctiores. Et in prædictis casibus non solum
 lædere charitatem, sed etiam iustitiam, a-
 deòque teneri ad omnia damna inde secuta,
 traditaliis citatis Homobon. *in comment. re-
 salut. tract. 10. cap. 4. q. 12.* Non peccat tamen
 si in conficiendis medicamentis tantum aquæ
 vel alterius liquoris immisceat, quantum ad
 medicamenti compositionem est necessarium
 quamvis eodem pretio medicamenti vendat,
 Trullench. *in decal. tom. 2. lib. 7. cap. 20. dub. 11
 num. 5.*

§. IX.

*De Celleraria obligationibus, &
 Privilegiis.*

Quar. 1. **A**N Celleraria, cui bonorum
 Monasterii incumbit admi-
 nistratio, possit aliquid de iisdem bonis in
 justam donationem, aut alienationem ex-
 pendere.

Resp. Non posse, nisi id, quod ab Abbatissa
 illi commissum est. D. Thom. 2. 2. q. 32. ar. 8. ad
 1. Ex quo fit, eam mortaliter contra votum
 paupertatis peccare, si in alios usus; præter
 deputatos, quantumvis illi liciti sint, & com-
 munitati deserviant, rem expendat, absque
 expressa, vel præsumpta Abbatissæ voluntate
 quia exercet actum dominii, & sibi commissæ
 administrationis metas excedit. Manuel. San-
 ch. & Peyrin. t. 1. de subd. q. 2. c. 2. §. 9. qui tamē
 putat non peccare mortaliter subministrans
 moniali indulgenti aliquod necessarium in-
 justè ab Abbatissa denegatum, quia in eo ca-
 su Abbatissæ sup'et defectum.

Quar.

Quar. 2. An de præsumpta Abbatisſæ licentia poſſit remunerare merita, & obſequia ab extraneis adminiſtrationi præſtitata, & alias non debita.

Reſp. Poſſe, attentis tamen viribus, & legibus ſuæ adminiſtrationis, nec non inſpectis meritis, accircumſtantiis, non ſolum quando merita pariunt actionem ex juſtitia, ſed etiam quando ejus ſunt naturæ, ut hominem deceat eſſe gratum, ac obligent ad antidota. Ita poſt alios Trullench. *in decal. l. 7. c. 27. dub. 8. n. 4.*

Quar. 3. An peccet Celleraria contra votum paupertatis diſtribuendo bona Monaſterii non juxta mentem Abbatisſæ, ſed proprio arbitratu.

Reſp. Peccare ſaltem venialiter, ſi det plura aut pauciora, meliora aut deteriora, quam ſciat velle Abbatiſſam; quia partē enim recedit a mente Abbatisſæ, incurrit in vitium proprietatis, diſpenſando ac ſi eſſet domina, nullatenus ab alterius pendens arbitrio. Leſſius *lib. 2. cap. 41. num. 178.* aliique communiter.

Quar. 4. An peccet Celleraria, ſi celeſt Abbatisſæ ſummam aliquam notabilem pecuniæ expendendam in uſibus utilibus Monaſterio, invita tamen Abbatiſſa.

Reſp. Peccare ſi Abbatiſſa ſit rationabiliter invita, & quidem non ſolum quoad modum, ſed etiam quoad ſubſtantiam; quia Celleraria, cū ſit adminiſtratrix bonorum monaſterii dependenter à principali adminiſtratrice, quæ eſt Abbatiſſa, non poteſt ea adminiſtrare, niſi ex voluntate ipſius ſive expreſſa, ſive tacita; Mandatarius enim debet diligenter obſervare fines mandati, *l. diligenter ff. mandati*. Unde ſi aliter adminiſtraret, iis

nis uteretur, ac si essent propria, atque adeo secundum hoc censeretur proprietaria. Si vero Abbatissa est invita quoad modum tantum, non peccat nisi venialiter. Et si irrationabiliter sit invita, nullam culpam committit, quia tunc utiliter Monasterii negotiū gerit, & operatur ex voluntate presumpta superioris Prælati, qui si adesset, illam expensam fieri omninò vellet.

Quar. 5. An peccet, si monialibus tam sanis, quam infirmis necessaria abundanter non provideat juxta religionis statuta.

Resp. Ex Peyrino tom. 2. q. 1. cap. 5. §. 1. num. 58. Affirmativè; ex quo enim Moniales per professionem religioni nomen dederunt, eique incorporatę serviunt juxta vocationem suam, dignę sunt ex justitia mercede sua, & jure naturę sunt participes quoad necessaria bonorum temporalium, & spiritualium ipsius religionis. Excusari solū potest à necessariis ministrandis propter monasterii inopiam, & tunc communis paupertas est ab omnibus toleranda.

Quar. 6. An de Monasterii bonis possit largiùs distribuere amicis monialibus animo illas gratificandi, & quidem propria auctoritate.

Resp. Ex dictis non posse, & contraveniendo peccare, cum enim sit simplex bonorum Monasterii administratrix, non potest administrare bona commissa, nisi juxta voluntatem domini, qui in casu nostro est monasterium. Hinc à fortiori dicenda est peccare si ita abundanter aliquibus provideat, ut alię ea de causa graviter indigeant, quia fit aliis injuria, cum communis bonis pro indigentibus sint communia. Rodriq. & Peyrin.

Quar. 7. An Celleraria possit sibi aliquid applicare de bonis monasterii ob laborem officii.

Resp. Non posse, quia ex vi professionis, & contractus initi cū monasterio tenetur ex iustitia inservire. Imò neque ob labores extraordinarios, & ultra obligationem susceptos, quia semper talis applicatio est actus dominii, cujus est incapax ratione voti.

Quar. 8. An possit de bonis monasterii aliquas eleemosynas erogare.

Resp. Posse facere eleemosynas illas, quæ consueverunt per Cellerarias dispensari. Quia Abbatisa committens officium censetur eo ipso committere consueta in illo officio exerceri. Ita Azor. & Tamb. ex D. Thom. 2.2. q. 32. art. 8. Imò si Celleraria facultatem habeat expendendi summam aliquam in utilitatem monasterii, poterit eam in pias eleemosynas erogare, quia eleemosyna cedere solet in monasterii splendorem, & decentiam, ac proinde in ipsius utilitatem, Salmat. in Theol. moral. 1.3. tract. 13. c. 6. punct. 7. n. 90. Unde poterit etiam aliis ejusdem monasterii monialibus distribuere, quia utilitas non modica monasterii est monialium indigentias sublevare; quo minùs enim indigent, eo majori attentione divinis incumbunt, magisque à sæcularibus curis se abstinere.

Quar. 9. An Celleraria quæ ut supra, de commissione Abbatisæ potest aliquas eleemosynas pauperibus distribuere, possit in monasteriis, in quibus non servatur vita communis, sibi, vel aliis monialibus illa applicare.

Resp. Videtur negativè resolvendum, quia eleemosyna, cū sit sublevatio alienæ miseriæ, necessariò est ad alterum. Unde si Celleraria talem pecuniam sibi, vel aliis monialibus appli-

pli-

plicaret, illa applicatio non haberet rationem eleemosynæ, quia non esset ad alterum, nam dominium semper remaneret apud eundem dominum, nempe apud monasterium, cum moniales ex vi voti paupertatis nihil sibi possint acquirere.

Adde: quod, quando Abbatisa committit Cellerariæ distributionem eleemosynæ, censetur committere secundum id, quod de ordinario solet praticari; vera enim mentis interpretatio desumitur à practica, Bald. *in cap. 1. in princip. de feud. sin. culp. non amit.* de ordinario autem eleemosyna distribuitur extraneis. Maximè quia, cum paupertas tam Cellerariæ, quàm aliarum monialium sit cognita Abbatisæ, si vellet eleemosynas illis ipsis applicari, id exprimeret. Quare si Celleraria distribuit sibi, vel aliis, non distribuit juxta commissionem Abbatisæ. Unde peccat contra justitiam, quia privat pauperes illa eleemosyna, quæ, supposita applicatione Abbatisæ, est ipsis debita & peccat etiam contra paupertatem, quia excedit facultatem suæ commissionis, atque aded agit nomine proprio, & ut domina, quod est directè contra votum paupertatis. Sic D. Thom. 2. 2. q. 3. art. 8. ad 1.

At oppositum etiam sustinendum videtur per ea, quæ tradunt Sanch. *in sum. t. 1. lib. 4. cap. 49. num. 62.* & alii relati à Barbosa *de off. & potest. Episc. par. 3. allegat. 83. num. 25.* qui asserunt, quod religiosus electus à testatore ad distribuendam pauperibus eleemosynam, potest monasterio, vel sibi, vel aliis religiosis talem eleemosynam dispensare; militat enim in utroque casu par ratio. Nam Cellerariæ etiam in proposito commissa est ab Abbatisa distributio eleemosynæ inter paupe-

res, unde cum verè tam ipsa, quam alie moniales sint pauperes, si sibi, vel istis distribuit, facit juxta formam mandati, & adimplet mentem Abbatisiæ.

Neque Celleraria, aut aliæ moniales censerì debent exclusæ, quia presumendum est, quod Abbatisia committat dispensationem secundum exigentiam, & ordinem charitatis; ordo autem charitatis postulat, ut succurramus magis indigentibus, magisque nobis conjunctis, quales sunt moniales respectu Abbatisiæ, cujus sunt filiæ spirituales, & versantur in majori necessitate, quia indigentia est magis in monialibus periculosa, *cap. 1. de stat. regul. in 6.* Et in hoc salvatur etiam quòd eleemosyna sit ad alterum, si non secundum jus proprietatis, quia moniales sunt incapaces proprii ratione voti, saltem secundum usum, cujus sunt capaces, Bartol. quem secutus est Abbas *cons. 440. num. 1. lib. 2.*

Quar. 10. An Celleraria possit sive intra, sive extra monasterium sine licentia Abbatisiæ mutuare, aut commodare res monasterii, etiam si sint magni valoris, quando certa est de restitutione.

Resp. Non posse, præcipuè si res illæ sint per longum tempus mutuandæ, aut commodandæ, quia notabiliter deteriori possunt; & frequenter has res mutuare, ægre ferunt Superiores. Ita Graz. Lugo, Tamburin. & Ioan. de la Crux *in epit. lib. 1. cap. 3. dub. 4.* Qui tamen concedit, posse Cellerariam res magni valoris commutare, inconsulta Abbatisia, quando monasterium ex hac commutatione nullum patitur detrimentum. Quia talis commutatio non habet rationem distractionis, aut consumptionis, cum

mo-

monasterium semper remaneat cum æquali valore, ac proinde non censetur Abbatiſſa rationabiliter invita quoad substantiam, & sic datur ejus licentia tacita. At nequaquam posse tenent Sanch. Peyrn. & Barth. à S. Fausto; quia commutare actus dominii est, cum transferat dominium rei in alium idque validè fieri nequit nisi ab habente dominium rei, vel illius absolutam administrationem.

Quar. 11. An Celleraria teneatur ad restitutionem, si ex sua culpa pereant aut deteriorentur bona monasterii suæ custodiæ, vel dispensationi, aut administrationi commissæ.

R. p. Non teneri, si hoc contingat ex culpa levi, aut levissima. Solùm enim se obligavit ad exercendum officium diligenter, & accuratè, sicut solet ab aliis ejusdem conditionis, & generis communiter exerceri. Ita Sotus, Lessius, Vasquez, & alii, qui solummodò illam obligant, quando intervenit lata culpa, quin perinde est, ac si dolo ea destrueret, nam lata culpa dolo æquiparatur in jure. Excusari tamen potest, si pereant, aut deteriorentur ex inconsideratione, aut oblivione inculpabili, quia nulla interveniente culpa theologica, nulla intervenit injuria, atque adeò nulla restitutionis obligatio, quæ tantùm oritur à gravi culpa.

§. X.

De Janitoria , Rotaria , & Auscultatricum obligationibus.

Quar. 1. **Q**uales esse debeant Præfectæ Rotæ, & Januæ.

Resp. Debere esse irreprehensibilis vitæ, discretas, prudentes, & quæ sæcularium oculis bonis moribus sint spectabiles. Ostiaria sit supra 40. annos, Sac. Congreg. in Bononien. 30. Junii 1617. ejusdem quoque ætatis. Rotaria, nisi aliter prudentiæ Episcopi visum fuerit. Ità in edicto Visitationis Apostolicæ apud Pignatell. r. 6. consult. 85. nam. 95. Neque Rotaria, neque Portinaria monialem ullam ad crates, aut rotas vocare debent, nisi persona extranea habeat licentiam subscriptâ ab Episcopo, vel ejus deputato; & nisi monialis collocutura licentiam pariter obtinuerit ab Abbatissa. Aliter contravenientes sunt ipso facto privatæ voce activa, & passiva per tres menses. Sub iisdem pœnis prohibetur eisdem Rotariæ, & Portinariæ, ne mittant, aut recipiant litteras, munera, aut alia, nisi præcedente inspectione Abbatisæ, & ejus licentia. Sac. Congreg. 20. Septemb. 1593. apud Pignatell. consult. cit. n. 179.

Quar. 2. An peccent Portinaria, & Rotaria januam, & rotam respectivè non custodientes.

Resp. Si faciant ex inadvertentia, certum est non peccare, immò addit Cespèdes de dub. milit. dub. 16. neque si advertere teneatur. Sic nauta, cui navis gubernium commissum est, non peccat si ex inadvertentia omittat, licet teneatur advertere. Hoc tamen.

men non placet Zumel. Valent. & aliis, qui
advertere, & debere advertere, sicut sciri
& debere scire, sunt paria. Si verò omissio cu-
stodiæ procedat ex negligentia, ex qua maxi-
mè moniales capient occasionē colloquendi
cum extraneis, & extra mittendi res prohibi-
tas cum periculo earum spirituali, talē omis-
sionem mortaliter peccaminosam esse non du-
bito, quia omnibus exercentibus aliquod of-
ficium hæc communis obligatio est, ut illud
cum debita cautela, & diligentia exerçant,
ut habetur ex Panormit. in c. ad aures, n. 3. de
stat. & qual.

Quar. 3. An Rotaria, & Portinaria, si vi-
deant ad januam, vel ad rotam delicta aliqua
in oculo à monialibus perpetrari, teneantur
revelare Abbatissæ.

Resp. Si moniales delinquentes fraternè ad-
monitæ à sua nequitia non desistant, tenen-
tur Rotaria, & Portinaria deferre Abbatissæ,
ut resipiscant, quia bonum illarum spirituale
bono famæ debet præponderare, Molina. Di-
castil. Bannes, & alii. Quod à fortiori
procedit, quando delicta illa vergunt in præ-
judicium communitatis; quia secretum non
potest obligare contra justitiam, & charitatē
alteri debitam. Rotaria autem, & Portina-
ria ex justitia, & charitate tenentur damna
religionis præcavere; à qua obligatione non
sunt immunes, etiam si promississent cum ju-
ramento non revelare; quia juramentum non
potest esse vinculum iniquitatis. Ita Docto-
res citati.

Quar. 4. An peccent Rotaria, & Portina-
ria videntes, & non impediētes moniales,
quæ recipiunt, aut mittunt litteras sine li-
centia Abbatissæ.

Resp. Peccare, si extet præceptum regu-
læ;

le, aut Superioris, vel vigeat constitutio Clementis VIII. prohibens, ne litteræ, seu Epistolæ ullo modo à monialibus scribantur sine licentia Superiorum, nec recipiantur, nisi priùs lectæ fuerint à Præfecta monasterii. Ratio est, quia licet negativè se habeant, indirectè tamen, & interpretativè per voluntariam oruissionem ejus, ad quod tenentur, censentur violationi præcepti, & monialium malo cooperari: & proinde deliquunt; nisi moniales essent talis conditionis, ut probabiliter judicari posset, Abbatissam daturam facultatem, si peterent, aut saltem ratum postea habituram, si sciret. Vei nisi ex consuetudine, aut patientia Abbatissæ scientis, & dissimulantis receptum esset, ut non tam severè nec cum tanto onere munus obeant custodiendæ rotæ, vel portæ. *Dicastil. tract. 2. disp. 4. dub. 8. n. 165. & Rebel. lib. 2. g. 16. nu. 2.*

Quar. 5. An Rotaria, & Portinaria peccent, si occasione muneris, curiosius inquirant ab extraneis ea, quorum notitia ad ipsas nihil attinet.

Resp. Per se solum venialiter peccare, quia non est magna inordinatio, quodd appetant scire, quæ ad se non pertinent. Possunt tamen peccare lethaliter ratione circumstantiarum, nempè si esset illis graviter prohibitum in his vanis, & curiosis ad januam, vel ad rotam cum extraneis detineri; vel si vellent scire, quæ ad alias moniales spectant, cum illarum notabili displicetia, quia hoc posset rixas parere, & dissensiones. Item si collocutio esset periculosa, utpotè inductiva ad peccatum; vel si non possent scire, nisi alterum ad malum inducant, ut si vellent scire arcanum alteri commissum, maxime

ximè si patefieri non posset sine alterius prae-
judicio; vel si appetant scire intentione tenen-
di tali notitia in alterius damnum. Hæc om-
nia Lessius *de just. & jur. lib. 4, cap. 4. dub. 11.*
num. 83. & seqq.

Quar. 6. An peccent Rotaria, & Portina-
ria aperientes litteras monialium ad extra-
neos, vel extraneorum ad moniales.

Resp. Cum communi Doctorum affirmati-
vè. Quia unusquisque habet jus ad suum se-
cretum scriptis mandatum, ut ipse solum
scita, vel cui voluerit per epistolam revela-
re, unde invito secreti domino illud per lit-
terarum aperitionem inquirere est peccatū
mortale; nisi interveniat consensus saltem
interpretativus mittentis litteras, aut illius
ad quem mittuntur, vel nisi excuset materiæ
parvitas, aut curiositas absque periculo gra-
vis damni, & injuriæ. Sanch. Navar. Azor.
Trullenc. & alii; qui pariter excusant ape-
rientem, quando rationabiliter credit, ali-
quid in proprium damnum in hujusmodi lit-
teris contineri. Quia tunc jure suo utitur se
indemnem servando, hoc enim pertinet ad
jus propriæ defensionis. In his tamen casibus
ea solum legere potest, quæ attinent ad finem
ratione cujus indagatio secreti fit licita; reli-
qua contenta sunt transilienda, & sub secre-
to servanda.

Quar. 7. An Portinaria non impediens in-
gradientem intra clausuram sub prætextu fa-
cultatum peccet. & incidat in excommuni-
cationem.

Resp. Affirmativè ex Gregorii XIII. Con-
stit. quæ incipit *Vbi gratia*. Quia cum ex
officio teneatur impedire, & non impediatur,
indirectè cooperatur, consequenter ingre-
dientem admittere censetur. Bonacina *de*

claus. q. 1. punct. 6. num. 25. qui pariter sustinet in eandem excommunicationem incidere, quamvis nullo modo cooperaverit ingressui, si tamen personam sic ingressam vel non expellat, cum possit, vel diutius sua locutione detineat: idem enim est, ac si admitteret, nam *admittere* in sua propria, & rigorosa significatione importat etiam approbare jam factum, ut testatur Rebuffus l. 14. §. *rem admisisse videtur ff. de verbor. signific.* Excommunicatio hæc est Summo Pontifici reservata Neque ad ipsam incurrendam requiritur præsumptio, cum in præfata Gregorii Constitutione nullum adhibeatur verbum præsumptione importans, sicut in motu proprio Pauli V. adhibetur. Bonac. loc. cit. n. 18.

Quer. 8. An peccet, & in eandem incidat excommunicationem admittendo, vel non impediendo ingredientes non sub prætextu facultatum, sed absolutè sine licentia.

Resp. Quòd sic. Quia Pontifex sub iisdem terminis eandem excommunicationis poenam statuit contra admittentes, ac contra ingredientes, ibi, *Sub eadem excommunicationis poena.* Cum igitur excommunicatio contra ingredientes afficiat nõ solùm ingredientes prætextu facultatum, sed etiam ingredientes sine ulla prorsus licentia, ut ex stylo curiæ, Sac. Congregat. decretis, Doctorum auctoritate probavimus *supra cap. 7. §. 9. q. 2.* eadem excommunicatio afficiet etiam Portinariam non solùm admittentem ingredientes prætextu facultatum, sed etiam ingredientes sine licentia. Immò puto eadem excommunicatione ligari admittendo taliter ingredientes, etiam si existimet ipsos ingredi cum legitima facultate. Quia cum ex officio teneatur inquirere de licentia, si omittit
tam

tam est in dolo, quàm si sciens sine licentia admitteret, *Cap. fin. de clandest. de spōsat. l. quod te, §. idem de reb. credit. & ibi Gloss. Bart. Bald. & cæteri Doctores*. Nec potest juvari à bona fide, quia, dum omittit inquisitionem, quæ ei incumbit ex officio, subintrat negligentia crassa, & affectata, quæ non excusat, sed habetur pro scientia, *Clement. 1. v. scienter de consanguinit. & affin. Gloss. ibidem, Anchar. & Tiraquel*. Unde non potest excusare, nec inducere bonam fidem. Pasqualig. *in 99. Moral. juridic. q. 162. num. 8.*

Quer. 9. An peccet Portinaria admittens aliquem intra septa monasterii sine licentia, ad tuendum illum à gravi damno in vita, bonis, aut honore.

Resp. Non peccare; quia sicut ingrediens in dictis casibus non peccat, cum lex positiva da clausura non obliget ad sui observantiam cum tanto rigore; ita neque Portinaria permittens ingredi personam illam, peccabit, cum actio cooperantis bona dicatur, aut mala juxta bonitatem, vel malitiam actionis ejus, cui cooperatur. Duard. *in cap. omnis utriusque sexus t. 2. disp. 16. sect. 36. num. 5.* & resumitur ex Bordon *ref. 76. n. 89.* ubi habet, quid si religiosus actu à satellitibus curiæ laicalis insecutus se reciperet intra clausuram, eumque Portinaria admitteret, ibique per aliquot dies maneret, aliud securius refugium non habens, & moniales id ignorarent excepta dicta Portinaria, quæ illum occultaret, nullum peccatum comitteret, tum religiosus ingrediens, & manens, tum Portinaria recipiens. quamvis aliàs talis religiosus esset culpabilis. Ratio est, quia ad laicos non spectat capere, aut corrigere religiosos, sed ad suos Superiores. Necesse tamen est

quod infecutio satellitum sit actualis, & nullo aliud sit effugium.

Quar. 10. An Auscultatrices propalantes, quæ occasione sui officii audierunt, peccent mortaliter.

Resp. Si id, quod propalant, vergat in grave alterius detrimentum, non est dubium peccare mortaliter, quia tam ex parte materiæ, quam ratione officii ex pacto tacito inest gravis obligatio tacendi. Si verò leve alterius damnum sequatur ex revelatione, dicendæ sunt mortaliter non peccare, parvitate materiæ excusante. Si prævideant, monialem ex revelatione etiam rei ex se indifferentis esse contristandam, peccant contra charitatem. Si detegant audita non ex animo lædendi, reverà tamen lædant, peccant mortaliter, vel venialiter juxta negligentiam, vel inconsiderationem; si enim hæc fuit gravis, erit mortale: veniale verò, si levis. Bassæus v. *secretum num.* 3. Tenentur tamen revelare Abbatisse, si que viderint, vel audierint, religiosiis moribus dissona, & regularis observantiæ destructiva. D. Thom. 2.2. *qu. 70. art. 1. ad 2.* Auscultatrices enim sunt oculi Abbatisse, adeoque ex officio tenentur explorare, & explorata referre, alioquin omittentes officio suo non satisfacerent, essentque causa indirecta scandalorum, quæ ex tali omissione possent oriri.

Quar. 11. An Auscultatrices, quando ratione officii assistunt colloctionibus, possint colloqui cum Regularibus accedentibus ad alloquendum cum moniali aliqua particulari.

Resp. Affirmat Pellizarius ex Bonacina, quia præsumitur tacita Superioris licen-

cen-

centia ex regula connexorum, de quibus
est iudicium. Oppositæ tamen sententiæ
adhæreo. Quia principium illud de connexione
locum habet, quando connexa sunt insepara-
bilia, non sic si separabilia, ut communiter
scribentes. Moniales autem cum licen-
tia colloquentes, & Auscultatrices non sunt
connexæ in ordine ad locutionem, siquidem
loqui optimè possunt moniales aliæ, Auscul-
tatricibus silentibus.

§. XI:

*De Conversarum obligationibus, &
Privilegiis.*

Quar. 1. **Q**Uænam in Conversarum re-
ceptione sint observanda.

Resp. Tam quoad receptionem, quam
quoad professionem ea omnia esse observan-
da, quæ supra de Novitiis choristis recipien-
dis, & admittendis sunt dicta, eadem enim
praxis in utroque servanda, ex Sac. Con-
gregat. præter quàm in constitutione dotis,
nam moniales velatæ tam intra, quam supra
numerum absque dotali eleemosyna nõ de-
bent admitti, in monialibus verò Con-
versis non semper spectatur dos, sed aliquan-
do necessitas monasterii, ex declaratione
eiusdem Sac. Congreg. die 20. Martii 1596.
qua necessitate cessante, exigendam esse a
supranumerariis Conversis dotem duplica-
tam persolvi solitam, censet Tamburin. de
jure Abbatis. disp. 5. q. 7. n. 1. juxta decretum
Sac. Congreg. die 6. Maji. 1604.

Quar. 2. An Conversæ sint veræ reli-
giosæ.

Resp. Quod sic, emittunt enim tria
reli-

ionis vota, quæ religiosi status essentia constituant. Quare sunt incapaces proinde, & quidquid acquirunt, acquirunt monasterio, ipsisque est prohibitum testari. Gaudent privilegio Canonis, & fori, quia sūt personæ ecclesiasticæ, & fruuntur omnibus Religionis privilegiis, quorum ratione sui status sunt capaces, quia verè per professionem sunt religioni incorporatæ. *Lezana l. 2. 99. Regular. cap. 8. num. 29.*

Quar. 3. An Conversæ teneantur ad perpetuam clausuram.

Resp. Teneri, ex Bonifacio VIII. *cap. periculo de stat. regular. in 6.* Concil. Trident. *sess. 25. de regul. c. 5.* & ex Constitut. S. Pii V. quæ incipit *Cura pastoralis*. Ita quod neque possunt egredi ad ornandum Altare in Ecclesia exteriori. Sac. Congreg. 27. *Octobris* 1592. Neque ad effectum claudendi, vel aperiendi januam monasterii, sed hoc munus alteri extra clausuram degenti est demandandum. Eadem Sac. Congreg. apud Barbof. *de jur. Eccles. lib. 1. cap. 44. num. 44.* Si tamen alicubi vigeat consuetudo prædictas conversas egredi pro quæstu, poterit tolerari, ita tamen ut cessante monasterii necessitate, ipsæ quoque cessent à quæstu. Sac. Congregat. 14. *April.* 1615. & servatis conditionibus pro egressu ibi præscriptis, & a nobis supra relatis *cap. 7. §. 9. quæst. 13.* quò Lectorem brevitatis gratia remitto.

Quar. 4. Utrùm Conversæ teneantur ex præcepto recitare orationes, quæ sunt eis per regulam præscriptæ, sicut moniales choristæ horas canonicas.

Resp. Non teneri, quia regula, universaliter loquendo, non obligat ad culpam. Neque eadem est ratio de monialibus choro.

addi.

addictis, quia istæ non solum tenentur ex vi constitutionum recitare horas canonicas, sed etiã ex consuetudine universalis Ecclesiæ, quæ obligat illas sub gravi, ut diximus. suo loco. Ita Peregrin. *ad Constitut. sui Ordin. part. 2. cap. 5. litt. R.* Ubi subdit, quod, quamvis Conversæ teneantur de jure Divino preces ad Deum fundere pro benefactoribus, possunt tamen aliis orationibus, & piis operibus satisfacere. Imò suo modo pro benefactoribus orare censentur, dum monialibus orantibus inserviunt. Barthol. à S. Fausto *lib. 6. qu. 170.*

Quar. 5. An monialis professæ, & choro-addicta possit de Superioris auctoritate ad statum Conversarum transferri.

Resp. Contra Navar. *in cap. quando de consecrat. dist. 1. quest. 20. nu. 20.* posse transferri, quia non variatur religionis status, sed illæsus manet. Debet tamen intervenire justa causa, quæ esse posset, vel punitio gravis delicti, vel ineptitudo ad alia munera. Ita Sotus, Aragon. Ledes. & Barthol. à S. Fausto *in suo Thesauro lib. 6. qu. 178.* ubi addit, quod monialis sic translata à divini officii recitatione sit libera. Quia hæc recitandi obligatio oritur ex consuetudine generali, in quantum est deputata ad chorum; unde eo ipso, quod ex justa causa, & Superioris auctoritate à chori obligatione est liberata, ab obligatione pariter Officii debet censi absoluta.

Quar. 6. An è contra monialis Conversa possit transferri ad statum monialium chorisitarum.

Resp. Affirmat, licet cum aliqua formidine, Pellizarius *de monial. cap. 1. num. 13.* ob rationem superius adductam, scilicet, quia per talem translationem non varia-

etur status religionis substantialiter, sed tantum accidentaliter, cum moniales laicae, seu conversae, & moniales vacantes choro adstringantur iisdem votis substantialibus, imò & iisdem obligationibus, excepta obligatione recitandi horas canonicas. Ad hanc tamē translationē tria requiri, advertit Sanchez, *lib. 6. moral. cap. 7. nu. 81.* videlicet, causa iusta, & gravis, consensus capitularis monialium, & licentia Episcopi, si moniales illi subdantur; Generalis verò, aut Provincialis, si sint exemptae. Nullatenus sufficit superioris localis licentia, quia hæc translatio gravis est, nec censetur Prælati localibus concessa.

Negant alii posse fieri huiusmodi translationem inconsulto summo Pontifice: primò, quia obstat decretum Sac. Congr. jussu Clementis VIII. editum, 19. Maji 1603. super receptione, & educatione novitiorum, quod ita habet: *Sed qui ad conversorum habitum recepti fuerint, ad clericorum statum transire, etiam durante tempore probationis, non possint.* Secundò, quia sicuti sine Pontificis licentia nequit fieri transitus de arctiori ad laxiorem religionem, ita neque de statu arctiori ad laxiorem intra eandem religionem. Cum igitur status conversarum, utpotè ad inferiora ministeria deputatus, sit durior, & asperior, & juxta majorem, aut minorem austeritatem pensanda sit major, aut minor perfectio quo ad transitum, ut per Sanch. *loc. cit. num. 21.* non poterit fieri transitus monialis Conversae ad statum choristarum. Tertiò; principalis pars voti solemnitis in Conversis sunt onera tali statui annexa; ita quod ex vi suæ professionis non teneantur obedire Superiori præ-

præcipienti aliqua ad statum Choristarum tantum spectantia, cum professæ sint obedientiam secundum regulam, & regula non obliget ad aliquid ultra proprium statum. Sicuti ergo solius Pontificis est dispensare in eo voto solemnem, ita & in hac principali parte.

Omissis nihilominus an sufficiat solius Prælati licentia, an ulterius requiratur Pontificis dispensatio, censeo cum Lezana *l. 299. regul. cap. 8. num. 22.* translationes huiusmodi non esse indulgentas. Tum ut Conversæ sequantur suam vocationem, quæ vocatæ sunt, iuxta præscriptum Apostoli *1 ad Corinth. 7.* Tum ut auferatur ansa, vel occasio ambitionis, quæ ut plurimum ad talem translationem desiderandam eas solet impellere. Tum denique ut evitentur offensiones, æmulationes, & exprobrationes prioris status, quæ de facili magno cum scandalo possunt oriri. Certum enim est, quod semper ex novitatibus mala excitantur, ac proinde tanquam perniciosas reiiciendas esse, probat aliis adductis Valenz. *cons. 70. n. 26. & seq.*

Quær. 7. An eveniente casu huiusmodi translationis, debeat Conversa probationis annum repetere.

Resp. Videri quod sic, quia Conversæ non probant in suis novitiatibus omnes observantias, quas Choristæ; unde cum transferuntur, debent super his pariter experiri, & ita fuisse declaratum à Sac. Congregat. *1618* refert Peyrinus *tom. 2. q. 3. cap. 1. §. 5. n. 148.* ubi contrarium sustinet; quia novitiæ non coguntur probare omnes austeritates, & observantias religionis; sed sufficit, quod per annum permaneant sub obedientia.

suorum superiorum; additque, ita vidisse observatum in praxi, & decretum Sac. Congreg. citatum, vel non esse autenticum, vel non esse usu receptum.

Quar. 8. An Conversæ teneantur sub mortali exercere ea, ad quæ ex officio sunt deputatæ in Monasterio.

Resp. Peccare mortaliter, si notabiliter sint negligentes, quia in professione fit contractus inter religionem, & ipsas, per quem contractum religio illis omnia necessaria ad decentem statum promittit, ipsæ verò exhibent se religioni paratas ad ea munera, ad quæ per professionem sunt deputatæ. Quare ex justitia tenentur talia munera exhibere, alioquin peccabunt mortaliter contra justitiam. Peregrin. *loc. cit. litt. 2.* ubi advertit non esse tam faciliter de peccato mortali damandas, vel quia ad tam gravem obligationem non advertunt, vel quia Superiores tam rigorosè non exigunt, vel quia negligentia non est adeò notabilis, ut censenda sit constituere lethale peccatum.

Quar. 9. An Conversæ possint aliquid exigere à monialibus particularibus pro famulatu ipsis præstito de commissione Abbatissæ.

Resp. Negative. Quia nequit aliquid exigi, aut recipi pro opere aliàs debito ex justitia. Sotus, Covar. Medin. & Lessius *de iust. & iur. lib. 2. cap. 14. dub. 9. num. 63.* Illum autem famulatum monialibus tenentur præstare Conversæ ex vi professionis, & contractus inter cum Monasterio, ut diximus, adeoque pro ipso nihil possint exigere, aut recipere; nisi fortasse eis detur in quamdam liberalem remunerationem servitii præstiti, quia ex una parte, id quod datur ex gratitu-

ritudine, non datur ut pretium servitii aliis debiti; ex alia vero inter religiosas ejusdem conventus ex præsumpta voluntate Abbatissæ permittitur aliqua donatio, nam quidquid acquiritur, semper conventui acquiritur. Lamas, Fagundez, Peyrin, Caramuel, & alii. Secus verò si aliquid daretur ob timorem, quòd segniter essent famulatum debitum præstaturæ. Quia non censeretur dari sponte, sed coactè; Lessius: *loc. cit. num. 64.*

Quar. 10. An peccent Conversæ negligendo, conservationem illarum rerum, quæ sunt earum curæ commissæ.

Resp. Peccare, quia tenentur ex justitia non solum non dissipare, sed etiam conservare res, quæ earum curæ mandantur. Tum quia contra votum paupertatis est, bona monasterii ex negligentia dispergere; nam ut notat Layman *lib. 4. tract. 5. cap. 7. n. 6.* posse rem arbitrato suo destruere, est actus proprius dominii, dominium autem repugnat paupertati.

Quar. 11. An excommunicatio lata ab Episcopo contra moniales cum extraneis colloquentes, vel ad januam, aut locutorium accedentes, afficiat Conversas.

Resp. Videri, quòd non, quia ut asserit Tuschus *litt. M. v. Moniales, conclus. 333.* Conversæ non sunt verè moniales, quamvis Professionem emittant; differunt enim in multis, nempe nomine, exercitio, & in aliquibus locis non servant rigorosè clausuram, non habent vocem, non tenentur ad divinas preces, & multas differentias congerit Federicus de Senis *conf. 213.* Afflict. Franc. Abb. quos refert & sequitur Marcus Vidal. *in Arca Theolog.*

Ador.

Mor. de Monialib. Inquisit. 2. num. 91. Sed oppositum omninò sustinendum. Quia secundum formalem significationem nomine Monialium veniunt etiam Conversæ, *can. ut lex 27. quest. 1. cap. non dubiam de sentent. excommunicat.* Emittunt enim tria religionis vota, quæ essentiam religiosi status constituunt. Neque differentiæ adductæ extrahunt illas à formali statu monialium, quia sunt religioso statui extrinsecæ, & accidentales, atque adeò non mutant naturam rei. *Abb. cons. 62. in controversia num. 8. in fin. & num. 9. ver. de jure commun lib. 2. & n. 10. Ianuarius, & Diana in opere coord. t. 5. tract. 1. res. 88. num. 2.*

Quar. 12. An liceat Conversis per notabile tempus in die festo conficere, & coquere bellaria.

Resp. Videri quòd non; opus namque servile est, & propriè pertinens ad servos, consequenter opus prohibitum. Oppositum nihilominus sustinendum. Sicut enim ex communi Doctorum sententia cum Div. Thom. 2.2. *quest. 12. art. 4. ad 4.* licitum est in die festo parare fercula quamvis superflua, & ad oblectationem tantum inservientia, quia urget ratio aliqua necessitatis, & congruitatis, fundata in hoc, quòd hujusmodi fercula non ita suavia sunt, si altera die sint præparata. Ita licebit conficere, & coquere bellaria. cum neque illa ita congruenter se habeant, si sint anticipatè præparata. Imò stante consuetudine conficiendi dicta bellaria in die festo, ex tacito saltem Superiorum consensu, resultat probabilis conjectura, quòd non fuerit mens Ecclesiæ, sub præcepto abstinendi à servilibus tam ordinarias actiones, com-
pre-

prehendere Tamburin. in *decal. lib. 4. cap. 3. §. 2. num. 10.*

Et hoc locum habere etiam si bellaria vendantur extraneis, putant Sylvest. Angel. Rosel. Nald. & Sanch. *1. 2. cons. lib. 5. cap. 2. dub. 6. num. 11.* Quia lucrum non immutat operationem, ut cum aliis notat Suar. *tom. 1. de relig. lib. 2. cap. 25.* atque adeò non facit, ut de licita fiat illicita. Ego tamen censeo ex alio saltem capite non licere, scilicet, quia generaliter monialibus vetitum est parare, aut vendere cibos extraneis, exceptis rebus minimi momenti pro infirmis, ac consanguineis. Sacr. Congregat. teste Barbosa *lib. 1. jur. eccl. cap. 44. num. 58.*

Quar. 13. An liceat Conversis in die festo legumina à minutioribus purgamentis discernere, & diligenter emundare.

Resp. Affirmativè. Quia hoc quoque pertinet ad ciborum usum, quos parare licet in die festo per Doctores supracitados. Tum etiam quia modicissimè applicationis est huiusmodi occupatio, unde recreationis causa ab honestis etiam fèminis excipi solet. Non licebit verò, nisi aliqua gravis necessitas urgeat, farinam à furfure sub cerniculo segregare, quia magnam exigit occupationem. Solùm excusabit à mortali materie parvitas, quam extendunt ad tres quadrantes horum Bonac. Reginald. Ioan. à Cruce, & alii; horam integram Azor. Suar. Sanch. Fagund. Palaus; ad duas integras horas Granad. Filiuc. Henriq. & Diana; ad tres etiam horas ampliant Marchant. & Pasqualig. Quia octava pars respectu totius diei censetur exigua pars, Ego tamen à secunda sententia non recedo.

Quar.

Quar. 14. An Conversæ coquinæ deservientes, & parantes cibos pro numerosa familia sint immunes à jejuniis.

Resp. Affirmativè. Quia in tali præparatione tractant cacabos, & ollas magnas, deferunt ligna, hauriunt aquam, huc, illucque discurrunt, ex quibus omnibus resultat labor valdè notabilis; & licèt pauca sint fercula, quantitas nihilominus cujuscumque ferculi parandi pluribus ferculis æquivalet. Quòd si non laborant tota die, cùm non habeant parare cœnam, tamen post prandium habent parare plura pro die sequenti, & deinde sufficit, quòd exercitium parandi prandium requirat magnum laborem, nam debent pro ipso conservare vires. Ita Pasqualigus *de jejuniis, decis.* 297. *num.* 4. Ubi advertit, hoc quoque probabiliter procedere etiam, quando jejunia sunt de præcepto regulæ, quia regula, quamvis voluntariè suscepta, non obligat plùquàm obliget lex, & idè ipsa pariter definit obligare, quando proportionaliter legis definit obligatio.

Quar. 15. An Conversæ lavantes suppellectilem lineam, vulgò, *far la bocata*, excusentur à jejuniis.

Resp. Excusari; quia hujusmodi exercitium sive consideretur in præparatione eorum, quæ necessaria sunt pro lavatione, sive in actu ipso lavandi, sive in asportatione suppellectilis lineæ, ut Soli expandatur, & postea colligatur, inter laboriosa est reponendum. Et quidem labor ipsius excedit laborem nonnullarum artium, quas communiter Doctores admittunt inter excusantes.

Neque necesse est, ut exercitium hoc sit continuum, sed sufficit, quòd duret una,
aut

aut altera die, ad hoc ut cesset pro illis diebus obligatio jejunandi; quia, sicuti obligatio est annexa diei, ita quando eadem dies habet aliquid impossibile cum ieiunio, excludit obligationem ad ipsum. Imò hoc pariter verum est, etiam si in hoc exercitio non insumatur tota dies, sed tantum bona pars: nam, cum sit exercitium laboriosum, requirit vires integras, & floridas, quod non contingit, quando vires macerantur per ieiunium. Ita Pasqu. *loc. cit. dec.* 304. Ubi etiam excusat complicantes suppellestem lineam jam mundatam; quod an verum sit, iudicent alii, ergo enim in hoc non video laborem sufficientem ad excusandum.

Quar. 16. An Conversæ inservientes mensæ frangant ieiunium, si aliquid comedant immediatè antequàm inserviant.

Resp. Non frangere, etiam si non indigeant ad vitandam debilitatem. Ita viginti Doctores, quos refert, & sequitur Pasqual. *loc. cit. decis.* 128. ubi addit comestitionem illam posse esse in ea maiori quantitate, quæ libuerit; ita ut, etiam si sit sufficiens ad constituendum prandium, non per hoc impediat, quin possint rursus, completo servitio, comedere. Ratio horum omnium est, quia prior illa comestio est moraliter eadem cum subsequenti; nam servitium illud, quod mediat, cum sit pars illius prandii, non interrupt moraliter prandium, atque adeò comestio subsequens censetur complere priorem, & constituere unicum prandium cū ipsa. Neque requiritur intentio anticipandi prandium, sed sufficit, quòd opere ipso inchoetur. Imò etiam si proposuerint non comedere amplius post servitium possunt mutare propositum, & rursum

sum comedere, quia durat id per quod mortaliter continuari potest subsequens comestio cum præcedenti.

§. XII.

De Tertiariarum obligationibus, & Privilegiis.

Quar. 1. **Q**Uænam mulieres veniant nomine Tertiariarum.

Resp. Prout ad præsens nostrum institutū facit, venire mulieres illas, quæ vota essentialia non emittentes Regulā alicujus Religionis approbatæ servant in propriis domibus, & quandoque etiam in communi aliqua domo habitantes, ejusdemque Religionis habitum deferentes; quarum aliquæ iuxta proprium profitendi modum à Summis Pontificibus approbatum emittunt votum simplex castitatis, vel obedientiæ, aliæ nullum nisi forsan obedientiæ, Casarub. in *Compend. privileg. mendic. v. Tertiarii num. 25.* Non sunt veræ religiosæ, nec illatum vivendi modus appellari potest religio, quia tribus votis essentialibus non ligantur. Casarub. Rodriq. Lezana t. 2. 99. *regular. cap. 15. num. 7.* Atque adeò dici non possunt Apostatæ, si ab eo statu recedant, matrimonio se copulantes, aut habitum deferentes. Peccabunt tamen in dimissione habitus, si illum per totam vitam voverunt gestare.

Quar. 2. A quibus sint admittendæ ad habitum, & professionem.

Resp. Admittendæ esse ad habitum à Superioribus Regularibus ad id privilegium habentibus, quales sunt Minores S. Francisci, Dominicani, Augustiniani, Carmelita-

litani, Servitæ, & Minimi, Lezana *loc. cit.* n. 8. & *seqq.* Debet tamen intervenire Ordinarii loci licentia, qui non aliter eam concedet, quàm si ei de qualitatibus ad id requisitis diligenti prævio examine constiterit. Sac. Congreg. 20. Decembris 1616. Non per hoc explorare debet earum voluntates; si domi degunt, & ibi cœlibatus votum emittunt, ut ex Sac. Congr. refert Barbosa in *Collect. Bullar. v. Tertiaria*. In manibus quoque alicujus Superioris eorum Ordinum, vel habentis à Superiore aliquo auctoritatem emitti debet professio, quàm præcedere debet aliquod tempus probationis; cum enim facultas recipiendi Tertiarias Prælati Regularibus concessa intelligi debeat de personis idoneis, & probalibus habitis, ad judicandum de illarum idoneitate, tempus aliquod est necessarium, Lezana *loc. cit.* n. 22.

Quar. III. Quænam qualitates in admit- tendis ad habitum requirantur.

Resp. Inter qualitates requisitas computandas esse illas, quas Sac. Congregatio Episcop. & Regular. 20. Decembris 1616. observari præcepit. Prima, quòd non recipiantur ad habitum, nisi spectata vita fuerint, idest bonis moribus, seu viriutibus ornatæ. Secunda, quòd habeant de proprio, ut inde sufficienter vivere possint. Tertia, quòd sint annorum saltem 40. Quarta quòd non habitent cum aliis viris quam cum consanguineis, vel affinibus in primo tantum gradu. Quinta, quòd non recipiantur, ut diximus supra; nisi ab Ordinario loci licentia prius impetrata Sexta quòd in habitu deferendo omnino obstineant à velo supra caput, quod superiutum vocant, & à storali vulgo sottogola, & à patientia. Nulloque modo tolerari debet, quòd; licet domi

X

habi-

habitantes, comam nutriant, cum habitus indecentia, & scandalo populi. Sac. Congreg. in *Hydruntina* 5. *Augusti* 1625.

Quar. 4. An defectus hujusmodi qualitatum irritet receptionem, seu professionem prædictarum mulierum.

Resp. Videri quòd non, quia in decreto non apponitur clausula irritatoria, neque Sac. Congregatio utitur verbo *non possint*, aut simili, sed solum *non admittantur*; benè verò peccare mortaliter decreti hujusmodi transgressores. Lezana *loc. cit.* n. 40. Hæc tamen doctrina non est absolutè admittenda, saltem quando deficeret Ordinarii loci licentia. Cum enim Sac. Congregatio utatur ablativo absoluto, *ab Ordinario loci licentia priùs impetrata*, inducit conditionem, ut notant communiter Doctores, & proindè etiam formam, Bald. Surd. relati à Pasqualig. in *Laurent.* n. 31. unde si non impleatur, admissio erit nulla.

Quar. 5. Quibus Prælatiis Tertiariæ subiciantur.

Resp. Si loquamur de Tertiariis vitam cœlibem virginalem, & castam non ducentibus ex voto, subjici Ordinario ex declaratione Sac. Congr. apud Gavant. quem refert Lezana *loc. cit.* n. 35. qui n. 41. addit subjici pariter gubernationi Superiorum Ordinum, quarum sunt Tertiariæ, quoad curam spiritualem tantum; cum enim sint aliquo modo membra religionum, quarum deferunt habitum, specialem diligentiam de salute illarum spirituali tenentur habere. Casarub. & Mirada apud d. Lezanam. Illas tamen punire non possunt, nec illæ peccant non obediendo.

Verò sermo sit de Tertiariis vitam cœlibem virginalem, & castam ducentibus ex voto, quia per declarationem Leonis X. die 1. Mar-

iii 1518. & decretum Sac. Congregat. ab Ordinarii jurisdictione sunt exemptę, cōsequens est, ut Prælati suorum Ordinum plenē subji-
 ciantur, ne dicamus eas sub nullius jurisdic-
 ctione esse; atque ita possūt illas sicut alios re-
 ligiosos corrigere, & punire. Hinc Teodo-
 rus Strarius plura deducit, scilicet, Tertiarias
 hujusmodi casibus Episcopō reservatis non
 subiacere; posse tamen Prælatos, quibus sub-
 sunt, quoad illas, sicut quoad suos fratres,
 casus aliquos reservare, easque, saltem in fo-
 ro conscientię, ab omnibus criminibus, & ex-
 cessibus, ac etiam censuris, & pœnis Sedi
 Apostolicę reservatis (exceptis contentis in
 Bulla Cœnæ) absolvere; nec non earum vota
 commutare, & cum illis, in omnibus votis
 simplicibus, in quibus possunt Episcopi cum
 suis subditis, dispensare, quia hoc spectat ad
 potestatem jurisdictionis; & illi habent ju-
 risdictionem quasi Episcopalem. Hęc tamen
 de mente Stratii sint dicta.

Quar. 6. Qualiter peccent Tertiarię suam
 professionem transgredientes.

Resp. Delinquentes contra vota emissā pec-
 care peccato sacrilegii, non est dubitandum.
 Transgredientes verò ea, quę in professione
 promittunt, nullum peccatum committere,
 etiam si obligatio regulę respectu religioso-
 rum aliquam culpam saltem venialem indu-
 cat, tradit Lezana *loc. cit. num. 19*. Quia etsi
 in professione utantur verbo *promitto*, nulla
 per hoc inducitur obligatio, praxi ita inter-
 pretante intentionem Pontificum talem mo-
 dum vivendi approbantium, & Prælatorum
 Ordinum professionem hujusmodi suscipien-
 tium. Obligantur tamen ex Summorum Pon-
 tificum declarationibus apud Lezan. *loc. cit.*
 ad subeundam pœnam, sibi ob transgressio-

nes regulæ à Superioribus suorum Ordinum infligendam.

Quar. 7. Quibus gaudeant privilegiis.

Resp. Gaudere suorum Ordinum privilegiis, quorum ipsæ sunt capaces, ex indultis summorum Pontificum apud Lezan. *loc. cit. num. 11. & 26.* & præcipuè ex decreto Sac. Congregat. tenoris sequentis; *Sacra Congregatio censuit &c. hujusmodi mulieres, si vitam virginalem, aut cœlibe simpliciter expressè voverint, etiam in consanguineorum, & affinium suorum, aut propriis domibus, vel seorsim habitantes, privilegiis Ordinis, cujus Regula habitum deferunt, exemptioneque ab Ordinarii jurisdictione frui debere.* Undè gaudere privilegio fori affirmant Sylvester, Alterius, Duardus, & Pignatell. & ita declaravit Sac. Congreg. Immunit. in *Affisien. 16. Novembris 1655.* & canonis, Gratian. Cassarub. Portel. & Lezana, præsertim, quia hoc non tam est privilegium, quàm jus commune competens cunctis personis Deo dicatis; ac etiam exemptione à gabellis eadem Sac. Congregat. in *Tudertina 4. Augusti 1627.* Nec non indulgentiis concessis Ordini, cujus sunt Tertiariæ, ut constat ex concessione bullata Sixti IV. relata à Lezana *loc. cit. num. 26.* Quæ omnia intelligenda sunt concurrentibus qualitatibus juxta declarationem Sac. Congregat. Concilii requisitis, nempe si habitum assumpserint, & virginalem, seu cœlibem, aut castam vidualem expresso voto vitam elegerint. An autem prædictæ qualitates in hujusmodi Tertiariis concurrant, Ordinarii iudicium spectetur. Sac. Congreg. Episc. 2. Octobr. 1616.

Quar. 8. A quibus recipere debeant Sacramenta.

Resp. Licet Tertiariæ virginalem, cœlibem,

bem , aut castam vidualem vitam ex voto ducentes possint quoad Sacramentorum receptionem uti privilegiis suorum ordinum, *Lezana loc. cit. n. 34.* Si tamen Ordinarii, vel Parochi jus illis administrandi Sacramenta etiam tempore Paschatis, vel aliàs in eis jurisdictionem acquisiverint, non posse ipsas de cetero adversus Ordinarios, vel Parochos exemptione uti, sed observandam esse consuetudinem, censuit *Sacr. Congregat. apud Pignat. l. 4. consult. 119.* Sicut etiam femine prædictam vitam non gerentes Eucharistiam in die Paschatis, extremam unctionem, & alia ecclesiastica Sacramenta (Sacramento poenitentiae duntaxat excepto) à proprio Sacerdote suscipere tenentur, ita enim decernitur in prædicta Bulla Leonis X. & Concilio Lateranensi.

Quar. 9. Quo in loco sint sepeliendæ.

Resp. Tertiariæ, sepulturam, *ubi coluerint, eligere valent*, ut habetur in Bulla Leonis X. & Concilio Lateranensi. Quod si de illis sint, quæ nec virginalem, cœlibem, aut castam vidualem vitam ducant ex voto, & non electa sepultura decedant, in earum parochiis sunt sepeliendæ Parocho interveniente, qui pariter intervenire debet, etiam quando in Regularium Ecclesiis tradendæ sunt sepulturæ, si, dum vixerint, in ipsis elegerint tumulari. *Barbosa in Collectan. v. Tertiaria.* E contra si de illis sint, quæ virginalem, cœlibem, aut castam vidualem vitam traducant, possunt in Ecclesiis suorum Ordinum sepeliri à solis Regularibus, Parocho minimè requisiti, imò contradicente, *Sacr. Congregat. Episcop. in Nepefina 11. Decembris 1615. apud Sell. in select. canon. cap. 35. num. 20.*

& Sac. Congregat Rit. in *Spoletana Terra Viso* 20. Junii 1609. apud Barbof. in *Collectam. v. Regulares quoad sepulturam*. Etiam si sine sepulture electione decesserint, quando tamen in dictis Ecclesiis communis sepultura pro ipsis reperitur, Sac. Congreg. anno 1616. Ita ut si communis sepultura in Ecclesiis ordinum, quorum sunt Tertiariæ, non reperiatur, sepeliri debeant in parochiis, quando contingit, eas sine sepulture electione decedere, ut habetur in eodem decreto.

Quar. 10. An Tertiariæ consequi possint legatum factum pro monachata.

Resp. Posse, dummodò habeant qualitates, ut *supra* in decreto Sac. Congregationis requisitas. Ita Diana in opere coord. tom. 9. tract. 2. resol. 175. alios citans, & ratio desumitur tum ex §. *sed hoc presenti. Authen. de Sanct. Episc. coll. 9.* tum ex eo, quodd istæ sunt de ordine, ac modo vivendi approbato a Summis Pontificibus in *Clement. 1.* juncta Glossa. *de relig. Domib.* & promittunt obedientiam, ut inquit Glossa in *d. Clement. v. obedientiam*, unde istæ sunt in aliquo sensu non improprio religiosæ. Hæc omnia juxta brevitatis nostræ institutum hucusque tradita S. R. Ecclesiæ censuræ omninò volo esse subjecta.

F I N I S.

IN-

I N D E X

RERUM NOTABILIMUM.

Prior numerus indicat caput, secundus paragraphum; tertius quæsitum.

A

Abatissa tenetur sub mortali tollere transgressiones regulæ, cap. 11. §. 1. qu. 1. Potest aliquando moniales errantes conviciis increpare, ibid. q. 2. Non est capax potestatis spiritualis, ibi. q. 3. Unde non potest benedicere in loco publico neque aquam, neque vestes, ibi. Nec docere in Ecclesia, aut concionari, neque ex Summi Pontificis dispensatione, ibid. Potest solum habere hortatorios sermones, ita tamen ut non utatur testimoniis sacræ Scripturæ, ibi. Non potest dispensare moniales auctoritative, benè tamen ministerialiter, ibi. q. 4. Non potest dispensare circa monialium subditarum vota, sed tantum irritare, ibi. q. 5. Etiam si sint emissæ cum ipsius consensu, ibi. q. 6. Novitiarum vota irritare non potest, ibi. q. 7. Quomodo possit beneficia instituere, & Capellanas conferre, ibi. q. 8. An habeat jus suspendendi Clericos sue jurisdictionis, ibi. q. 9. An habeat liberam administrationem bonorum sui monasterii, ibi. q. 11. An teneatur de superfluis monasterii eleemosynas erogare, ibi. q. 23. Potest applicare bona opera monialium extraneis, ibi. q. 24. Tenetur transgressiones occultas inquirere, ut corrigat, ibi. q. 25. An possit, & quomodo præcipere monialibus in virtute sanctæ obedientię, c. 6. §. 1. q. 9. v. *Obedientia, Electio.*

X 4

Alie-

Alienatio quantò , & quomodò prohibita , cap. 11. q. 12. seqq.

Annus probationis à quo tempore incipiat , c. 2. §. 3. q. 1. In qua ætate possint puellæ admitti ad annum probationis , ib. q. 2. debet esse completus , ib. q. 3. & quidem de momento in momentum , ib. q. 4. nec non continuus , ib. q. 5. Quomodò , & quando interrumpatur , ibid: quæst. 6. & seqq. debet compleri à puella habitu religionis inducta , ib. q. 10. potest protrahi iusta de causa , ib. q. 11. & seqq.

Aromataria ad quid teneatur , cap. 11. §. 8q. 1. Non potest inconsulto medico pharmacum infirmis præbere , ib. q. 2. Neque poculum moniali gravide ad procurandum abortum , ne fama periclitetur monasterium , ib. q. 3. Potest lucri causa extraneis vendere medicamenta , ib. qu. 4. Non tamen juxta taxam aromataris secularibus factam , ib. q. 5. Non potest vendere quid pro quo , ib. qu. 6. Potest donare consanguineis quod illi deberetur ratione laboris , ib. q. 7. Non licet venenum vendere , ib. q. 8. Fallit in aliquo casu , ib. Non potest pharmaca conficere in die festo nisi necessaria pro illo die , ib. q. 9. Peccat si in componendis pharmacis non apponit omnia præscripta à medico , item si vetusta , & inutilia , ib. q. 10.

Auscultatrices an peccent propalantes , quæ audierunt occasione sui officii , cap. 11. §. 10. q. 11. An possint colloqui cum regularibus , ib. q. 21.

B

Benedictio . Abbatissa debet benedici c.9. §.4. qu. 5. quo die, & loco, ib. qu. 6. ad quem spectet impertiri benedictionem, ib. q. 7. an hæc facultas sit delegabilis, ib. q. 8.

Benedicere non potest Abbatissa in loco publico neque vestes, neque aquam, benedicere tamen potest moniales, ad modum, quo parentes suos filios benedicunt, c.11. §.1. q.3.

Baldachinum . Abbates habentes usum baldachini possunt illud erigere in Ecclesiis monialium sibi fudditarum, c.6. §.3. q.6.

C

Castitas . Ad quid teneantur moniales ex vi voti castitatis, c. 5. q.1. quando graviter, vel leviter peccent contra votum, ib. q. 2. quando peccent per tactus, ib. q. 3. quando per aspectus, ib. q.4. quando per verba, lectiones, cantilenas prophanas, ib. q.5. quando litteris amatoriis, ibid. q. 6. quando per munerum receptionem, ib. q.7. quando per suasionem, vel cooperationem, ib. q.8. & seqq. quando per superfluum ornatum, ib. q.14. quænam media sint apta ad tuendam castitatem, ib. q.18.

Cæca puella potest ad religionem admitti, c. 2. §.1. q.7. Cæca tenetur recitare horas canonicas, si illas memoriter sciat, cap.8. §. 1. q.4. non potest eligi in Abbatissam, cap. 9. §.1. q. 6.

Celleraria, cui bonorum monasterii cura incumbit, an possit aliquid de iisdem bonis justam donationem, aut alienationem ex-

pendere, c. 11. §. 9. q. 1. An remunerare merita, vel obsequia ab extraneis præstita, ib. q. 2. An peccet distribuendo bona non juxta mentem Abbatis, sed suo arbitrato, ib. q. 3. An celando Abbatis summam notabilem pecuniæ expendendam in usibus utilibus monasterio, ib. q. 4. Peccat negligens providere necessaria tam infirmis, quam sanis, ib. q. 5. Item si largiùs distribuatur amicis, animo illas gratificandi, ib. q. 6. Non potest sibi aliquid applicare ob labores officii, ib. q. 7. Potest aliquas eleemosynas largiri, ib. q. 8.

Celleraria habens facultatē expendendi summam aliquam in utilitatem monasterii, potest eam in eleemosynas erogare, c. 11. §. 9. q. 9. Eleemosynas, quas potest distribuere, potest etiam sibi, vel aliis monialibus ejusdem monasterii applicare, ib. q. 9. Non potest comodare, aut mutuare res monasterii, ib. q. 10. Tenetur ad restitutionem, si culpa sua res monasterii deteriorescentur, ib. q. 11.

Clausura. Quid veniat appellatione clausuræ, c. 7. §. 1. q. 1. An veniat limen ostii, ib. q. 2. An testum, ib. q. 3. clausura est juris humani, ib. q. 5, custodia illius tam materialis, quàm formalis spectat ad Episcopum, ib. q. 6. etiam in monasteriis exemptis, ib. q. 7. competit Episcopo cumulative quoad Superiores regulares, ib. q. 8. quomodo debeat custodiri, ib. q. 10. à quibus servanda, ib. q. 11. licetia ingrediendi clausuram, *v. Licentia.*

Clausura quoad ingressum Prælatorum. In quibus casibus possint Prælati ingredi clausuram, c. 7. §. 4. q. 1. Non possunt ingredi sub prætextu interveniendi electioni, neque examini, ib. q. 2. Cardinales, & Episcopi non possunt ingredi clausuram monialium, sibi non subjectarum, ib. q. 3. In quibus casibus,

fibus possint Generales, Prævinciales, & visitatores, ingredi clausuram monialium sibi subjectarum, ib. q. 4. Quot personas possint secum ducere Prælati regulares, ib. q. 5. Quot possint ducere Episcopi, ib. q. 6. Quænam personæ esse debeant, ib. q. 7.

Clausura quoad Officialium, aliorumque ingressū. Quando medicus; alique interservientes possint ingredi clausuram, c. 7. §. 5. q. 1. & 2. Medicus extraordinarius non potest ad libitum monialium ingredi loco medici ordinarii, ib. q. 3. Chirurgus, & Pharmacopola quando possint ingredi, ib. q. 4. An, & quando Æconomi, factores, Sindici, & Notarii, ib. q. 5. quid de aliis operariis ad servitium monasterii necessariis, ib. q. 6. loco bajuli ad ferenda deputati quando possit alius intrare, ib. q. 7. An concessa licentia Domino intrandi cum famulo, possit hic sine illo ingredi, ib. q. 8. Ad expellendum malefactorē potest iudex ingredi clausurā, ib. q. 9. Infantes, & amentes nō possunt admitti ib. q. 11.

Clausura quoad ingressum Confessarii. In quibus casibus possit ingredi clausuram, c. 7, §. 6. q. 1. An ad assistendum morienti, ib. q. 3. An ad exequias peragendas, ib. q. 4. An ad effectum exorcizandi, ib. q. 5. An ad celebrandum coram infirmis, ib. q. 6. An ad sumendam particulam consecratam in Ecclesiam interiorem delapsam, ib. q. 7. An ad benedicendum monasterium spiritibus infestatum, ib. q. 8. ingressus ex iusta causa potest ea occasione ibi præstare aliquid, pro quo exercendo ingredi non potuisset, ibid. q. 9. Quid observare debeat Confessarius ingrediens, ibid. q. 2.

Clausura quoad mulierum ingressum. An deficientibus monialibus conversis possint ad-

mitti in clausuram fœminæ, quæ monialibus inserviant. c. 7. §. 7. qu. 1. An electa una famula possit mutari, & alia substitui, ib. q. 2. An Regine; Imperatrices, & aliæ nobiles fœminæ possint ingredi clausuram, ib. qu. 4 & 5. Debent associari à tribus matronis, ib. Cum duabus tantum non potest, ib. qu. 7. Matronæ semel electæ non possunt mutari ib. q. 5. An monialis transiens ad aliud monasterium, si in via accedit ad locum ubi aliquod monasterium existit, possit ingredi, & hospitari, ib. q. 8. Viduæ de solius Prælati licetia nō possunt ingredi clausu. ib. q. 9. Clausura quoad puellas educandas, v. *Puella educanda.*

Clausura quoad egressum. Ob quas causas possint moniales egredi, c. 7. §. 9. q. 1. & seqq. An licitus sit egressus ob morbum ita periculosū, ut desperetur salus, nisi egrediatur, ib. q. 3. An, & à quo debeat peti licentia, ib. q. 4. An possit sine licentia egredi, si injustè vexetur, ib. q. 5. In quibus casibus, ib. q. 6. Nō potest egredi ad habendam curā Nepotum, ib. q. 7. benè verò ut sit Abbatissa alicujus monasterii, & ob alias similes causas, ib. q. 8. Itē ad strictius monasterium, ib. q. 9. aliquando etiam ad laxius monasterium, & diversę regulæ, ib. q. 10. Consulenda Sedes Apostolica, quando aliquod monasterium est transferendum, ib. qu. 11. Monialis cum licentia egressa non violat clausuram; si hūc, & illūc vagetur, ib. q. 12. possunt mitti Converse extra clausuram ad quæritandum, ib. q. 13.

Clausura quoad accessum extraneorū. Accessus ad monasteria interdictus duo copulativè importat, scilicet locū, ad quē fit accessus, & locutionē c. 7. §. 10. q. 1. Qui tantum accedit, sed non loquitur, vel tantum loqui-

quitur sine accessu, non facit contra prohibitionem. ibid. quare non comprehenditur sub prohibitione locutio cum monialibus in domibus propinquis. ib. neque transmissio litterarum, neque locutio idiomate à moniali non percepto. ib. Neque locutio monialis altero tantum audiente. ib. Contra prohibitionem verò facit loquens per nutus, & signa. ib. Item loquens per intermediam personam. ib. Item loquens cum moniali, ipsa nihil respondente. ib. Alloquentes cum monialibus sine licentia peccant mortaliter, ib. q. 2. Nec datur parvitas materiæ. ib. qu. 3. Quo jure tam sæcularibus, quàm Regularibus sit prohibitus accessus. ib. q. 4. Prohibitio alloquendi moniales extenditur ad Abbatissam. ib. q. 5. & etiam ad Episcopos extra suam diocesim commorantes. ib. q. 6. An pueri, & puellæ impuberes afficiantur excommunicatione lata contra alloquentes sine licentia. ib. q. 9. An Advenæ, & Peregrini. ib. q. 10. An colloquētes cum monialibus exēptis. ib. q. 11. An Regulares & moniales exemptæ afficiantur pœnis ab Episcopo indictis, si de ipsis fiat mentio. ib. q. 12. An afficiantur eadem pœna consulentes, mandantes, vel cooperantes. ib. q. 13. An pauperes oſtiatim mendicantes. ib. q. 14. Ad quem spectet licentiam concedere accedendi ad moniales tam exemptas, quàm non exemptas. ib. q. 15. v. *Licentia*.

Clausura quoad pœnas, quibus subijcuntur illam violantes. Prælati ultra casus necessitatis clausurâ ingredientiſſe quas pœnas incurrant. c. 7. §. 11. q. 1. Quæ pœnæ aliis ingredientiſſe. ib. q. 2. Quæ accedētibz ad colloquendum, ib. q. 9. Quæ monialibus
exte-

94 *Index Rerum Notabilium.*

exterū introducentibus, vel admittentibus sine licentia . ib. q. 3. An dictas penas incurrant solū superiores viri, vel fœminæ, ib. q. 4. Quid veniat nomine admissionis, vel permissionis prohibetæ . ib. q. 5. Quas penas incurrant moniales illicitè egrediētes. ib. q. 6. Comitantes, & recipientes . ib. Quinam comitatus, & receptio requiratur . ib. q. 7. An penæ afficiant monialem legitimo titulo egressam, si diutiùs immoretur . ib. q. 8. Quinam possit absolvere . ib. q. 11.

Coactio. Puellam coactam debet Episcopus è monasterio educere. c. 2. §. 2. Dantur aliqui casus, in quibus licet cogere ad religionis ingressum . ib. q. 4. excommunicantur cogentes ad ingressum . ib. **Decretum Tridentini** intelligitur de coactione propriè dicta . ib. q. 5. excommunicatio contra cogentes extenditur ad dantes consilium, auxilium, consensum, aut favorem. ib. q. 6. Ad incurrendam excommunicationem requiritur effectus . ib. q. 7. Pro coactione inducenda sufficit metus, si sit gravis. ib. q. 8. etiam reverentialis, si oriatur ex declaratione voluntatis parentum. ib. q. 9. Peccant moniales scienter recipientes puellam coactam. ib. q. 12. & contrahunt excommunicationem. ib.

Cogere puellas ad ingressum monasterii causa solius educationis quando sit peccatum . c. 7. §. 8. q. 2. an prædicta coactio, quando est peccaminosa, trahat excommunicationem. ib. q. 3. quid si proveniat tantū ex metu reverentiali . ib. q. 4.

Collocutio . v. Clausura quoad accessum extraneorum .

Collocutio. Prælati regulares non possunt colloqui sine licentia . c. 7. §. 10. q. 7. Neque Canonici Cathedralis . ib. q. 8.

Com-

Communio. Tenentur moniales ad communionem singulis mensibus .c.8. §.3. qu.1. Potest indulgeri aliquando communio quotidiana .ib. q.3. Potest Episcopus prescribere monialibus locum , & tempus recipiendi communionem . ib. q.4.

Communio. Monialis pergens ad communionem , si recordetur peccati mortalis , quid agere debeat . cap. 8. §. 3. q.2. Non est peccatum post communionem immediatè pergere ad prandium .ib. q.5. Communio cum particula non consecrata non est licita . c. 6. §. 12. q.7.

Confessarius monialium siue exemptarum , siue non à quo eligi debeat . c. 6. §. 6. q.1. & 2. Ad quot annos eligi debeat . ib. q.3. An possit monialibus recusari .ib. q. 5. Quinam prohibeantur eligi in confessarios ordinarios .ib. q.6. & 7. Ex quo loco debeat audiri confessio . ib. q.8. Quale stipendium tradi debeat confessario . ib. q.9.

De officio confessarii , & quomodo se gerere debeat cum monialibus vel indispositis ad confessionem , vel versantibus in occasione proxima , vel alias malè confessis . c. 6. §. 7. per totum .

Quomodo se gerere debeat cum monialibus scrupulosis . c.6. §. 11. per totum .

Confessarius quomodo se gerere debeat cum moniali habente visiones , & revelationes . c. 6. §. 12. per totum .

Confessarius ingrediens clausuram . v. Clausura quoad ingressum Confessarii .

Confessarius extraordinarius , etiam Regularis , à quo eligi debeat , & approbari . c.6. §. 11. q.1. Quot vicibus debeat concedi . q.2. & 3. An possit deputari pro moniali particulari , ib. q.4. An oblatum ab Episcopo possint monia-

niales recusare, ib. q. 5. Antepore Jubilæi possint eligere non approbatum specialiter pro ipsis. ib. q. 6. Quibus temporibus, & ad quot dies debeat deputari. ib. q. 8. Ant tempus incipiat currere à die expeditæ licentiæ, vel incepti ministerii. ib. q. 9. An elapso termino possit perfici confessio in tempore habili incepta, ib. q. 10.

Confessio singulis mensibus à monialibus fieri debet. c. 8. §. 3. q. 1.

Confirmatio Abbatissæ à qua faciendâ. c. 9. §. 4. q. 1. An stante oppositione electio sit confirmanda. ib. q. 2. Prælatus absens potest electionem confirmare ib. q. 3. Abbatissa electa non potest ante confirmationem ministrare. ib. q. 4. Excipiuntur aliqui casus. ib.

Confirmationis Sacramentum ministrari debet Novitiæ, antequàm suscipiatur ad probationem. c. 11. §. 4. q. 1. itē moniali, antequàm consecratur. c. 3. q. 9. Non potest Episcopus ingredi clausuram ad illud ministrandum, sed debet ministrari ad fenestellam, c. 7. §. 4. q. 2. Non possunt moniales suscipere pueros in Confirmatione. c. 11. §. 1. q. 29.

Consecratio monialiū quando fuerit introducta. c. 3. q. 1. Ad quem spectet. ib. q. 2. Quo tempore fieri debeat. ib. q. 3. quo loco. ib. q. 4. in qua ætate. ib. q. 5. monialis consecranda debet esse professa, & virgo. ib. An possit consecrari corrupta, si communiter reputetur ut virgo. ib. q. 6. Quid si per vim, & sine sua culpa, vel per medicinæ artem, ad sanitatē tuendam, fuerit corrupta. ib. q. 7. & 8. An debeat esse Sacramēto Confirmationis munita. ib. q. 9. An consecratio possit iterari. ib. q. 10. An, & quomodo cōferat gratiā. ib. q. 12.

Contractus. Quos Contractus possit celebrare Abbatissa sine consensu Capituli. cap. 11. §. 1

q. 14. Tenetur Conventus stare contractus factus de consensu Abbatisſæ , & majoris partis Capituli . ib. 15. & 16.

Converſæ. Quid in earum receptione ſit obſervandum. c. 11. §. 11. qu. 1. Sunt veræ religioſæ. ib. q. 2. tenentur ad perpetuam clauſuram. ib. qu. 3. Poſſunt aliquando egredi ad quæritandum. ib. Non tenentur ſub mortali recitare orationes indiſtas per regulam . ib. q. 4. Chorista poteſt ad converſarum ſtatum transferri, ib. q. 5. Tenentur ſub mortali ad ea, ad quæ ex officio ſunt deputatæ . ib. qu. 6. Peccant negligendo conſervationem illarum rerum , quæ ſunt earum curæ commiſſæ. ib. qu. 7. An excommunicatio lata ab Epifcopo contra moniales afficiat Converſas. ib. q. 8.

D

Diſcretæ, ſeu Decanæ ad quid teneantur. c. 11. §. 2. q. 4. & ſeq. Debent cum aliis intereſſe, quando ob bonum regimen monaſterii convocantur ab Abbatiſſa. ib. q. 4. Nec poſſunt ſine ſcrupulo tacere. ib. q. 5. Etiam ſi prævideant, Abbatiſſam fore contriſtandam , & magis ex contradicitione in ſua ſententia obſirmandam. ib. q. 6. & 7. Tenentur de monialium tranſgreſſionibus Abbatiſſam admonere. ib. q. 8.

Dos, quo titulo accipi poſſit in admiſſione monialis . c. 2. §. 5. q. 1. poteſt illam monaſterium recipere , etiam ſi ſit dives. ib. qu. 2. Ad quem ſpectet illam taxare. ib. qu. 3. Non poteſt monaſterium paciſci de majori dote , quia puella eſt vilis. ib. qu. 4. An poſſit aliquid recipi ultra dotem. ib. qu. 6. An legatum dotis pro virginibus maritandis poſſit dari monacandis. ib. q. 7. Cum inquam competat dare dotem puellæ religioſæ.

nem.

nem ingredienti. *ib.* q. 9. & seq. Non est liberum monialibus recipere puellam sine dote. *ib.* q. 11. Quando debeat solvi. *ib.* q. 12. Si factio deposito dotis moriatur depositarius, & hæreditas illius non sit solvendo, cuinam competat solutio dotis. *ib.* q. 13. An ratione damni emergentis, vel lucri cessantis ex dilatione dotis possit monasterium aliquid amplius exigere. *ib.* q. 14. An possit alienari dos tradi solita monasterio. *ib.* qu. 15. Dos non potest investiri sine debita solemnitate in ædificando monasterio. *ib.* q. 16. benè tamen in redemptione census, & quando. *ib.* q. 17. in quibus bonis debeat solvi dos. *ib.* qu. 18. & seq. monialis transiens ad aliud monasterium non defert secum dotem secundum aliquos. *ib.* qu. 20. neque usufructum dotis. *ib.* qu. 21. Quid si secundum monasterium cogatur illam recipere. *ib.* qu. 22. & seq. monasterium non acquirit dotem Novitiæ morientis infra annum probationis, licèt professionem emitat ex privilegio. *ib.* qu. 24.

E

Educandæ. *v. Puella educanda.*

Electio. Quot annos ætatis, & professionis habere debeat eligenda in Abbatisſam. c. 9. §. 1. q. 1. Super etate neque Episcopus, eque Nuntius potest dispensare. *ib.* Quid agendum si non adsit in monasterio habens requisita. *ib.* q. 2. Illegitima eligi non potest. *ib.* q. 4. Neque corrupta. *ib.* q. 5. non tamen obſtat corruptio secreta. *ib.* Potest immediate eligi Soror antecedentis Abbatisſe. *ib.* q. 7.

A quibus eligi debeat Abbatisſa c. 9. §. 2. q. 1. Quomodo debeat ferre ſuffragium monialis

monialis infirma. *ib.* q. 2. Episcopus vel Superior regularis etiam in discordia eligentium non possunt ferre suffragium. *ib.* qu. 3. Quid agere debeat Superior, si contingat, moniales non esse concordēs in electione. *ib.* Quomodo eligi debeat Abbatisſa. *ib.* qu. 4. An vota debeant eſſe ſecreta. *ib.* q. 5. Quot ſuffragia requirantur. *ib.* q. 6. Quo in loco fieri debeat electio. *ib.* q. 7. Quinam debeant præſidere electioni. *ib.* qu. 8. Regulares tenentur notificare Episcopo electionem faciendam Abbatisſæ. *ib.* Non tamen Prælatiſ habentibus jurisdictionem quaſi Episcopalem. *ib.* q. 9.

Ad triennium eligi debet Abbatisſa. c. 9. §. 3. qu. 1. Neque expleto triennio, immediate reeligi ad aliud triennium. *ib.* q. 2. expleto triennio Abbatisſa ex diſpenſatione eligatur ad aliud triennium, non poteſt rursus expleto ſecundo triennio de novo eligi abſque diſpenſatione ad tertium triennium. *ib.* q. 3. Electio à quo ſit confirmanda. *v.* *Confirmatio.*

Egreſſus è Claſura quando monialibus ſit licitus. *v.* *Claſura quoad egreſſum.*

Eleemoſyna. Monialis de peculio ſibi conſeſo poteſt aliquid in eleemoſynam erogare pauperibus. c. 4. §. 2. q. 15. etiam conſanguineis, & quam ſummam. *ib.* qu. 16. Abbatisſa de ſuperfluis tenetur eleemoſynas elargiri. c. 11. §. 1. qu. 23. Celleraria poteſt de bonis monaſterii aliquas eleemoſynas erogare. c. 11. §. 9. qu. 8.

Epicheja poteſt habere locum quoad dandum, & recipiendum ſine expreſſa licentia Abbatisſæ. c. 4. §. 1. q. 17.

Exploratio voluntatis. *v.* *Voluntas.*

F

Fœminæ ab Ordinario loci præceptum tenentur moniales observare. cap. 8. §. 3. quæst. 9. An in die festo sit licitum acupingere. ib. quæst. 10.

Famulæ an introducendæ intra claustra monialium pro earum obsequiis. cap. 7. §. 7. qu. 1. debent servare clausuram. ib. Possunt introduci etiam pro obsequio particularium monialium. ib.

Fœminæ aliquando veniunt in materia odiosa cum viris. c. 6. §. 5. q. 1. Possunt cum licentia Papæ aliquando ingredi clausuram. c. 7. §. 7. per totum; ubi quid debeant observare.

Fundatrices non possunt ingredi clausuram. c. 7. §. 7. q. 4.

G

Generales non possunt audire confessiones monialium sui Ordinis sine Episcopi approbatione. c. 6. §. 6. q. 2.

H

Hermaphroditus non potest recipi ad habitum religionis. c. 2. §. 1. q. 5.

Horæ canonicæ. Moniales tenentur publicè officium divinum in choro persolvere. c. 8. §. 1. q. 1. Non tamen uti singulæ. ib. Anteneantur in Choro recitare officium parvum B. V. Defunctorum &c. ib. q. 2. Canentes in choro non satisfaciunt, si ad partem alterius non attendant. ib. qu. 3. monialis, quæ ad chorum pergit hora jam cœpta, debet cum aliis cantando pergere. ib. Moniales

les tenentur ad privatam horarum canonicarum recitationem ib. q. 5. Utentes Breuiario Monastico, an uti possint Romano. ib. q. 10. An teneantur recitare officia propria Sanctorum sui Ordinis. ib. q. 11. An extra chorum teneantur recitare officia defunctorum, quæ pro benefactoribus in choro solent recitari. ib. q. 12. An moniales gaudeant aliquo privilegio, per quod excusentur à recitatione officii divini c. 10. qu. 13. An possint satisfacere præcepto, horas canonicas mentaliter recitando. ib. q. 15. Gaudent privilegiis pro supplendis defectibus in officio divino commissis. ib. qu. 16. Quid indulgeat Leo X. per orationem illam Sacrosanctæ, ib. q. 17.

I

I Janitoria qualis esse debeat. c. 11. §. 9. qu. 1. Quando peccet non custodiendo januam ib. qu. 2. peccat non impediens, vel admit- tens ingredientem intra clausuram sub prætextu facultatum. ib. q. 7. item ingre- dientem sine licentia, licet non sub præ- textu facultatum. ib. q. 8. Non tamen si il- lum admittat ad illum tuendum à gravi damno. ib. q. 9. Peccant Janitoria & Ro- taria non revelantes Abbatissæ delicta oc- cultè ad januam, & rotam perpetrata. q. 3. item non impediens missionem litterarū. qu. 4. item curiosius inquirentes, quæ ad ip- sas non spectant. q. 5. item aperiendo lit- teras monialium. q. 6.

Jejunium. Non tenetur, regulariter loquendo, moniales sub mortali ad jejunium Adventus c. 8. §. 4. q. 1. An ad jejunia indicta ab Episcopo. ib. q. 4. An ad jejunia loci, quæ ex con- suetudine obligant tam laicos, quàm clerico- cos. ib. q. 5. An teneantur ad jejunia regu-
lar

læ ante annum vigesimum primum. ib. qu. 6. An sexagenariæ. ib. quæst. 7. An in jejuniis extra Quadragesimam possint uti lacticiis, ubi viget consuetudo apud sæculares. ib. q. 8. An possint horam prandii consuetam anticipare. ib. q. 9. An in jejuniis lætitia possint sumere ampliorem refectiunculam. ib. q. 10. v. *Infirmæ*.

Jejunium. Moniales S. Claræ non tenentur sub mortali ad jejunia regulæ. cap. 8. §. 4. q. 2. Potest anticipari jejunium ex voto, si incidit in Dominica: ib. quæst. 3. Concurrente eodem die jejunio præcepto à regula, & ab Ecclesia, violatio illius est duplex peccatum. ib. q. 11. Possint Moniales dispensari in jejunio per propriū Confessarium. ib. q. 12. A ieiunio excusatur infirmaria in servitio plurimorum infirmorum occupata c. 11. §. 7. qu. 7.

Indulgentia. An moniales, si ve exemptæ, si ve non, gaudeant indulgentiis non solum proprii Ordinis, sed etiam aliorum. cap. 10. q. 18. an moniales Sedi Apostolicæ, aut Ordinario subiectæ possint in suis templis exponere indulgentias Ecclesiis Ordinis pro sæcularibus concessas, v. g. indulgentiam Portiunculæ. ib. qu. 19.

Infirma. Novitia, quæ toto anno probationis fuit infirma, potest admitti ad professionē c. 2. §. 6. qu. 16. monialis infirma an teneatur iussis medici obtemperare. c. 11. §. 6. q. 1. An in veredis teneatur chirurgi curam subire ib. qu. 2. Peccat, si respuat humanum remedium, quod facile haberi potest, soli se divinæ providentiæ committens. ib. q. 3. itē si illud respuat, ut citius ab huius vitæ crūnis sit libera. ib. q. 4. Item si bibat, advertēs potum fore notabiliter nociturum. ib. q. 5.

An,

An, & quando excusetur à recitatione officii. *ib. q. 6. & seqq.* An, & quando excusetur à jejunis, *ib. q. 13. & seqq.* An & quando excusetur ab audienda missa. *ibid. q. 17.* Non licet monialibus infirmis celebrare facere in suis cellis. *ib. q. 18.* Infirma dubitans an tenetur recitare officium, jejunare &c. teneantur obedire Abbatisſæ præcipienti, ne recitet, ne jejunet. *ib. q. 19.* An possit acquirere in lecto indulgentias cōceſſas visitantibus Ecclesiam. *ib. q. 20.* Monialis infirma quomodo debeat ferre suffragium in electione. *c. 9. §. 2. q. 2.*

Infirmaria qua diligentia debeat vacare suo ministerio. *c. 11. §. 7. q. 1.* in quibus præcipuè possit peccare. *ib. q. 2.* An cum periculo vitæ teneatur parere Abbatisſæ precipienti, ut monialibus contagioso morbo laborantibus deserviat. *ib. q. 3.* An possit licitè egredi è clausura ad vocandum medicum, vel confessarium. *ib. q. 4.* In quibus casibus excusetur ab audienda missa, & à jejunio, *ib. q. 5. & 7.* An in diebus prohibitis possit aliquid comedere carniū ad excitandum in infirmis appetitum. *ib. q. 6.*

Interdictum. Quibus privilegiis gaudeant moniales tempore interdicti *c. 10. q. 6.* An iisdem gaudeant famuli, aliique monialium officiales. *ib. q. 7.* Possunt aliquando tempore interdicti generalis publicè divina peragere. *ib. q. 8.* Neque vigore Tridentini sunt revocata privilegia. *ib. q. 9.*

L

Legatio munerum. *v. Munere.*

Legatum dotis p̄o. virginibus maritandis an dari possit monacandis. *c. 2. §. 5. q. 7.*

Legat-

Legatum pro necessitatibus infirmarum non valet, si monialis ex instituto, solis elemosynis vivant. c. 11. §. 6. q. 27

Licentia Episcopi pro renuntiatione honorum. v. *Renuntiatio*. Superioris pro expendendo peculio. v. *Peculium*, licentia petita se confitendi alteri sacerdoti, & injustè negata, non dat facultatem ad actum, c. 6 §. 7. q. 9.

Licentia ingrediendi clausuram à quo sit concedenda. cap. 8. §. 2. quæst. 1. 2. Non potest illam concedere Abatissa. ib. quæst. 3. debet esse in scriptis. ib. q. 4. & specialis. ib. q. 5. In aliquo casu est licitus ingressus sine licentia in scriptis, vel ore tenus concessa. ib. q. 6. An in tali casu sit postulanda ab Abbatissa. ib. q. 7. Licentia absolutè & indefinitè concessa extinguitur prima vice. ib. q. 8. Quænam causa requiratur ad concedendam licentiam. ib. §. 3. q. 1. Necessitas debet se tenere ex parte monasterii. ib. q. 2. cessante iusta causa tempore ingressus, non est tutus in conscientia ingrediens, licet adfuerit iusta causa tēpore cō cessionis. ib. q. 3. Finito ministerio, ob quod ingressus est, peccat, si non statim egrediatur. ib. q. 4. Ingressus cum legitima licentia, & iusta causa, si fornicetur, delinquit contra præceptum clausuræ. ib. q. 5.

Ad quem spectet concedere licentiā accedendi ad colloquendū cum monialibus. c. 7. §. 10. quæst. 13. Episcopi possunt talem licentiam Regularibus concedere. ibid. qu. 15. Ita tamen ut possint etiam denegare. ibid. qu. 17. licentia pro una die, si quis utatur pro altera, non incidit in poenas. ib. quæst. 18. licentia concessa ad concionandum non se extendit ad colloquen-

quendum. ib. q. 19. Licentia non se extendit ad focium, ib. q. 20.

Licentia egrediendi a quo debeat peti in casibus permissis. 7. §. 9. quæst. 4. v. *Clausura quoad egressum.*

Litaniae majores, & minores, an teneantur moniales recitare sub mortali. cap. 8. §. 1. quæst. 2.

M

Magistra Novitiarum a quo, per quod tempus, & cujus ætatis eligi debeat. cap. 11. §. 3. quæst. 1. Ad quid teneatur, ut recte suum munus exerceas. ib. quæst. 2. Quomodo debeat instruere novitias in regula. ib. quæst. 3. In quibus illas exercere. ib. q. 4. An illas debeat regere in spiritu lenitatis, vel rigoris. ib. quæst. 5. An & quando percutiens novitias correctionis causa incidat in excommunicationem. ib. q. 6. & seq.

Malefactor. Ad expellendum malefactorem potest iudex ingredi clausuram. cap. 1. §. 5. quæst. 10.

Missæ. Moniales non tenentur audire missam frequentius, quam alii fideles, c. 9. §. 2. q. 1. Possunt aliquando illa omittere. ib. q. 2. An teneantur procurare quotidie Missæ conventualis celebrationem. ib. q. 6. Qualem Missam celebrare debeant earum Capellani. ib. q. 7. Quot Missæ in Ecclesiis earum possint quotidie celebrari. ib. q. 8.

Munera. An, & quomodo munerum largitio sit monialibus prohibita. cap. 4. §. 4. per totum.

N

Novitiæ . An illis debeat conferri Sacramentum Confirmationis, antequâ suscipiantur ad probationē . c. 11. §. 4. q. 1. An obligentur ad observantias regulares . ib. q. 2. Non tenentur profiteri secundum rigorem regulæ ib. q. 9. An Novitia frequentes stimulos , & lapsus carnis experta possit religiosa vota emitte . ib. q. 10. An si religionis austeritates Novitię ita sint nociturę , ut vita sit notabiliter abbreviāda, possit profiteri . ib. q. 11. An peccet egrediendo . ib. q. 12. An egrediens teneatur ad expensas factas a monasterio . ib. q. 13. volens discedere non potest impediri ex eo quod non solverit expensas ib. q. 14. Neque potest denegari professio, ex quo noluit solvere expensas debitas ex pacto . ib. Novitiæ egredienti est restituendus habitus factus suis expensis . ib. q. 15. Novitia potest sibi eligere sepulturam . ib. q. 16. Ubi sit sepelienda, si decedat non electa sepultura . ib. q. 16. quid si esset in proposito redeundi ad sæculum . ib. q. 18. Quibus expensis sepelienda . ib. q. 19. Gaudet privilegio canonis, fori . ib. q. 21. & aliis privilegiis religionis . ib. q. 22. Ex privilegio possunt profiteri infra annum probationis in articulo mortis . c. 2. §. 5. q. 23. & c. 11. §. 4. q. 20.

Novitiæ voto religionis obstrictę non tenentur ad observantias regulares, c. 11. §. 4. q. 3. neque tenentur implere vota personalia . ib. q. 4. Inredientes religionem ficto animo non tenentur novitiatum repetere, si mutata sententia profiteantur . ib. q. 6. etiā post admissionem factam a Capitulo possunt dimitti

mitti nova causa emergente. *ib.* q. 7. Præcedere debet novitia prius admissa ad professionem. *ib.* q. 8. Novitiæ quando subduntur casibus reservatis. *ib.* q. 5.

Numerus. Non possunt puellæ recipi supra numerum. *c.* 2. §. 1. q. 19. etiâ si secum deferant dotem, ex qua valeant sustentari. *ib.* q. 19. & si admittantur; earum professio est irrita. *ib.* q. 20. Neque potest Episcopus numerum augere, licet fructus annui augeantur. *ib.* quæst. 21.

O.

Obedientia. Quid sit votum obedientiæ. *c.* 6. §. 1. q. 1. In dubio obediendum superiori. *ib.* q. 2. Quibus superioribus teneantur moniales parere. *ib.* q. 5. An Abbâtissa possit præcipere in virtute obedientiæ. *ib.* q. 7. An possit præcipere omnia, quæ potest Prælati regularis suis subditis. *ib.* q. 8. An possit cogere monialem ad acceptandû aliquod officium, non obstante pacto in contrarium. *ib.* q. 10. An superior possit imponere præcepta obligantia sub mortali in re levi. *ib.* q. 11. Quænam sit forma faciendi præcepta obligantia sub mortali. *ib.* q. 13. An verba præcipio, jubeo &c. obligent sub mortali. *ib.* q. 14.

Oblatæ non tenentur eligere Præsentem triennale, sed possunt perpetuam. *c.* 9. §. 3. q. 4.

Obligatio monialium erga propriam regulam. *v. Regula*: Obligatio canendi officium in choro cadit in superiores. *v. Hora canonica*. Officium Divinum. *v. Hora canonica*.

Ordinarius. An, & quomodo moniales subiciantur Ordinario. *c.* 6. §. 2. q. 1. An Vicario Generali, & Capitulo Sede vacante, *ib.* q. 2. An moniales exemptæ possint Ordina-

Index Rerum Notabilium.

no se subdicere . ib. q. 3. Quando moniales exemptæ debeant subijci . ib. q. 9. An subijciantur Ordinario quò ad novi monasterii constructionem . ib. q. 5. An moniales Ordinario subiectæ subiaceant casibus, quas ipse Ordinarius generaliter sibi reservat . ib. q. 9. An possit reservare casus circa clausuram in Ordine ad moniales exemptas . ib. q. 11. Quomodo moniales sive exemptæ, sive non, subdantur Ordinario quoad officialium electionem . ib. 13. & 14. An regulares conacionaturi ad crates teneantur benedictionem petere ab Ordinario . ib. q. 15.

P

Paupertas, quid sit, quos pariat effectus, quomodo, & quando violetur . c. 4. §. 1. per totum .

Peculium. Quomodo possit haberi a moniali . c. 4. §. 2. q. 1. an monialis possit aliquid de peculio ludo exponere . ib. q. 9. an negotiationi . ib. q. 19. An fundare censum pro missarum celebratione post mortem . ib. q. 12. An aliquid pauperibus elargiri . ib. q. 15. etiam consanguineis, & quam summam, ib. q. 16.

Peculium non potest expendi sine licentia superioris. c. 4. §. 3. qu. 1. Quotuplex sit licentia . ib. Quas condiciones debebat habere . ib. q. 3. & seq. Ad quem superiorem spectet licentiam concedere . ib. q. 10. Ad quam summam possit se extendere superioris licentia . ib. q. 11.

Percutiens monialem nulliter professam, sed ut professam reputatam, non incurrit in excommunicationem. c. 2. §. 6. q. 10.

Perfectio. Ad perfectionem tenentur tendere mo-

re moniales. c. 1. §. 1. q. 1. An sub mortali
ib. q. 2. Quando peccent contra hoc præ-
ceptum ib. quæst. 3.

Pœna. Quibus pœnis, & in quibus casibus sub-
jiciantur moniales. c. 6. §. 5. per totum.

Portinaria, v. Janitoria.

Prælati Regularis habet in monialibus sibi
subditis potestatem ordinariam. c. 6. §. q. 1.
non solum directivam, sed etiam coerciti-
vam ib. q. 3. In quibus subdantur suo Præla-
to regulari. ib. q. 2. Potest quoad ipsas casus
reservare. ib. q. 4. Non tamen de bonis illarū
disponere ipsis invitis, ib. q. 5. Si habet u-
sum baldachini, potest illud erigere in ec-
clesiis monialium sibi subditarum. ib. q. 6.

In quibus casibus, & quo comitatu pos-
sint ingredi clausuram monialium sibi sub-
ditarum. c. 7. §. 4. per totum.

Quando debeat illas visitare. c. 6. §. 4.
q. 1. & seqq.

Privilegium. Moniales exemptæ gaudent
privilegiis suorum Ordinum. c. 10. q. 1. E-
tiam Episcopo subjectæ. ib. q. 2. Quomo-
do istæ possint uti privilegiis regularium, ad
quorum usum requiritur ministerium Præ-
lati regularis. ib. q. 4. Quomodo possint uti
privilegiis, ad quorum usum requiritur a-
ctus superioris habentis potestatem spiritua-
lem. ib. q. 5. Quibus privilegiis gaudeant tē-
pore interdicti. v. *Interdictum*. Quibus pri-
vilegiis in recitatione officii. v. *Hora canonicæ*.

Professio. Quid requiratur ad validam monia-
lium professionem. c. 2. §. 6. q. 1. & seq. Unde
oriatur nullitas professionis. ib. q. 3. & seqq.
in dubio censetur valida. ib. q. 6. Monialis
certa de nullitate, & destituta omni pro-
batione non tenetur illā ratificare. ib. q. 7.
etiamsi dederit causam nullitati. ib. q. 8.

Quid requiratur ad ratificandam professionem. *ib.* q. 11. Monialis ratificans professionem potest retinere locum debitum ex priori professione. *ib.* q. 12. Ad quem spectet admittere novitiā ad professionem. *ib.* q. 13. Potest reclamare, si injuste fuerit exclusa. *ib.* q. 14. constituto de gravamine potest Episcopus illam admittere. *ib.* q. 15. Ad professionem potest admitti novitia, quæ toto probationis anno fuit infirma; *ib.* q. 16. Qualis litteratura requiratur in Novitia. *ib.* q. 17. Ad quem spectet acceptare professionem Novitiæ. *ib.* q. 21. & seqq. quæ privilegia consequatur monialis ex emissionem professionis. *ib.* q. 23. Quale peccatum pœnitere de emissa professione. *ib.* q. 24.

Puellæ educandæ possunt recipi in monasteria monialium servatis certis conditionibus. c. 7. §. 8. q. 1. Si exeant a monasterio absque superioris licentia, non incidunt in excommunicationem. *ib.* q. 5. Annus septimus requisitus ad hoc, ut puella possit recipi, debet esse completus. *ib.* q. 6. Neque Ordinarius potest dispensare. *ib.* Neque quod permaneat in monasterio ultra annum ætatis vigesimum quintum completum. *ib.* Per hoc, quod Puella non statim egreditur, non incurrit excommunicationem. *ib.* An puellæ manentes in monasteriis exemptis subiaceant Episcopo. *ib.* q. 7. Ubi debeant sepeliri, si contingat, eas mori non electa sepultura. *ib.* q. 10.

Puellæ recipiendæ. Quæ conditiones sint attendendæ in puellis recipiendis. c. 2. §. 1. q. 1. Amentes in aliquo genere possunt admitti. *ib.* q. 2. Item viduæ, & illicitè corruptæ. *ib.* q. 4. Non verò Hermaproditus. *ib.* q. 5. nec scandalosæ, flagitiosæ, aut excommunica-

nicatæ, ib. q. 6. Conditiones præscriptæ a Sixto V. pro Novitiorum receptione, non extenduntur ad Moniales. ib. q. 9. Non possunt recipi ante annum duodecimum expletum, ib. q. 10. Requiritur monialium consensus, ib. q. 11. & etiam licentia Episcopi, & Prælati cui subsunt, ib. q. 12. requiritur licentia etiam quoad monasteria regularibus subiecta, ib. q. 13. Renuente Abbatissa possunt Moniales recipere puellam ad habitum, ib. q. 14. Non tamen Episcopus, & Prælati invitus Monialibus, ib. q. 15. nisi monasterium indigeat, ib. Peccant moniales rejicientes puellas idoneas, ib. q. 16. Puella semel ac iterum capitulariter exclusa potest admitti, ib. q. 17. & capitulariter admissa, ex justa causa potest repelli, ib. Non possunt puellæ recipi supra numerum, ib. q. 18. etiam si secum deferant dotem, ex qua valeant sustentari, ib. q. 19. & si admittantur, earum professio est irrita, q. 20. Neque potest Episcopus numerum augere, licet fructus annui augeatur, ib. q. 21.

R

R eceptio puellarum, v. *Puella recipienda.*

Regula quomodo obliget, c. 1. §. 2. q. 1.

Violatio regulæ ex contemptu est peccatum mortale, ib. Non est contemptus violare regulam ex consuetudine, ib. q. 2. Non

tenentur moniales servare Regulam in suo primo rigore, ib. q. 3. Tenentur reformationem amplecti, ib. q. 4.

R enunciatio bonorum ante professionem quomodo facienda, c. 2. §. 4. q. 1. Qui contractus comprehendantur sub nomine renuntiationis, ib. q. 2. & seqq. Quænam solemnitates requirantur, ib. q. 5. & seqq. Quo tempore

- facienda sit renunciatio, ib. q. 13. Facta ante ingressum religionis valet, ib. q. 4. Potest revocari non secuta professione, ib. q. 16. Requiritur licentia Episcopi, & quinam veniant nomine Episcopi, ib. q. 17. & seqq. An requiratur in scriptis, ib. q. 20. 1106
- Repræsentationes quando possint fieri in Ecclesia, c. 5. q. 18. In repræsentationibus non peccant moniales dimittendo habitū, ib. 17
- Reservatio. An Moniales Ordinario subiectę subjaceant casibus, & censuris generaliter pro tota diœcesi reservatis, c. 6. §. 2. q. 8. & seqq. An moniales regularibus subiectę subdantur casibus in religione reservatis, c. 6. §. 3. q. 4. An Episcopus possit sibi reservare casus in ordine ad clausuram quoad moniales exemptas, c. 6. §. 2. q. 12. A quo debeant absolvi, ib. An moniales possint a proprio confessario absolvi a casibus Papæ reservatis, c. 6. §. 8. q. 1. A quo in prædictis casibus debeat impetrari facultas, ib. q. 2. Quid circa casus Bullæ Cœnæ, ib. 3. An Episcopus possit illas absolvere ab hæresi occulta, ib. q. 4. Quid de Prælati regularibus circa moniales subditas, ib. q. 5. An moniales fruantur aliquo privilegio, quoad prædictam absolutionem, ib. q. 6. An possint absolvi per proprium confessarium a reservatis Episcopo, ib. q. 7. & in quo casu, ib. q. 8. & 12.
- Revelationes, *v. Confessarius*. 1107
- Rotaria qualis esse debeat, c. 11. §. 10. q. 2. An peccet rotam non custodiens, ib. q. 2. in quibus aliis possit peccare, ib. q. 3. & seqq. 1108

S

Sacristana peccat mortaliter negligendo conservare lampadem accensam coram Sanctissimō, c. 11. §. 3. q. 1. Item exponendo

Sa-

- Sacerdotibus** celebraturis vestes sacras ceras, aut notabiliter immundas, ib. q. 1. Quando vestes censendę sint notabiliter lacerę, aut immundę, ib. q. 8. Item convertendo vestes sacras in usus prophanos, si retineant propriam formam, ib. q. 9. secus vero amissa forma, ib. q. 10. Non peccat, si illa vendat, & commutet, ut de melioribus provideat, ib. q. 11. Potest tangere calices, & corporalia, ib. q. 12. Non peccat, si aquam, in qua primum lavantur corporalia, non projiciat in sacrarium, ib. q. 13. Potest aliquid largiri Prælato occasione suarum festivitatum, ib. q. 16. Et etiã Capellanis, ib. q. 17.
- Sacristana** respondere potest in missa, c. 11. §. 5. q. 2. Potest colloqui cum Capellanis, ib. q. 3. Peccat admittendo Sacerdotes ad celebrandum contra superioris prohibitionem. Item si admittat ad venas sine litteris testimoniis, ib. q. 4. & 5. etiam in monasteriis exemptis, ib. q. 6. Potest lavare corporalia, & purificatoria in die festo, & etiã ornare templum, & hostias conficere, ib. q. 14. Vacans per notabilem diei partem ornatui Ecclesię excusatur a jejuniis, ib. q. 15. Non licet ministrare prandium Confessario, ib. q. 18.
- Scrupulus.** Traduntur varię regulę pro sanandis monialibus scrupulosis, c. 6. §. 11. per totum.
- Sepultura.** Moniales non possunt in propria Ecclesia exteriori admittere personas laicas ad sepulturam, c. 10. q. 10.
- Sigillum.** Qua diligentia debeat sigillum custodiri, c. 6. §. 9. q. 1. Quęnam cadant sub sigillo, ib. q. 2. Quibus locutionibus frangatur sigillum, ib. q. 3. Frangitur aliquando per omissionem, ib. q. 4. Item loquendo cum moniali extra confessionem de errore in
con-

confessione commissio, ib. q. 5. Item per usum scientiæ habitæ in confessione, ib. q. 6. Peccitens non tenetur ad sigillum, sed tantum aliquando ad secretum naturale, ib. q. 8. Soror. Pro tertia sorore solvenda est dos duplicata, & triplicata pro quarta, c. 2. §. 5. q. 3. Soror antecedentis Abbatissæ potest immediate eligi, cap. 9. §. 1. q. 7.

T

Tertiariæ, quænam dicantur, c. 11. §. 12. q. 1. A quibus ad habitum, & professionem sint admittendæ, ib. q. 2. Quæ qualitates in eis requirantur, ib. q. 3. An defectus huiusmodi qualitatū irritet receptionem, aut professionem, ib. q. 4. Quibus Prælati subijciantur, ib. q. 5. Qualiter peccent suâ professionem transgredientes, ib. q. 6. Quibus gaudeant privilegiis, ib. q. 7. A quibus recipere debeant Sacramenta, ib. q. 8. Quo in loco sint sepeliendæ, ib. q. 9. An consequi possint legatum factum pro monacatura, ib. q. 10.

V

Vaticum. An possit moniali periculoso morbo laboranti, potenti tamen adire Ecclesiam ministrari in cella, c. 11. §. 6. q. 22. moniali non potenti sumere Viaticum non potest deferri Eucharistia, ut adoretur, ib. q. 23. In administrando Viatico possunt omitti verba illa *Accipe Soror Viaticum* &c. ib. q. 24. Potest pluries in eadem infirmitate ministrari, ib. q. 25.

Vicaria. An carens debita ætate, & tempore professionis possit eligi in Vicariam, c. 9.

§. 1.

§. 1. q. 3. Vicaria an possit dici Prælatæ, c.

§. 2. q. 1. An possit monialibus præcipere et vi voti obedientiæ, ib. q. 2. An possit eligi in Abbatissam, ib. q. 2. Tenetur cum aliis interesse, quando convocatur ab Abbatissa ad decernendum aliquid spectans ad bonum commune, ib. q. 4. Nec potest sine scrupulo tacere, ib. qu. 5. etiamsi prævideat, quod contradicendo contristabitur graviter Abatissa, ib. q. 6. Imo etiamsi ex contradictione Abbatissa magis foret in sententia confirmanda, ib. q. 7. Peccat mortaliter non admonens de transgressionibus Abbatissam, ib. q. 6.

Visitatio monialium a quibus, quando, & quomodo fieri debeat, c. 6. §. 4. per totum.

Moniales in visitatione interrogatæ de regulari observantia, tenentur sub mortali respondere, ib. q. 5. In quibus casibus excusentur, ib. q. 6.

Unctio extrema repeti potest in eadem infirmitate variato statu, c. 11. §. 6. q. 26.

Voluntas puellarum a quo debeat explorari, c. 2. §. 2. q. 1. Semel tantum exploranda, si alicubi sit legitime præscriptum, ib. si omittatur prima, sufficit secunda, ib. Utriusque explorationis omissio est peccatum, sed non irritat professionem, ib. Ad quid sit ordinata voluntatis exploratio, ib. q. 2. Ubi fieri debeat exploratio voluntatis Novitiæ, c. 2. §. 6. q. 18. A quo tempore debeat Præfecta notificare Episcopo tempus professionis, ib. q. 19. An possit puniri Præfecta non notificans, ib. q. 20.

F I N I S.

516

511.250

511.250









005662674

